

საქართველოს სსრ მეცნიერებათა აკადემია
აკად. ს. ჯანაშიას სახ. საქართველოს სახელმწიფო მუზეუმი

ბ. ჯალაღბაძე

გეგინდვრობის კუდგუჩა აღმოსავდეთ სქარტვედოში

(ისტორიულ-ეთნოგრაფიული გამოკვლევა)



თბილისი
გამოცემლობა „მეცნიერება“
1986

ნაშრომში განხილულია საქართველოს ცალკეული ეთნოგრაფიული რეგიონების მემინდვრობასთან დაკავშირებული სამეურნეო კულტურები, შრომის იარაღები, შრომის ორგანიზაცია, მოსაელის ღვება-დაბინავება, რელიგიური რწმენა-წარმოდგენები და რიტუალები. მდიდარი ეთნოგრაფიული მასალის საფუძველზე დადგენილია მიწის მფლობელობისა და მიწით სარგებლობის თავისებურებანი. მოცემულია ცალკეული კუთხეების მიხედვით მიწის ზომის ერთეულები და მარცვლეულის საწყაოები. განსაზღვრულია ხელით სამუშაო და გამწევი ძალით მოქმედი იარაღების გენეზისი და მოქმედების არეალი.

ნაშრომი დიდ დახმარებას გაუწევს მიწათმოქმედების ისტორიით დაინტერესებულ სპეციალისტებს, ეთნოგრაფებს, ისტორიკოსებს, ეკონომისტებს, ენათმეცნიერებს და სოფლის მეურნეობის მუშაკებს.

ოედაქტორი ისტ. მეცნ. კანდიდატი მ. ჩ ა რ თ ო ლ ა ნ ი

რეცენზენტები: ისტ. მეცნ. დოქტორი შ. ლ ო მ ს ა ძ ე
ისტ. მეცნ. დოქტორი ვ. ი თ ო ნ ი შ ვ ი ლ ი

შ ე ს ა ვ ა ლ ი

„დედამიწა, — წერდა კ. მარქსი, — არის უდიდესი ლაბორატორია, არსენალი, რომელიც იძლევა როგორც შრომის საშუალებას, ისე შრომის მასალას, საცხოვრებელ ადგილს, კოლექტივის ბაზისს“¹. ქართველი ხალხის ეს უდიდესი ლაბორატორია მეტად თავისებურია. იგი კლიმატურ-გეოგრაფიული მრავალფეროვნების წყალობით ადამიანს საშუალებას აძლევს ნაირღარგოვანი მეურნეობა აწარმოოს. ამ პირობამ ხელი შეუწყო ძველი დროიდანვე მიწათმოქმედების განვითარება-დაწინაურებას. მიწათმოქმედება, — წერს ინგლისელი მეცნიერი ჯ. ბერნალი, — იყო ის დიდი რევოლუცია, რომელმაც ადამიანსა და ბუნებას შორის ახალ ურთიერთობას ჩაუყარა საფუძველი².

ჯ. ბერნალის აზრით, პირველი მიწისმოქმედნი მდინარის სანაპიროზე უნდა განსახლებულიყვნენ. მდინარეების პირაჲ ცხოვრება კი ბიძგის მიმცემი იყო სარწყავი არხების გამოგონება-განვითარებისა³.

რუსი გეოგრაფის ლევ მეჩნიკოვის შეხედულებით, ცივილიზაციის კერებს საფუძველი მდინარეთა სანაპიროებზე ჩაეყარა. ამ მოძღვრებას საფუძვლად ედო ის ფაქტიური მასალა, რომელიც დიდი მდინარეების (ეფრატის, ნილოსის, ტიგროსის, განგის, ხუანხეს, ინდას და სხვ.) სანაპიროებზე ძველი ცივილიზაციის კერების აღმოჩენამ განაპირობა.

უკანასკნელი გამოკვლევებით გაიკვია, რომ დიდი მდინარეების სანაპიროებზე ჩასახულ ცივილიზაციებს გარკვეულად წინ უსწრებდა სუბტროპიკული ზონის მთებისა და ზეგანის რაიონების ხელსაყრელ პირობებში მცენარეთა მოშინაურება-გაკეთილშობილების ეტაპი, სადაც საფუძველი უნდა ჩაყროდა პირველ მარტივ მიწათმოქმედების ფორმებს⁴.

1 კ. მარქსი, კაპიტალისტური წარმოების წინამორბედი ფორმები, თბ. 1952, გვ. 9.

2 Дж. Бернал, Наука в истории общества, М., 1956, с. 61.

3 იქვე, გვ. 63.

4 Н. И. Вавилов, Проблема происхождения мирового земледелия в свете современных исследований, М., 1932, с. 13; Н. И. Вавилов, Центры происхождения культурных растений, М., 1926, с. 105.

5. ვავილოვის შეხედულებით, პირველი სამიწათმოქმედო კერების აღმოცენება და განვითარება ავტონომიური ხასიათისა უნდა ყოფილიყო⁵. ამავე აზრისაა ი. მეშჩანინოვი. უფრო მეტი, იგი საერთოდ უარყოფს აზრს იმის თაობაზე, თითქოს ესა თუ ის კულტურული ფორმა მხოლოდ დიდი მდინარეების აუზში აღმოცენდა⁶. ადამიანის აზროვნების განვითარება, რომელიც ახალ-ახალ საფეხურზე აღიოდა, დამოკიდებული იყო ბუნებისა და ადამიანის ურთიერთობის ფორმების თავისებურებაზე. საწარმოო ძალთა განვითარების ხელშემწყობ პირობებს მაინც ისეთ კერებში ვხედავთ, სადაც გარემო საამისო საშუალებას იძლეოდა. 1932 წელს ნ. ვავილოვმა ახალი მეცნიერული მიღწევების შუქზე დაადგინა მიწათმოქმედების აღმოცენება-განვითარების შვიდი დიდი კერა.

აღნიშნული შვიდი კერიდან ყველაზე ძველი ცენტრები აზიის ქვეყნებზე მოდის, აქედან ყველაზე ადრინდელად მიაჩნია წინა აზია კავკასიითურთ⁷. ამ კერისათვის დამახასიათებელია სხვა ცენტრებთან შედარებით ყველაზე ადრე ცხოველთა გამწევე ძალად გამოყენება და ენდემური ხორბლეულის სიუხვე⁸.

სამეცნიერო ლიტერატურაში ცნობილი ხორბლის 17 სახეობიდან, საქართველოს ტერიტორიაზე დამოწმებულია 12, რომელთაგან მახა და ზანდური წარმოადგენენ იშვიათ ენდემებს. მათ მოყვანას გვი-

⁵ Н. И. Вавилов, Центры происхождения культурных растений, М., с. 137.

⁶ И. О. Мещанинов, Доисторическое переселение народов, ВКА, к. 29, 1928, с. 226.

⁷ Н. И. Вавилов, Проблема происхождения..., с. 7.

⁸ Г. А. Гулнев, Земледельческая культура Азербайджана, автореферат, Баку, 1968, с. 15; В. А. Бдоян, Земледельческая культура в Армении, автореферат, Тб., 1968, с. 125; Б. Аракелян, Гарни, Ер., 1952, с. 25; Ю. Марджанишвили, Основные биоэкологические факторы возделывания пшеницы в степной зоне Восточной Грузии, Тб., 1966, с. 10; В. Менабде, Ботанико-систематические данные в хлебных злаках древней Колхиде, Сообщ. Груз. фил. АН СССР, ч. I, № 9, 1940, с. 683—684; Н. Хоштария, Диха-Гудзуба, Древнее население Колхидской низменности, Вестник АН ГССР, т. V, № 2, 1941, с. 208—210; Н. Киладзе, Многослойный археологический памятник „Сагварджиле“, საქართველოს მეცნიერებათა აკადემიის შაბზე, ტ. XIV, № 9, 1953, გვ. 565. В. Менабде, Грузия древняя страна пшеничных, 1950, с. 17; В. М. Массон, Первообытное земледелие „Возникновение и развитие земледелия“, М., 1967, с. 10; К. Х. Кушнарева, Т. Н. Чубинишвили, Древняя культура Южного Кавказа, Тб., 1970, с. 5—6.

ანდლამდე მისდევდნენ რაჭასა და ლეჩხუმში, ხოლო ცოტა ადრე საქართველოს ზოგიერთ სხვა რეგიონშიც.

ენეოლითის ხანის მიწათმოქმედების კულტურა განსაკუთრებული სახით გამოავლინა ბოლო წლების არქეოლოგიურმა გათხრებმა. ამირანის გორამ (ახალციხის რაიონი)⁹, ურბნისი (ქარელის რაიონი)¹⁰, შულავერმა (მარნეულის რაიონი)¹¹, არუხლომ (ბოლნისის რაიონი)¹² და სხვა არქეოლოგიურმა ძეგლებმა წარმოაჩინეს ენეოლითური ხანის სამეურნეო დასახლების რთული კომპლექსები.

საქართველოს ტერიტორიაზე V—IV ათასეულში ბინადარი, მიწათმოქმედების მიმდევარი მოსახლეობაა, რომელსაც გააჩნია როგორც მარცვლეულის შესანახი ორმოები, ისე ხორბლის სასრესი ქვის იარაღები¹³. ამ პერიოდში ჯერ კიდევ არ ვიცით იყენებდნენ თუ არა პირუტყვს გამწევი ძალის დანიშნულებით. ამ კვალს მხოლოდ მეორე ათასეულის ბოლოს ვნახულობთ, რომლის საბუთს იძლევა საქართველოს ტერიტორიაზე რამდენიმე ადგილას აღმოჩენილი პურეულის ძნების საღეწი კევრის ნაშთები (ხოვლე, სამთავრო)¹⁴.

ენეოლითის გვიანდელ საფეხურზე და აღრენბრინჯაოს ხანაში, საქართველოს ტერიტორიაზე გუთნური მიწათმოქმედება ვითარდება, რის საფუძველზედაც აქტიურად მიმდინარეობს სახნავი ველების გაფართოება და ტყეების გატეხა. ამას საბოლოო ჯამში ის მოსდევდა,

⁹ ტ. ჩუბინიშვილი, ამირანის გორა, თბ., 1963; მისივე, მტკვრისა და არაქსის ორმდინარეთის უძველესი კულტურა, თბ., 1965.

¹⁰ ლ. ლონტი, აღ. ჭავჭავიშვილი, ურბნისი, I, თბ., 1962.

¹¹ О. Джапаридзе, А. И. Джавахишвили, Результаты работ Квемо-Картлийской археологической экспедиции (1967), საქ. სახ. მუზეუმის არქ. ექსპ. ანგ., 1969; О. М. Джапаридзе, А. И. Джавахишвили, Итоги полевых работ 1965 года в Квемо-Картли, тезисы докладов, секция археологии, АН СССР, 1966, с. 12—13.

¹² Т. М. Чубинишвили, К. Кушнарера, Новые материалы по энеолиту Южного Кавказа, „მაცნე“, 1967, № 6.

¹³ Т. Н. Чубинишвили, Л. Д. Небнеридзе, К. В. Квициანი, Памятники V—IV тысячелетия до н. э. в Южной Грузии, тезисы докладов, секция археология Кавказа, пленум Института археологии АН СССР, 1966, с. 32. ო. ჭავჭავიშვილი, აღ. ჭავჭავიშვილი, ქვემო ქართლის არქეოლოგიური ექსპედიციის შედეგები (1965—1966 წწ.) „მაცნე“, 1967, № 3, გვ. 297. Т. Н. Чубинишвили, К. Кушнарера, Новые материалы по энеолиту Южного Кавказа, „მაცნე“, 1967, № 6, გვ. 357.

¹⁴ ტ. ჩუბინიშვილი, მიცვალბულის კევრზე დასაფლავება სამთავროში, საქ. სსრ მეცნ. აკადემიის მოამბე, ტ. II, 1951, № 1, გვ. 67, 68.

რომ ბარელ მესაქონლეებს საძოვრების ასათვისებლად მთის ძირისა და მთისაკენ უნდა გადაეწიათ¹⁵.

ძველი წ. ა. პირველი ათასეული საქართველოსათვის იყო სამეურნეო აღმავლობის ხანა. ამ დროისათვის ფართო მოხმარებაში უნდა ყოფილიყო სამიწათმოქმედო იარაღების ისეთი სახეობანი, რომელშიც რამდენიმე უღელი ხარი იბმოდა, გამწევი ძალით მოქმედმა სახვნელმა ნიადაგის ფენა ღრმად დაამუშავა, მოსპო სარეველები და ხორბლეულის გაკეთილშობილება-გამრავალფეროვნებას და სარეველათაგან გამიჯვნას შეუწყო ხელი. ამანვე გამოიწვია მოსავლის სიუხვე, რაც პირველ მემინდვრეთა ხელში სიმდიდრის წყაროდ იქცა.

იბერიაში მიწათმოქმედების კულტურის შემდგომი აღმავლობა სარწყავი მიწათმოქმედების განვითარებით იწყება. სარწყავი მიწათმოქმედების აღორძინებამ დოვლათის დაგროვებას შეუწყო ხელი, რამაც დიდ სოციალურ ძვრებს ჩაუყარა საფუძველი, თემური საზოგადოება იშლება, მონათმფლობელობა წინა პლანზე გამოდის, კლასობრივი საზოგადოება ჩამოყალიბებულ სახესღებულობს და ქართლის სამეფო საქართველოში ჰეგემონიისათვის იბრძვის.

არქეოლოგიურმა მონაცემებმა (ბ. კუფტინი, ო. ჯაფარიძე, ალ. ჯავახიშვილი, ლ. ლლონტი, ტ. ჩუბინიშვილი, თ. კილურაძე, ი. კიკვიძე, გ. გობეჯიშვილი, გ. ავალიშვილი, კ. კუშნარევა, ლ. ნებიერიძე და სხვ.) ცხადყო, რომ ამიერკავკასია სამიწათმოქმედო ცივილიზაციის ისეთივე ძველი კერაა, როგორც წინა აზია. ამ სიძველეში, რომლის თარიღი დღეისათვის VII ათასეულით იწყება (ტ. ჩუბინიშვილი და სხვ.), შესანიშნავი ის გარემოებაა, რომ წინა აზიის და ამიერკავკასიის აღიარებული ცივილიზაციის ძველ კერებზე მოპოვებულ მასალებს შორის მსგავსება იძებნება. მსგავსი მასალების დაძებნა შესაძლებელი ხდება ეთნოგრაფიულ ყოფაში შემორჩენილ სამიწათმოქმედო კულტებში და სამეურნეო იარაღებშიც.

ეთნოგრაფიული თვალსაზრისით საქართველოში მემინდვრეობის შესწავლას ყურადღება მიექცა მეცხრამეტე საუკუნის ბოლოს.

პირველად ამ საკითხზე ფრაგმენტული ხასიათის წერილი გამოაქვეყნა რაფიელ ერისთავმა¹⁶. წერილში მიმოხილულია მემინდვრეობის თავისებურება და ხასიათი იმერეთში. აქვე აღწერილია სამეურნეო იარაღები. შემდეგში მემინდვრეობის შესახებ მცირე მიმოხილვას

¹⁵ ო. ჯაფარიძე, ქართველი ტომების ისტორიისათვის ლოთონის წარმოების ძირეულ საფეხურზე, თბ., 1961, გვ. 246.

¹⁶ P. Эристов, Очерки Имеретии, Тб., 1876.

ღვანდებით ალ. ხახანაშვილის ნაშრომში¹⁷. უფრო მოგვიანებით ეთნოგრაფი გ. ჩურსინი სწავლობს და აქვეყნებს ნაშრომს კახეთის მემინდვრობასთან დაკავშირებულ რწმენა-წარმოდგენებზე¹⁸.

როგორც ცნობილია, XIX საუკუნის მეორე ნახევრიდან საქართველოში ეთნოგრაფიული კვლევა-ძიების ინიციატორად და შთაბეჭებით ბევრმა მწერალმა და საზოგადო მოღვაწემ მოჰკიდა ხელი. ასეთები იყვნენ: ნ. ხიზანაშვილი, ვაჟა-ფშაველა, ალ. ყაზბეგი, რაფ. ერისთავი, თ. სახოკია, ბ. ნიჟარაძე, ზ. გულისაშვილი, ზ. ედილი, კ. გვარამაძე, ვ. კობონაშვილი და სხვები.

მიწათმოქმედების საკითხების შესწავლისათვის საკმარის მდიდარი მასალა დაგროვდა ამიერკავკასიის სახელმწიფო გლეხთა ეკონომიკური ყოფის შემსწავლელი კომისიების მუშაობის შედეგად. ამ კომისიების მუშაობის შედეგები გამოქვეყნებულია რამდენიმე ტომად.

ამავე პერიოდში საინტერესო წერილები იბეჭდებოდა კავკასიის და მის მცხოვრებთა ყოფის აღწერით კრებულებში, ეთნოგრაფიულ მიმომხილველში, ამიერკავკასიის სასოფლო-სამეურნეო საზოგადოების ჟურნალში და სხვ. აღნიშნულ კრებულებში მოთავსებულ წერილებს უფრო ზოგადი ხასიათი აქვს თუმცა, როგორც მასალას, დღეისათვის უარესად დიდი მნიშვნელობა ენიჭება. მნიშვნელოვანი მასალები ქვეყნდებოდა „კავკასიის კალენდარში“ და გაზეთებში: „კავკაზი“, „ივერია“, „გუთნის დედა“, „მეურნე“, „ღრობა“ და სხვ.

უცხო ავტორთაგან მემინდვრობის საკითხებზე ზოგადი ცნობები მოეპოვებათ: ქრისტეფორე კასტელის, დონიჯიო კარლის, გიულდენშტედტს, ალ. პეტროლდტს, ე. ეიხვალდს და სხვებს.

ასევე საყურადღებო ცნობებია დაცული რუსი ელჩების დღიურებში.

მნიშვნელოვან მასალას შეიცავს დოკუმენტები, რომელიც სხვადასხვა დროს გამოაქვეყნეს თ. ჟორდანიამ, ს. კაკაბაძემ, ა. ფურცელაძემ, ნ. ბერძენიშვილმა, შ. ბურჯანაძემ, შ. ჩხეტიამ, ი. დოლიძემ და სხვ.

საქართველოში საბჭოთა ხელისუფლების გამარჯვების შემდეგ დაიწყო მემინდვრობის და, საერთოდ, მიწათმოქმედების კულტურის საფუძვლიანი სისტემატური ეთნოგრაფიული შესწავლა, ამ საქმის,

¹⁷ А. Хаканашвили, Обычай крестьян при пахоте в Кахетии, Кавказ, 1893, № 205; его же, Месхи, ЭО, 1891, № 3.

¹⁸ Г. Чурсин, Народные обычаи и верования Кахетии, Тб., 1905, 83-15.

ფუძემდებელია აკადემიკოსი გ. ჩიტაია. მან პირველმა მოჰკიდა ხელი სახენელი იარაღების მეცნიერულ დამუშავებას. იგი მემინდვრეობას პირველ რიგში საწარმოო იარაღების შესწავლით იწყებს. სამეურნეო იარაღი მას წარმოდგენილი აქვს დიალექტიკის კანონის შესაბამისად მოქმედებაში, მოვლენებთან ურთიერთკავშირში. მას იგი განიხილავს საწარმოო ურთიერთობასთან მთლიანობაში. ამ მხრივ მის პირველ საყურადღებო გამოკვლევას წარმოადგენს ეთნოგრაფიული მოგზაურობა აღბულალის რაიონში¹⁹, სადაც განხილულია კუთხისათვის დამახასიათებელი სახენელი იარაღების ტიპები, მათი წარმოქმნა-განვითარების გზები და მუშაობის პრინციპები. განსაკუთრებული მნიშვნელობა აქვს გ. ჩიტაიას მესხური სახენელების შესწავლისადმი მიძღვნილ გამოკვლევას²⁰. ამ ნაშრომში ავტორმა დააყენა საკითხი სამიწათმოქმედო კულტურის კვლევა-ძიება განხორციელებულიყო რაც შეიძლება უფრო ღრმად, მიწათმოქმედებისათვის დამახასიათებელი პროცესების შესაბამისად.

უფრო მნიშვნელოვან გამოკვლევებს წარმოადგენს გ. ჩიტაიას მორიგი ნაშრომები რაჭული სახენელისა და რაჭული სახენელის ფარფლიანი ქუსლის²¹ შესახებ. ამ ნაშრომების მეცნიერული ღირებულება სცილდება საქართველოს ფარგლებს და იგი ზოგადთეორიული მნიშვნელობისაა.

საქართველოს მემინდვრეობის კულტურის ისტორიისათვის ფუძემდებლური მნიშვნელობა აქვს აკად. ივ. ჯავახიშვილის ნაშრომს „საქართველოს ეკონომიური ისტორია“ (ტ. I და II)²². ივ. ჯავახიშვილმა ნაშრომს საფუძვლად დაუდო 1930 წლამდე სამეცნიერო ლიტერატურაში საკითხებთან დაკავშირებული მონაცემები და ისტორიულ წყაროებში არსებული მასალები. იგი განსაკუთრებით დაინტერესდა სახენელთა მრავალნაირობით და მათი შესწავლით. სახენელთა შედარების ნიადაგზე მათი განვითარების საფეხურები და გეოგრაფიული გავრცელება, ასევე სახენელთა ცალკეული ნაწილების სიძველე და წარმომავლობა.

¹⁹ გ. ჩიტაია, ეთნოგრაფიული მოგზაურობა აღბულალის რაიონში, საქართველოს სახ. მუზ. მოამბე, ტ. IV, 1928, გვ. 203—204.

²⁰ გ. ჩიტაია, მასალები საქართველოს სახენელი იარაღების ისტორიისათვის, საქართველოს სახ. მუზეუმის მოამბე, ტ. V, 1930, გვ. 269—294.

²¹ გ. ჩიტაია, რაჭული სახენელი, ენიშკის მოამბე, ტ. I, 1937, გვ. 247—294; მისივე, რაჭული სახენელის ფარფლიანი ქუსლი, თსუ შრომები, ტ. XVIII, 1941, გვ. 185—196.

²² ივ. ჯავახიშვილი, საქართველოს ეკონომიური ისტორია, ტ. I, 1930, ტ. II, 1934.

მიწათმოქმედების ეთნოგრაფიული შესწავლის საქმეში განსაკუთრებული მნიშვნელობა აქვს ვ. ბარდაველიძის გამოკვლევებს²². ვ. ბარდაველიძემ აღმოსავლეთ საქართველოს მთაში მიაკვლია სახატო მიწისმფლობელობისა და მიწით სარგებლობის არქაულ ფორმებს, რომელთა ანალიზმა გამოავლინა მთაში საზოგადოებრივი განვითარების სხვადასხვა დროის გადმონაშთები.

აღ. რობაქიძემ სპეციალურად გამოიკვლია დიდ გუთანთან დაკავშირებული შრომის ორგანიზაციის ფორმა მოდგამი. ნაშრომში დეტალურად არის აღწერილი მოდგამის წარმოქმნა და მისი ტრანსფორმაცია საზოგადოების განვითარების სხვადასხვა საფეხურზე²⁴.

გარდა ამისა, აღ. რობაქიძე მიწათმოქმედების საკითხებს ეხება სხვადასხვა ნაშრომებში²⁵.

მემინდვრეობასთან დაკავშირებით მნიშვნელოვანი საკითხებია გაშუქებული რ. ხარაძის გამოკვლევებში; სახელდობრ დიდი ოჯახის სტრუქტურისა და საოჯახო ყოფის შესწავლისას რ. ხარაძემ ფართოდ განიხილა მეურნეობის წარმოების ხასიათი²⁶.

მ. გეგეშიძემ მონოგრაფიულად შეისწავლა სარწყავი მიწათმოქმედება და 1962 წელს ცალკე წიგნად გამოაქვეყნა. ნაშრომში საქართველოს რამდენიმე კუთხის მაგალითზე ნაჩვენებია ქართველ მიწათმოქმედთა სამეურნეო გამოცდილება და ტრადიციები მიწათმოქმედებაში მორწყვის გამოყენებაზე²⁷.

მემინდვრეობასთან დაკავშირებით. ბევრი საინტერესო ცნობაა დაცული ზერგი მაკალათიას ნაშრომებში²⁸.

²² ვ. ბარდაველიძე, *Земельные владения древнегрузинских святилищ*, СЗ, 1949, № 1; *Древнейшие религиозные верования и обрядовое графическое искусство грузинских племен*, 1957; სვანურ ხალხურ დღეობათა კალენდარი, 1939-და სხვ.

²⁴ აღ. რობაქიძე, *მოდგამი როგორც ექსპლოატაციის ერთი ფორმა რევოლუციამდელ საქართველოში, მიმოხილველი*, ტ. II, 1951.

²⁵ აღ. რობაქიძე, *რაქაში ეთნოგრაფიული მოვლენების ანგარიში*, ენიმკის მოამბე, IV, 3. 1939; *მისი ივე*, მეფუტკრეობა, 1963.

²⁶ რ. ხარაძე *Грузинская семейная община*, I და II ტ. 1961, აღ. რობაქიძესთან თანავტორობით, სვანეთის სოფელი, 1964.

²⁷ მ. გეგეშიძე, *სარწყავი მიწათმოქმედება საქართველოში*, თბ., 1962.

²⁸ ს. მაკალათია, *სამეგრელოს ისტორია და ეთნოგრაფია*, თბ., 1941; *ზევი*, თბ., 1934; *ფშავი*, თბ., 1931; *ხევსურეთი*, თბ., 1935; *თუშეთი*, თბ., 1933; *მესხეთ-ჭავჭავთი*, თბ., 1938 და სხვ.

მიწათმოქმედების საკითხების შესწავლის საქმეში მნიშვნელოვანი ნაშრომები აქვთ: ნ. რეხვიაშვილს²⁹, ჯ. რუხაძეს, ილ. ჭყონიას, ნ. ბრეგაძეს, ნ. ჩიჭავაძეს, ი. ნანობაშვილს, ა. ლეკიაშვილს, ა. სოხაძეს, ჯ. სონღულაშვილს, ლ. მოლოდინს, ლ. ბერიაშვილს, თ. გელაძეს, მ. ქანთარას და სხვებს.

მემინდვრეობის ეთნოგრაფიულ შესწავლას მიეძღვნა ჩვენი რამდენიმე ნაშრომი.

მემინდვრეობის საკითხები სხვადასხვა თვალსაზრისით გაშუქებულია ბოტანიკოსების: ი. ლომაურის, ნ. კეცხოველის, ე. მენაბდის, დეკაპრელევიჩის, მარჯანიშვილის და სხვათა ნაშრომებში.

ამ დარგს სწავლობენ ეკონომისტები: პ. გუგუშვილი, ბ. ხასია და სხვები. მიწათმოქმედებას სწავლობენ აგრეთვე: აგრონომები, მექანიზატორები, ენათმეცნიერები, ფოლკლორისტები, სოციოლოგები, ნიადაგმცოდნეები და სხვა დარგის სპეციალისტები.

განსაკუთრებული ყურადღება მიწათმოქმედების ისტორიის და მის ეთნოგრაფიულად შესწავლას მეორე სამამულო ომის შემდგომ პერიოდში მიექცა. აკადემიკოსი ბ. ზრეკოვი საბჭოთა ქვეყნის ისტორიკოსების საპატიო და აქტუალური კვლევის ობიექტად მიიჩნევდა ჩვენი ქვეყნის ხალხთა მიწათმოქმედების ისტორიის შესწავლას³⁰.

ამ ამოცანის განსახორციელებლად ბევრი რამ გაკეთდა, მაგრამ ბევრი ისევ გასაკეთებელია. ბოლო წლებში საერთაშორისო მასშტაბით დაიწყო ეთნოგრაფიული ატლასების შედგენა. ხალხთა ეთნოგრაფიული ატლასებისათვის ერთი აქტუალური შესწავლის ობიექტი მიწათმოქმედებაა. ჩვენი შრომა ამ დიდ პრობლემას გარკვეულად პასუხობს. ამის გამო მემინდვრეობის კულტურის ეთნოგრაფიული შესწავლა საშური საქმეა. მემინდვრეობის ეთნოგრაფიული შესწავლა იძლევა ისტორიის მრავალი საკვანძო საკითხის გასაღებს და შუქს ფენს ისტორიის სხვადასხვა ეპოქაში მოქმედ რთულ სოციალურ მოვლენებს. ეთნოგრაფიული მასალა, საერთოდ, და მემინდვრეობის ამსახველი, კერძოდ, ისტორიული მეცნიერებისათვის მდიდარი საუნჯეა, რომელთა შესწავლა და გამოზიარება ეთნოგრაფთა საპატიო ვალაა.

²⁹ ნ. რეხვიაშვილი, მკვლელობა რაქაში, თბ., 1953. მისივე, ქართული სამეურნეო იარაღი ქარჩი, მუზეუმის მოამბე, XVIII — B, თბ., 1954; მისივე, სამეურნეო ნაგებობა „ლი“, მუზეუმის მოამბე, XVIII — B, თბ., 1954.

³⁰ Материалы по истории земледелия СССР, сб. I, М., 1952, с. 8.

მიწათმოქმედების ძველი კულტურის ისტორიის ცოდნას ხალხურ ჩვევა-გამოცდილების ეთნოგრაფიულ შესწავლას საქართველოს ცალკეული კუთხეების მიხედვით და მის გამოვლინებას დიდი სამეცნიერო-პრაქტიკული მნიშვნელობაც ენიჭება. წინამდებარე ნაშრომში მემინდვრეობის დაჯგუფიდან გამოკვლეულია პრაქტიკული მნიშვნელობის მჭიდრო საკითხი, რომელთა გაანალიზება და დანერგვა შესაძლებელია.

მეზინდვრეობა თუშეთში

1. თუშეთის მიწის ფონდი. თუშეთი საქართველოს ჩრდილო-აღმოსავლეთ რაიონში მდებარეობს, რომელსაც უჭირავს კავკასიონის ჩრდილო ფერდობის ქვაბული¹. ჩრდილოეთიდან თუშეთს საზღვრავს ჩეჩენ-ინგუშეთისა და დაღესტნის ავტონომიური რესპუბლიკები. თუშეთის სოფლები მდებარეობენ 2000 მეტრზე ზევით. ზამთარი მკაცრია, ზაფხული მშრალი, ადრე ზამთრდება. სოფლები მთის კალთებზეა განლაგებული. მთები დაღარულია და ძლიერი დაფერდებით ხასიათდება. თუშეთში ზეხილი არ არის და მისი მოჭიშებაც არავის უცდია. ღარიბია თვით ტყის საფარველიც, გაბატონებულია ფიჭვი, გვხვდება არყი და ვერხვი².

სოფლების ახლოს შემორჩენილია კარგად დაცული ტყის კორომები, რომელიც ხატის ტყეების სახით არის შემონახული. მთათუშეთში ბოლო დროისათვის მოსახლეობა საგრძნობლად შემცირდა. მთიდან თუშები ზემო და ქვემო ალვანში ჩასახლდნენ, სადაც დღეისათვის 3000-მდე კომლია, მთაში კი 1963 წლისათვის 110 კომლი კიდევ მოითვლებოდა. მთათუშეთის დღევანდელი განსახლების საკითხში დიდი როლი ითამაშა სატრანსპორტო საშუალებამ. იმ 110 კომლიდან, რომელიც მთათუშეთშია შემორჩენილი, 55 კომლი ომალოში ცხოვრობდა, 30 კომლი დიკლოსა და შენაქოში, დანარჩენი 25 კომლი კი ქუმელაურთაში, ხახაბოში, დართლოში, ბოჭორნაში და ჩილოში. ომალო მთათუშეთის ცენტრია, სადაც მოთავსებულია სასოფლო საბჭო, საექიმო პუნქტი, სკოლა-ინტერნატი და აეროდრომი. ომალო ერთადერთი სოფელია, რომელსაც მოვაკებული მდებარეობა გააჩნია და თვითმფრინავს დაჯდომა-აფრენა შეუძლია. ამ საშუალებით იგი ბარ-

1 ლ. მარუაშვილი, საქართველოს ფიზიკური გეოგრაფია, თბ., 1964, გვ. 207.

2 მ. საბაშვილი, საქართველოს სსრ ნიადაგები, თბ., 1965, გვ. 396; ნ. კეცხოველი, საქართველოს მცენარეული საფარი, თბ., 1960, გვ. 152.

თან არის დაკავშირებული. სხვა სოფლები ამას მოკლებულნი იყვნენ. 1980 წელს თუშეთში საავტომობილო გზა შევიდა. საავტომობილო გზის შესვლამ ერთგვარად გამოაცოცხლა დაცლის პირას მისული ეს შესანიშნავი კუთხე, გაჩნდნენ მთის სოფლებში მოახალშენეები, ერთგვარი აღორძინება დაიწყო ამ კუთხისა.

თუშეთში მისვლა-მოსვლა მხოლოდ ფეხით და ცხენით შეიძლებოდა. კლიმატურ-გეოგრაფიული სიძნელეები და უგზობობა, მიწის სიმცირე და დახრამული ხეები ადგილობრივი მოსახლეობისათვის საცხოვრებლად მძიმე პირობებს ქმნიდა; ვახუშტის მიხედვითაც თუშეთი სამ ხეობად იყოფა: ჩაღმა, პირიქითი და წოვა³, მეურნეობის წარმოების ხასიათი სამივე ხეობაში თითქმის ერთნაირი იყო: მისდევდნენ მემინდვრეობას, მესაქონლეობას, მეცხვარეობას, მეცხენეობას, მეფუტკრეობას.

თუშეთი ორი ეთნიკური ელემენტისაგან არის შედგენილი: ქართველებისა და ბაცებებისაგან. ბაცებებს წოვა თუშებს უწოდებენ; ისინი შინაურობაში ბაცურ ენაზე ლაპარაკობენ, გადმოცემით, „წოვების წინაპარი“, თუშებს ფშაველი ბებერი სანათას მამულზე დაუსახლებიათ⁴. ადგილობრივთა გადმოცემით თუშების წინაპრები ნაწილი ხევსურეთიდან მოსულა, ნაწილი კახეთიდან ყოფილა გადმოსახლებული, ნაწილი დაღესტნიდან, ფშავიდან, სვანეთიდან და ა. შ.

ხევსურთა მასიურად გადასახლება თუშეთში დაემთხვა ფხოველთა გაქრისტიანების ეპიზოდს (IV—VI სს.). თუშეთისათვის, როგორც ჩანს, თავი შეუფარებიათ აგრეთვე ყვარულთ და კახეთის „მთიულთ“.

თუშეთის მემინდვრეობის ეთნოგრაფიული თვალსაზრისით შესწავლა მრავალმხრივ არის საინტერესო. ინტერესს აძლიერებს ამ კუთხის თავისებური მდებარეობა (ზღვის დონიდან 2000 მეტრზე მაღლა). დღეისათვის დადგენილია, რომ თუშეთში სახნავ-სათესი მიწები და საძოვარ-სათიბები მძიმე მდგომარეობაშია, მიწა გამოფიტულია და დაღარული, ტყის ყომრალეები ჩამორეცხილია, ალპური საძოვრების ზოლში სახნავი ფენა გათხელებულია. ის ადგილები, სადაც მიწა სისტემატურად მუშავდებოდა, ისეა გადარეცხილი, რომ საბალახედაც არ გვარობს.

ძლიერი დაფერდების გამო მემინდვრეობის მიყოლა დიდი ძალღონის დახარჯვას თხოულობდა.

³ ვახუშტი, აღწერა სამეფოსა საქართველოსა, 1941, გვ. 104.

⁴ გ. ქალიშაძე, შესავალი კრებულისა „თუშეთის ეთნოგრაფიული შესწავლისათვის“, 1967, გვ. 9.

1880 წლისათვის, მ. მაჩაბლის მონაცემების მიხედვით, მთათუ-
შეთის მიწის ფონდი შეადგენდა 975,50 დესეტიანს. სახნავ-სათესად
ვარგისი იყო 565,30 დესეტიანა, დანარჩენი, ე. ი. 410,20 დესეტიანა
ეჭირა სათიბს⁵, აქედან ერთ კომლზე, ცალკე თემსაზოგადოებების მი-
ხედვით, მოდიოდა შემდეგი:

საზოგადოების დასახელება	სახნავ-სათესი მიწები		ყველა სახის მიწა	
	ერთ კომლზე	ერთ სულზე	კომლზე	სულზე
	დესეტიანებში			
ჯვარბოსლო	0,98	0,20	35,00	7,18
ილირთა	1,33	0,31	59,53	13,85
ნაციხვარი	1,28	0,28	101,35	22,80
ომალო	1,85	0,37	79,71	16,03
ფარსმა	0,89	0,19	133,60	29,53
ღართლა	0,95	0,19	126,78	25,67 ⁶

როგორც ამ მონაცემებიდან ვხედავთ, სურათი არც ისე სახარ-
ბიელოა. საშუალოდ ერთ სულ მოსახლეზე ყველა სახის ნათესი იმ-
დენი მოდიოდა, რაც საერთოდ ერთ დღიურ მიწის გამოსავალს შეად-
გენს. ე. ი. ერთ სულ მოსახლეზე 1 დღიური მოდიოდა სახნავ-სათე-
სისა. ეს არის მაქსიმუმში რაოდენობა იმ მიწისა, რაც საერთოდ მთა-
თუშეთში იყო აყვანილი აღრიცხვაზე. მიწის ამ რაოდენობაზე ეღე-
ბოდათ საკმარისი გადასახადები. გასული საუკუნის მეორე ნახევარში
786 კომლი მთათუშეთის მოსახლეობისა ამუშავებდა 565 დესეტიანს.

კომლზე რომ თუნდაც 1 დესეტიანა სახნავ-სათესი მიწა მოსული-
ყო, მაინც თუშური ოჯახისათვის საკმარისს არ წარმოადგენდა. მ. მა-
ჩაბელის მონაცემები და ჩვენი ჩანაწერები თუშური ოჯახის სახნავ-
სათესი მიწის რაოდენობაზე, თითქმის ერთიმეორეს ემთხვევა. აი
რამდენიმე შავალითი ჩვენი მასალებიდან იმის შესახებ, თუ რა რაო-
დენობის სახნავ-სათეს მიწას ფლობდნენ მთათუშეთში: სოფ. ჩილოე-
ლი ბაკურიძე სანდრო გიორგის ძე (68 წლისა, 1963 წ.) გადმოგვცემს,
რომ „კომლზე სამი დღიური მოდიოდა“. ჩილოში ყველაზე დიდი და
ძლიერი ოჯახიც კი, რომელიც გიო ალიაიძეს ეკუთვნოდა (მის ქო-
ნებრივ სიმდიდრეს შეადგენდა 1000 სული ცხვარი, 20 ცხენი, 15
ძროხა და სხვა), სამ დღიურ სახნავ-სათეს მიწას ფლობდა.

⁵ М. Мацабели, Экон. быт гос. крестьян. Тванетского уезда, МИЭБГКЗК, т. V, с. 436.

⁶ იქვე, გვ. 536.

ფორე გრიგოლის ძე ბაშინურიძე (70 წლისა, ქვემო ალვანი, სოფელ კოკლათიდან) გადმოგვცემს, რომ „კოკლათში თითო კომლს სახნავ-სათესი 8 დღიურამდე მოსდიოდა“. აქედან საქერეები ორ-ორი დღისა ჰქონიათ, ხოლო სახვილეები 5—6 დღიური. დაახლოებით 50—60 წლის წინ სოფელში მთლიანად 12 კომლს უცხოვრია.

საბა თომას ძე იჩუაიძის (76 წლისა, სოფ. ვესტმოდან, ამჟამად ცხოვრობს ქვემო ალვანში, 1963 წ.) ცნობით „ვესტმოდში სახნავი მიწა იმდენად მცირე იყო, რომ უღელი ხარი, როგორც გამწვევი ძალა და საშუალება, საოჯახო საქმეებისათვის ზედმეტიც კი ყოფილა, ერთი ხარი კი საკმარისი. ვესტმოდში ადრე 27 კომლს უცხოვრია, გვიანი ხანისათვის 40—50 წლის წინ 5—6 კომლილა დარჩენილა“. ამ დროისათვის საბა იჩუაიძის ოჯახი 10 დღიურ მიწას ამუშავებდა.

სოფ. შენაქოს მცხოვრებ კოსტა თევდორეს ძე ხაჩიძის აღნიშვნით, მათ ოჯახს გააჩნდა 0,75 ჰა. ეს ფართობი დაახლოებით, თუშეთის სახნავ-სათესზე გადაყვანილი, 3—4 დღიურს უდრიდა.

ბაშინურიძე კობე კიმოტეს ძის გადმოცემით (76 წლისა, ქვ. ალვანი, ჩამოსული კოკლათიდან), კოკლათაში თითოეულ ოჯახს 5 დღიური მიწა ჰქონდა.

ერთი სოფლიდან ჩვენ ორი მთხრობელი დავასახელებთ, ოსინი თითქმის ერთი ხნისანი არიან და მიწის რაოდენობას კომლზე ერთი 8 დღიურს ასახელებს, მეორე ხუთს. აქედან საშუალო 6—7 დღიური მაინც მოდის, რაც XX საუკუნის დასაწყისში ამ სოფლისათვის სრულიად ნორმალურია. ამ დროისათვის მთაში, წინა საუკუნესთან შედარებით, მიწა უფრო მეტი მოდის კომლზე, ვიდრე XIX საუკუნეში. ეს გარემოება კომლთა ბარში ჩამოსახლების შედეგია და არა სახნავი ფართობების გაზრდისა.

როგორც წარმოდგენილი მასალებიდან ვხედავთ, მთათუშეთი განიცდიდა სახნავ-სათესი მიწის თვალსაზრისით უკიდურეს გაჭირვებას. ამ გარემოებას, ცხადია, გარკვეული გავლენა უნდა მოეხდინა ცხოვრების პირობებზე, მეურნეობის წარმოების ხასიათზე, სახნავ-სათესი მიწის მაქსიმალურად გამოყენებაზე, რის შედეგად მიწის ექსპლოატაციის გარკვეული ფორმა უნდა ჩამოყალიბებულყო.

მიწის სიმცირემ და მისი მაქსიმალური გამოყენების აუცილებლობამ, როგორც ჩანს, არ მისცა საშუალება მთის ამ პატარა მონაკვეთში განვითარებულყო მიწაზე კერძო საკუთრების ისეთი კლასიკური ფორმები, რასაც კახეთის ბარში და საქართველოს სხვა კუთხეებში ჰქონდა ადგილი. სახელმწიფო მიწათმფლობელობის შიგნით თუშეთი სათემო მიწათსარგებლობას ახორციელებდა, რომლის გვერ-

დით ადგილი ჰქონდა სახატო მიწათმოქმედებას. მაგრამ თუშეთში მიწის საერთო სიმცირე აქაც თავის კვალს აჩნევდა. სახატო მიწათმოქმედებას აქ ისეთი დიდი მასშტაბები არა ჰქონია, როგორც ფშავსა და ხეჭურეთში. თუშეთში სახატე მიწა, რომელიც სახნავ-სათესად შეიძლებოდა გამოყენებულიყო, ერთ-ორ დღიურს არ აღემატებოდა, რომელსაც ყოველწლიურად მორიგეობით ამორჩეული ხატის მსახურანი ამუშავებდნენ. ხატის (ჯვარის) მიწის დამუშავება ევალებოდა იმ პირს, ვისაც ახალ წელს წილის ყრით ხატის სამსახური მოუწევდა.

ჯვარის მსახურთა წილისყრაში მონაწილეობას ლებულობდნენ შამაკაცები 18 წლის ზემოთ. ვისაც წილი შეხვდებოდა, ის ითვლებოდა მნათედ. ძველი მნათე ახალ მნათეს სახლში მიუტანდა ჯვარის დროშასა და განძს. განძში შედიოდა ვერცხლის და სპილენძის თასები, ჯიხვის რქის საძმისები, სპილენძის ვაშრაბები და სხვა. ახალი მნათე ძველი მნათესაგან ამ ნივთებს ჩაიბარებდა და შემდეგ მას ჰაიღუმლოდ ინახავდა, გაზაფხულზე მნათე ჯვარის მიწების ხვნის დაწყებას სოფელს შეატყობინებდა. სოფელი მიწის მოხვნა-დათესვაში დაეხმარებოდა. მნათეს სათესლე მარცვალი სახლიდან გამოჰქონდა. მოსავლის აღებაზე კვლავ სოფელს დაუძახებდა, სოფლის დახმარებით მოსავალს აიღებდა. გალწევაზე სხვას აღარ დაიხმარებდა, ბზეს თავისთვის დააბინავებდა. აღებულ მოსავალს საგანგებოდ შეინახავდა და მთლიანად ლუდის გამოსახდელად მოიხმარებდა.

სოფელ დიკლოში, როგორც ამის შესახებ გადმოგვცემს მთხრობელი სამსონ აშაძე, შერჩეული ჰქონიათ სათანადო ქვა, რომლის წონა ზორცი მნათეს უნდა გაემზადებინა ჯვარ-ხატობის დღეობისათვის. ერთი ამ დანიშნულების ქვა ვ. ბარდაველიძემ შესწირა საქართველოს სახელმწიფო მუზეუმს (№ 12—66/1, წონით 31600 გრ), ჩამოტანილია სოფელ ზემო ომალოდან 1965 წელს.

მნათესთან ერთად ჯვარის დღეობაზე ამოირჩევდნენ „მაქალათებს“. მაქალათები ორი-სამი კაცი უნდა ყოფილიყო, რომლებიც მნათესაგან ჩაიბარებდნენ იმ სანოვაგეს, რასაც მნათე დღეობისათვის ამზადებდა (ზორცი, ყველი, ლუდი). სანოვაგე ერთ რომელიმე ოჯახში უნდა შეეკრიბათ, დღეობა 30 დეკემბერს იწყებოდა. ეს იყო ახალწლის დღეობა, რომელიც წყალკურთხევამდე გრძელდებოდა, ეს იყო მნათეს მოღვაწეობის დასასრული, აქ ჯამდებოდა მისი წლიური მოღვაწეობა, აქვე ხდებოდა ახალი მნათეს არჩევა, ჯვარის ყანების დამუშავების აქ აღწერილი ფორმა გვიანი დროისათვის საბჭოთა პერიოდში დაირღვა. თითქმის 30—40 წელია, რაც სახატო მიწებს აღარავინ არ ამუშავებს.

ჩვენ ზემოთ აღვნიშნეთ, რომ მიწა, როგორც სახნავ-სათესი, ისე სათიბ-სავარგულეები (საბალახოები), სახელმწიფო საკუთრებას შეადგენდა. თუშები მიწის სარგებლობისათვის სახელმწიფოს უხდიდნენ გარკვეულ საკომლო გადასახადს. მაგ., XVIII საუკუნეში მარტო საბალახოებით სარგებლობისათვის ფშაველები და თუშები სახელმწიფოს 800 ცხვარს უხდიდნენ⁷. ცხადია, გარკვეული გადასახადი უნდა გაეღოთ აგრეთვე სახნავ-სათესი მიწებისათვის, მაგრამ რამდენი, ეს ჩვენთვის ცნობილი არ არის. გვიანი ხანისათვის საკომლო გადასახადი მერყეობდა 4—25 მანეთამდე. იმის გამო, რომ საძოვრების ექსპლოატაციას ყველა ოჯახი ერთნაირად არ ეწეოდა, რადგან სხვადასხვა რაოდენობით ყავდათ ცხვარი, გადასახადებსაც ამის შესაბამისად ანაწილებდნენ⁸.

ამ შემთხვევაში საინტერესო ის არის, რომ გადასახადის განმსაზღვრელია მოძრავი ქონება ცხვრის სახით. იგივე ცხვარი და მეცხვარეობა თუშების ეკონომიკის ძირითადი ძარღვი იყო და, ამდენად, სახელმწიფო გადასახადის მარეგულირებლადაც სწორედ ის გამოდიოდა.

თუ თუშეთის ერთ სულ მოსახლეზე სახნავ-სათესი 1 დღიურიც ძლივს მოდიოდა, იმავე პერიოდისათვის პირუტყვიდან მარტო ცხვარი ერთ სულზე 34 ერთეულს აღემატებოდა⁹. ეს გარემოება მიზეზი იმისა, რომ თუშების სამეურნეო ეკონომიკის შეფასებისას აღნიშნულია, რომ „თუშეთის მოსახლეობის მთავარ საქმიანობას შეადგენს მეცხოველეობა და მეცხვარეობა“¹⁰. ამ მოსაზრებას გამოთქვამდა მ. მაჩაბელი, რომელმაც 1880-იან წლებში საგანგებოდ შეისწავლა მთათუშეთი, ხევსურეთი და ფშავი. თუშეთში რომ მეცხოველეობა იყო წამყვანი დარგი ეკონომიკაში და მიწათმოქმედება მის დამხმარე დარგს შეადგენდა, მ. მაჩაბელს ეს აზრი რამდენიმე ადგილას აქვს გამეორებული თავის გამოკვლევაში. ამის შესახებ წერდნენ ადრეც. ნ. დუმბროვინი ეყრდნობოდა რა ბუტკოვის ხელნაწერებს, აღნიშნავს რომ 1801 წლისათვის თუშეთი 22 სოფელს მოითვლიდა. აქედან თუშებს შეეძლოთ 500 მებრძოლის გამოყვანა. სხვათაშორის თუშებს რომ 500 მებრძოლის გამოყვანა შესძლებიათ¹¹, ამის შესახებ გიულ-

⁷ АКТЫ, I, გვ. 533.

⁸ ალ. ხახანაშვილი, მგზავრის დღიურიდან, ივერია, № 173, 1886.

⁹ М. Мацабели, დასახ. ნაშრომი, გვ. 460.

¹⁰ მისივე, დასახ. ნაშრომი, გვ. 435.

¹¹ Н. Думбровин, История войны и владения русских на Кавказе, т. I, кн. 2, გვ. 267.

დენშტედტიც აღნიშნავს¹². ეს სხვადასხვა დროის ცნობა მებრძოლთა ჩაოღენობაზე იმით არის ჰაყურადღებო, რომ იგი მიუთითებს თუშეთის მოსახლეობის მეტისმეტად სტაბილურობაზე. გიულდენშტედტის ცნობა სარწმუნოდ უნდა ჩავთვალოთ, რადგან კახეთში მოგზაურობისას იგი თვით მეფე ერეკლეს ახლდა და ცნობაც თუშეთის მებრძოლთა ჩაოღენობაზე მისგან უნდა ჰქონდეს აღებული¹³. ამ დროისათვის ხომ ქართლ-კახეთის და თუშეთის მთიანი მოსახლეობის აღწერა დამთავრებულად ითვლებოდა. ამ დროს თუშეთის მოსახლეობა 1400 კომლს შეადგენდა. ნ. დუბროვინი იძლევა ერთ საინტერესო ცნობას იმის თაობაზე, რომ თუშები დაღესტნელებს თავის საზაფხულო ჰაბალახობებს აძლევენ ფასით და ამ ნიადაგზე ისინი ძალიან მშვიდობიან ურთიერთობაში არიან მათთანო. აქვე ვკითხულობთ, რომ თუშები საქართველოს მეფეს საბალახოს გარდა სხვას არაფერს არ უხდიან. საბალახო გადასახადი კი 600 ცხვარს შეადგენდა¹⁴. ნ. დუბროვინის ამ ცნობებიდან ჩვენთვის რამდენადმე ნათელი ხდება თუშეთის ჰამეურნეო ცხოვრების სურათი.

ჩვენ არ ვიცით ბუტკოვის მიერ აღრიცხულ 22 თუშურ სოფელში რამდენი კომლი ცხოვრობდა, მაგრამ დაანგარიშება დაახლოებით მაინც არის შესაძლებელი, დაანგარიშებაში შეიძლება გამოვიყენოთ მ. მაჩაბელის ერთი საინტერესო ცხრილი, რომელიც ასახავს თუშეთის კომლთა ჩაოღენობას. ამ ცხრილში მოცემულია შეფარდება მაჰაკაცებისა ქალებთან ცალკეული თემების მიხედვით. ცხრილის ერთი გრაფა დათმობილი აქვს მოსახლეობის ზრდის მაჩვენებელს პროცენტობით, 1873-დან 1885 წლის მანძილზე. ამ ნამატს თუ გადავამჩრავლებთ წელთა ჩაოღენობაზე და თუშეთის მოსახლეობის 1885 წლის მონაცემებს გამოვაკლებთ ნამატის რიცხვს, 1801 წლისათვის მთათუშეთში უნდა ეცხოვრა დაახლოებით 1019 კომლს, 1885 წელთან შედარებით 88 კომლით ნაკლებს. რაც უნდა ნაკლები ყოფილიყო მოსახლეობა, მაინც მცირე სახნავ-სათესი ფართობი იყო მთაში მყოფი თუშების განკარგულებაში. შესაძლებელია სწორედ ამან განსაზღვრა სახელმწიფო გადასახადის სახით მხოლოდ საბალახო გადასახადი. ეს გარემოება აშკარად ინტერესის საგნად ხდიდა იმ მცირე სახნავ-სათესს და დასახლებული მიწის ნაკვეთებს, რაც თუშებს გააჩნდათ.

¹² გიულდენშტედტი, მოგზაურობა, I, გვ. 263.

¹³ ქართული სამართლის ძეგლები, ტ. II, ი. დოლიძის გამოცემა, 1965, გვ. 420.

¹⁴ Н. Дубровин, даსახ. ნაშრომი, გვ. 286.

თუშეთში რომ მეცხვარეობა ეკონომიკის მთავარ წყაროს წარმოადგენდა, ამის შესახებ სათანადო მოსაზრებები აქვთ გამოთქმული ს. მაკალათიას¹⁵ და რ. ხარაძეს¹⁶. რ. ხარაძის გამოკვლევით „თუშური ოჯახის წამყვან მეურნეობას წერილდება მესაქონლეობა წარმოადგენდა. ამასთან თითოეული დიდი ოჯახი ეწეოდა მიწათმოქმედებას. მიწათმოქმედება და მსხვილდება მესაქონლეობა ძირითადად ქალების ხელში იყო, ხოლო მეცხვარეობა მამაკაცების ხელში“¹⁷. სახნავ-სათესი მიწის ეს ფონდი, რომელიც ამა თუ იმ თუშურ თემს ეკუთვნოდა, განაწილებული ყოფილა მეთემეთა შორის საკმაოდ დიდი ხნის წინათ.

სახელმწიფოს მიერ საკომლო გადასახადის გაწერა, ჩვენი აზრით, შუა საუკუნეების მთაში ოჯახების აქტიურ სეგმენტაციას ხელს უშლიდა. ოჯახების სეგმენტაციის ხელისშემშლელ გარემოებად გვეჩვენება აგრეთვე თუშური მეურნეობის თავისებური ხასიათი. მეცხვარეობა ფართო მასშტაბით დიდ მუშახელს მოითხოვს. ცნობილია, რომ პატარა ოჯახებს, რომელთან დიდი რაოდენობით გააჩნდათ ცხვარი, დაქირავებული მწყემსები ჰყავდათ. თუშების სამეურნეო საქმიანობის შესანიშნავ მხარეს ისიც შეადგენდა, რომ, როგორც, რ. ხარაძე აღნიშნავს, მიწათმოქმედება და მესაქონლეობა თავისებურ სიმბიოზს ქმნიდა, რომელიც ოჯახის წევრთა შრომა-საქმიანობის რთულ ორგანიზმს არეგულირებდა, დიდი ოჯახის გამძლეობაც ამის შედეგს წარმოადგენდა¹⁸.

დიდ ოჯახებში მრავალი ცხვრის ყოლა ოჯახის ყველა წევრს უკლებიდა სათანადო საქმეს. დიდი ოჯახი, უპირველეს ყოვლისა, შრომითი საქმიანობით იყო შეკრული. დიდი ოჯახის სიცოცხლის უნარიანობა და გამძლეობა შრომით შეკავშირებულ საწარმოო ბაზას ეფუძნებოდა. სასოფლო თემისათვის ოჯახის დაშლა მცირე ოჯახებად სახარბიელო არ იყო, რადგან თემში ახალი ოჯახის გამოყოფა სათემო მიწების ახალ შემცილებას უდრიდა. სახელმწიფო კი ახალ წარმოქმნილ კომლს ახალ გადასახადს დააკისრებდა.

ამასთან, თუკი ოჯახი ძირითადად მეცხვარეობას მისდევდა ან ოჯახის გაყრა ნიშნავდა დიდი შრომით შეკავშირებული საოჯახო მეურნეობის დაშლას, ცხვრის პატრონი, თუ მას 200—300 სული ცხვა-

15 ს. მაკალათია, თუშეთი, გვ. 34.

16 Р. Харадзе, Грузинская семейная община, გვ. 123; მისივე, საოჯახო თემის გადმონაშთები თუშეთში. შუე, X გვ. 196.

17 იქვე.

18 იქვე, გვ. 201.

რი გააჩნდა, დამოუკიდებლად ვერც საზამთრო და ვერც საზაფხულო საძოვარზე ვერ წავიდოდა. იგი ამხანაგობაში უნდა შესულიყო. ამიტომ მეცხვარეული დიდი ოჯახებისათვის გაყრილობა არა მარტო დიდი ოჯახის დაცემას იწვევდა, არამედ, ამავე დროს, იმ დიდი სამეურნეო ერთიანობის დაშლაც გამოდიოდა, რომელიც საოჯახო თემის ტრადიციებით იყო შემტკიცებული. ამ მიზეზებმა თუშეთში ერთგვარად დიდი გავლენა მოახდინა იმაზე, რომ თუშეთის სახნავ-სათესი მიწების ხელახალი გადანაწილება ხშირად არ ეწყობოდა. ოჯახების სეგმენტაცია აქტიურად არ მიმდინარეობდა. მიწების სათემო გადანაწილების დაგვიანებამ კი ის გამოიწვია, რომ თემის წევრთა ხელში მოქცეული მიწები ყიდვა-გაყიდვის საგნად ქცეულა. სოფლად გაჩენილა ნაოხარი, „ბეითალმანი მიწები“ და ამის შედეგად საამანათო მიწების კატეგორიაც შექმნილა. ამ გარემოებას მოჰყოლია მრავალი უსამართლობა, მიწა არა მარტო ყიდვა-გაყიდვის ობიექტად ქცეულა, არამედ მისი გაჩუქება დაუწყიათ და ზოგჯერ მიცვალებულის მოსაგონარ დოღშიც კი შეუტანიათ, დოღში გამარჯვებულის დასაჯილდოებლად. ყოფილა ხშირი შემთხვევა როცა დოღში იმარჯვებდა მეორე სოფლელი და მიწა მოუგია საჩუქრის სახით. დოღში მოგებულ მიწას სხვა თემის კაცი თვითონ იშვიათად ამუშავებდა, მიწას ან გაყიდდა, ან ადგილობრივთ აძლევდა საღალოდ.

ამასთან დაკავშირებით შეიძლება სოფელ ჭეშოს სახნავ-სათესი მიწებით სარგებლობის მაგალითი მოგვეტანა. ამ სოფელში ყანები ჰქონდათ სოფ. გირეველ ტურაიძეებს, ჰქონთიოელ სულთანაძეებს, ალისგორელ ბაცაიძეებს, გოგრულთელ ბორშუანებს. სოფელ ჭეშოს ტოპონიმიკაში შემონახულია სახელები: ყვავილოვლთ ყანა, ჰქონთიელთ ყანა და სხვ., რაც იმაზე მეტყველებს, რომ აღნიშნული ყანები ეკუთვნოდათ მეზობელ სოფლებს. ანალოგიური სურათი სხვა სოფლებშიც მოწმდება. XIX საუკუნის მეორე ნახევარში სახნავ-სათესი მიწაზე ესოდენი თავისუფლება, ძირითადად მწარმოებელთ, ე. ი. მხვნელ-მთესველთ მიძიმედ აწვა. იწყებოდა მიწების კონცენტრაცია ერთეულთა ხელში; ეს ერთეულები იყვნენ ძლიერი ოჯახები. მრავალი ცხვრისა და ცხენების პატრონები.

უსამართლობას ზალხთა უკმაყოფილება მოყოლია და თემის საბჭოს ამ საგანზე უმსჯელია. მდგომარეობის გამოსწორების მიზნით, თემის საბჭოს დაუდგენია, რომ ჩატარებულიყო სათემო მასშტაბით მიწების ხელახალი გადანაწილება, მიწების ხელახალი გადანაწილებისათვის საჭირო შექმნილა, რომ მოწყობილიყო სახნავ-სათესი მიწების დაჯგუფება კატეგორიებად. პირველი კატეგორიის სახნავ-სათესე-

ბად კარისპირები და ბოსლისპირები აულიათ. მეორე კატეგორიაში: წთის სახნავ-სათესები, ე. ი. ის ადგილები, სადაც მხოლოდ სვილი¹⁹ და შვრია ითესებოდა და მცირე რაოდენობით ღვია.

მთაში სახნავ-სათესი მიწის სიმცირემ მიწის თემური მფლობელობა-მოხმარების წესს მტკიცე ლიმიტი დაუწესა. თუმცა ეს წესი ყოველთვის არ იყო მტკიცედ დაცული. ცალკეული მეთემეები ცდილობდნენ მიწა გამოეყენებინათ საკუთრების სახით. მოეხდინათ მიწის კონცენტრაცია, მოეპოვებინათ მასზე განუსაზღვრელი უფლებები. თუშეთში მოქმედებდა მიწის საღალოდ გაცემის წესი. მიწას საღალოდ აძლევდა ის ოჯახი, რომელსაც სხვადასხვა მიზეზებით არ შეეძლო მისი დამუშავება. მაგრამ ყველაზე უფრო საინტერესო და საგულისხმო თუშეთის პირობებში ის იყო, რომ გლეხებმა მიიღეს თუ არა თავისუფალი მოქმედების უფლება მიწაზე, მაშინვე დაიწყეს მისი ყიდვა-გაყიდვა. სახნავ-სათესმა მიწამ მთათუშეთში XX საუკუნის დასაწყისისათვის დაკარგა თავისი ისედაც არააქტიური როლი. მას შემდეგ, რაც მეცხვარეობამ მიიღო სავაჭრო ხასიათი, თუშების ბარში მასიურად ჩამოსახლებამ მთის სახნავ-სათესი მიწების სამეურნეო მნიშვნელობა იმდენად დააკნინა, რომ მხოლოდ ბოსლის პირების დამუშავებასლა აწარმოებდნენ.

ცხადია, უკანასკნელი საუკუნის სურათი თუშეთში მიწით სარგებლობის თუ მიწის მოქმედების ძველ სურათს არ წააგავს, მაგრამ ბევრი რამ სიძველეზე მეტყველია. ხატის მიწების გარდა, რაც სოფელს საერთო სახით გააჩნია, მთათუშეთში გვხვდება მცირე საერთო ნაკვეთები: „სახალეს“ და „საბოლოკეს“ სახით.

რაც შეეხება სახალეს, ესეც სოფლის საერთო ნაკვეთი ყოფილა. სახალე ნაკვეთს ჰოფლურად ამუშავებდნენ; მასზე ან ბოლოკი-თაღგამი, ან ქერი უნდა დაეთესათ. სახალედან მიღებულ ქერს კომლერად ინაწილებდნენ. ისე, როგორც თაღგამს. ხალი ქერის მარცვლისაგან მზადდებოდა. როგორც ეთნოგრაფიული მასალები მოწმობენ, ხალი თუშების ძირითად საკვებს წარმოადგენდა. ხალს იყენებდნენ ზამთარ-ზაფხულში, როგორც შინ, ისე განსაკუთრებით მწყემსებისათვის, იგი თუში მწყემსების ძირითადი საკვებია. აღსანიშნავია, რომ ხალი ხორბლისაგან ბარშიც მზადდებოდა. ხალის სხვადასხვა საგემებელით შეზავებით სხვადასხვა სახეობის შექამანდის მომზადება შეიძლებოდა, ჰამდნენ შეზავების გარეშეც. მომთაბარული მეცხვარეობისათვის, რომელიც ამიერკავკასიაში I ათასეულში უკვე დადასტურებული ფაქტია¹⁹, ხალზე იმთავითვე დიდი მოთხოვნილება უნდა ყო-

¹⁹ Б. Б. Пиотровский, Ванское царство (Урарту), 1959, с. 147.

ფილიყო. ხალს, მთხრობელთა გადმოცემით, გარდა მწყემსებისა, ოჯახის წევრთათვისაც ამზადებდნენ. „ოჯახში საჭმელად სულ ხალი იყო. ქორწილი იქნებოდა თუ ხარჯი, მაშინ აცხობდნენ სვილის პურსა“, გადმოგვცა მთხრობელმა, სანდრო გიორგის ძე ბაკურიძემ (68 წ. სოფ. ჩილო). პურის ცხობას თუშეთში ძველად ნაკლებად მისდევდნენ, განსაკუთრებით ზამთარში ერბოში მოშუშულ ხალს შეექცეოდნენ, ხალი, როგორც აღნიშნავს რ. ზარაძე, არის საკვების მოხერხებული საშუალება, რომელიც ფქვილთან შედარებით ნაკლები ეხარჯებოდათ²⁰.

აღსანიშნავია, რომ თუშეთში სახალე მიწას უწოდებდნენ აგრეთვე მიწის იმ ნაკვეთსაც, რომელიც ოჯახის უფროსს გაყრილობის დროს მოძმეთაგან განსხვავებით ზედმეტი — საუფროსოს სახით ეძლეოდა. მთხრობელის გადმოცემით „გაყრის დროს ოჯახი მიწას ანაწილებდა ძმებზე და მამაზედაც. მამას ზოგჯერ მიწის მეტ ნაწილს აძლევდნენ, ამ ზედმეტ ნაწილს სახალეს ეძახდნენ. იტყოდნენ ზოლმე, მაგან სახალე აილოვო“ (გიო ქრისტოს ძე წვერაიძე, 80 წლისა, 1960 წ. ქვ. ალვანი).

ველზე მოპოვებული ეთნოგრაფიული მასალების საფუძველზე გაურკვეველი რჩება სახალე მიწის წარმომავლობის საკითხი. საუფროსოში მოძმეთა მიერ გაცემული მიწის ზედმეტი ნაწილი, ცხადია, სასოფლო სახალედ ვერ გადაიქცეოდა. საუფროსოში მიღებული ზედმეტი მიწის ნაკვეთისათვის სახალეს დარქმევა მერმინდელი მოვლენა უნდა იყოს. იმდენად, რამდენადაც ხალი, როგორც თუშური მენიუს ერთი ძველი სახეობა, დაკავშირებულია მწყემსურ მეურნეობასთან და ხორბლეულის უძველეს კულტურასთან, ქერთან, შეიძლება გვევარაუდოს, რომ სასოფლო სახალე მიწა მიწის სათემო სარგებლობის ერთი ძველი გადმონაშთია.

2. მარცვლეული კულტურები. ხორბლეულს თუშეთში ორი ტერმინით გამოხატავენ — სულადით და კეთილით. კეთილი ზოგიერთ თემში მხოლოდ ქერს გულისხმობს (მაგ., ჩაღმის თემში). ზოგადად კი მარცვლეულის ყველა სახეობას მოიცავს, რასაც თუშეთში თესავდნენ, სულადში შედის: იფქლი, სვილი, ქერი, ქერშველი.

სვილსა და ქერთან შედარებით იფქლი მცირე ფართობზე ითესებოდა. იფქლს უფრო იმ სოფლებში თესდნენ, რომელნიც დაბლა მდებარეობდნენ ან მათი სახანავ-სათესი მიწები დაბლობ, ვაკე ადგილებში იყო განლაგებული. ასეთი სოფლები თუშეთში ერთეულებია — დიკლო, შენაქო და ომალო. ამ სოფლებში მიწათმოქმედება, შე-

დარებით სხვა სოფლებთან, აქტიურად გამოიყურებოდა. აქაურებმა ხორბლეულს მეზობლებზე ყიდდნენ ხოლმე.

ხსენებულ სოფლებში ითვისებოდა შედარებით დიდი რაოდენობით იფქლი. იფქლის ქვეშ თუშეთში ორი სახის ხორბლეული იგულისხმებოდა: თეთრი თავთუხი და წითელი დიკა. ხორბლეულის ორივე სახეობა ითვისებოდა გაზაფხულზე, აპრილის თვეში. ვინაიდან იფქლს ქერთან შედარებით ნაკლები გამოსავლიანობა ახასიათებდა ხორბლეულის სხვა სახეობებთან შედარებით, მას ნაკლებ ფართობს უთმობდნენ. ასე. მაგ., გ. ბოჭორიძის მასალების მიხედვით, კარგი მხვენელ-მთესველი წელიწადში სამ კოდზე მეტს ვერ დათესავდა²¹. სამკოდიანი ნათესის მოსავლის მაქსიმუმი შეადგენდა 10—12 კოდს, ე. ი. გამოსავლიანობა შეადგენდა ერთი ოთხზე.

საიფქლეს გაზაფხულზე ხნავდნენ და მაშინვე თესავდნენ. აკად. ივ. ჯავახიშვილის გამოკვლევით, იფქლი გვიანდლამდე მთაში ცოცხალ ტერმინად იყო შემონახული. ბარში იგი ზოგადმა ტერმინმა — პურმა შეცვალა²². საქართველოს მთაში იფქლი სხვადასხვა სახესხვაობით გვხვდება. არის შავთაველიანი (ღვანეთი, სამხრეთ ოსეთი, შიდა ქართლი), არის თეთრი თაველით (შიდა ქართლი, ფშავი, ხევსურეთი) და წითელთაველიანი (თუშეთი)²³.

თუშეთში გავრცელებული იფქლის ანუ დიკის, როგორც თაველი, ისე მარცვლიც მოწითალო ყოფილა. ქვემო ალვანელი სოფ. დიკლოდან ჩამოსული მთხრობლის სამსონ აშაძის გადმოცემით, „იმ პურს, რომელიც დიკლოში მოყავდათ; იფქლს ეძახდნენ. ეს იფქლი ისეთი წითელი იყო, როგორც ცხვირიდან გამონადენი სისხლი. ეს გაზაფხულის პურია, იქ მთაში გაზაფხულობით ითვისება. აქ ჩამოიტანეს ქვემო ალვანში, დათესეს. პირველ წელს კარგი მოვიდა, მეორე წელს გადაგვარდა და ისეთივე გახდა, როგორც აქაური პურებია“. ამავე მთხრობელის ცნობით, თუშური საგაზაფხულო იფქლი ქვემო ალვანში შემოდგომით დაუთესიათ.

საგაზაფხულო ხორბლის შემოდგომით დათესვა და პირიქით, საქართველოს სხვა კუთხეებშიც დადასტურებული ფაქტია. ისიც ცნობილია, რომ საგაზაფხულო პურის თესვა შემოდგომით პურს ახალ

21 საქართველოს სსრ ც. ა. ფ. 1793, ს. 126, ფ. 720.

22 ივ. ჯავახიშვილი, საქართველოს ეკონომიური ისტორია, I, გვ. 326.

23 ნ. კეცხოველი, კულტურულ მცენარეთა ზონები საქართველოში, გვ. 286.

თვისებებს უმუშავებდა. ეს იწოდებოდა მის ე. წ. „გადაგვარებად“, როგორც ამას ხალხი განსაზღვრავდა.

მოსავლიანობა ხორბლელულის ამ სახეობისა შენაქოში, დიკლოში და ომალოში უკეთესი იყო სხვა მთის სოფლებთან შედარებით. დღიურზე მას 3 ფუტს თესავდნენ და 10—12 ფუტს ლებულობდნენ.

იფქლთან დაკავშირებით ჩვენ ჩავიწერეთ ერთი თუშური გადმოცემა, რომლის აქ მოტანა მიზანშეწონილად მიგვაჩნია: „სოფ. დიკლოდან რამდენიმე კაცი კახეთში წამოსულა ხორბლის შესაძენად. ერთ-ერთ ახალგაზრდას დედამ დაუბარა, რომ შეეძინა იფქლი. ეს ახალგაზრდა ჩამოსულა კახეთში, მთელი კახეთი მოუვლია და იფქლი ვერ უშოვია. უკან ხელცარიელი დაბრუნებულა, დედისათვის შეუჩივლია, რომ კახეთში იფქლი ვერ ვიშოვეო. დედას გაუჟკირებია, რომ კახეთში მის შვილს იფქლი ვერ უშოვია. შვილისათვის უკითხავს: აბა მეზობლებმა რანაირად შეიძინესო. მას უპასუხია: მათ პური იყიდეს, შენ კი იფქლის ყიდვა დამაბარეო“. ეს გადმოცემა რამდენიმე თვალსაზრისით არის საყურადღებო. პირველ ყოვლისა, ამ გადმოცემაში ჩანს, რომ მთაში მაინც ბარიდან მიაქვთ დამატებითი ხორბლელი. დამატებითი ხორბლელულის შემოტანასთან დაკავშირებით თუშეთში გამომუშავდა ცხენის ე. წ. საცალიერად გაჭირავების წესი, რაც იმაში მდგომარეობდა, რომ ცხენის დამჭირავებელი ცხენის პატრონს ქირაში აძლევდა იმ საბაღის ნახევარს, რაც ცხენს ეკიდა, ერთი ცხენის საბაღზე 6—8 ფუტამდე აღწევდა. მეორე მხრივ, ისიც ჩანს, თუ მთამ რამდენად წმინდად შემოინახა ის. როგორც ზემოთ უკვე აღვნიშნეთ, ხორბლელუს, გარდა სულადისა, კეთილსაც უწოდებენ. ეს მეორე ტერმინი სულადის შესატყვისი — კეთილი, ქართული მწერლობის ძველ ძეგლებში სწორედ იფქლთან მოიხსენიება, მაგ., „მთასთესნეს კეთილსა იფქლსა შინა“²⁴ ან „სართულიად მომჰკიან ვიდრე მწუხრამდე იფქლსა მას ფრიად კეთილისაო“²⁵ და სხვ. გ. კლიმოვი იფქლს საერთო ქართულიდან მომდინარედ მიიჩნევს²⁶. ფშავ-ხევსურეთის და თუშეთის ეთნოგრაფიულ სინამდვილეში იფქლი, უმეტეს წილად დიკა პურის კერძო სახელად გვევლინება. ეს გარემოება და ისტორიული ვითარების გათვალისწინება გვაპარაულებინებს, რომ იფქლი იმთავითვე მაგარი ხორბლის ერთ-ერთი ჯიშის — დიკის კერძო სახელი უნდა ყოფილიყო. ხოლო უფრო გვიან, მის ქვეშ იგულისხმებოდა როგორც დიკები, ისე დოლისპურები. მთათუშეთში ყვე-

²⁴ Г. Климов, Этимологический словарь грузинских языков, с. 104.

²⁵ ივ. ჭავჭავაძის, დასახ. ნაშრომი, გვ. 325.

²⁶ Г. Климов, დასახ. ნაშრომი, გვ. 104.

ლაზე მეტი რაოდენობით ქერი ითვისებოდა. ქერის ნათესებს დაკავებული ჰქონდა სახნავე-სათესი ფართობის 80%. ქერის ნათესებისათვის ასე დიდი ფართობის დათმობა მხოლოდ იმით არ იყო გამოწვეული, რომ ქერი მთის პირობებს იტანდა და კარგ მოსავალს იძლეოდა, ქერისაგან ამავე დროს მზადდებოდა როგორც სახლში, ისე ცხვარში მეცხვარეთა საკმელი ხალი. ხალის დასამზადებლად ძირითადად ქერი იყო გამოყენებული, ნაწილობრივ ქერშველსაც იშველებდნენ.

რამდენადაც დიდი იყო ოჯახი და ამ ოჯახიდან მეტი მუშახელი იყო ცხვარში, მით მეტი ქერი უნდა მოეყვანათ და სათანადო მარაგი შეექმნათ.

ქერი თუშეთში ორგვარი ითვისებოდა: ბრტყელი და მრავალკუთხა. უფრო მეტად მრავალკუთხას თესდნენ, რადგან მას ბრტყელ ქერთან შედარებით მეტი გამოსავლიანობა ახასიათებდა. მრავალკუთხა ქერს ექვსმწკრივად ჩაუღიოდა მარცვალი. თაველი მოკლე ჰქონდა, მაგრამ მსხვილი. მოსავალი 1—6-ზე მოდიოდა, ზოგჯერ 1—7-ზედაც აღწევდა. თესავდნენ გაზაფხულზე, მაისში, თესვის ამ სეზონს განუსაზღვრია მისი სახელი, მას გაზაფხულის ქერს უწოდებდნენ. გვიანი ხანისათვის, როცა თუშეთში მოსახლეობა შემცირდა, ხოლო სახნავე-სათესი მიწები მეტი დარჩა, თითოეული კომლი 5 კოდამდე მაინც თესავდა²⁷. ერთ დღიურზე 5—6 ლიტრი ითვისებოდა, თუ მიწა უღონო იყო, მაშინ საათესლე ქერის რაოდენობა 8—10 ლიტრამდე აღიოდა. საშუალოდ გვიანი პერიოდისათვის (XX ს. I მეოთხედი) თითოეული კომლი ქერს 5—6 დღიურზე თესავდა. ღონიერ მიწაში ქერმა გაბარტყვა იცოდა. უღონო მიწაში ბარტყი ნაკლები გამოჰქონდა. ქერი მწიფდებოდა აგვისტოს ბოლოსათვის. მოსავალს იღებდნენ ნამგლით. ნამგლით მოჭრილი ქერის ღეროები ძნებად იკონებოდა. ძნის შესაკონად ქერისავე ღეროები იყო გამოყენებული. ქერს პირუტყვის ფეხით ლეწავდნენ. უფრო გვიან რამდენიმე სოფელში შემოუღიათ კეკრიც.

ქერის გამოსავალი, როგორც ზემოთაც აღვნიშნეთ, შედარებით იფქლთან მაღალი იყო. ერთ კოდ ნათესზე 7 კოდამდე იღებდნენ. ასე, რომ ხუთკოდინი ნათესი გარანტირებული იყო 35 კოდი ქერით. გალუწვის შემდეგ დიდ დროს არ დახანებდნენ და მაშინვე იწყებდნენ ქერის იმ ნაწილის დახალვას, რაც მწყემსებისათვის უნდა გადაედოთ. დახალვას მით უფრო აჩქარებდნენ, რომ ამ დროს მწყემსებიც იყრებოდნენ საზაფხულო საძოვრებიდან და საზამთრო საძოვრებისაკენ

²⁷ გ. ბოკოროძის ზემოთ დასახელებული არქივის მასალებიდან, ფ. 722.

შიდიოდნენ. ამიტომ მათ თავისი საგზალი უნდა წამოეღოთ მთიდან ცხვრის წამოყვანასთან ერთდროულად. აქ საყურადღებოა ერთი გარემოება: მოუხედავად იმისა, რომ ქერის მოსავალი კახეთის ბარში უფრო უხვი იყო და მთიდან ქერის წამოღება სატრანსპორტო სიძნელეებთანაც იყო დაკავშირებული, თუშები არჩევდნენ ხალი მთიდან წამოეღოთ. ამას იმით ამართლებდნენ, რომ თუშეთის ქერის ხალი უფრო ტკბილი და გემრიელი გამოდიოდა, ვიდრე ბარში შექმნილი ქერისაგან დამზადებულნი.

რადგან აქ ქერის ხალზე ჩამოვარდა საუბარი, ორიოდ სიტყვით მის დამზადებაზედაც შევჩერდებით.

ერთი თვის მანძილზე მეცხვარეს თავისი ერთი ძაღლით 1 კოდი ხალი სჭირდებოდა. თუშურ კოდში 3 ფუთია. მთხრობელთა გადმოცემით, მწყემსს მეტი სჭირდებოდა ვიდრე სახლში მყოფს. რამდენი მწყემსიც გადიოდა ოჯახიდან ქერსაც იმის მიხედვით მოხალავდნენ. აღსანიშნავია მთხრობელთა ცნობა იმის თაობაზე, რომ თუშ მეცხვარეებს საქართველოს სხვა კუთხის მეცხვარეებთან შედარებით, ძაღლები ნაკლები რაოდენობით ჰყავდათ. თუში მწყემსები ცხვრის ფარას ღამე ყარაულობდნენ და თითო ფარაზე ორ ძაღლზე მეტს არ აჩერებდნენ. ეს გარემოება, როგორც ჩანს, საკვების დაზოგვის მიზნით იყო გამოწვეული.

ქერის „დასატყრობი“ მოწყობილობა „წალო“ — სოფელში ერთი იყო. ის სასოფლო კუთვნილებას შეადგენდა. წალო აგებულებით, ფურნეს წააგავს, რომელსაც მარცვლის სატყრობი ისე აქვს მოწყობილი, რომ ქერის მარცვლები თანაზომიერად გაფიცხდეს და ქერქი შემოასკდეს. წალოზე დაყრილ მარცვალს ხელით ურევენ, რომ თანაბრად გაფიცხდეს. როცა მარცვალს ფერი შეეცვლება და ქერქი დაუსკდება, ამის შემდეგ გადმოაქვთ ჭურჭელში. მარცვალს ხელში მოფშენებენ და ქერქს შემოაცლიან, ქარზე გაანიავენ და შემდეგ იქვე მოწყობილ ხელსაფქვაზე ან წიქვილზე გამოღერავენ. მიღებულ პროდუქტს, ხალს ანუ ყვას უწოდებენ. თუშური ქერის ყვა სურნელოვანი გამოდის. ყვას ხაჭოსთან, ყველთან, ერბოსთან, შრატთან, ღოსთან ერთად ჰამდნენ, ჰამდნენ აგრეთვე ქუმელთან და წყალთან ერთად.

ქერს ღონიერ მიწას ურჩევდნენ. ძირითადად ბოსლისპირების მიწებში ითესებოდა, სადაც ბოსლის სიახლოვის გამო ნაკელს დიდი რაოდენობით აყრიდნენ. ნაპურალ მიწაზე ქერს არ დათესავდნენ, ხოლო ნაქერალ მიწაზე კი პურს თესავდნენ. ქერის გარკვეული რაოდენობა სათესლედ უნდა გადაენახათ, ნაწილს კი საოჯახო მოხმარების

სათვის ტოვებდნენ. ქერს სვილთან ერთად არეულს ფქვავდნენ და აცხობდნენ.

ქერშველი თუშეთში ნათესი ფართობების მხრივ მეორე ადგილზე იდგა ქერის, სვილის და იფქლის შემდეგ. ქერშველს ისეთ დროს უნდა თესვა, როცა ქერს თესავდნენ. იგი ქერისაგან განსხვავდება იმით, რომ მას მარცვალი, შიშველი აქვს. ბუდიდან მარცვალი ლეწვის დროსვე თავისუფლდება. საყუათო თვისებებით ქერის მსგავსია. ქერშველი ქერთან შედარებით ნაკლებ გამძლე ჯიშია და უფრო მეტ ყურადღებას თხოულობს მხენელ-მთესველსაგან, ვიდრე ქერი. გამოსავლიანობა ნაკლები ახასიათებს; ერთი ოთხზე ქერშველის მაღალ მოსავლად ითვლება. ქერშველს წმინდადაც აცხობდნენ სხვა პურეულთან შეურევლად და შერევითაც. მისგან ხალის დამზადებაც იცოდნენ: ქერშველი ჩვენ მიერ ცენტრალური კავკასიონის გასწვრივ მცხოვრებ ხალხთა სამეურნეო ყოფაში არაერთგან იქნა დამოწმებული და თუშეთშიც, როგორც ჩანს, მის კულტივაციას აქტიური ხასიათი ჰქონია.

სვილი (ჭვავი) — ნათესი ფართობების მიხედვით თუშეთში ჭვავს მეორე ადგილი უჭირავს. ჭვავი ადგილობრივი ჯიშისაა და შეგუებულა სახნავ-სათესი ფერდობების მაღალ ზონას. სვილის გავრცელების ზოლი 2000 მეტრზე მაღლა მიდის. სვილს გრძელი მონღურჯო მარცვალი აქვს, ადგილობრივთა დაკვირვებით, ბარის სვილი უფრო მოშაო ფერისაა. თუშეთის მთებში რომ სვილი ითესებოდა, უფრო ღეთარი ფერი დასცემდა და გემოთიც თურმე ღიდად განსხვავდებოდა ბარის სვილისაგან. ღერი მაღალია და ხმელი, პირუტყვის საკვებად ნაკლებ გამოსაყენებელი. თესავდნენ უმთავრესად შემოდგომით.

შემოდგომის სვილს თესავდნენ თიბათვეში და შემოდგომა მეორე წლის მარიამობისთვის ნახევრიდან. სვილის მოსავლის აღება თითქმის ისეთივე წესით წარმოებდა, როგორც ფშავ-ხევსურეთში. მას ჩვეულებრივ ნამგლით მკიდნენ. სვილს ბერტყავდნენ ქვის სიპებზე ან ფიცრებზე. გაბერტყვის შემდეგ შერჩენილ მარცვლებს „რიკნით გარიკნავდნენ“, ე. ი. ძნას კუნძზე დადებდნენ და პატარა ჯოხს — რიკნას ურტყამდნენ. სვილის ხევს ანიაგებდნენ და შემდეგ მზეზე აშრობდნენ.

შვრიას (შრუო) — თესავდნენ ცოტას. თუშეთში, ისე როგორც ხევსურეთის საჭიშქნეებს (საშვრიეს), დათმობილი ჰქონდა სახნავი მიწების ყველაზე მაღალ ადგილებში მდებარე ნაკვეთები. ან საერთოდ მას გამოღალულ მიწაში თესავდნენ. შვრია ითესებოდა აპრილში.

ერთ დღიურზე 1 კოდი თესლი უნდოდა. მოსავალი მოდიოდა 1X15-ზე.

შვრიას ადამიანის საკმელად არ იყენებდნენ²⁸. შვრიას ძირითადად იმიტომ თესდნენ, რომ პირუტყვისათვის ყუათიანი ჩალა დაემზადებინათ, შვრიის მარცვალს აკმევდნენ ცხენს და დაჯანდაგებულ საქონელს, იყენებდნენ აგრეთვე არაყის გამოსახდელად. გ. ბოკორიძის ცნობით, შვრიისაგან უმზადებიათ ერთგვარი სასმელი, რომელსაც ნიხი ეწოდება²⁹.

თუშეთში ითვისებოდა აგრეთვე ქუმელი (სელი). ქუმელისათვის არჩევდნენ ქვიშრობ, მწირ ნიადაგებს. ქუმელი აქ საკვები ზეთის მიღების მიზნით მოყავდათ. ქუმელის ნათესებს საერთოდ ძალიან მცირე ადგილი ეთმობოდა, ხშირად მას ყანის ირგვლივ შემოთესავდნენ ხოლმე, დასათესად მომზადებულ თესლში 10 წილ მიწას ურევდნენ, რომ სქელი არ ამოსულიყო, საერთოდ ოჯახი 2—3 კიქაზე მეტს არ თესავდა, თესდნენ აპრილში. ქუმელი ყანასავეით ამოჯეჯილდებოდა, შემდეგ, მაკატას, ღერს გამოუშვებდა. იზრდებოდა სიმაღლით 50 სმ-მდე, ღეროს გამოჰქონდა შვიდი-რვა დატოტვილი ნაყოფიანი თაველი. შემოსვლისას პურივით ყვითლდებოდა, შემოსული ქუმელის აღება ხდებოდა ხელით. მოგლეჯდნენ ფესვებიანად, კრავდნენ სვილივით მცირე კონებს. ჩვეულებრივ ქუმელის აღება ხდებოდა ოდოშად, კონებს დატოტვილ სარზე — ჩხარზე აასხამდნენ და ასე დატოვებდნენ ერთი კვირის მანძილზე, რომ გამომშრალიყო. ქუმელის ნაყოფის გამოცალკეება ხდებოდა კალოზე. კალოზე მაკატებს მუქამუქა დაალაგებდნენ, თითო მუქა მაკატის ფიცარზე დარტყმით ნაყოფს გააყრევიანებდნენ და თუ რამე შერჩებოდა, რიკნის საშუალებით ჩამობერტყავდნენ — გარიკნავდნენ. ამის შემდეგ „რიკით“ გაანიავებდნენ და ქუმელი მზად იყო.

ქუმელს, ვიდრე საკვებ პროდუქტად გადაიქცეოდა, ესაჭიროებოდა „დატყრობა“ და დაბეგვა. დატყრობა წარმოებდა ისეთივე წესით, როგორც სახალე ქერს ამზადებდნენ, ე. ი. წალოზე დაყრიდნენ, ცეცხლს შეუთებდნენ და მოხლიდნენ. ამის შემდეგ დიდი ზომის გურჩით ფილში უნდა დაენაყათ — დაებეგვათ. ქუმელის სანაყი ფილი ღრმა უნდა ყოფილიყო; ნაყვის ღროს გამონადენი ზეთით სანა-

²⁸ ხევსურეთში შვრიისაგან ამზადებდნენ ხაიწს, საამისოდ შვრიას ქერ მოხარშავდნენ, შემდეგ აშრობდნენ — ახმობდნენ და დახლიდნენ, ამის შემდეგ დაღერლავდნენ და ხაიწად ხმარობდნენ.

²⁹ სსცა, ფ. 1753, ს. 115, ფ. 724.

ყო ქვა ცურვას დაიწყებდა, ღრმა ფილში კი ქუმელი ერთად მოიყრიდა თავს და ნაყვა ადვილდებოდა.

დანაყილ ქუმელს მარილით შეაზავებდნენ და ინახავდნენ. ამ ნაზავით საჭმელს შეკაზმავდნენ. ქუმელს დიდმარხვის პერიოდში იყენებდნენ. იგი ძირითადად შინ სახმარი საკვები პროდუქტია, მისი ჭამა მეცხვარეებს არ უწევდა; ქუმელის აღებისა და დამზადება-მოხმარების პერიოდში მეცხვარეები სახლიდან შორს იყვნენ და ამდენად მათი კვების რაციონში ქუმელით ნაზავი საჭმელი არ შედიოდა.

აღსანიშნავია, რომ მთათუშეთის მიდამოებში მოყვანილ პურეულსა თუ სხვა სახის მცენარეულს ნაყოფს განსაკუთრებული გემო ჰქონია. ქერზე მოუთითებენ, რომ „ის მოტკბო გემოსი იყო და ქერის პური გემრიელი ცხვებოდა“, ასევე გემოვნებით გამოყოფენ დიკას და სვილს. თუ რამდენად დიდი ყოფილა მთათუშეთის პურეულის გემოს განსხვავება ბარის პურეულთან შედარებით, ამაზე მოუთითებს ერთი თუშური გადმოცემა, რომელსაც ხალხი მეფე ერეკლეს უკავშირებს: მეფე ერეკლეს ეთქვა: „იგრე არ მომკლაო, რომ ნივრიულის წყალი არ დამალევიანო, კურეხული პური არ მაჭამაო და დეკის ნალვერდალზე გახანხლული ბატკნის ღვიძლი არ მაჭამაო“. ამ გადმოცემით თუშები თავისი კუთხის ღირსებას გამოხატავენ ხოლმე.

თუშეთში მარცვლეულის საწყაო ერთეულებად ხმარებაში იყო კაბიწი, რომელიც შემდეგში ლიტრს შეუცვლია. როგორც ჩანს, სხვადასხვა თემში კაბიწის მოცულობა განსხვავებული ყოფილა. ასე, მაგალითად, სოფელ შტროლოთელი მთხრობლის გიო ქრისტოს ძე წვერაიძის ცნობით (80 წლისა, ზემო ალვანი, 1960 წ.), „კაბიწში 10 გირვანქა ქერი ჩადიოდა, ხოლო თუ ხორბალ პურს გამოწყავდნენ, მაშინ 12 გირვანქა ჩადიოდა“ სოფელ ყვავლოელი მთხრობლის მიშიძე ეგნატე დიმიტრის ძის ცნობით (80 წლის, ზემო ალვანი, 1963 წ.) „კაბიწი ლიტრანახევარს მოიცავდა, ხოლო ლიტრა 12,5 გირვანქას იწონიდა“, კაბიწი საბას განმარტებით სამი კოდი ყოფილა, ზოგან 10 კოდსაც კაბიწად იტყვიანო. კოდში კი 10 ახალი ლიტრა ჩადიოდა, ე. ი. გამოდის, რომ საბასეული სამკოდნიანი კიბიწი უდრიდა 30 ლიტრას.

თუშური კოდი იტევდა სამ ფუთს, ანუ წყვით 12 კაბიწ ქერს.

საერთოდ თუშეთში რამდენადაც ძირითადი სათესი კულტურა ქერი იყო, საწყაო ერთეულებად ამ კულტურის შესაბამისი წონატევადობისა ჰქონდათ გამოყენებაში, კაბიწისა და ლიტრის სახით.

8. სამეურნეო იარაღები. თუშეთში ხელით სამუშაო იარაღების ნაირსახეობას არ ჰქონია ადგილი. აღსანიშნავია, რომ ისე როგორც

ჯავახეთში, აქაც თოხი ეწოდებოდა იმ იარაღს, რომელსაც ბარში წერაქვის სახელით ვიცნობთ. თოხი-წერაქვი, როგორც ჩანს, თუშეთის ძველი მემინდვრობის ხელით სამუშაო იარაღთა შორის ერთ-ერთი უნივერსალური იარაღი ყოფილა. მისი ჭაშუალებით წარმოებდა როგორც მოხვნის დროს დარჩენილი ხარვეზების ჩათოხნა, ისე ბელტების დაფშვნა და კარისპირა სანიორეს დაჩერკნა-დათოხნა. თუშეთში ხმარებაში იყო აგრეთვე ქარჩი, რომელიც ხასიათდება მსხვილი სატარე ყუით და სოლისებური მოყვანილობით, ქარჩი (საქ. სახ. მუზეუმის კოლ. № 27—32/36) ძირითადად ახოს ალების საქმეში იყო გამოყენებული. უფრო გვიან, ე. ი. XIX საუკუნის დასასრულისათვის, აქ ფეხი მოიკიდა კარტოფილის კულტურამ. კარტოფილს თან მოჰყვა ბრტყელობრა სათოხნი იარაღი, რომელსაც ქართული თოხის სახელით იხსენიებენ. ცოტა უფრო მოგვიანებით ხმარებაში შევიდა მხრებდაქნილი თოხი, რომელიც იმერული თოხის სახელით გავრცელდა. გარდა ამისა, თუშეთში ჩრდილო კავკასიის ველებზე გამოყენებული ყუამილიანი, კიდეებ შიგნით გადაქნილი თოხებიც არა იშვიათად გვხვდება, რაც დასახელებული კუთხეების სამეურნეო ურთიერთობით უნდა აიხსნას. განსაკუთრებით აღსანიშნავია ის გარემოება, რომ როცა თუშებს მუშაობა მოუხდათ სათოხნ კულტურებზე, სამეურნეო საქმიანობის ეს მხარე მათ მალე აითვისეს. სახელდობრ, თალვამთან და ნიორთან შედარებით, კარტოფილი უფრო მეტად მოითხოვს მიწის შემოყრა-შემოთოხნას, რაც თუშეთის სამეურნეო საქმიანობაში ძნელ პირობად არ გადაქცეულა. თოხით მუშაობა ძირითადად ქალების მიერ სრულდებოდა. მართალია, თუშეთში კარტოფილს საბაზრო მნიშვნელობა არ გააჩნდა და მხოლოდ შინ მოხმარების მიზნით მცირე რაოდენობით თესდნენ, იგი მაინც ყველა ოჯახს მოჰყავდა.

განსაკუთრებული ხასიათის ცვლილება თუშების სამეურნეო საქმიანობაში საქართველოში საბჭოთა ხელისუფლების გამარჯვების შემდეგ დაიწყო. მთიდან ბარში მასიურად გადმოსახლებამ, მთის მეურნეობას მიჩვეულ თუშს ახალ სამეურნეო საქმიანობას მოაკიდებინა ხელი. ბარში მას უხდება არა მარტო ტრადიციული მეცხვარეობის მიყოლა, არამედ მასთან ერთად მრავალდარგოვანი მიწათმოქმედების წარმოებაც. მთაში თუ თუშური მიწათმოქმედება მემინდვრობისა და ძალზე მცირე მასშტაბის მეზოსტნეობით იყო წარმოდგენილი, ბარში იგი მემინდვრობის, მეხილეობის, მევენახეობის და მეზოსტნეობის მწარმოებელი გახდა. ასეთ ვითარებაში იგი მთლიანად დაეუფლა

ბარული სამეურნეო საქმიანობისათვის დამახასიათებელ ყველა სამეურნეო პროცესსა და მანქანა-იარაღს.

ძველად სამეურნეო იარაღების მკეთებლებად ადგილობრივი მკედლები გვევლინებიან. ასე, მაგალითად, სოფელ დიკლოში მკედლობდნენ ბეწუნაიძე ხაპრო და ქართოშიძე გიორგი. მკედელი იჭდა აგრეთვე ბოჭორნაში და ომალოში. ზოგიერთ სოფელში დროებით სამკედლოებს მართავდნენ დაღესტნიდან მოსული მკედლებიც, რომლებიც სოფლიდან სოფლად ინაცვლებდნენ და ჰედავდნენ სამეურნეო იარაღებს. მოსული მკედლები სამკედლოში ძირითადად ნატურას იღებდნენ.

მთათუშეთში სახენელთა მრავალსახეობას არა ჰქონია ადგილი. გამწევი ძალით მუშაობდა საკვეთელი და სახენელი კავი. უფრო გვიან, როცა თუშებმა ბარად მიწის დამუშავებას მოკადეს ხელი, მათი სახენელი იარაღები რთული და მრავალსახოვანი გახდა. ასე, მაგ., მთაში თუ დიდი ქართული გუთანია არ იყო გამოყენებული, ახლა როცა ისინი ბარში ჩამოსახლდნენ, ძალაუვნებურად ჯერ სხვეებისაგან ყიდულობდნენ გუთნით ხვნის ალოებს, ხოლო შემდეგში თვითონაც გაიჩინეს სახენელი იარაღები და შეისწავლეს მისი გამოყენება-დამზადება.

მთათუშეთი იცნობს 3 სახის სახენელს: პირველი „საკვეთელია“, მეორე „სახნისი“, მესამე „სახენელი“. საკვეთელის აგებულება სრულიად მარტივი ყოფილა. იგი შედგებოდა მხარის ანუ ტარის, საკვეთელის და ერქვანისაგან. მხრის, ანუ ტარის სიგრძე 250 სმ-ია, ერქვანის-სიმაღლე 75 სმ, საკვეთელისა 45 სმ. ტარი ბოლოვდებოდა საუღლით, საუღლესთან ჩხირი იყო გაყრილი, რომელსაც საშრუეს უწოდებენ. საშრუეზე სპეციალურად საამისოდ შეგრეხილი ტყავით, უღელი აიბმოდა. ამ ტყავს საუღლე ეწოდებოდა. საუღლე ტყავის დასამზადებლად ხარის ტყავს ხმარობდნენ.

ხარს რომ დაკლავდნენ, ყელიდან მუცელზე ჩაყოლებით მტყაველის სიფართოზე ტყავს ჩააჭრიდნენ. შემდეგ მას შაბსა და მარილს დააყრიდნენ ან არყის „ბუყში“ ნახაღში ჩადებდნენ. იქ ერთი კვირის მანძილზე უნდა ჰქონოდათ. მერე ამოიღებდნენ, მოჩვილებულს დაზელავდნენ ხის ჩაქურჩით, გადაგრეხდნენ და ცხვრის ღუმით გამოხავდნენ, რომ მოქნილობა შეენარჩუნებინა. ასეთი წესით დამზადებული საუღლე გამძლე გამოდიოდა.

საკვეთელში ჭარების შესაბამელი უღელი სახენელში შესაბამელი უღლისაგან არაფრით არ განსხვავდებოდა. უღლის სიგრძე 184—190 სმ-ია, სისქე 10×8 სმ.

საკვეთელში ორი ხარი იბმოდა. მას იყენებდნენ ნასვენ და ბორტვ მიწებში მიწის ზედაპირის დასაკვალავად. მთხრობელთა გადმოცემით „კავს ანუ საკვეთელს იყენებდნენ ბორტვის ასაგდებად“ (იორდანე კობეს ძე გუთანაიძე, 64 წ., 1963 წ. ქვ. ალვანი). ბორტვი აღმოსავლეთ საქართველოს მთის რაიონებში (ხევი, ხევსურეთი, ფშავი, თუშეთი) ეწოდება ნასვენ ან დიდი ხნით დაგდებულ მიწას.

ბორტვი საბას განმარტებით: დიდი ხნით დამუშავების გარეშე დატოვებული სახნავია. დამუშავების გარეშე დატოვებული მიწა ბალახდებოდა, მიწის ზედაპირზე იჯალჯებოდა, ფესვს იმაგრებდა და თუშურ სახენელს, საკვეთლის გარეშე, მისი დამუშავება არ შეეძლო. თუშური კავით მუშაობა სახენელის ანალოგიურად წარიმართებოდა ხოლმე. მიწის ნაკვეთის დაწერას — დაკაწერას იწყებდნენ თუ ფერდობი ადგილი იყო, დაბლიდან მაღლა გარდიგარდმო სვლით. მის ნაკვალევს მისდევდა სახენელი.

თუშური საკვეთელი, ისე როგორც ხევსურული საწერა და სვანური ლიღრავე, ერთი დანიშნულების სახენელებია, მხოლოდ სახენელები აქვთ სხვადასხვა. მათ ფუნქციას მიწის დაწერა-დაკვალვა შეადგენდა. უნდა ითქვას, რომ ამ ფუნქციას საკვეთელი კარგად ასრულებდა; როცა ორი სხვადასხვა იარაღი მუშაობდა, მიინც სახნის-საკვეთლიანი სახენელის ფუნქცია სრულდებოდა, როგორც ეს შეეძლო განხორციელებინა ფშაურ სახენელს.

ფშაურ სახენელს გაწერვა და მიწის აჩეჩვა შეეძლო. ხევსურული, სვანური და თუშური მხოლოდ მიწის „აჩეჩვას“ აწარმოებდა. ფშაური სახენელი იარაღი მისი შემადგენელი სამუშაო ნაწილებით უფრო სრულყოფილი იყო, ვიდრე სამი ზემოთ დასახელებული სახენელი.

ეს პირობა ფშაურ სახენელს განვითარების თვალსაზრისით ერთი საფეხურით მაღლა აყენებდა. თუმცა ხევსურეთი, სვანეთი, თუშეთი მეზობელთაგან ისე არ არის მოწყვეტილი, რომ ეს დაწინაურებული საკვეთელ-სახნისიანი მათთვის უცნობი ყოფილიყო; მათ, ცხადია, კარგად იცოდნენ საკვეთელიანი სახენელის არსებობა, მაგრამ ორი ცალ-ცალკე იარაღით მიწის ხვნას რაღაც უპირატესობა ჰქონდა. რაში მდგომარეობდა ეს უპირატესობა, ამის შესახებ ჩვენ გამოთქმული გვექონდა მოსაზრება, რომ საკვეთელი ანუ კავი მიწის ზედაპირის დაწერვა-დაკვალვისას რომელიმე ერთ გარკვეულ დონეზე კი არ ჰქრიდა, ხაზავდა ან წერდა მიწას, არამედ ნებისმიერ სიღრმეზე ჩადიოდა, მაშინ როცა სახენელზე დამაგრებული საკვეთელი სახენელის მხარში მყარად იყო გაკეპილი. მიწაში მისი სიღრმეზე ჩასვლა მთლიანად სა-

ხენელით იყო შეზღუდული. საკვეთლის მუშაობა სახენელის ქუსლის და სახნისის მიწაში ჩაშვების დონეს შეესატყვისებოდა.

მაშასადამე, საკვეთელი ანუ კავწერა წარმოადგენდა ისეთ სამეურნეო იარაღს, რომელიც მიწის წიაღში აკეთებდა სხვადასხვა სიღრმის კვალს და აწარმოებდა ბალახიანი ზედაპირის დაწერას.

თვით ეს გარემოება მას ხდიდა გარემო პირობების შესაბამის აუცილებელ იარაღად. გაწერილ მიწაზე გადავილი აჩაჩას, მუშაობის გაადვილების გარდა, უხდებოდა ხნულის თავისებური პროფილის შექმნა, ჩვენ მას ორ სართულად დამუშავებულ მიწას ვუწოდებთ: I სართული, ანუ I იარუსი, საკვეთლის მიერ გაწერილი ხაზია; მეორე იარუსად აჩაჩისაგან ანგრეული მიწა გვევლინება.

ამ წესით დამუშავებულ მიწას ის უპირატესობა აქვს, რომ საკვეთლით გავლებული კვალი მეორე ფენის ქვეშ რომ არის მოქცეული, ღრენაუის ფუნქციასაც ასრულებს და სინესტის დიდხანს დამკავებლის მოვალეობასაც. ყოველივე ეს სენათში, ხევსურეთში და თუშეთის მიწათმოქმედებაში კავწერას ანუ საკვეთელს საშუალებას აძლევდა, როგორც აუცილებელ სამეურნეო იარაღს, ალპურ ზონებში წარმოებული მიწათმოქმედების პირობებში — დიდხანს შემოენახა თავი.

საკვეთლის — კავწერის სამეურნეო საქმიანობიდან ამოვარდნა გამოიწვია ახალმა სამეურნეო ცხოვრებამ, რომელიც მოჰყვა მიწათმოქმედების საბჭოური სისტემის გამარჯვებას საქართველოში. ამ ნიადაგზე შეიცვალა როგორც საწარმოო იარაღები, ისე სამიწათმოქმედო კულტურები. მთის პირობებში ნაცვლად მარცვლეული კულტურებისა, წამყვან კულტურად გამოჩნდა კარტოფილი, რომელმაც მეურნე გლეხისაგან შესაფერისი შრომა მოითხოვა, სახელდობრ ხშირი თოხნა. ამის ნიადაგზე კი მოისპო სახნავი მიწების დასარეგულიანება. მთაში ხის კავის ნაცვლად მარჯვედ იყენებენ რკინის საბრუნ გუთნებს. საბრუნმა გუთანმა შედარებით ღრმად ჩააღწია მიწის წიაღში, ვიდრე ეს ხის გუთანს შეეძლო. აჩეჩვის ნაცვლად, აჭრილი ბელტი დაფშვნა და ნაწილობრივ გადააბრუნა. ამ ნიადაგზე, მზის სხივებით და ჰუმუსით მდიდარი მიწის ზედაპირი, ფესვის საბუშაო დონეზე მოდის, ეს კი უკეთესი გარანტიაა მაღალი მოსავლისათვის.

თუშური სახენელი, ანუ სახნისი. თუშები თუშურ აჩაჩას სახნისს უწოდებენ. სახნისი შედგება 4 ნაწილისაგან: ქუსლის, ერქვანის, მხარის და სახნისისაგან. ქუსლი სოლისებური მოყვანილობის ხის ძელია, ყურებგამოყვანილი. ქუსლის სიგრძე 80—90 სმ-ია, სისქე 20×20 სმ. ქუსლს აქვს წინ „საშრუე“ სახნისის დასაგებად — გამო-

ყვანილი, ქუსლის დანიშნულებით მაგარ ხეს არჩევენ: წიფელას, რცხილას ან ნეკერჩხალს. ბუნებრივ დატოტილ ხის ტოტს არჩევენ ისეთს, რომ ღერს ტოტები ერთ მხარეზე ჰქონდეს გადახრილი. დამუშავების შემდეგ ქუსლს ყურები ზემოთ აწეული უნდა დარჩეს, ძირს კი სწორად გამოთლიან, მაგრამ მუშაობაში ძირის სწორი კუთხეები ცვდება და გლუვდება. ნახმარი სახენელის ქუსლს ყოველთვის გლუვი ტანი აქვს.

თუშური სახენელის ქუსლს ერთი მოზრდილი ნაჩვრეტი აქვს, ზომით 20×4 სმ-ზე, რომელშიც იდგმოდა სახენელი მხარის დაბოლოება და ერქვანი. მხარი სახენელისა წარმოადგენს ერთი თავით მოხრილ ხეს, რომელიც მოხრილობის ნაწილთან ჩაიდგმებოდა ქუსლში. მხარის სიგრძე მოხრილობის კუთხემდე 2,50 სმ-ია, მოხრილობიდან ქუსლამდე 25 სმ. მხარს დაბოლოებაზე საუღლე ნემსა აქვს გაყრალი, რომელზედაც საუღლე ტყავის ღვედი გამოიბმოდა ხოლმე. მხარს მოხრილობის კუთხეში ნაჩვრეტი გააჩნია, რომელშიც გამობმული იყო ჭარჭი და ამის საშუალებით ერთიმეორეზე იყო მიმაგრებული მხარი და ერქვანი. მხარს ხშირად ნაძვისაგან ამზადებდნენ, მსუბუქი იყო და დასამუშავებლად ადვილი. ერქვანი 70 სმ სიმაღლის სწორ ჯოხს წარმოადგენს, რომელსაც ოთხკუთხედად გათლიდნენ და სახენლეს უტოვებდნენ, რომ მარჯვედ ემართათ სახენელი.

სახენელის მეოთხე ნაწილი რკინის სახნისია, რომელიც თავისი მოყვანილობით შეიძლება მიეკუთვნოს უფროს სახნისთა ჯგუფს.

სახნისის სიგრძე 26—30 სმ მერყეობს, სიგანე 14 სმ. საქართველოს სახ. მუზეუმში დაცულია 1932 წელს მთათუშეთის სოფ. დოქუდან ჩამოტანილი სახნისი (კოლ. № 27 ა—31/1). აღნიშნული სახნისის სიგრძე 28 სმ-ია, თუშებს სახნისი ადგილზე, ადგილობრივი მკვდლების საშუალებით უმზადებიათ და ბარიდანაც ამოჰქონდათ.


სასახნისე რკინა არც ისე ადვილი მოსაპოვებელი იყო და ადგილობრივი მეურნენი სახნისს სათუთად უვლიდნენ. გაცვდებოდა თუ არა, მაშინვე მკვდელი სხვა რკინის ნაჭერს დააკერებდა, რასაც დარკინვას უწოდებდნენ.

სახენელის აღწერილი სახეობა განეკუთვნება სამმხრიან სახენელი იარაღების ტიპს. სამმხრიანი სახენელები საერთოდ არის გავრცელებული მთელი კავკასიონის ცენტრალური რაიონებში, როგორც ამიერ ისე კავკასიის იმიერ კალთებზე მოსახლე ტომების სამეურნეო ყოფაში. სამმხრიანი სახენელი ორი განსხვავებული პროფილით გვხვდება: ერთს მთლიანი მხარი ახასიათებს, ხოლო მეორე ტიპს შედგენილი მხარი აქვს. შედგენილი მხრით საქართველოში მოხვეუარი სახენელი

წარმოგვიდგება. სამმხრიან სახენელებს განეკუთვნებიან სახენელები დასავლეთ საქართველოდან: აფხაზური, მეგრული, გურული, სვანური, ხოლო აღმოსავლეთ საქართველოში ხევსურული, ოსური ძივირი და თუშური სახენელის ძველი ტიპი.

თუშური სახენელი ხევსურულის ანალოგიურია. მიწის დამუშავების თუშური წესი ორი სხვადასხვა იარაღის საშუალებით იმეორებს ხევსურეთის მიწათმოქმედებაში გამოყენებულ ხერხებს. ხევსურული და ფშაური სამმხრიანი სახენელის და საწერა-საკვეთელის შემდგომი განვითარება ისე წარიმართა, რომ ორი სხვადასხვა იარაღის ერთ სახენელად შერწყმა მივიღეთ; ორი სხვადასხვა სახენელის შერწყმამ მოგვცა ოთხმხრიანი სახენელი, რომელიც ისე როგორც ხევსურეთში, აქაც ბოლო ხანებში გამოჩნდა.

თუშური ოთხმხრიანი სახენელი შედგება მხრის, ქუსლის, ერქვანის, ხმალას, სახნისის და საკუთელისაგან. ჩვენ სოფ. შენაქოში ავზომეთ მარკოზა სენიაიძის სახენელი, რომელიც შემდეგი სახით წარმოგვიდგება: მხარი წარმოადგენს სწორ, ოდნავ წელში გახრილ ხის ძელს, სისქით 10×10 სმ, სიგრძით 280 სმ. მხარს დაბოლოებაზე აქვს გაყრილი საულლე ნემსა, შედგმულია წათლილი თავით ერქვანში და მაგრდება ჯოლით, მხარსა და ქუსლას აერთიანებს ქუსლში ამოტარებული და მხარში გაშვებული ხმალა, რომელიც მაგრდება სოლით. ხმალადან—35 სმ წინ მხარზე ამოჭრილია ნაჩვრეტი, რაშიც ჩადგმულია საკვეთელი.



ტაბ. 1. თუშური სახენელები: 1. კვეწერა, 2. სახნისი, 3. სახენელი

: სახენელის ქუსლი სიგრძით 103 სმ-ია, სისქე 20—20 სმ; ყურე-
ბის კიდევები ერთიმეორეს 35 სმ-ით არის დაშორებული. ძირი სწო-
რად გათლილი, ყურებთან ზევით აყრილი. ქუსლს აქვს ორი ნაჩვრე-
ტი ხმალასთვის და ერქვანის მოსათავსებლად. ქუსლი წიფლსაა.

ერქვანი 95 სმ სიგრძის, სწორი, 8×8 სმ სისქის ჯოხია, რომელ-
საც დაბოლოებაზე ბუნებრივი ორი ტოტი აქვს შერჩენილი თითოეუ-
ლი 45 სმ სიგრძისა. ერქვანი ჩამჯდარია ქუსლში და ხის მანქვლითა
და სოლით გამაგრებული. ქუსლიდან 14 სმ დაშორებაზე ერქვანში
გაყრილია მხარი. ერქვანის საშუალებით წარმოებდა როგორც სახე-
ნელის მიმართულებაზე გასწორება, ისე ხენის დონის დაქვეა.

ხმალა სწორად გათლილი ჯოხია, სიგრძით 76 სმ. ხმალა ამოტა-
რებულია ქუსლში და გასული მხარში, ქუსლში სოლით არის გამაგ-
რებული, მხარში ჭინჭილაქებით. სახენელის სახნისი რკინისაა, ტოლ-
ფერდა, სიგრძით 24 სმ, ფრთებთან უდიდესი სიგანე 18 სმ-ია.

საკვეთელი გრძელყუიანი, მოკლე სატარის პირიანი, რკინის დი-
დი ზომის დანას მიაგავს. სიგრძე 35 სმ, სამუშაო პირის სიგრძე
12 სმ.

ჩვენ მიერ აღწერილი სახენელი ტიპოლოგიური თვალსაზრისით
ოთხმხრიან სახენელთა წყებას მიეკუთვნება. თავისი ანაზომებით და
შედგენილობით კი ფშურ აჩაჩს ემთხვევა. თუშეთში ხმალასაკვეთ-
ლიანი სახენელი იარაღი ძალიან გვიან შემოვიდა ხმარებაში, დაახლო-
ებით 30—40 წლის წინ. მანამდე კი გამოყენებაში იყო ზემოთ აღ-
წერილი საკვეთელი და სახნისი. იქ სადაც ხმალასაკვეთელიანი სახე-
ნელის ხმარება დაიწყეს, ორ ერთადმოქმედ სახენელს აღარ იყე-
ნებდნენ. ამას გარდა, ამ პერიოდში თუშეთში ხმარებაში შევიდა რკი-
ნის საბრუნე გუთანის. საბრუნემა გუთანმა სრულიად ახალი სახის ხენა
შეიტანა მთაში; მანამდე თუ ნიადაგის დაკაწვრა და კვალვა-გაკვეთა
და ორმხრივი ნგრევა წარმოებდა, ახლა რკინის გუთნით ბელტის აჭ-
რა და მისი დამრეც მხარზე გადაწვენა ხდება. ამ გარემოებამ სრუ-
ლიად შეცვალა ნიადაგის დამუშავების ხასიათი და ხნულის სტრუქ-
ტურა. მაგრამ აქ საინტერესო ერთი გარემოებაა: თანამედროვე საბ-
რუნე გუთნით მთის ფერდა ადგილების ხენა, საბოლოოდ შედეგში გა-
რკვეულად ამცირებს სახნავ ფართობს; რამდენიმე წლის მანძილზე
თუ საბრუნე გუთნით წარმოებული მუშაობის პროფილს დავაკვირ-
დებით, იქ სადაც სახნავი ფენა ახლოა ნიადაგთან, სახნავი ფართი ყო-
ველწლიურად 15 სმ-ით კლებულობს. ასე, რომ 10 წლის შემდეგ 1,5
მეტრით უნდა დაიკლოს სახნავმა ფართობმა. მათათუშეთში ის ფარ-
თობები, რომელიც ამ მხრივ საშიშროებაშია, ახლა აღარც მუშავდე-

ბა. ეს გამოიწვია საერთოდ მთელი მთათუშეთის სახნავ-სათესი ფართობების საძოვრებად ქცევამ, ერთი შეხედვით, თითქოს შეაჩერა ეს ინტენსიური ეროზია, რასაც ადგილი ჰქონდა თუშეთში. მაგრამ ამით ფერდა ადგილების ეროზია სულ მთლიანად არ არის შეჩერებული, ცხვარი და მეცხვარეობა ერთ-ერთი ხელშემწყობი პირობაა ამ პროცესისა.

XIX საუკუნეში მ. მაჩაბელი საგანგებოდ წერდა თუშეთის სახნავ-სათესი ადგილებს ეროზიაზე: „თვით მე ვიყავი მოწმე იმისა, თუ ძლიერი წვიმის შედეგად რამოდენიმე ნაკვეთიდან როგორ ჩამორეცხა სახნავი ფენა თავისი მოსავლით, და გაშიშვლდა კლდეები. წლების მანძილზე სათიბები და სახნავ-სათესი ფართობები მთლიანად შემციკრდება, თუ რაიმე გადამქრელი ზომები არ იქნა მიღებული“³⁰. ასეთ ვითარებაში ყველაზე უფრო მორგებული სახენელი ის კომპლექსური სახენელები იყო, რომელიც თითქოს და მარტივი სახით გამოიყურებოდა საკვეთლისა და სახნისის სახით.

მიუხედავად ამისა, მაინც თუშურმა საკვეთელმა და ჯამმხრიანმა სახნისმა ადგილი დაუთმო ჯერ ოთხმხრიან ფშაური ტიპის სახენელს, ხოლო მის პარალელურად მოქმედებაში შემოვიდა საბრუნე გუთანე რკინისა.

თუშეთში სახნავ-სათეს იარაღებად დასახელებული ახალი ტიპის სახენელების გამოყენება ემთხვევა ისეთ პერიოდს, როცა თუშების სამეურნეო ცხოვრებაში ახალ ძვრებსა აქვს ადგილი. სახელდობრ, ეს არის XX საუკუნის I მეოთხედი, როცა მთელი თუშეთის ეკონომიური ღერძი მეცხვარეობაზე ტრიალებს, როცა მიწათმოქმედება თუშეთის ეკონომიკაში უმნიშვნელო როლს ასრულებს; ამასთან, როცა თუშებმა ბარში იწყეს საცხოვრებლად ჩამოსვლა, მთაში კი საშიწათმოქმედო კულტურები კარტოფილმა დაჯანაჰა³¹. მოძლიერებულმა მეცხვარეობამ თუშებს ბარში გაუჩინა სახნავ-სათესი. XIX საუკუნის დასაწყისში და განსაკუთრებით 30-იან წლებში ბარად ჩამოვიდნენ წოვათაში მცხოვრები თუშები. XIX საუკუნის 60—70-იან წლებში ბარად ჩამოსვლამ იმატა, თუმცა 1873 წლის მონაცემების მიხედვით, თუშეთში 1000-ზე მეტი კომლი მოსახლეობდა³² 1969 წლისათვის კი 100 კომლი ძლივს მოითვლებოდა, აქედან ძირითადი მოზამთრე სო-

³⁰ М. Ма ча б е л и, Экономический быт гос. крестьян Тшанетского уезда Тифлисской губернии, МИЭКБГКЗК, т. V, ч. I, с. 352.

³¹ კარტოფილი მთათუშეთში პირველად დიდოეთიდან შემოსულა. ამიტომ აქ აღრე შემოტანილი კარტოფილის ჯიშს „დიდურ კარტოფილს“ უწოდებდნენ.

³² მ. მაჩაბელი, დასახ. ნაშრომი, გვ. 352.

ფლებია ომალო, დიკლო და შენაქო, დანარჩენ სოფლებში თითო-ოროლა კომლია შემორჩენილი.

გასაგებია, რომ დღეს ხენა-თესვა თუშეთში იმ რაოდენობითაც აღარ წარმოებს, რაც 20—30 წლის წინ. მით უფრო სხვა იყო ხენა-თესვის მასშტაბები იმ პერიოდისათვის, როცა თუშეთის მოსახლეობა ბარში ჯერ კიდევ არ იყო ფეხმოკიდებული. სახელდობრ XIX საუკუნის დასაწყისამდე თუშები ალვანისა და პანკისის ხეობის ველებს მხოლოდ საზამთრო საძოვრებად იყენებდნენ.

თუშეთში მიწათმოქმედების საერთო სურათის უკეთ წარმოსადგენად, ჩვენი აზრით, საჭიროა ალვანში წარმოებული მიწათმოქმედების გათვალისწინებაც.

ცნობილია, რომ თუშები დიდი მასშტაბით ეწეოდნენ მეცხვარეობას, რაც, თავის მხრივ, დიდ საძოვარ ველებს თხოულობს ზამთარში, ხოლო საძოვარ მთებს — ზაფხულში. თუშური ცხვარი ბუნებით მომთაბარეა და მისი ყველა თვისება მომთაბარულ ხასიათს არის შეგუებული. თუშური ცხვრის მომთაბარულ დონემდე აყვანას ალბათ ადამიანთა მრავალმა თაობამ შეაღია თავისი შრომა. მომთაბარეობას შუა საუკუნეების თუშეთი რომ აქტიურად ეწეოდა, იქიდან ჩანს, რომ ლევან კახთა მეფეს ფშავ-ხევსურებისა და თუშებისათვის ზამთრის საძოვრების გამოყენების უფლება შეუწყვეტია და ამ ბლოკადის საფუძველზე ისინი იძულებულნი გაუხდია, რომ სამხედრო ბეგარა ეკისრათ.

თუშებს, ფშავ-ხევსურებთან ერთად, მამაცურად უბრძოლიათ ბახტრიონის ბრძოლებში და ამ მამაცური ბრძოლების შედეგად თუშებისათვის მიუციათ ალვანის ველები, პანკისის და ლოპოტის ხეობა. ამ ადგილებში თუშებს შემოდგომით ჩამოყავდათ ცხვარი და აზამთრებდნენ. XVIII ს-ის მიწურულისათვის როგორც ფშავში, ისე თუშეთში ცხვარი იმდენად მოუმრავლებიათ, რომ ეს სამი ხეობა აღარ ყოფნიდათ. ამიტომ ისინი აქედან გადიოდნენ კახეთის ახლო სოფლებში და ცხვარს იქ აბალახებდნენ თურმე. კახეთის სოფლები თუშე მეცხვარეებისაგან იმდენად შეწუხებულა, რომ მეფე ერეკლეს ამასთან დაკავშირებით საგანგებო ბრძანებაც კი გამოუცია. თუშე მეცხვარეებისათვის უბრძანებია, რომ იმ სამი ადგილის გარდა (ლოპოტის ხეობა, პანკისის ხეობა და ალვანი) მათ შეეძლოთ რომელიმე სოფლის მინდორშიც გაეყვანათ ცხვარი, მაგრამ ისე, რომ თითო სოფლის მინდორში 2 ფარაზე მეტი არ მოსულიყო³³.

³³ ხელნაწ. ინსტ. dH, 10063.

ამავე პერიოდში აღსანიშნავია, რომ ალვანის ახლო მდებარე ძველი სოფლები ხედავდნენ რა საძოვრებად დაგდებულ მიწებს, დაუწყიათ მისი მოხვნა. ამაზე თუშებმა ალვანის ახლო მდებარე სოფლის მცხოვრებლებთან დავა ჰქონიათ და ეს დავა მეფე ერეკლემდე მისულა. დავა თუშების საპარგებლოდ არ გადაწყვეტილა იმდენად, რამდენადაც ეს მიწები სახელმწიფო საკუთრებად ითვლებოდა, თუშები მთაში საბალახო გადასახადს უხდიდნენ. აქ ბარში კი ვინც მას მოხნავდა, სახელმწიფოსათვის უნდა გადაეხადა პურის ღირებულება. მეფე ერეკლე ამასთან დაკავშირებით საგანგებოდ საბუთს ადგენს, სადაც აღნიშნავს, რომ „...ალვანში, რომ ლალისყურელთ, ფშაველთ და მალრანელთ ხენა მოუნდომებიათ და თუშნი კი უშლიან სადმე, რატომ უნდა დაუშალონ; რამდენიც პურის სიიაფე იქნება, უფრო სარგებელი არ იქნება თუშებისათვის?“³⁴. ამ საბუთებიდან ნათლად ჩანს, რომ — თუშებს მაშინაც ე. ი. XVIII საუკუნეშიაც ბარიდან მოჰქონდათ პური და მეფე ერეკლემ საგანგებოდ ამაზე უსვამს ხაზს, რომ ბევრი პური თუშებისათვისაც დიდი სარგებელი იქნებოდა, ე. ი. ისინი უფრო იაფად შეიძენდნენ საჭირო პურს. რადგან ამ პერიოდში ალვანის ახლო მდებარე სოფლები ალვანის მიწების სახნავად გამოყენებას ცდილობდნენ, ამ გარემოებას არ შეიძლებოდა თვით თუშებისათვისაც არ მიეცა ბიძგი და ღირებულება, რომ მათთვის უპრიანი მიწები მოეხნათ და ხორბლეული მოეყვანათ.

ვინაიდან მთელი ალვანის, პანკისის და ლობოტის ხეობის მიწები საერთოდ თუშებს ეკუთვნოდათ, სახელმწიფოს, როგორც ზემოთ აღვნიშნეთ, აძლევდნენ კომლექურად საბალახო გამოსაღებს. მთელი აქ არსებული მიწები არავის არც მოზომილი ჰქონდა და არც მისაკუთრებული. მიწის არც ერთი ნაკვეთი სამამულოდ არავისზე არ უნდა გაცემულიყო, ე. ი. ის სათემო კუთვნილებას შეადგენდა, თუმცა შეიძლება ითქვას, რომ იგი თემის კუთვნილებას აღემატებოდა, იმდენად რამდენადაც თვით თუშეთი რამდენიმე თემისაგან შედგებოდა თუშთა საკუთრება თემთა საბჭოს მეთვალყურეობის ქვეშ იყო. თემის საბჭოს სახელით ოფიციალური პირის სახით თუშეთის მოურავი გამოდიოდა, რომელიც XVIII საუკუნეში მატანელ ჩოლოყაშვილთაგან ყოფილა დანიშნული. მეფე თუშეთისათვის გადასაცემ თუ შესასარულებელ ბრძანებას თუშეთის მოურავს ავალებდა. თუშეთის მოურავი თავის მხრით თემთა საბჭოს საშუალებით თემის უფროსებს უკავშირდებოდა.

თემის წევრებს თუ როგორ ჰქონდათ საზამთრო საძოვრები განაწილებული, რომელ თემს რომელი კუთხე ჰქონდა მიჩენილი, ამის შესახებ ჩვენთვის დღემდე არავითარი ცნობები არ შემონახულა. საყურადღებო ის არის, რომ როცა 1830-იან წლებში წოვა თუშების სოფლები წყალდიდობის შედეგად დაინგრა და როგორც აღვნიშნეთ, ისინი ბარში ჩამოსახლდნენ. პირველად დასახლებულან არა ამ ადგილას, რომელსაც ალვანი ეწოდებოდა, და რომელიც, როგორც გიულენსტედტი აღნიშნავს, ნალევანარი ადგილი იყო (ნასოფლარი, ეს ალაზნის პირას იყო განლაგებული), არამედ გორის ძირას ცხრაკარას ჩამოსწვრივ, რასაც გურგალქალას უწოდებდნენ. 1888 წლისათვის ალ. ხახანაშვილი აქ, ე. ი. ალვანში 4 სოფელს მოითვლის საკუთრივ ალვანს, გურგალქალას, ფხაკალყურეს და წოწყურას³⁵. შემდეგში ყველა ეს სოფელი გაერთიანდა ზემო ალვანად.

პირველ ხანებში, როცა წოვა თუშები მასიურად ჩამოსახლდნენ, მათი დასახლება სოფლური და გვარების ნიშნით წარმართულა. მაგ., წმინდა გიორგის უბნის ქვემოთ, სოფ. წაროდან ჩამოსახლებულები განლაგებულან. ამ ახალ დასახლებას საკმაოდ დიდხანს წაროს უწოდებდნენ. ჯერ ადგილობრივი სოფლების მიერ ალვანის მიწების ხვნამ, ხოლო შემდეგ წოვა თუშების ჩამოსახლებამ ალვანის საზამთრო საძოვრების სახანავ-სათესად ათვისებას შეუწყო ხელი.

თუშებს ალვანის მიდამოებში მანამდე მხოლოდ ცხვრის ბინები ჰქონდათ. ცხვრის ბინები ჩვეულებრივი მიწურები იყო, რომლებიც იმისდა მიხედვით თუ რა ასაკისა და მდგომარეობის ცხვარს მოათავსებდნენ, თავისებურად იყო გადატიხრული და შემოკედლილი. იმის შემდეგ კი, რაც ალვანში თუშებმა პირველ რიგში ბინების ახლოს დაიწყეს ხვნა-თესვა და მოსავლის მოწევა, გარკვეული ცვლილება მოხდა ცხვრის ბინების აგებულებაში. დაგეგმარებაში ბინამ გრძელი, ოთხკუთხა ფორმა მიიღო. ბინას, რომელიც მიწაში იყო კვლავ მოთავსებული, ზემოდან მეორე სართულად საძნე დაადგეს. საძნე რამდენიმე ბოძზე და არასრულ კედელზე გამართული სახურავით იყო წარმოდგენილი. საძნეს იყენებდნენ ძნების შესანახად. შემდგომში, როცა ალვანში ჩასახლება დაიწყო, ამ საძნეს გამოეყო საცხოვრებელი ოთახი, რომელიც პირველ ხანებში წნელით იყო მოწნული (მთხრ. საბა თომას ძე იჩუაიძე, 76 წლისა, ქვ. ალვანი, 1963).

ალვანში ხვნა-თესვა შემოდგომით იწყებოდა, ამ დროს თუშები მთიდან ბარში იყვნენ ჩამოსული და არც თუ ისე დიდ ფართობს ხნავდნენ. სახნავი ნაკვეთი ბინის ახლოს ჰქონდათ, ხვანას კი უმეტესად

³⁵ ალ. ხახანაშვილი, მგზავრის დღიურიდან, 1888, № 177.

ალვანის ახლო სოფლებიდან საგანგებოდ აქ მოსული გუთნეულები აწარმოებდნენ. გუთნეულები მოდიოდნენ: გულგულადან, ქისტაურიდან, ოჟიოდან, ალავერდიდან, ხოდაშნიდან, მატანიდან და ბევრჯერ ყოფილა შემთხვევა, რომ აქ საკმაოდ შორი სოფლებიდანაც მოდენილან. მაგ., თიანეთის რაიონის ახალსოფლიდან, რომელიც 25—30 კმ-ით არის დაშორებული ალვანიდან. მთხრობელი ლ. აბრამიშვილის გადმოცემით საფასურად 1 თოკი მიწის (1 ჰა) მოხვნაში ორ ფუთს ყველს ღებულობდნენ, რასაც შემდეგ მოდგამის წევრებზე ანაწილებდნენ; მისივე გადმოცემით ამ საქმეზე მის წინაპრებსაც უვლიათ (ლექსო ღიმიტრის ძე აბრამიშვილი, 60 წლისა, 1952 წ. თიანეთის რ-ნი, ახალსოფელი).

როგორც მასალებიდან ჩანს, XIX საუკუნეში თუშების მიერ ალვანის მიწების სახნავ-სათესად ათვისებამ ერთგვარი მტაცებლური ხასიათი მიიღო; ძლიერი მეცხვარეები მეტი მიწის მოხვნას ახერხებდნენ³⁶. ამ გარემოებას საერთო უკმაყოფილება გამოუწვევია და ხელმოკლე თუშები ცდილან, რომ დაეწესებინათ გარკვეული შეზღუდვა. ამ შეზღუდვებს აღრე ისინი მთაში ახერხებდნენ, ბარში კი სულ სხვა გარემო იყო. სავაჭრო კაპიტალიზმის შესაბამისად, თუში სათემო ხასიათის შეზღუდვების რღვევას შეუდგა.

თუშთა ერთობლივმა თემის საბჭომ მაინც შეძლო ერთგვარი ღონისძიების გატარება ალვანის ათვისების მოსაწესრიგებლად, 1882 წლის 21 მაისს თუშეთის თემის საბჭომ დაადგინა, რომ თუშეთიდან ალვანში ჩამოსახლებულ თითოეულ კომლს მიეცემოდა უფლება 3 ღლიური ანუ 1,5 დესეტინა მიწა მოეზღუდა და გამოეყენებინა როგორც სახლკარისთვის, ისე სახნავ-სათესად. აქვე ნათქვამია, რომ „ალვანის ველი ოთხთვალა ტყიანად თაობიდან თაობაზე გადაცემულიყო სათემო მფლობელობაში, განუყოფლად“³⁷. ამ დადგენილებიდან ეს პატარა მონაკვეთი აშკარად მეტყველებს იმაზე, თუ როგორ მტკიცედ ეჭიდებოდნენ თუშები მიწის თემური სარგებლობის შენარჩუნებას.

მინდა კიდევ ერთი ამონაწერი მოვიტანო იმ დოკუმენტიდან, რომელიც აგრეთვე იმაზე მიუთითებს, თუ როგორ სწრაფად ერყეოდა ძირი თემური სარგებლობის წესს XIX საუკუნეში და როგორ კვლავ ეძებდა ძველი თემი თავისი პოტენციის შენარჩუნებას, თუშეთის „საზაფხულო საძოვრებზე სხვათა ფარები ღაიშვებიან იმ შემთხვევაში, თუ 100 სულ წვრილფეხაზე გადაიხდიან 6 მანეთს. თუ

³⁶ ალ. ხახანაშვილი, მგზავრის დღიურიდან, ივერია, № 173, 1888.

³⁷ М. Мачаваши, დასახ. ნაშრომი, გვ. 387.

უცხო მწყემსები თუშს უმწყემსავენ ცხვარს, მაშინ მწყემსები გადა-
იხდიან ოროლ მანეთს, ეს შემოსავალი იმ თემის სასარგებლოდ წავა,
ვისი საბალახოთიც სარგებლობენო³⁸.

აქ თუშების მიერ დაქირავებულ მწყემსებზეა ლაპარაკი; მათ
ორ-ორ მანეთს ახლევინებდნენ იმიტომ, რომ მწყემსებს საჯამაგროს
ცხვრით უნაზღაურებდნენ. დაქირავებულ მწყემსს საჯამაგრო ცხვა-
რთა რაოდენობა ამ შემთხვევაში საშუალოდაა აღებული (წელიწად-
ში 12—30).

თემის წევრის მიერ საბალახო გამოსაღების გადახდა თემის
სასარგებლოდ, ნათელ სურათს გვაძლევს იმის თაობაზე, თუ მეცხვა-
რეობა, როგორც მარეგულირებელი დარგი თუშების ეკონომიკისა,
ერთი მხრივ როგორ აზრდებდა თემის შეუველობას, ხოლო მეორე
მხრივ თემი როგორ ცდილობდა არ გატეხილიყო. ცხადია, აქ, თემის
შიგნით მიმდინარე სოციალური ბრძოლა, რომელიც ეკონომიურად
სხვადასხვა ღონეზე მდგარ თუშ გლეხობას შორის მიმდინარეობდა,
სახელდობრ ბრძოლა ქონებრივად განსხვავებულ ორ დიდ დაჯგუფე-
ბას შორის, ე. წ. დიდ მეცხვარეებსა და ღარიბ თანასოფლელებს შო-
რის, რაც დრო გადიოდა, თანდათან მწვეავდებოდა. მ. მაჩაბლის მო-
ნაცემების მიხედვით, წოვათის თემის ცხვრის 11% სამი კომლი
ფლობდა, რაც შეადგენდა 7900 სულს (საერთო რაოდენობა —
72420³⁹ სული), რვა კომლს ჰყავდა თითოეულს 1000 სულზე მეტი
(სულ 9890 სული), 25 კომლი ფლობდა თითოეული 500 სულზე
მეტს, სულ ერთად 16300 სულს.

ეს ციფრობრივი მონაცემები კარგად გვიჩვენებს თუშების ქო-
ნებრივ დიფერენციაციას, აშენებულს მეცხვარულ მეურნეობაზე, რო-
მელსაც თუშების სამეურნეო ყოფაში დიდი ხანია წამყვანი ადგილი
ეჭირა. ანალოგიურ მდგომარეობას ჰქონდა ადგილი ფშავსა და ხევ-
სურეთში, ჯერ კიდევ 1930—32 წლებში გ. ჩიტაია ხევსურეთის სა-
მეურნეო დახასიათებისას წერდა, რომ „ხევსურეთის მთელი ვარგისი
ფართობიდან 75% სათიბ-საძოვრებს უჭირავს, 24% ტყეს, ხოლო
1% სახნავ-სათესს და კარმიდამოს. ასეთი დამოკიდებულება ვარგისი
მიწისა სხვადასხვა დარგებს შორის თავისთავად საზღვრავს ხევსუ-
რეთის გამძლო დარგს და უკანასკნელ ადგილს ანიჭებს მიწათმოქ-
მედებასო“⁴⁰. ფშავ-ხევსურეთსა და თუშეთში მესაქონლეობა, სახელ-
დობრ თუშეთისათვის მეცხვარეობა, გლეხთა კატეგორიების საზომ

³⁸ იქვე, გვ. 387.

³⁹ მ. მაჩაბელი, დასახ. ნაშრომი, გვ. 216.

⁴⁰ გ. ჩიტაია, ხევსურული ვარია, ხელნაწერი, გვ. 49.

ერთეულს წარმოადგენდა. მეცხვარე, ჩვენი აზრით, სოციალური კატეგორიაა. თუშეთში მეცხვარეობას თითქმის ყველა ოჯახი მეტ-ნაკლებად მოხდევდა, მაგრამ ყველას არ ეწოდებოდა მეცხვარე; იყო დიდი მეცხვარე, იყო რიგითი მეცხვარე და იყო მწყემსი, დაჭირავებული დიდ მეცხვარეთა მიერ. თუშეთში შრომის დანაწილება ამ ნიადაგზე, ე. ი. მეცხვარეობის საფუძველზე წარიმართა. სოციალური წინააღმდეგობაც ამავე მეურნეობის განვითარებას მოჰყვა.

დღევანდელი ქვემო ალვანის ტერიტორიაზე XIX ს-ის დასასრულსა და XX საუკუნის დასაწყისში გაჩნდა კაპიტალიზმის ხანისათვის დამახასიათებელი რეალიები: სავაჭრო ღუქნების, სამღებროების, სამჭედლოების, მატყლისა და ყველის შემსყიდველი პუნქტების სახით. ამ სურათმა თანდათან იცვალა სახე და ამ პუნქტების გვერდით გაჩნდა თუში მოახალშენეების ხისა და ჩალური სახლები. მალე აქ ამუშავდა ჯიჯურიძეების აგურის ქარხანა და აგურისა და ქვიტკირის სახლებიც გამოჩნდა.

პირველად უჭირდათ ზაფხულის პერიოდში თუშ მოახალშენეებს და მთელი ოჯახი ცხვართან ერთად მთაში მიდიოდა. ბარში ამ ნიადაგზე გაჩნდა ახალი შრომითი თანამდებობა, ე. წ. მებარგული. მებარგული ერთი უბნის ან რამდენიმე ოჯახის მიერ დაჭირავებული ადგილობრივი პირი იყო, რომელიც მთელი ზაფხულის მანიძლზე ინახავდა, იცავდა უბანს ან რამოდენიმე ოჯახის ქონებას. მებარგულებად ძირითადად სოფ. ალვანის მეზობელი სოფლებიდან მოხუცი მამაკაცები მოდიოდნენ. მაგ., „ზემო ალვანში ბასილაშვილების უბანში იყალთოელი ილიკო არსენაშვილი რჩებოდა ხოლმე მებარგულად. ცისკარიშვილების უბანში შავ გიორგას ეძახდნენ და ის რჩებოდა“, აღნიშნავს მთხრობელი იოსებ გიორგის ძე ბასილაშვილი (71 წლის, ზემო ალვანი, 1964 წ.).

მებარგულებს ნახნავ-ნათესისათვისაც უნდა ეპატრონათ; ხშირად მათვე ურიგდებოდნენ, რომ პური მოემკათ, ძნად შეეკრათ და საძნეში დაედგათ. შემოდგომას, როცა თუშები ბარად ჩამოდიოდნენ, ბინებთან კალო იმართებოდა, ძნებს გადმოშლიდნენ და ან თვითონ ლეწავდნენ, ან კვლავ მეზობელი სოფლებიდან მოსულ მეკალოეს ალწვინებდნენ.

დაახლოებით ასეთი იყო ზოგადი სურათი იმ სამიწათმოქმედო საქმიანობისათვის, რომელსაც ბარად წარმართავდნენ. ჩვენ აქ არაფერს არ ვამბობთ ქართული გუთნის შესახებ, რომელსაც აქ ალვანში ჰქონდა გამოყენება. ეს ცალკე კვლევის დარგია და იგი თუშების სამეურნეო იარაღს არც წარმოადგენდა.

თუშების მიერ ზამთრის საძოვრების თანდათან შემცირება სახ-
ნავად მათი გამოყენებით, აქტიურ ხასიათს ღებულობს XX საუკუ-
ნის დასაწყისიდან. ამ პერიოდში საძოვრების შევიწროება არც იმას
ნიშნავდა, რომ თუშებმა მეცხვარეობა მიწათმოქმედებით შეცვალეს.
და არც იმას, რომ ცხვრის რაოდენობა შეამცირეს, პირიქით, იმ პე-
რიოდში თუშურმა მეცხვარეობამ, ჩაება რა სავაჭრო კაპიტალიზმის
ორომტრიალში, მისთვის არნახულ მასშტაბებს მიაღწია. თუშებს ზა-
მთრის საძოვრებისათვის პანკისი, ალვანი და ილტოს ხეობა აღარ აკ-
მაყოფილებდა. ისინი მიდიოდნენ უფრო შორს შირაქში და აზერ-
ბაიჯანის სხვადასხვა კუთხეში, სადაც უფრო მეტი ცხვრის გამოზამთ-
რება შეიძლებოდა.

4. მოსავლის აღება და ლეწვა. თუშეთში, როგორც ზემოთაც
აღნიშნა, მინდვრის მოსავლის აღება გვიან იწყებოდა. ხშირი შემთხ-
ვევა ყოფილა, რომ მინდვრის მოსავლის აღებას თოვლი უსწრებდა.
თოვლქვეშ მოქცეული ხორბლეული გაზაფხულამდე რჩებოდა, იგი
დაძრული იყო, დაკარგული ჰქონდა თავისი თვისებები, მაგრამ მთის
პირობებში მაინც იყენებდნენ საკვებად. ჩვეულებრივ, აგვისტოს ბო-
ლოს, სექტემბერ-ოქტომბერში იღებდნენ. ხშირად, იმის გამო, რომ
მოსავლის აღება არ დაგვიანებოდათ, როგორც ქერს, ისე პურეულს,
ოდნადად მკიდნენ, სამკალი დანიშნულებით. თუშეთში გამოყენებული
იყო ნამგალი და ხის სამი სათითვე. ყანის მომკვლელად ძირითადად
ქალები გამოდიოდნენ. აქაური ნამგალი მოკლე რადიუსით ხასიათდე-
ბა. მკის ღროს მარცხენა ხელს კიდებენ ცერით დაბლა. ერთი გამო-
სმით მოტანილი, ერთი მუჭეულია. იმავე მუჭეულს უმატებენ ერთ
ან ორ გამოსმას და ამ ნამატს ხის სათითვეებწამოცმულ თითებში იკა-
ვებენ, ამას ხელეური ეწოდება. ხელეურებად დალაგებულს, მეძნეუ-
რი ჩამოუვლის და ძნებად შეკრავს. ძნები მცირე ზომისაა, განსაკუ-
თრებით მცირე ზომისაა სვილის ძნები. იგი თითო ხელეურისაგან იკვ-
როდა. ქერის და დიკას ძნებს ათეულებად ანუ სერკვებად ალაგებდ-
ნენ. სერკვში 22 ძნა იყო. ერთ სერკვს საშუალოდ 5—6 ლიტრი მა-
რცვალი უნდა გამოსვლოდა. სვილს არ ლეწავენ, მას, ისე როგორც
ქუმელს, რომლის შესახებაც ზემოთ იყო აღნიშნული, ბერტყავენ ფი-
ცარზე და რიქნის (პატარა ზომის ჯოხია) საშუალებით გარიცნიან.
სვილის ჩალა იმდენად უხეშია, რომ პირუტყვი არა კამს, ამიტომ მას
იყენებდნენ სამეურნეო დანიშნულების ნაგებობათა გადასახურად.

ქერსა და დიკას ლეწავდნენ პირუტყვის ფეხით. მთხრობელთა
გადმოცემით, ბოლო დროისათვის კევრების ხმარებაც დაუწყიათ, ერ-
თი კევრა ავზოპეთ დიკლოში, კევრი ფიჭვისაა; ხის აღნიშნული ჯი-

ში აქ ბევრია. კევრი მთლიანი ხისაა, გამოცხვირულია. ცხვირში ნაჩერეტი აქვს უღელზე მისამელად. კევრის სიგრძე 155 სმ-ია, სიგანე 42 სმ. მოკობილია სიგანეში 8 მწკრივი ქვით, სიგრძეში 4 მწკრივით, სულ 32 კობი აქვს ჩამული. ფიცრის სისქე 5 სმ-ია. კობების განლაგება მოდის კევრის ბოლოდან 84 სმ-ზე. როგორც ფორმით, ისე შედგენილობით, აღნიშნული კევრი შეიძლება საქართველოს ეთნოგრაფიულ სინამდვილეში გავრცელებულ საღეწ კევრთა შორის ჩაითვალოს ყველაზე მარტივ კევრად, რადგან იგი ხასიათდება ძალზე მცირე რაოდენობის კობებითა და სადა აგებულებით, რომელიც რამდენადმე ახლოს მიდის არქეოლოგიურ კევრებთან.

რაც შეეხება პირუტყვის საშუალებით ლეწვას, ეს ჩვეულებრივ, ძალიან მარტივად ეწყობოდა, კალოს ცენტრში ან ბოძს ჩასვამდნენ და ზედ მიბმულ მოცად საქონელს, ერთიმეორესთან რკლების საშუალებით გადაბმულებს ცენტრის ირგვლივ ატარებდნენ, ან ბოძის გარეშე პირუტყვს ატარებდნენ კალოს ირგვლივ, პირუტყვს რომ ძნა არ ექამა, პირზე აკრული ჰქონდა წნელისაგან მოწნული ჭარჭები. ადგილობრივთა დაკვირვებით საქონლის ფეხით ნალეწი ჩალა პირუტყვისათვის ზამთრის საკვებად უკეთესი ყოფილა (პირუტყვის ფეხით ნალეწ ძნას ჩალა ეწოდება, ხოლო კევრით ნალეწს ბზე).

გალეწილ ძნას მოჩალავდნენ, ჩალას შოართმევდნენ და დარჩენილ ხეავს ჯერ ერთი ადგილზე შემოკრეფდნენ, ხოლო შემდეგ რიქნის საშუალებით გაანიავებდნენ ან გააცხავებდნენ, ამის შემდეგ ცხრილშიც სცოდნიათ გატარება. გასუფთავებულ ხორბლეულს ინახავდნენ ხის ამბრებში, რომელსაც ადგილობრივი ხის მოხელეები ამზადებდნენ.

5. შრომის ორგანიზაცია. თუშური მეურნეობა, ისე როგორც ფშავ-ხევსურული, და საერთოდ საქართველოს მთის ზოლში გავრცელებული მემინდვრეობა, თავისი თავდაპირველი ბუნებით ახოს სისტემიდან არის აღმოცენებული. თუშეთში ახოს სისტემასთან დაკავშირებით მასალა არ ჩანს. ის, რაც სამიწათმოქმედო დანიშნულებით ვარჯის ადგილად შეიძლებოდა ჩათვლილიყო, დიდი ხნით ადრეა ათვისებული. გვიანი დროისათვის მიწის გაფართოების მიზნით ტყე აღარ უტეხიათ.

ერთი თუშური გადმოცემით ხევსურთა თუშეთში დასახლება მონადირეობასა და მემინდვრეობას უკავშირდება. ეს გადმოცემა ასეთი შინაარსისაა: სოფელ ბისოს მიდამოებში მონადირე ხევსურს ჯიხვი მოუკლავს, იმ დროს ბისოს მიდამოებში ტყე ყოფილა. ხევსური სახლში დაბრუნებულა და ბისოს ადგილმდებარეობა შეუქია „კარგი

სასოფლე ადგილია“. მამას უთქვამს: „იმ ჯიხვის ყვერის ბუდეში-
რაც ქერი ჩაეტევა, წაიღე დათესე და თუ ის მოვიდა, კარგი სასოფ-
ლე ადგილი იქნებაო“, წასულა შვილი და დაუთესია. შემოდგომაზე
მოუშვია, გაუფშენეტია და ის ჯიხვის ტყავი პირამდე აუვსია. მაშინ
მამას უთქვამს კარგი ადგილი ყოფილა, წადი და დაახლდით. ეს
ხევსური გვარად ფიცხელაური ყოფილა, დასახლებულა და მისი ჩა-
მომავალნი იღიძებოდნენ იწერებოდნენ, რომელნიც შემდეგ ფარსმაში
გადასულან⁴¹.

აღსანიშნავია, რომ ანალოგიური გადმოცემაა შემონახული ფხო-
ველთა ხევსურეთში ჩამოსახლების თაობაზედაც. ფხოველი მონადირე
გუდანში მოხვდება, იქ ჯიხვს მოკლავს. ჯიხვი კარგი ნასუქი გა-
მოდგება და ამით დაინტერესდება მონადირის მამა, რომელიც ჯიხ-
ვის ყვერის ბუდით ქერის თესლს ატანს გუდანში დასათესად და
სხვა. ორივე შემთხვევაში მონადირე ტყეს ტეხს, თესლს თესავს და
ესე ეკიდება მემინდვრობას და დასახლებასაც. ეს ორი მოსიარულე
გადმოცემა შესანიშნავია იმით, რომ ხევსურების სახელთან არის და-
კავშირებული და მათს მთაში დასახლებას მემინდვრობას უდებს
საფუძვლად. მართალია, თუშეთში ხევსურთა დასახლების ამბები
სულ სხვა რიგის საზოგადოებრივი მოვლენების ნიადაგზე განზორცი-
ელდა, მაგრამ გადმოცემაში საერთოდ ბარიდან მთაში დასახლების
საკითხია ყურადღასაღები. ჩვენი აზრით, ბარიდან მთისაკენ მოსახლეო-
ბის გადნაცვლება ყოველთვის მესაქონლეობასთან არ უნდა ყოფი-
ლიყო დაკავშირებული. აშკარაა, რომ მინდვრობის კულტურებისაავე
ახალ-ახალი მიწების ათვისება მემინდვრობის გარიჟრაჟზე პირველი
მოთხოვნების ობიექტი უნდა ყოფილიყო. მარტივი იარაღების გა-
მო მიწის ზედაპირული დამუშავება, როცა ძალაში არ იყო თესლ-
მონაცვლეობა, სასუქის გამოყენება, მინდორმონაცვლეობა და რწყვა,
მიწას ნაადრევად ფიტავდა. ამის გამო მემინდვრე ახალი მიწების ათ-
ვისების გზას ადგა, და ეს გზა, შესაძლებელია, სწორედ ბარიდან
მთისაკენ მიიმართებოდა. მთისაკენ მიიწევდნენ აგრეთვე მესაქონლე-
ნი.

შესაძლებელია ამ მოძრაობამ შეახვედრა თუშეთში ჩრდილოე-
თიდან მესაქონლე ბაცებისა და სამხრეთიდან ჩალმა თუშების წარ-
მომადგენლები, რომელნიც შემდეგ თუშების სახით ერთ ქართულ-
ეთნოგრაფიულ ჯგუფად ჩამოყალიბდნენ.

⁴¹ გ. ბოქორიძის პირადი არქივი, საქართველოს ცენტ. არქ., ფ. 1753, საქმე
123, ფ. 15.

დამჯდარი მიწათმოქმედების და მსხვილფეხა მესაქონლეობისათვის თუშეთი არ იძლეოდა დიდ პერსპექტივებს, მას შეეძლო გაეყვება მოსახლეობის მხოლოდ გარკვეული რაოდენობა, ნამატი კი არ უნდა გასცლოდა კუთხეს ან იგი ხელოვნურად უნდა შეემცირებინათ.

მიწათმოქმედების ის მცირე მასშტაბი, რომელიც თუშეთში იყო წარმოდგენილი, ხასიათდება შრომის ორგანიზაციის რამდენიმე მარტივი ფორმით. ამ ფორმათა ხასიათს განსაზღვრავდა სამუშაო ობიექტი, სამუშაო იარაღი, სოციალ-ეკონომიკური გარემო და თუშების ცხოვრების თავისებური ხასიათი.

თუშური ცხოვრების თავისებური ხასიათი ჩამოყალიბდა ეკონომიკური პირობების და გარემო ცხოვრების ერთიანობის გავლენით.

თავისებურება თუშური ცხოვრებისა გამოიხატა მათს მეურნეობაში. სრულიად კანონზომიერ მოვლენად უნდა იქნეს მიჩნეული, რომ მათს მეურნეობაში ბოლომდე მეცხოველეობა დარჩა წამყვან ღარჯად.

ზემოთ ითქვა, რომ მეცხვარეობა იყო ეკონომიკის ძირითადი ღერძი. თუშური მეცხვარეობა მომთაბარულ ხასიათს ატარებდა. მაგრამ თუშში მიწაზედაც მკვიდრად იჯდა. აქ, მთაში, როგორც მემინდვრეობა, ისე მსხვილფეხა მესაქონლეობა საიმედო დონეზე აიყვანეს. ყოველივე ეს თუშებს დიდი შრომის და ბრძოლის ფასად უჯდებოდა. მ. მაჩაბელი ამ მხრივ შესანიშნავად ახასიათებს თუშებს. იგი წერს: „თუშში პირველ ყოვლისა მამაცია, ამაყი და არაჩვეულებრივად ამტანი. ის პატარაობიდანვე ეჩვევა ყოველგვარ სიძნელეებს, მთელი ხნის განმავლობაში ღია ცისქვეშ ატარებს და ეჩვევა სიცივეს, შიმშილს და იშვიათ მოთმენას“⁴².

თუშური ოჯახი მძიმე სამეურნეო პირობებში სამი სხვადასხვა სამეურნეო ღარჯით იყო დასაქმებული. მეცხვარეობა, მემინდვრეობა და მსხვილფეხა მესაქონლეობა თუშური ოჯახის არსებობისა და კეთილდღეობის აუცილებელ პირობას შეადგენდა. მეურნეობის სამი ღარჯის წარმოება ოჯახს შრომის ორგანიზაციის თავისებურ ფორმას სთხოვდა. ოჯახის ძირითადი მუშახელი შრომისუნარიანი მამაკაცების სახით მხოლოდ ცხვარში უნდა ყოფილიყო. მეცხვარეობა თუშეთში მამაკაცის სავალდებულო საქმედ ითვლებოდა. უამისოდ მამაკაცს სოფელში სახელი და პატივი ჰქონდა დაკარგული. მხოლოდ მოხუცები და ხეიბარი მამაკაცები უბრუნდებოდნენ საშინაო საქ-

⁴² М. Мацабелн, დასახ. ნაშრომი, გვ. 329.

მეებს, ქალებთან ერთად სახენელი გააქონდათ და მიწას ამუშავებდნენ. იმ შემთხვევაში კი, როცა ოჯახში შინა კაცი არ ჰყავდათ, რომელიც ხენა-თესვას გაუძღვებოდა, ამ საქმეზე ან დალესტნიდან მოსულ მუშახელს ამუშავებდნენ, ან თვით ქალები დაიჭერდნენ სახენელ იარაღს და ისინი გამოდიოდნენ მახნავებად. ამასთან დაკავშირებით საინტერესო მასალები მოიპოვა რ. ხარაძემ 1951 წელს. იგი წერს, რომ „ქირა კაცის შოვნა და გუთანზე მიყოლა დედაკაცების საქმე იყო. მაგრამ, გარდა ამისა, იყო შემთხვევები თვითონ დედაკაცების გუთნისდებად ყოფნისა, საჭიროების შემთხვევაში თუშის ქალები თვითონ ხნავდნენ. სოფ. ვერხოვანის მცხოვრები. სარა კრიტიკული შენიშნავს: „მთათუშეთში დედაკაცები თითონ ხნავდნენ. ბებიჩემს თითონ ექირა გუთანი ხელში და ხუთი წელიწადი სხვის გუთნისდებდა ვყოფილვარო, იტყოდა“. სოფ. ხისოს მცხოვრები სანდრო დემიტრის ძე წიწიძის თქმით „ბევრი დედაკაცი თითონ ხნავდა, ისე რომ თითონ სჭეროდა დედაკაცს აჩაჩი. ჩემმა სიდედრმა დართლოელმა სალომე ლეკაიძემ იცოდა, რომ 9 წელიწადი თითონ ვახნევიანე ხარსაო. ჩემი ნათლია ანა ჯამრულიძე, სოფ. ხისოდან, მოხნავი იყო, აჩაჩი ექირა და მე მივსდევდი, ხაფხოლსა ვკრეფდი“, და ბოლოს დაძენს „ქანჭახთან ბევრი ხნავდა დედაკაცი თითონ“...⁴³.

თუში ქალები რომ მიწის სამუშაოთა შესრულებაში აქტიურად იყვნენ ჩაბმულნი, ეს მეღვანდება იმ საწესო ჩვეულებითაც, რომელიც მიწათმოქმედების სამუშაოთა ცალკეულ ციკლთან იყო დაკავშირებული. გაზაფხულზე ხენის დაწყების წინ ხარებობა უნდა აღენიშნათ (ეს 25 მარტს ემთხვევა ძველი სტილით). ხარებობას თუშეთში ოცობას უწოდებენ. ოცობა დღე გამოითვლებოდა ხოლმე ძველი სტილით ნოემბრის პირველი კვირიდან და ოცი კვირის თავზე უნდა მოსულიყო, რაც დაახლოებით 23—25 მარტს ემთხვეოდა. თუ ოჯახში მამაკაცი არ შეესწრებოდა, ოჯახის უფროსი ქალი თავად გაიტანდა სახენელს. თუ სახენელი არ გააჩნდა, სახნისი უნდა წაეღო მიწის ნაკვეთში და იგი ხელით მიწაში წაერიო, მიწა „შეეძრა“, „გამოელვიძებინა“. ილურთელი მთხრობლების მარიამ დავითის ასული ბახტურიძისა და ეთერი ხელიძის თქმით „თუ კაცი არ იყო სახლში, სახენელს ქალი გაიტანდა და დაღლოცევდა. თუ ოჯახში სახენელი არ იყო ან ხარი, მაშინ სახნისს ვავიტანდით, მიწაში წაურევედით, მიწას ავქეჩავდით და დავლოცავდით“. თუშეთში სახენელი მიწის სიმციერემ ერთი საინტერესო გარემოება შემოგვინახა. ეს იყო ერთგვარი ლიმი-

⁴³ რ. ხარაძე, საოჯახო თემის გადმონათები თუშეთში, მსე, X—გვ. 197.

ტი ხარების შენახვაზე. იშვიათი იყო ოჯახი რომ ორი ხარი ჰყოლოდა. ერთ ხარს კი ყველა ოჯახი ინახავდა. მიწის დამუშავებას ხარგადაბმით აწარმოებდნენ. ხარგადაბმით წარმოებდა აგრეთვე ნაკელის გატანა.

ხვნის დაწყებისას აცხობდნენ სამყურა პატარა ხმიადებს, სახნავად გაყვანილ ხარებს მარჯვენა რქაზე ანთებულ სანთელს მიაკრავდნენ. ერთი მესამედი სანთელი უღლის შუაშიც უნდა დაენთათ. ხმიადებს გადატეხდნენ; თითო ნაჭერს ხარებსაც შეაჭმევდნენ, არყით სასმისს აავსებდნენ და ყველაზე უფროსი რომელიც იყო, დაილოცებოდა: „მშვიდობით გვაქამე მამაუფალო ამ წლის მოსავალი, სტუმრის მიღებაში, ბარაქიანი მოსავალი მოგვიყვანე დღევანდელი დღეო და დღევანდელი საათო, შინ მშვიდობას ნუ დაგვიღეე და გარეთ გამარჯვებასო“. შემდეგ სამ მუქა ხორბალს გადააბნევდნენ და სახენელს სამჭერ გაატარ-გამოატარებდნენ. ამ დღეს ხარის გასვლასაც უწოდებდნენ. ხარის გასვლის შემდეგ ხვნა-თესვის დაწყება შეიძლებოდა.

ხარებს სახენელად გაყვანის წინ უზნის ხის მძივებს აბამდნენ კულზე. უზნის ხის ტაბიკებს უკეთებდნენ უღელს — „უზნის ხეს ავი თვლი არ ეკიდება და ამავე დროს მაგარიც არის დიდხანს ძლებსო“. უზნის ხეს ავი თვალის საწინააღმდეგო თვისებას საქარათველოს სხვა კეთხეებშიც მრავლად ვხვდებით.

ხვნა-თესვასთან დაკავშირებულ საქმიანობიდან ყველაზე ადრეულ სამუშაოს სახნავ ნაკვეთში ნაკელის გატანა უნდა ჩაითვალოს. ნაკელი ბოსლისპირა ნაკვეთებში გაჰქონდათ. ამ მიზნით გამოყენებული იყო ჭინწედგმული მარხილები, რომლებშიც ხარებს გაუბამდნენ და ისე ეზიდებოდნენ. თუ ოჯახს ორი ხარი არ გააჩნდა, მეზობლისაგან თხოულობდა. ნაკელის გატანაზე ზოგჯერ რამდენიმე მარხილსაც ამუშავებდნენ მეზობლები. ერთიმეორეს მოეთათბირებოდნენ და რამდენიმე დღეს მორიგეობით ხან ერთთან მუშაობდნენ და ხან მეორესთან. ასეთ მუშაობას, რაც თუშეთში ნაკელის — სკორეს გატანასთან იყო დაკავშირებული, მსკორავაი ერქვა. მსკორავას მონაწილენი სამაგიერო ანაზღაურებაში მუშაობდნენ.

ბოსლისპირების მოსკორვის შემდეგ, ოჯახის წევრები ისევ მეზობლების დახმარებით ნაკელს მიწის ზედაპირზე თანაზომიერად გაშლიდნენ. მიწაზე თოვლის აღების შემდეგ კი უნდა ხვნა დაეწყათ. ერთი სახენელით მუშაობას ორი ადამიანის შრომა სჭირდებოდა. ერთი ხარს მიუძღვოდა, მეორეს კი სახენელი ეჭირა. მიწის მოხვნასთან დაკავშირებით იქმნებოდა შრომითი გაერთიანება ორ ოჯახს შორის.

შრომითი გაერთიანება ორი ხარისა. და სახენელის შერწყმას გულისხმობდა. ხარის პატრონის მონაწილეობა მხოლოდ ხარით გამოიხატებოდა ან სახენელითა და ხარით. ასეთ შეამხანაგებას თუშები შემონდავენ — მონდავს უწოდებენ. მონდავის წევრები დაახლოებით 6—8 დღის მანძილზე ამთავრებდნენ მუშაობას, თუ რომელიმე წევრთაგანს მეტი რაოდენობით გააჩნდა მოსახენელი მიწა, მეორე ხარის პატრონს სხვა დროს აუნაზღაურებდა.

თუშებმა იცოდნენ ქვრივ-ობოლთათვის დახმარება ხვნაში. ასეთ ხვნას ხარმახნავს უწოდებდნენ. ხარმახნაობაში ხარი და მისი პატრონი ორივენი ღებულობდნენ მონაწილეობას. ზოგჯერ ხარმახნავებად მეზობელი სოფლებიდანაც მოდიოდნენ თურმე. ხარმახნავაში წასულნი თავიანთი საგზლით მიდიოდნენ და ამდენად, მიწის პატრონს დიდ შეღავათს აძლევდნენ.

თუშეთში უხარო ოჯახებიც იყო. უხარო კაცი ორ ხარის პატრონს მახნავად დაუდგებოდა. ორ დღეს თუ ხარის პატრონს უხნავდა, ერთ დღეს თავისთვის ამუშავებდა. ასეთ ურთიერთობაზე აგებული შრომითი ახანაგობა იწოდებოდა ხარდღედ.

თუშები მიწის ხვნაზე აქტიურად იყენებდნენ დაქირავებულ მუშახელს. დაქირავებული მუშახელი უმეტეს შემთხვევაში ზაფხულის ხვნის დროს სჭირდებოდათ. ამ პერიოდში, მართალია, მთაში მეცხვარეები უკვე ამოსულნი იყვნენ, მაგრამ მიწის დასამუშავებლად მათ დრო არ ყოფნიდათ. თუშეთში ამ დროისათვის დიდი რაოდენობით იყო მოსული თავისუფალი მუშახელი დაღესტნიდან. ისინი ჩაბმული იყვნენ არა მარტო ხვნა-თესვაში და სახლების მშენებლობაში, არამედ მოწეული მოსავლის აღებასა და რიგ სხვა სამუშაოებში. დაღესტნიდან თუშეთში სამუშაოდ ძირითადად დიდოები მოდიოდნენ. მოდიოდნენ როგორც მამაკაცები, ისე ქალები. ზოგჯერ ისინი თუშეთში მოჯამაგირებდაც დგებოდნენ და მონაწილეობდნენ როგორც სამიწათმოქმედო საქმიანობაში, ისე მსხვილფეხა საქონლის მოვლასა და სხვა საოჯახო საქმეებში.

XIX საუკუნის მეორე ნახევარში თუშეთში დაღესტნიდან მუშახელი იმდენად ჭარბად შემოდის, რომ თუშეთის ყველა სოფელში ჩანს მათი კვალი. თავისუფალმა მუშახელმა ერთგვარად ხელი შეუწყო შრომის ორგანიზაციის ძველი ფორმების დაკნინებას.

მოწეული მოსავლის აღება თუშეთში ყველაზე უფრო საშურ სამუშაოდ ითვლებოდა. ამინდის შიშით ხორბლეული მოსავლის დასარულებას არ აცდიდნენ და ოდოშიდან იღებდნენ; მოსავლის დროულად აღებისათვის ეწყობოდა მკის მუშის დაძახება, რასაც თუშეთში მე-

ტად ორიგინალური სახელი „ოჩხარა“ ეწოდებოდა. ოჩხარა და ოჩხი სხვადასხვა შინაარსის მქონე მსგავსი ერთგვარი სიტყვებია, ოჩხარა მკის დროს გამართულ ამხანაგურ მუშაობას ეწოდებოდა, ოჩხი კი ნიშნავდა დაზარალებული ოჯახის მიერ მოწყობილ წვეულებას, რომელიც მოწვეულთაგან დახმარებას ღებულობდა. დახმარება უფრო ნატურით სცოდნიათ ცხვრით, ქერით, მატყლით. ოჩხარი, რომელიც თუშებმა შემოგვინახეს, თავისი ძველი გაგებით, ბარში დაქარგულია, ქართლში ოჩხარის ქვეშ ხალხის თავშეყრას გულისხმობდნენ.

თუშეთში მოსავლის დაცვა მისი აღმოცენების დღიდანვე იწყებოდა. სოფელი გაზაფხულზე ირჩევდა მეველეს, რომელიც დღიდან არჩევისა, თავის ფუნქციებს მოსავლის აღებამდე ახორციელებდა. მეველე ვალდებული იყო თვალყური ედევნებინა ნათესებისა და სათიბებისათვის. წესად ყოფილა, რომ წახდენილ ნათესაში დაკავებული პირუტყვი პატრონს არ დაუბრუნდებოდა სანამ იგი დაზარალებულს ან მეველეს წახანდენის შესაბამის ზარალს არ აუნაზღაურებდა. ნათეს დღიურზე და სათიბების მეთვალყურეობისათვის მეველეს 2—3 ლიტრამდე ქერს ან სვილს აძლევდნენ. თუ მეველე წამხდენს ვერ დაიქერდა, მაშინ სასოფლო კომისია დაზარალებულის სასარგებლოდ მეველეს ახდევინებდა ზარალის რაოდენობას.

თუშეთის სოფლებში, სახნავ-სათესი და სათიბი ფართობების სიმცირის გამო, მხოლოდ თითო მეველეს ირჩევდნენ.

6. რწმენა-წარმოდგენები. თუშეთში წარმოებული მემინდვრეობა ძველი ტრადიციების მატარებელია. სამეურნეო წარმოების დონე მთის მძიმე კლიმატურ გეოგრაფიული პირობების შესაბამისად ზორციელდებოდა. ძველი მიწისმოქმედი, სადაც მათ ბუნების ძალებთან ჭიდილში ფიზიკური შესაძლებლობანი არა ჰყოფნიდათ, მაგიურ რელიგიურ ქმედებას მიმართავდნენ. თუშეთის მიწის მუშაკთათვის დიდი მნიშვნელობა ჰქონდა ამინდს. ამინდის მფარველად აქ ელია ნაქერალისა გვევლინება, რომელიც მორწმუნეთა გადმოცემით „როცა განარისხდებოდა სეტყვას იწვევდა“. ავი ამინდისაგან შეფუხებული თუშში მფარველობასა და შველას შესთხოვდა ჭიხალე-ხისოს თავისას.

ამინდის შეცვლაში მონაწილე ყოფილა აგრეთვე სატკეცელა მილიონაი, რომელსაც თუშების რწმენით „გვალვიანობის დროს შეეძლო წვიმის მოყვანა“. სატკეცელა მილიონაი ჩილოსთან იყო დაბრძანებული. წვიმის მოყვანის მიზნით მილიონასთან მიცვალებულის ძვლის მიტანა და იქ დატოვება სცოდნიათ. ამავე დანიშნულებით ადამიანის ძვლის ნაცვლად შეიძლებოდა ღიაციის ჩითის ნაგლეჯის მიტა-

ნა. დასახელებული ნივთები მილიონასთან მამაკაცს უნდა მიეტანა. მიტანის დროს სცოდნიათ მილიონას ცემა ჯოხით⁴⁴.

მორწმუნეთა აზრით, ღიაცის ჩითის წაგლეჯის მიტანითა და ცემით, სატყეველა მილიონაი მოთმინებიდან გამოდიოდა და ხალხს წვიმას მოუყვანდა.

აღსანიშნავია, რომ თუშეთში თითქმის ყველა სოფელთან არის მილიონაები, მაგრამ წვიმის გამოწვევის ფუნქციას ყველა მილიონას არ მიაწერენ. თუშეთის მილიონაები განლაგებულია ქედებზე. ადგილებზე შეკრებილი მასალების მიხედვით, ზოგიერთი მილიონას აგებას მოცილილ მეცხვარე მწყემსებს მიაწერენ. მილიონაების გარკვეული ნაწილი ქედებზე და სერებზე გადასასვლელ გზებს ემთხვევა, ნაწილი სასაზღვრო ნიშნებადაც ყოფილა გამოყენებული. სოფ. დიკლოში გადმოგვცეს, რომ მილიონაებთან ძველად მზირები ყოფილან ჩამსხდარი და სამტროდ წამოსულთ ზვერავენენო. საერთოდ მილიონა ქვებისაგან მშრალად ნაგები მრგვალი ან ოთხკუთხა ფორმის ყორეა, ზემოთ თანდათან შევიწროვებული. ზოგი მათგანი კაცის სიმაღლისაა. ამგვარ მილიონაებს ხევში და ხეესურეთში კაცას უწოდებენ, ფშავსა და ივრის ხეობაში ქვაკაცას. მილიონა ხშირად გვსვდება ტოპონიმების სახით, მაგ., მთიულეთ-გუდამაყარში ერთერთ მთას მილიონას უწოდებენ, თუშეთში არის ადგილი სოფელ ყვავლოსთან, რომელსაც მილიონა ეწოდება⁴⁵. ფშავის სოფ. მათურასთან არის მილიონაის ხევი, სადაც ძველ ნასახლარებსაც ასახელებენ.

კაცა და ქვაკაცა იგივე მილიონაა თავისი ბუნებითა და შინაარსით, ახლო მდგომი ქართლ-კახეთის ბარში გავრცელებულ ქვაკაცებთან, მამიდა ქვებთან და ქალქვებთან. მილიონაების მსგავსი ნაგებობანი ჩვენ დავაფიქსირეთ დაღესტანში, აკუშის რაიონის სოფელ ბალხარში. ბალხარელები მილიონას „ჭვის“ უწოდებენ. ჭვიები ბალხარის, როგორც აღმოსავლეთის, ისე დასავლეთის ქედებზეა განლაგებული, ისე, რომ მათი სილუეტი დღე და ღამ კარგად მოჩანს. ჭვიებს თავისი სახელები აქვს, მაგ., „აფალჭვი“, „ბირიგიუზილ ჭვი“ და სხვ. ადგილობრივთა გადმოცემით, გაზაფხული იწყებოდა მაშინ, როცა მზე აფალ ჭვისთან ამოვიდოდა. ჭვიების მიხედვით საერთოდ განსაზღვრავდნენ მზის მოძრაობას და ამით წლის დროთა დადგომას.

44 გ. ბოქორიძის არქივი, ფ. 1753, საქმე 123, ფ. 60.

45 ა. ცამციცილო, რელიგიური გადმონათები თუშეთში და მთი დაძლევის გზები. რელიგიის ისტორიის და ათეიზმის საკითხები საქართველოში, 1968, გვ. 73.

ამას გარდა, ბალხარელების გადმორცემით (ოსმალ ჯემალდინოვი და გამზათ გასანოვი, 1960 წ.) გვალეების დროს ქალები მიდიოდნენ ერთ-ერთ მეხუთე ქვისთან და წვიმის მოსვლას სიმღერით შესთხოვდნენ. ამავე ქვისთან იმართებოდა წვიმის გამოწვევისაღმი მიძღვნილი პურობა.

ყველაზე უფრო საყურადღებო ჩანს თუშური სატკეცელა მილიონაი, რომელსაც წვიმის მოყვანას კი არ შესთხოვდნენ, არამედ უბრძანებენ, აღიზიანებენ, მასთანვე მიაქვთ ურჯულოს საფლავიდან აღებული ძვალი და ქალის ჩითის ნაგლეჯი, უფრო შეტიც, მას ამა-საც არ აკმარებენ და კიდევაც სცემენ.

დარ-ავდრის მფარველთაღმი ამგვარი დამოკიდებულება თუშეთის გარდა ქართლ-კახეთის ბარშიც დასტურდება. გ. ჩიტაიამ თეთრი წყაროს რაიონის ქართულ სოფლებში დაათქისირა მასალა იმის თაობაზე თუ გვალვიანობის დროს ქალები რა შეუტაცხმყოფელი სიტყვებით მოიხსენიებდნენ დარ-ავდრის მფარველ ელიას⁴⁶.

ღვთაებათა მიმართ ანალოგიური დამოკიდებულება სხვა ხალხთა ყოფაშიც მოწმდება, ივ. სერგეევს ნაშრომში: „მეცნიერება და ცრუმორწმუნეობა“, — მოტანილი აქვს მაგალითი ჩრდილოეთის ხალხთა ცხოვრებიდან, როცა ხელმოცარული მონადირე დაუნდობლად სცემდა ხოლმე ნადირობის ღვთაებას⁴⁷.

ამ მაგალითებიდან აშკარად ჩანს, რომ ადამიანი ღვთაებაზე თუ მფარველზე ზემოქმედებას გაღიზიანების გზით აღწევს. აქ საქმე გვაქვს მიწათმოქმედებასთან დაკავშირებულ მბრძანებლურ მაგიასთან, რომელიც შექმნილია ჯერ კიდევ მიწათმოქმედების ადრეულ გარიჟრაჟზე.

თუშეთის მილიონას საკითხს შეეხო ენათმეცნიერი თ. უთურგაიძე, მისი გამოკვლევით, მილიონა თუშეთში სამი ფუნქციით გვევლინება. რომ მილიონა ჰქვია ჯვარის ანუ ხატის ყორეს, სახლის სვეტსა და მთის მწვერვალებზე და გადასასვლელებზე აშენებულ ქვის სვეტებს დასხმულს გზის სანიშნებელი დანიშნულებით⁴⁸. თ. უთურგაიძე, ძველი ქართული ძეგლების მიხედვით აღგენს, რომ მილიონა მანძილის საზომ ერთეულად უნდა ყოფილიყო გამოყენებული. მისი:

46 გ. ჩიტაია, ეთნოგრაფიული მოგზაურობიდან აღბუღალის რაიონში, საქართველოს სახ. მუზეუმის მოამბე, ტ. IV, 1928.

47 ივ. სერგეევი, მეცნიერება და ცრუმორწმუნეობა, 1945, გვ. 10.

48 თ. უთურგაიძე, ერთი ლათინური სიტყვა ბერძნული ფორმით... „მანე“, 1965, № 4, გვ. 210.

ვე მტკიცებით მილიონა სიტყვა ქართულში ლათინურიდან ბერძნულის გზით უნდა შემოსულიყო არა უადრეს IV—V საუკუნისა⁴⁹.

აკად. ნ. ბერძენიშვილის აზრით, მილიონი ბერძნული გზით შემოსული ლათინური სახელია. იგი აღნიშნავს, რომ მილიონი გზის მაჩვენებელი ქვების სახით მდგარა. იგი 1006 რომაულ ნაბიჯს უდრის⁵⁰.

წარმოდგენილი მჭალის მიხედვით ჩანს, რომ მილიონებს რამდენიმე სხვადასხვა ფუნქციას მიაწერდნენ. იყენებდნენ სამგზავრო ორიენტირად, რომ თოვლის დროს გზა-ბილიკებსა და გადასასვლელებზე მიმართულება არ დაეკარგათ, გზებზე მანძილის გაგებისათვის, წლისა და დღედამის დროის მონუსხვისათვის, სამზირებლად, სასაზღვრო ნიშნებად, სახელმწიფო საზღვრის გასწვრივ სათვალთვალო წერტილებად და გვალვიანობის დროს წვიმის მოყვანის დანიშნულებით. აქედან ეს ბოლო ფუნქცია ძალზე ძველია და ბარის რაიონებისათვის იგი ტრანსფორმირებული გადმონაშთის სახით შემონახულია ქვაჯვარების, კაცას, ქალქების, მოზვერა ქვების და მამიდა ქვების სახელწოდებით⁵¹.

ვ. თოუფრიას გამოკვლევით, „ქვაჯვარა პირველად მხოლოდ სალოცავი (სათაყვანო) ძეგლი იყო. დროთა განმავლობაში მისი დანიშნულება ნელდება და დღეს ზოგან სამიჯნო ნიშნადაც მიაჩნიათ“⁵². ანალოგიური მდგომარეობა უნდა წარმოვიდგინოთ თუშეთში შემორჩენილი მილიონების მიმართაც.

⁴⁹ იქვე, გვ. 211.

⁵⁰ ნ. ბერძენიშვილი, გზები რუსთაველის ეპოქის საქართველოში, 1966, გვ. 118.

⁵¹ გ. ჯალაბაძე, მეზინდერეობა კახეთში, საქართველოს სახ. მუზეუმის შრომები, ტ. XXV—B, 1968, გვ. 300.

⁵² ზ. თოფურიას, ქვაჯვარანი საქართველოში, მასალები საქართველოს და კავკ. ისტ. IV, 1942, გვ. 63.

მეზინდვროება ფშავში

1. ხერთო მამოხილვა. ფშავი ტერიტორიულად ფშავის არაგვის ხეობაში მდებარეობს. გვიანდელი მისი განსახლება ამ ხეობის ფარგლებს გასცდენია. ფშაველები ჯერ ივრის ხეობაში, ხოლო შემდეგ ერწო-თიანეთშიც ჩასახლებულან. ამ ორი მიკრორაიონიდან უფრო ადრე ივრის ხეობაში გადასახლებულან; ერწო-თიანეთში მათი ჩასახლება მასიურად XIX საუკუნის მეორე ნახევარში დაწყებულა. XIX საუკუნის მიწურულში ფშაველებმა დაიწყეს გადასახლება შირაქის ველზე და იქ ოდესღაც ჟამთა სიავისაგან ჩამკვდარი მეურნეობა ხელახლა აღორძინეს, ფშაველთა დიდი ნაწილი საცხოვრებლად აგრეთვე გავიდა აღმოსავლეთ საქართველოს ბარის ისეთ რაიონებში, სადა მეცხვარეობა-მიწათმოქმედებისათვის ხელშემწყობი გარემო ეგულებოდათ; სახელდობრ: ყვარლის, ახმეტის, დუშეთის, წითელი წყაროს და მცხეთის რაიონის სოფლებში.

ვახუშტი ბატონიშვილის ცნობით, ფშავის განსახლება უშუალოდ ფშავის არაგვის ხეობაზე მოდის. იგი წერს: „ხოლო ხევსურეთის აღმოსავლის მთის იქით არის ფშავი, რომელსა შუაში უდის არაგვი და მოერთვიან ხეენი აღმოსავლეთით დასავლეთიდან და ვინაიდგან ფრიად მაგარ არს ქვეყანა ესე და უბრძოლველი მთითა და კლდითა და ტყითა, ამისათვის იმყოფებიან მშვიდად და სიმწირისათვის მონობენ ვისაც უპყრავსთ თიანეთი, რამეთუ იზრდებიან მუნიდამ, ხოლო მზღვრის ფშავს: აღმოსავლით მთა კავკასიიდან ჩამოსული; სამხრით, მთა ამასა და თიანეთ შორისი. ჩრდილო კავკასი ამასა და ლლიღეს შორისი. დასავლით მთა კავკასიიდან ჩამოსული, სამხრით ამასა და ხევსურეთს შორის. არამედ ძველად ეწოდა ამ ორთა ხეობათა (ფშავ-ხევსურეთს) ფხოელნი და აწ უწოდებენ ესრეთ“¹.

ფხოველთა შესახებ წერილობით წყაროებში ზოგიერთი საინტერესო ცნობა მოგვეპოვება: სახელდობრ, ფეოდალური საქართველოს

¹ ვ ა ხ უ შ ტ ი, აღწერა სამეფოსა საქართველოსა, 1941, გვ. 93.

მესვეურები მთაზე ფეოდალური ხელისუფლების გავრცელებისა და ბატონობის განმტკიცებისათვის არაერთხელ შეცდილან ფხოვის და მორჩილებას², მაგრამ ჩანს, რომ მათი მორჩილებაში მოყვანისათვის ბრძოლა საკმაოდ დიდხანს გაგრძელებულა. შუა საუკუნეებში, ქართულ ფეოდალურ ხელისუფლებასა და ნახევრად თემური წყობილების სტადიაზე მდგომ მთას შორის ბრძოლა ხან რელიგიურ სამოსელში ეხვეოდა, ხან კი, როცა ბრძოლით მთიელთა დამორჩილება კირდა, საქართველოს ფეოდალური სამეფო დამოყვრების გზას ამჯობინებდა.

ფხოველთა დამორჩილების პირველი ცდა IV საუკუნიდან იწყება, ამ დროს ფხოვის გაქრისტიანების მცდელობასა აქვს ადგილი, რასაც ფხოველთა მხრით დიდი წინააღმდეგობა მოჰყოლია. შემდგომ საუკუნეებში რელიგიურ სამოსელში გახვეული ბრძოლა არ შეწყვეტილა; ამის ნათელ გამოხატულებას წარმოადგენს ერთი ეპიგრაფიკული ძეგლი, რომელიც დაცულია საქართველოს სახელმწიფო მუზეუმში. ეს ძეგლი 1944 წელს აკად. ნ. ბერძენიშვილს სოფ. გომეწრიდან ჩამოუტანია. ადგილობრივთა თქმით, ეს წარწერიანი ქვა ყელყვითელას ციხეზე ყოფილა დატანებული. წარწერა სიპ ქვაზეა ნუსხა ხუცურით, რომელსაც ეპიგრაფიკოსი ვ. ცისკარიშვილი ასე კითხულობს: „ესე ხელი მე მუშელა დაწერე გოგოლეურმან სამას ორმოცი სახნისი ვიძიე მიქელაურისა მიზლოს. ღდითა, მათ კაცი მოკლეს შაბიდა მ/ა/თ/ა/ტას და გია მართალსა მეფე შე/მ/რის/ხ/და ვა და/ ვითარცა ღმერთსა/“³.

ღღეისათვის სოფელ მაღაროსა და მის ახლო სოფლებში მოსახლე თანდილაშვილები, გელიაშვილები და თურმანაულები ძირად გოგოლაურები ყოფილან. გოგოლაურთა სოფლის სახელიც არის ფშავში. ასე, რომ ძეგლში მოხსენებული გოგოლეური მაღაროს მკვიდრი ჩანს, ამავე ძეგლში მოხსენებულია მიქელაური, რომლის შესაბამისი გვარი ფშავში არ დასტურდება. სიმონ მეფის 1573 წლის დოკუმენტებში მოიხსენიება ხუცესი მიქელაური⁴. ეს მიქელაური სიმონ მეფეს დოკუმენტის მიხედვით ბარელია, სოფ. სვენეთიდან (ღღევიანდელი გორის რაიონი). გომეწრის წარწერაშიც ისე ჩანს, რომ შაბიდა

² ლეონტი მროველი, ნინოს მიერ ქართლის მოქცევა, ქართლის ცხოვრება, I, 1956, გვ. 125—126.

³ ვ. ცისკარიშვილი, გომეწრის წარწერა X—XI საუკუნისა, მაცნე, 1965, № 6, გვ. 185.

⁴ მასალები საქართველოს ისტორიული გეოგრაფიისა და ტოპონიმიკისათვის, წ. I, 1964, გვ. 143.

მიქელაურის მოკვლისათვის განრისხებულმა მეფემ უბრძანა ხელის დაწერა. „დაწერილი ხელი“, როგორც ვ. ცისკარიშვილი ფიქრობს X—XI საუკუნისა უნდა იყოს⁵. ვ. ცისკარიშვილი უკეთებს რა ანალიზს ამ წარწერის შინაარსს, აღნიშნავს, რომ „გომეწრის წარწერაში მოხსენებული „სახნისი“ არ უნდა გულისხმობდეს სახნავი მიწის ფართობის ერთეულს, რადგან „სამას ორმოცი სახნისი“ ძალიან დიდი ფართობი იქნებოდა ფშავის ხევისათვის, რაც უნდა მცირე მოცულობისა ყოფილიყო ეს ერთეული „სახნისი“ სახნავი იარაღის აღნიშვნელი ტერმინი უნდა იყოს, მაგრამ იგი უნდა აღნიშნავდეს არა მთელ მოწყობილობას, არამედ გუთნის ერთ ნაწილს, რომელიც დღესაც სახნისად იწოდება“⁶. აქ იგი იშველიებს ნიკორწმინდის XI საუკუნის დაწერილს, სადაც მოხსენიებული სახნისი სახვნელი იარაღის ნაწილად ივარაუდება. ამ მოსაზრებას ერთხანს ჩვენც ვიზიარებდით⁷, მაგრამ ფშავის მემინდვრეობის ირგვლივ დამატებით შეკრებილმა მასალამ გამოავლინა შემდეგი: ფშავსა და ხევსურეთში სისხლმესისხლეობის დროს დანაშაულის საზღაურში, ე. ი. სისხლის დასაფარად წესად ჰქონიათ მიწის ნაკვეთის მიცემა. მკვლელისათვის მიწის ჩამორთმევა განსაზღვრული ვადით IX—X საუკუნეებში მიღებული წესი ყოფილა⁸. ფშავში და ხევსურეთში, როცა სასისხლო საქმეებში მიწას ჩავიდოდნენ, როგორც გამოჩალებ საშუალებას, მაშინ მიწის ზომის ერთეული უნდა შეეფარდებინათ ძროხის რაოდენობისათვის. თუ ბარის სახნავ-სათესი იყო, ერთი დღიურის შესატყვისად ხმარობდნენ გამოთქმას — „ერთი სახნისი მიწა“, რაც ორ ძროხას ეფარდებოდა ან ერთ ხარს (სოფელი მაღარო, ქისტაური ღეთისო ჯარიას ძე, 90 წლისა, 1958 წ.)⁹. ჩვენი აზრით, გომეწრის წარწერა ყადაღას, დამნაშავეს სახნის მიწაზე უნდა ამბვილებდეს ყურადღებას და არა სახვნელის სახნისზე. საერთოდ, რადგან ხელი დაიწერა, იგი მიწის ნაკვეთს უნდა ეხებოდეს.

ნ. ბერძენიშვილმა სპეციალურ გამოკვლევაში „მიწათმფლობელობის ფორმებისათვის ფეოდალურ საქართველოში“, საგანგებოდ შეისწავლა ხელის საკითხი. ნაშრომში აღნიშნული აქვს, რომ „ხელი ამართებოდა ხოლმე: „მამულზე“, „მიწა-მამულზე“, „მამულსა და ვენახზე“, „სახელოსა და ყმაზე“, „ყმასა და მამულზე“, „გლეხზე“, „სა-

5 ვ. ცისკარიშვილი, დასახ. ნაშრომი, გვ. 185.

6 იქვე, გვ. 186.

7 გ. ჯალაბაძე, მიწათმოქმედება ფშავ-ხევსურეთში, 1963, გვ. 16.

8 ვ. ცისკარიშვილი, დასახ. ნაშრომი, გვ. 186.

9 გ. ჯალაბაძე, ფშავში მივლინების დღიურები, 1958 წ.

წისქვილოსა და წისქვილზე“, „აზნაურზე“, „სათავადოს ნაწილზე“, „სოფელზე“¹⁰.

ასე, რომ გომეწრის დაწერილში მოხსენიებული 340 სახნისი 340 ფშაურ დლიურს უნდა შეესატყვისებოდეს, რაც დაახლოებით 82 ჰექტარს უდრის. ფხოველთა ასე მკაცრად დასჯის ამსახველი წარწერა კარგად შეესატყვისება აგრეთვე იმ ღონისძიებას, რომელსაც ახორციელებდნენ ბარელი ფეოდალები ფხოველთა მიმართ. ამაზე მოგვითხრობს, როგორც ლეონტი მროველი¹¹, ისე „ძეგლი ერისთავთა“¹². „ძეგლი ერისთავთა“-ს მიხედვით ფხოველთა დალაშქრა არაერთგზის განხორციელებულა, „ხოლო მეფე გიორგი განილაშქრა მალაროს და დიდად ევნო მათგან ეიწროთა მათ ხევთა სიმრავლითა საგორავისათა და დიდად მწუხარე მოვიდაო“¹³.

XII საუკუნეში ფხოველთ დიდი ზიანი განიცადეს იმ ლაშქრობის შედეგად, რომელიც მთის შემოშტკიცების მიზნით იყო განხორციელებული. ამის თაობაზე „ისტორიანი და აზმანი შარავანდედთან“ გვაუწყებს, რომ ივანე ათაბაგს განღვომილი ფხოველებისა, დურძუკებისა და დიდოთა ასალაგმავად სათანადო სამხედრო ტაქტიკა გამოუყენებია. პირველ რიგში, ლაშქარი მთის მოსახლეობისაგან შემოუკრებია. ეს ამბავი დურძუკებს როცა გაუგიათ, იარაღი დაუყრიათ და ივანე ათაბაგთან ძღვნით მისულან, ხოლო თავისი ლაშქარი ფხოველთა და დიდოთა წინააღმდეგ გამზადებული ლაშქრისათვის შეუერთებიათ. მოლაშქრენი ფხოვს ზემოდან მოჰქცევინ და ხეობს სათავეებიდან ჩამოყოლიან რბევით: „და იწყეს ზევიდამან ბრძოლად, და რბევად კლვად და ტყუებად და დაწუად: მოსწყვიდეს ურიცხვი კაცი დიდოი და ფხოვი, და დაყენეს სამი თუენი: იენისი, ივლისი და აგვისტოსი. მაშინ შეწუხებულთა ათაბაგისათა მისცეს მძევლები და აღუთქუეს მსახურებად ხარაჯა, და პირი სიმტკიცისა აღუთქუეს. წამოასხეს მძევლები, ქმნეს ზავნი“¹⁴.

როგორც ამ კონტექსტიდან ჩანს, ფხოველთ ხარაჯა დაეკისრათ, ე. ი. მათ ფეოდალური ვალდებულება იკისრეს, მაგრამ შემდგომში, როცა მონღოლთა შემოსევებმა ქვეყნის საერთო მდგომარეობა გაართულა, ფხოველთა ხარაჯისათვის ქვეყნის მესვეურთ დრო არ ჰყოფ-

10 ნ. ბერძენიშვილი, საქართველოს ისტორიის საკითხები, III, გვ. 138.

11 ქართლის ცხოვრება, I, 1956, გვ. 125.

12 ი. დოლიძე, ქართული სამართლის ძეგლები, II, 1965, გვ. 102.

13 იქვე, გვ. 106.

14 ქართლის ცხოვრება, II, გვ. 111.

წიდათ, მთიელთა მიმართ ამ მძიმე პერიოდში რაღაც დათმობაზე წასვლა იყო საჭირო.

როცა აღმოსავლეთ საქართველო ქართლ-კახეთის სამეფოებად დანაწილდა, უკანა ფხოვი, რასაც ახლაც უკანა ფშავს უწოდებენ ორწყალმდე (სადაც ფშავისა და ხევსურეთის არაგვი ერთდება), კახეთის სამეფოში შევიდა, ხოლო ორწყლიდან ქვემოთ არაგვის ხეობის ფშავი ქართლის სამეფოს გამგებლობაში მოექცა¹⁵.

კახეთის სამეფოს გამგებლობაში იყო მოქცეული აგრეთვე თუშეთი და ხევსურეთი, დასახელებული სამი კუთხის გამგებლად კახეთის სამეფოს დანიშნული ჰყავდა მოურავი ჩოლოყაშვილი. მოურავი ამ მიკრორაიონებშიათვის, ზემოდან მეორე მებატონე პირს წარმოადგენდა, ე. ი. იყო ქვეყნის უზენაესი მფლობელი მეფე და იყო მისი ძალაუფლების მოქმედებაში შემყვანი სალთხუცი — მოურავი. ივ. სურგულაძის მტკიცებით, სალთხუცის თანამდებობა მეფის მმართველობის ცენტრალურ აპარატში პირველი მოხელეობა ყოფილა, რომ სალთხუცს სამეურნეო-საფინანსო ხასიათის ფუნქციები ჰქონდა ჩაბარებული¹⁶. სახელმწიფო გადასახადებიდან გარკვეული წილი სალთხუცს ეკუთვნოდა. იგი თითქმის ყველა სახის გადასახადიდან თუ ბაჟიდან ღებულობდა სათანადო შემოსავალს¹⁷. ფშავ-ხევსურეთი და თუშეთი X-II საუკუნიდან მოყოლებული, გარკვეულ გამოსაღებს იხდიდა¹⁸. ამაზე ნათლად მიუთითებს მეფე ერეკლეს მიერ თუშებისადმი აღვანის საბალახოდ გამოყენების თაობაზე ბოძებული სიგელი, სადაც აღნიშნულია „შეგიწყალეთ და გიბოძეთ თქვენ ჩვენს მამა პაპათაგან ნამსახურთ და დიდად ერთგულ ყმასა ჩვენთა სულ ერთობილთ თუშთ დიდთა, პატარათა — შეგიწყალეთ და გიბოძეთ ალონი, ისე რომ ჩვენს მამა პაპათაგანაც წყალობად ჰქონდათ, და ჩვენც ამრიგად ისე გვიბოძებია. ვინცა ვინ მოხნევდეს საღალის მიწას, ღალა ჩვენ უნდა მოგვცემოდეს, და თქვენ, როგორც ძველთაგან, ან საბალახე და საფოთლე გერთმეოდესთ, და საკომლო ისე გამოგერთმეოდესთ“¹⁹. სიგელში აშკარად ჩანს, რომ გამოსაღები საფოთლე, საბალახო და საკომლო ძველთაგანვე ყოფილა დაწესებული (როგორც ძველთაგან ერთმეოდესთ). მაგრამ ხშირად სალთხუცი თვი-

15 ბერი ეგნატიშვილი, ახალი ქართლის ცხოვრება, ქც. II, გვ. 348—349.

16 ივ. სურგულაძე, საქართველოს სახელმწიფოსა და სამართლის ისტორიისათვის, I, 1952, გვ. 174—175.

17 იქვე, გვ. 177.

18 ქართლის ცხოვრება, ტ. II, გვ. 111.

19 ხელნაწერთა ინსტიტუტი, ფ. dH 10063.

თნებობდა, იმ დიდ უფლებებს პირადი აღზევებისათვის იყენებდა, სახელმწიფო გადასახადს თავისი სურვილისამებრ აწესებდა. ფშავ-ხევსურეთში თუ რა ღონისძიებას ატარებდა სალთხუცი — მოურავი ამის შესახებ მხოლოდ მეთვრამეტე საუკუნის შუა წლების მასალაა შემონახული. ამ მასალის მიხედვით ჩანს შემდეგი: მეფე თეიმურაზ მეორეს სალთხუცი გრიგოლ ჩოლოყაშვილის კუთვნილი მამული მარელისში შეუწირია ლაშარის ჯვარისათვის, „იმის თაობაზე, — წერია პირობის წიგნში, — თქვენც გაგვიწყერით და ჩვენც ბევრი თქვენი საწყენი საქმე ვქენით. ახლა მოვედით და ბატონთან სამართალში ჩავცევდით. ბატონმაც წყალობა გვიყო და ჩვენც შევტრიდით, ჩვენზედ თქვენი გული მოიბრუნეთ; ჩვენცა როგორც მამა და პაპა ყოფილა, ისე ერთგული და მოსამსახურე ვიყნეთ“²⁰. აქ აშკარად ჩანს, რომ გრიგოლ ჩოლოყაშვილის მამა და პაპა ისევე თხოვდა ფშავ-ხევსურთ სამსახურს, როგორც მათი საქმის გამგრძელებელი. რას უღრიდა, ან რაში გამოიხატებოდა ფშავ-ხევსურთა სამსახური? თუ საქართველოში მოქმედი კანონების მიხედვით ვიმსჯელებთ, სამოურავო სარგო არც თუ ისე მცირე გამოსაღებს შეადგენდა. დასტურლამაღლს მიხედვით (იხ. კარი 47) სალთხუცი ყველა სახის შემოსავლიდან იღებს გარკვეულ პროცენტს, მათ შორის სამეფო შემოსავლიდანაც კი. ჭიზიყის მოურავის სარგო, რომელიც 1802 წელს რევაზ ანდრონიკაშვილს შეუღდგენია და საფუძვლად უდევს ძველი ქართული სამართალი, 16 მუხლში ჩამოთვლის უამრავ სახეობას იმ გამოსაღებებისა და შემოსავლისას, რაც მოურავის სასარგებლოდ მიდიოდა: ალაფიდან, ბაჟიდან, გასამყრელოდან, ჯარიმიდან, კოდისპურიდან და სხვ.²¹ მოურავების ეს დიდი უფლებები ზოგჯერ, როგორც ჩანს, მოსახლეობაში უკმაყოფილებას იწვევდა, ამაზე ნათლად მეტყველებს გრიგოლ ჩოლოყაშვილის პირობის წიგნი, მიცემული ერთობილ ფშაველებისადმი. „ქ. ეს წიგნი მოგართვით ლაშარის ჯვარსა და იმის ყმათ ერთობილ ფშაველთა ჩვენ, ჩოლოყაშვილმა სალთხუციცმა გრიგოლ, ოთარ და სარიდან, შვილთა და მომავალთა სახლსა ჩვენისათა; — ასე რომე ბატონმა ჩვენი წილი მამული მარილისში შემოგწირა. ახლა იმის თაობაზე ჩვენც თქვენი ბევრი საწყენი საქმე ვქენით და თქვენც გაგვიწყერით. საბატონოდ ვახდა და თქვენს მოძმესთან ვილაპარაკეთ“ და სხვა. ქვემოთ ამ საბუთიდან ჩანს, რომ გრიგოლ ჩოლოყაშვილს ლაშარის სასარგებლოდ ჯარიმა გადაუხდია. ამ ინციდენტში მთავარ მაძიებლად ჩანს ვინმე დემეტრე ახათაშვილი. დოკუმენტში ეს ასეა

²⁰ დოკუმენტები, გვ. 407.

²¹ ქართული სამართლის ძეგლები, II, გვ. 560.

ფიქსირებული: „ასათაშვილს დემეტრეს ბევრი დანაშაული ჰქონდა ჩვენზედ და თქვენთვის გვიპატიებია; თუ ამას იქით აღარა სტყუა რა ჩვენზედ, არცარა ჩვენ უსაყვედურით რა ამას და არცარა შვილთა და მომავალთა ჩვენთა. ამ დანაშაულზე თუ ამას რამე გარდახადეს, ჭულაბის მოძქეში ჩვენ ვიყვნეთ და თუ სხვა რამ დააშავა პასუხი თქვენც მისცეთ და ჩვენც გარდავახდევინოთ“²².

აღნიშნული საბუთებიდან ჩანს, რომ მომჩივან-მომასუხენი თითქოს დაზავდნენ, მაგრამ საბუთში მითითებული დემეტრე ასათაშვილის მიმართ მტრობა მაინც მტრობად დარჩენილა. ერთგულების და დაზავების ნიშნად, როგორც ჩანს, ჩოლოყაშვილს 1747 წელს ფშავიდან მძევლები წამოუყვანია, მათ შორის ჩანს დემეტრე ასათაშვილიც²³. ამ ამბავს მეფე ერეკლე II განჩინება ასე აგვიწერს. გრიგოლ სალთხუცესი „ჩვენი მოძმის კარზე იყო და ფშაველთ სტუმარი იყო... გზაზე გოგოლაური ჩემქდომოდა, თოფი რომ უნდა დაეკრა, სასხეპი მოსტყდომოდა, ველარა ექნა რა. რადგან რომ მთის კაცსში სასტუმრო დადებული არის თექვსმეტი ხარი, ეს ჯერ რომ თავადიშვილი იყო, ახლა ჩვენ გაგვიპქვია: სასტუმროც ის არის, ჩვენიც ჭარიმაც შიგ არის, — თოხმეტჯერ თექვსმეტი ხარი უნდა მისცეს და, თუ ის კაცი ჩვენ ჩავიგდევით, იმისი კიდევ ჩვენ ვიციოთ“ და სხვ.²⁴. ე. ი. გოგოლაური თავადის მოკვლის მცდელობისათვის 224 ხარით იქნა დაჯარიმებული. თუ გომეწრის წარწერაში მოხსენებულ 340 სახნისს ხარების რაოდენობაზე გადავიტანთ, 340 ხარი გამოღის (ანუ 680 ძროხა), რაც მკვლელობის მცდელობისათვის გადაწყვეტილ 224 ხართან შედარებით დიდ სხვაობას არ იძლევა, ეს გარემოებაც უთუოდ იმაზე უნდა მიუთითებდეს, რომ „სამანაორმოცი სახნისი“ მიწას უნდა ვარაუდობდეს, რომელიც სასამართლო განჩინებით ხარის ღირებულებით იფარებოდა.

ზემოთ აღნიშნულ ინციდენტიდან სამი წლის შემდეგ გრიგოლ სალთხუცესს ბრალს სდებენ დემეტრე ასათაშვილის მოწამვლაში და აღიძრება საჩივარი მეფის წინაშე. ამის თაობაზე მეფე ერეკლე II სასამართლოს იწვევს თუშეთში. სასამართლოზე მოუწვევიათ როგორც ქართლ-კახეთის, ისე ფშავის, თუშეთის და ხევსურეთის თავკაცები — სულ 50-მდე კაცი. სასამართლო ბჭობის შედეგად გაირკვა, რომ, „დე-მეტრე ასათაშვილი თავის დღით მომკვდარიყო; მტრის ენით იმის სიკვდილს მოწამლით თქვენ გადავებოდით, მეფე ერეკლე ქართველთა

22 ქართული სამართლის ძეგლები, II, გვ. 560.

23 დოკუმენტები, საქ. სოც. ისტ. I, გვ. 406.

24 იქვე, გვ. 417.

დაკახეთით და ორსავე საერისთაოთი თუშეთს ამობძანდა, სრულ ფშაველნი და ხევსურნი იქ იყვნენ, ვილაპარაკეთ და იმის სიკვდილზე სიმტყუვნე ვერა ვიპოვეთ რა, ამაში გავშველდით, ასე რომე თქვენთან. სამსახურის მეტი საქმე არა გვქონდეს რა არას ჩემს გვარსა და ნათესავსა²⁵. შემდეგ ჩამოთვლილია სასამართლოს მონაწილე პირნი სულ 39 კაცი. გარდა მეფე ერეკლესი და იმ პირებისა, რომელნიც მომჩივნების სახით არიან დასახელებულნი საბუთის შესავალში. რაკი ჩოლოყაშვილმა თავი იმართლა, ფშავ-ხევსურნი მას კვლავ აღუთქვამენ სამსახურს. რას ნიშნავდა მათი სამსახური ბატონის წინაშე შესაბამისად მთის პირობებისა, ადვილი წარმოსადგენია. შესაძლებელია იგი სამოურაოს სახით იყო გადაწყვეტილი, რაც საქართველოს ამა თუ იმ კუთხის სამეურნეო ხასიათის შესაბამისად იყო ხოლმე განსაზღვრული.

წარმოდგენილი ეს ორი დოკუმენტი მრავალმხივ არის საინტერესო. აქ ნათლად ჩანს თუ მთის მოსახლეობა რა დამოკიდებულებაშია სახელმწიფო ხელისუფლებასთან. ისე, როგორც ბარში, აქაც უზენაესი ხელისუფალი მეფეა — ხელმწიფე. მეფეს ფშავში მოძმე უზის, რომელთანაც გზავნის სალთხუცეს გრიგოლ ჩოლოყაშვილს, კახეთის უდიდეს თავადს, რომლის მოკვლის მცდელობისათვის დამნაშავე სატიკად ისჯება. ამავე საბუთიდან ჩანს ადგილობრივი ხელისუფლების წარმომადგენელი, პირველ რიგში, ლაშარის ჯვარის დეკანოზი და სხვანი, რომელნიც ასეთი საქმის გაბჭობაზე არიან მოწყვეულნი. ხოლო თვით ლაშარი საბუთში მოიხსენიება მეფის მოძმედ. ანალოგიური მოძმე იყო მეფისა ხევსურეთის ფუღანის ჯვარი²⁶.

მოტანილი დოკუმენტებიდან საყურადღებოა ისიც, რომ დამნაშავე ასე მკაცრად ისჯება; ასეთი სასჯელი, რომელიც გოგოლაურს თავადის მოკვლის მცდელობისათვის თოთხმეტჯერ თექვსმეტი ხარის სახით ეკისრება, ნიშნავს დამნაშავეს დაკაბალება-დაყმევებას. გომეწრის XII საუკუნის წარწერაშიც უთუოდ ფშაველთა დაყმევების მიზნით არის დაწერილი ხელი. ეს გარემოება იმაზე მეტყველებს, რომ ამ დროისათვის ფშავში ფეოდალური ურთიერთობა გარედან მიძალების გზით შედის. შინაგანი პოტენცია ამისათვის არც ფშავს და არც ხევსურეთს არ გააჩნდა. ამის მაგალითია მთიანეთის კუთხეების თავისებური ბეგარა. თუშეთი საბალახოში სახელმწიფოს 400,

²⁵ დოკუმენტები, I, გვ. 424.

²⁶ გ. ჯალაბაძე, მიწათმოქმედება ფშავ-ხევსურეთში, 1963, გვ. 44.

ცხვარსა და 200 ბატკანს უხდიდა²⁷, ფშავი 50 ცხვარზე 1 ცხვარს, ხოლო ე. წ. ფშავის ბოლო გარდა ცხვრისა, იხდიდა აგრეთვე კოდის პურსაც²⁸.

ამასთან დაკავშირებით, ვფიქრობთ, საინტერესო ცნობაა დაცული გიულდენშტედტის მოგზაურობაში. იგი წერს, რომ საქართველოს მეფის საკუთარ მიწაზე მსხდომნი (ე. ი. იგულისხმება სახელმწიფო-გლეხები. — გ. ჯ.) იხდიან მეღვინეობის, მემინდვრეობის, მებაღეობის და მთელი თავისი წლიური შემოსავლის ერთ მეხუთედს²⁹. იქვე იგი მიუთითებს, რომ „გადასახადებს საზღვრავენ და ჰკრეფენ მოურავები და მისი ხელქვეითი ყაზბეგები და გზირები“³⁰. ასე, რომ ფშავ-ხევსურთა სახელმწიფო თუ სამოურავო გადასახადს ბევრ შემთხვევაში თვითნებურად მოურავი საზღვრავდა. ამას ფშაველთაგან გარკვეული წინააღმდეგობაც მოსდევდა ხოლმე. ამიტომაც გიულდენშტედტი რომ შენიშნავს, ფშავი არასაიმედო ქვეშევრდომია ქართლის მეფისაო³¹, მაგრამ ასეთი დამოკიდებულების მიზეზი. მთის ფეოდალურ ექსპლოატაციაშია საძიებელი. რადგან მეფე საკომლოს იღებს, რაც შემოსავლის მეხუთედს უდრის, ხოლო „კახეთის სახლთუხუცესი, კახეთის პროვინციის გენერალი, თითო ამთგანი გლეხთა და საერთოდ ხელქვეითების გადასახადთაგან იღებს მეათედ ნაწილს“³², — წერს გიულდენშტედტი.

მონღოლთა ბატონობის ხანაში, ცხადია, ბარის ფეოდალური ხელისუფლება მთაზე ბატონობისა და მისი ფართო ათვისებისათვის იმდენად ვერ იცლიდა, როგორც მშვიდობიან პერიოდში შეეძლო. მაგრამ დაწყებული რღვევა მთის თემური საზოგადოებისა აღარ შეიძლებოდა შეჩერებულიყო. გრიგოლ სახლთუხუცესის ასე ხშირი სიარული ფშავში „მეფის მოძმესთან“ სრულიადაც არ არის შემთხვევითი მოვლენა; იგი აქ გადასახადებს კრებს. მეფის მოძმე, ამ შემთხვევაში ლაშარის ჭვარი, მას გვერდში უდგას და ხელს უწყობს სახელმწიფო ინტერესების განხორციელებაში. სახელმწიფოს ფეოდალური იერარქიის წარმომადგენელთა მოქმედების წინააღმდეგ გამოდის ერთობილ ფშავის გლეხობა (ამ კონკრეტულ შემთხვევაში მოურავ ჩოლოყაშვილის წინააღმდეგ გოგოლაური).

27 ლ. გვახარია, სახელმწიფო ბეგარა-გადასახადები აღმოსავლეთ საქართველოში XIX საუკუნის I ნახევარში, 1960, გვ. 44.

28 იქვე, გვ. 68.

29 გიულდენშტედტი, მოგზაურობა საქართველოში, ტ. I, გვ. 233.

30 იქვე, გვ. 233.

31 იქვე, გვ. 271.

32 იქვე, გვ. 229.

როცა გრიგოლ ჩოლოყაშვილთან ფშაველთა რამდენიმე ინცი-
დენტი მარცხით დამთავრდა, მათ აღუთქვეს ძველებურად სამსახური,
ისე, როგორც „ჩვენი მამა-პაპა გემსახურებოდათო“. ფშავ-ხევსურე-
თის და, საერთოდ, საქართველოს მთის მოსახლეობისა და საქარ-
თველოს ფეოდალურ სამეფოს შორის დამოკიდებულებას ღრმა სო-
ციალური საფუძველი გააჩნდა, რომელიც მთის პირობებში მაინც
ისე მკვეთრად არ აისახა, როგორც ბარში იყო წარმოდგენილი. უსა-
ფუძვლოდ არ გამოიყურება ვახუშტის ნათქვამი ფშაველებზე „მება-
ტონეთა თვისთა ერთგულნიო“³³. ამასაც, რასაკვირველია, თავისი მი-
ზეზები ჰქონდა. ეს მიზეზები, უპირველეს ყოვლისა, იმაში მდგომა-
რეობდა, რომ მთაში ბატონობისათვის ეკონომიური საფუძველი და-
ბალი იყო, მთა არ იძლეოდა ფართო მასშტაბის ბატონყმური ექს-
პლოატაციის გაშლის საშუალებას. ამ გარემოებას კარგად ადასტუ-
რებს გვიანი დროის ფშავის მოსახლეობის მოძრაობის სურათი, რო-
მელზედაც ქვემოთ გვექნება საუბარი. ფშავის მოსახლეობის ბარი-
საკენ გადანაცვლება თავისებური ხასიათისაა; არც ერთი ფშაველი
მდიდარი მეცხვარე საცხოვრებლად ფშავში არ გაჩერებულა. ყველა
მთავანი, საშუალო სიმდიდრის მეცხვარეებიც კი, ბარში იძენდა სახ-
ნავ-საათესს, ბალ-ვენახებს და დაქირავებული მეზვრეების საშუალებით
აწარმოებდა მეურნეობას, ისინი მთაში ასე ფართოდ ვერ წარმართ-
ვდნენ თავისი კაპიტალის ტრიალს, რომელსაც მეცხვარეობა ასე უხ-
ვად აძლევდა მის მიმდევარს.

ერთობილ ფშაველთ და ასათაშვილის დამოკიდებულება სახლ-
ბუცესთან რომ დაპირისპირებული ჩანს, არც ეს არის შემთხვევითი მოვ-
ლენა. 1696 წლის ერთი საბუთის მიხედვით, რომელიც ფშაველთ
ეხება, ასათაშვილი ქაჩალაურის დასახლების მოურავის მოვალეობის
შემსრულებელია. ფშაველნი ამ საბუთში არ იხსენიებიან, მაგრამ
ფშაველების გამოსახატავად ნახმარია ერთობილნი. „ერთობილ ფშა-
ველნი“ სხვა საბუთებშიც გვხვდება. ამ შემთხვევაში კი (1696 წლის
საბუთში) იგი ასეთ კონტექსტშია: „სიგელი გიბოძეთ თქვენ ერთო-
ბილთ ვინც ქაჩალაურში დასახლდეთ ჩვენ, ჩოლოყაშვილმან... ხუთ
წელიწადს აზატობა მოგვიცია. ხუთ წელიწადს უკან ვინც მსახურო-
და შეეძლოს მსახური გვაძლიოს, ერთი ცხვარი წელიწადში მოგვართვას;
ვინც მსახურობა ვერ შეიძლოს, წელიწადში ერთი ცალი ღვინო და ერთი
ცხვარი მოგვართოს. სხვა ჩვენი გამოსავალი არა გეთხოვებოდეს-რა,
არა ბეგარა არა კალოს პური, არა კულუხი, არა საქორწილო, არა
სააღაპო, არა ძიძა, არა ტყვე, მანდემამ არ გამოვიდეს; მანდაური ცი-

³³ ვ ა ხ უ შ ტ ი, აღწერა სამეფოსა საქართველოსა, გვ. 92.

ზე, მთა და ბარი თქვენ გებარებოდეს. თუცა მანდაური მემკვიდრე ყოფილიყო და ამათაც ქონდა, მოურაობა ამასათაშვილებისათვის გვიბოძებია, სამოურაო უწინ ბევრი გდებოდათ (ლაპარაკია ერთობილ ფშავლებზე, რომლებიც უნდა ჩამოსახლდნენ ქაჩალაურში) და ეხლა ნაოხრობისათვის არცარა ჩვენის ყალნის დადებით ძალი გიყავით, შრც სამოურაოთი, სამოურაო ეს გედვას: კომლზე სამი ჩაფი ტკბილი და ერთი ღლის მუშაობა მანამღი მანდ სახნავე გამოვიდოდესო“ და სხვ.³⁴ ამ დოკუმენტიდან აშკარად ჩანს, რომ ფშაველები, გარდა იმისა, რომ ხელმწიფეს ცალკე უხდიან გარკვეული სახის გადასახადს, სამოურაოსაც იხდიან და იქ მთის მძიმე პირობებიდან რომ დააღწიონ თავი, ბარისაკენ მიემართებიან.

მთაში სახელმწიფო გადასახადის აკრეფას სალთხუცი — მოურავი ადგილობრივი ხელისუფლების წარმომადგენელთა დახმარებით რომ ახორციელებდა, ეს კარგად ჩანს ძეგლის დადებიდან (შედგენილია 1334 წელს), სადაც სათანადო ადგილები ხევისბერთა ამ მოვალეობას გამოხატავს. 42-ე მუხლში ნათქვამია: „ამიერნი ხევისბერნი და ჰეროვანნი იმიერთ ნუოდეს მიუდგებიან, ნუცა სალაშქროდ, ნუცა სასაუროდ ისაქმებენ ერთმანეთთანა თავის თავისასა საერისთოსაგან კიდე“. წინააღმდეგ შემთხვევაში მამულს ჩამოართმევდნენ და ციხეს დაუქცევდნენ³⁵, ხევისბერის სისხლი აზნაურის სისხლს იყო გათანაბრებული³⁶. ძეგლის დადებიდან ნათლად ჩანს, რომ XIV საუკუნისათვის მთიულეთში „თემის ერთობის რღვევისა და სოციალური უთანასწორობის პროცესი გაღრმავებულია და შორს წასულა. მეფის ადგილობრივი მოხელეები — არაგვის ერისთავი, ხევის გამგებელი და ხევისბერნი — ცდილობენ იძულებით დაამკვიდრონ მთიულეთში ფეოდალური წესები, შემოიღონ ბეგარა და სალაშქრო სამსახური მეფის ხელისუფლების სასარგებლოდ“³⁷. ანალოგიური მდგომარეობა იყო ფშავ-ხევსურეთის თემშიც. აქ, გარდა მოურავისა, რომელიც ხელმწიფის კაცს წარმოადგენდა, ფეოდალური ხელისუფლების ადგილობრივ პირთა სახით გამოდიოდა ხევისბერი და ნაცვალი. მართალია, ნაცვალი 1815 წლის დოკუმენტში ჩანს³⁸, მაგრამ ეს თანამდებობა ადრეული უნდა იყოს. ეგების მოურავის თანამდებობის თანადროულიც კი.

34 დოკუმენტები საქართველოს სოციალური ისტორიიდან I, 1940, გვ. 374.

35 ი. დოლიძე, გიორგი ბრწყინვალის სამართალი, 1957, გვ. 117.

36 იქვე, გვ. 115.

37 იქვე, გვ. 15.

38 ნ. ბერძენიშვილი, დოკუმენტები II, გვ. 276.

მთელი შუასაუკუნეების მანძილზე მთის მოსახლეობას ეკონომიურად უჭირდა. აკად. ნ. ბერძენიშვილი ვახუშტი ბატონიშვილის ცნობას ფშაველთა ბარზე დამოკიდებულების თაობაზე ასე განმარტავს: „ვახუშტის ღრმა მიხვედრით შენიშნული აქვს მთის მოსახლეობაზე თიანეთის მფლობელთა პოლიტიკური ბატონობის საფუძველი, ფშავნიო სიმწირისათვის მონებენ ვისაცა უპყრავს თიანეთი, რამეთუ იზრდებიან მუნიდამ“. შესანიშნავი დაკვირვებაა: მეურნეობის განვითარების გარკვეულს პირობებში მთა ბატონობს ბარზე, ხოლო იცვლება ეს პირობები და პირუკუ შოვლენას აქვს ადგილი: „ამაყი მთის შვილები“ მორჩილების ქედს უხზიან განვითარებულ მეურნეობის ნიადაგზე ორგანიზებულ ბარს, „რამეთუ იზრდებიან მუნიდამ“...³⁹.

ბარელი ფეოდალების ბატონობა მთაზე სუსტად იყო გამოხატული. შესაძლებელია ამანაც განაპირობა, რომ რელიგიური მიმართულება ფშავ-ხევსურთა ყოფაში ისევ ძველი დარჩა, ამასთან დაკავშირებით არ შეიძლება ყურადღება არ მივაქციოთ ერთ მოხსენებით ბარათს, რომელიც იოანე წილქნელს შეუდგენია 1800 წელს. ბარათი ანტონ კათალიკოსის სახელზეა შედგენილი და გათვალისწინებული ყოფილა რუსეთის იმპერატორის პავლე პირველისათვის. მოხსენებით ბარათში იოანე წილქნელი კმაყოფილი ტონით აღნიშნავს: „კაწალხევში ავედი. იქ ფშავლები ცხოვრობენ 100 კომლი და სამ ღლეში მრავალი მოვაქციე ქრისტიანობაზეო“⁴⁰. ამ დოკუმენტიდან კარგად ჩანს თუ რა დიდი ხნის მანძილზე შესძლეს მთიელთ რელიგიის დარგში ავტონომია შეენარჩუნებინათ.

ღრესათვის ფშავი სამად განიყოფება: წინაფშავი, გუდრუხიდან ორწყლამდე ხეობის სოფლებს მოიცავს, უკანა ფშავი ორწყლიდან კაკასიონის მთავარ ქედამდე (ქისტეთის საზღვრებამდე) და მესამე ივრის ხეობის ფშავი, სადაც ფშაური მოსახლეობა ვრცელდება თიანეთამდე. ამის გარდა ფშაველებით დასახლებული სოფლებია ახმეტის, ყვარლის და წითელწყაროს რაიონებში.

აქედან ფშაველთა ყველაზე აღრინდელი ნამოსახლარი და მკვიდრი სამყოფელი ბუდე უკანა ფშავია, სადაც ყველაზე მტკიცედ არის დამკვიდრებული ძველი რელიგიური თუ სოციალური ხასიათის რწმენა-წარმოდგენები და საიდანაც დროდადრო მოსახლეობის ნაშატი ეშვებოდა ხეობის ქვედა ნაწილისაკენ. უმეტესობა ნამატისა გადადიოდა ივრის ხეობაში, საიდანაც ვახუშტის მიხედვით, ფშავლები „იზრდებოდნენ“. ღღევანდელი განსახლების მიხედვით, ფშაველები

³⁹ ნ. ბერძენიშვილი, საქართველოს ისტორიის საკითხები, I, გვ. 183.
⁴⁰ АКТЫ, I, с. 532.

(წინა და უკანა ფშავი) 36-მდე სოფლით არის წარმოდგენილი. ივრის სეობაში კი 10 სოფელზე მეტია ფშავლებით დასახლებული. ფშაური სოფლების უმეტესობა მთის ფერდობებზეა გაშენებული. თითოეული მეკომური ერთიმეორისაგან ცალკე საკარმიდამო დასახლების კომპლექსით გამოიყოფა, რომელიც არც თუ ისე მარტივი აღნაგობით წარმოგვიდგება (დაქნილსახურავეიანი საცხოვრებელი სახლი და მის ქვედა ნაწილში პირუტყვის სადგომი ფშაური სახლის ერთი დამახასიათებელი ნიშანია. ზედა ნაწილში კი სარძიე, სამეურნეო ბანი, მის ახლოს კალო, საბძელი, საზაფხულო გოძური, საცხვრე, ფურნე და სხვ. დანიშნულების ნაგებობანი).

ფშაური სოფლების ძალზე მცირე რაოდენობა მთის ძირა ვაკეზე მოდის, რომელთაც ადგილზე „ბარის სოფლებსაც“ უწოდებენ. სტატისტიკური მონაცემების მიხედვით ღვინდება, რომ ძველად ფშავის სოფლებში კოპლთა მეტ რაოდენობას უცხოვრია. მ.გ., მათურაში, მ. მაჩაბლის ცნობით 32 კომლი ყოფილა, ს. მაკალათიას მიხედვით — 27 კომლი, ხოლო დღეისათვის იქ 8 კომლი სახლობს. ღრმად მოხუცთა გადმოცემით „მათურაში მოსახლეობის რიცხვი 70 კომლამდეც კი აღწევდა“. ჩვენ იქ მრავალი მიტოვებული ნამოსახლარი ვნახეთ — საერთო მაჩვენებელი ადგილობრივი მოსახლეობის სიმრავლისა, მათურის ანალოგიური სურათია შუაფხოშიც, სადაც მ. მაჩაბლის მონაცემებით 32 კომლს, ხოლო ს. მაკალათიას ცნობით 26 კომლს უცხოვრია; დღეისათვის შუაფხოში 9 კომლი სახლობს. კაწალხევეში 1800 წლისათვის 100 კომლს უცხოვრია⁴¹, ხოლო XX საუკუნის დასაწყისისათვის 35 კომლს. მოსახლეობის შემცირების ანალოგიური სურათია ფშავის სხვა სოფლებშიც. მხარის წამყვანი მეურნეობის გასათვალისწინებლად ამ გარემოებას გარკვეული ყურადღება უნდა მიექცეს.

ფშავში სახნავ-სათესად გამოსადეგი ნიადაგები ქვიშრობებისა და თიხნარების სახით წარმოგვიდგება. ნაწილობრივ არის შავმიწა ნიადაგებიც. დაფერდებული მდებარეობის წყალობით, სახნაურების სისტემატური დამუშავების შედეგად და იმის გამო, რომ ძნელი ხდება სასუქის შეტანა, სახნავ-სათესები ჩამორეცხილია. ამ გარემოებას ერთგვარად ხელი შეუწყობო ბოლო ხანებში მეცხვარეობის სწრაფმა აღმავლობამ, რაც დაფერდებული ნიადაგების ეროზიას დიდად აწვითარებს.

ფშავში როგორც სახნავ-სათესი მიწა, ისე საბალახოები სათემო სარგებლობაში იყო, მაგრამ იგი, ამავე დროს, სახელმწიფოს

⁴¹ АКТЫ, т. I, с. 532.

მფლობელობაში იყო მოქცეული, რისთვისაც ფშავლები გარკვეულ გადასახადს იხდიდნენ. მაგ. ეკატერინე ბატონიშვილი (მეფე ერეკლეს ქალი) 1802 წლის 6 ივნისის ჩვენებაში იუწყება, რომ ფშავლებისა და თუშებისაგან საბალახობიდან შემოდრიოდა 800 ცხვარი, რომელთაგან მეთაღი, ე. ი. 80 ცხვარი ჩემზე მოდიოდაო⁴². რას უხდიდნენ ფშავლები სახელმწიფოს სახნავ-სათესი მიწით სარგებლობისათვის, ამის შესახებ ჩვენ რაიმე მასალა არ გავაჩნია. გვიანდელი ეთნოგრაფიული მასალების მიხედვით „გადასახადი მთელ სოფელზე მოდიოდა, რომელსაც შემდეგ ოჯახების შეძლებისდაგვარად ანაწილებდნენ ადგილზე — თემის წევრებზე“.

ფშავში სასოფლო მიწები მღებარეობის მიხედვით სამად კანიყოფება: „მთის“, „ბარის“, და „ქალის“ მიწები. მიწების მღებარეობის გამოსახატავად ხშირად ხმარობენ პურეული კულტურების სახელებს, იმის მიხედვით, თუ სად რა მოდის; მაგ., „სასვილეს“ ქვეშ მთის სახნავ-სათესი იგულისხმება. „საქერე“ — მთის ქვემო ზოლის გამომხატველია, „საწმინდარის“ ქვეშ კი „კარისა“ და „ქალის“ მიწებს ვარაუდობენ. მიწებს განასხვავებენ მღებარეობის მიხედვით; მაგ., ნაკვეთს თუ შზე ადგას, „პირაშითის“, ხოლო ჩრდილოვანს „ჩირდილიანის“ სახელით აღნიშნავენ.

სახნავ-სათესი მიწით სოფლის ყველა მოსახლე სარგებლობდა. სათემო მიწა ნაწილდებოდა თითოეულ კომლზე. ანგარიში არ ეწეოდა ოჯახის შემადგენლობას.

მთხრობელთა გადმოცემით, სასოფლო მიწა სათემო მიწის შემადგენელი ნაწილია. ფშავში სულ 12 თემს ასახელებენ⁴³. რამდენიმე წელიწადში ერთხელ სათემო მიწები ნაწილდებოდა ეგრეთ წოდებულ ალღუმებად.

ალღუმის ქვეშ ივარაუდებოდა თანამოგვარეთა ან მეზობელთა ჯგუფი, რომელთაც მიწა უნაწილდებოდათ თანატოლი რაოდენობით. ალღუმთა რაოდენობა დაღვენილი იყო თემში შემავალი სოფლებისა და სოფელში მოსახლე კომლთა რაოდენობის მიხედვით.

მიწა ალღუმის შიგნით ნაწილდებოდა ოჯახების რაოდენობაზე (კომლზე). თუ ალღუმის შიგნით ოჯახთა რაოდენობა შეიცვლებოდა, მაგ., კომლთა ზრდა-დაკლებასთან დაკავშირებით, მაშინ ალღუმის შიგნით მიწა ხელახლა უნდა განაწილებულიყო. ფშავში, ისე როგორც საერთოდ მთის სოფლებში, ოჯახები ადვილად არ იყრებოდნენ; საერთოდ აღსანიშნავია, რომ საქართველოში ოჯახების გაყრას ერიდე-

⁴² Акты, т. I, с. 210.

⁴³ ვაჟა-ფშაველა, თხზულებანი, ტ. VII, 1956, გვ. 28.

ბოდნენ. ფშაველი მთხრობლის ღვთისო: ჯარიას ძე ქისტაურის (ღუშეთის რაიონი, სოფ. მაღარო, 90 წლისა, 1958 წ.) ვადმოცემით „მამა მათურიდან ყოფილა წამოსული, იქ ერთ სახლში ექვსი კერა ენთო.— ექვსგან ენთო ცეცხლი“. ქსნის ხეობის სოფ. დაბაკენთის საეკლესიო ჩანაწერებში მოხსენებულია ორი ძმის ოჯახი ერთ კომლად. დაბაკენთი მთის სოფელია.

გვიანი შუასაუკუნეების მოწინავე ქართველი მოაზროვნე სულხან-საბა ორბელიანი ოჯახის მიმართ გაუყრელობის კონცეფციას იცავს.

ეს აზრი მას გატარებული აქვს ერთ-ერთ იგავში, რომელსაც „ძალა ერთობისა“ ეწოდება (მისი თხზულებანი, ტ. I, 1959 წ. გვ. 45). დაუძღურებული მეფე თავის 30 ვაჟს მოიხმობს და 30 ისრის კონას მისცემს, რომ თითოეულმა მისმა ძემ სცადოს მისი გადატეხა. შვილები ისრის კონას ვერ გადატეხენ. მეფე შვილებს გაფრთხილებას აძლევს, რომ „თუცა ერთად ხართ და ერთსა პირსა ზედა სდგებართ, მტერი ეგრე ვერ გაგტეხსთო“. მთაში გაუყრელი, ძლიერი კომლების არსებობა, სადაც ჩვენი მთხრობელის ვადმოცემით „ერთ ოჯახში ექვსი კერა ენთო“, მრავალი გარემოებით იყო შეპირობებული. საგარეო სიტუაცია, ჯერ კიდევ მოქმედი სისხლის აღების წესი, მიწების სიმცირე, უთუოდ ხელს უწყობდა კომლთა იშვიათ სეგმენტაციას, რაც ამავე დროს იყო მიწების გადანაწილების პერიოდების გამახანგრძლივებელი პირობაც. ალღუმის წევრის მთლიანი ამოწყვეტა ან გადასვლა, საცხოვრებელი ადგილის მიტოვება, იწვევდა მთლიანად ალღუმის მიწების ხელახალ სათემო ბჭობის საგნად ქცევას. კომლზე მიწის განაწილება მინდობილი ჰქონდა სოფლიდან გამოყოფილ სამეულს, რომელთაგან ერთი „მწერალი“ ყოფილა.

სოფლის რჩეულნი მიწებს ისე ანაწილებდნენ, რომ თითოეულ კომლს რგებოდა, როგორც მთის, ისე კარის და ბარის მიწები. „საბელის“ ქვეშ ივულისხმებოდა, აგრეთვე, მიწის ისეთი ფართობი, რომელიც სიგრძით 6, ხოლო სიგანით 1 საბელს (10 საყენი) შეადგენდა. „საბელის“ აღნიშნულ ზომას ასე გამოხატავდნენ: „ერთ საბელში ექვსი ვადაშლაა: ვადაშლა 1 კვადრატული საბელია, ე. ი. 10 საყენი საბელის კვადრატში ერთი ვადაშლაა“.

შედარებითი ღირებულებით (მიწის საღალოდ გაცემის დროს), „მთის“ ერთი საბელი „ბარის“ ნახევარ საბელს ედრებოდა. როცა ოჯახს მიზომილი მამული არა ყოფნიდა, შეეძლო იგი გაეზარდა ტყის გატეხვის ხარჯზე. ამ გზით შემატებულ მიწას „საკუთარ ნაყვერ-ნატეხსაც“ ეძახდნენ და იგი დროებით ე. ი. სასოფლო მიწების განაწილებამდე, ახოს მომპოვებლის მოხმარებაში რჩებოდა. თუ ასეთ

ახოდ ნატებს სასოფლო მიწების გადანაწილება მოუსწრებდა, მოპოვებული ახო საერთო განაწილებაში შექჟონდათ, ხოლო მის მომპოვებელს განსხვავებული ზომის ნაკვეთს აძლევდნენ, რომელსაც „საამაგო“ ეწოდებოდა. საამაგო სასოფლო მიწების მეორე განაწილებამდე რჩებოდა, შემდეგ კი საამაგოც საერთო განაწილებაში ექცეოდა⁴⁴.

მიწის განაწილების დროს კარის მიწები, ე. ი. მიწის ის ნაკვეთი, რომელზედაც დასახლებული იყო კომლი და საკარმიდამო ნაკვეთის სახით გააჩნდა, — სათემო განაწილებაში ხვდებოდა, როგორც მიწის რაოდენობის ერთეული, მაგრამ მიწა მაინც მის მფლობელს, მასზე დასახლებულს რჩებოდა. მიწის ამ ნაკვეთზე ფშაველი „დიდ ამაგსა სწევდა, მას ნაკელს აყრიდა, აპატივებდა და სხეას როგორ დაუთმობდა, სხვა კომლს აქ როგორც შემოუშვებდითო“. კარის მიწა ოჯახის გაყრილობის დროს ნაწილდებოდა განაყართა შორის, მთისა და ქალის მიწებს კი ოჯახის გაყრილობისას ვერ გაანაწილებდნენ.

ოჯახის გაყრილობა სასოფლო-სათემო მიწების ხელახლად განაწილებას იწვევდა. სათემო განაწილებაში იყო მოქცეული სათიბებიც. მიწის განაწილებაში მონაწილე ერთეული კომლი ყოფილა; იმის მიხედვით, თუ როგორი იყო ოჯახის შემადგენლობა, კომლი შეიძლებოდა ძლიერიც ყოფილიყო და სუსტიც. სადაც მეტი მუშახელი ტრიალებდა, ოჯახს მეტი მიწის დამუშავების შესაძლებლობა ჰქონდა; ასევე მწყემსობითა და პირუტყვის მოშენებით შეეძლო ამ ოჯახს მეტი შემოსავალი გაეჩინა. ძლიერი ოჯახები, გარდა „ნაწილარი“ მიწისა, ამუშავებდნენ სუსტი მეკომურების მიწებს „თესლალებით“ ან „სანახევროდ“, მიწის გაპატივების გულისათვის, ძლიერი ოჯახი თავისი ხარისახვნელით მოხნავდა და თავის თესლს დათესავდა. როცა კალოობას მოათავებდნენ, ძლიერი მის მიერ სათესლედ გაღებული ხორბლის რაოდენობას აიღებდა, დანარჩენს კი მიწის პატრონს შუაზე გაუ-

44 დავით ბაგრატიონი, საქართველოს სამართლისა და კანონმცოდნეობის მიმოხილვის (1959 წ., გვ. 316) ერთ მუხლში აღნიშნავს, რომ ვინც ტყეს გატეხავდა და სახნავ-სათესად აქცევდა, მას შეეძლო 4 წლის განმავლობაში აღნიშნული ნატები (მიწა) გამოეყენებინა. თხი წლის შემდეგ ნატები მიწა ვადადიოდა საერთო-სათემო მიწების კატეგორიაში. აღნიშნული მუხლი დავით ბაგრატიონს ამკარაა, რომ მიწით სარგებლობის ხალხური სამართლის ნორმების მიხედვითაც აქვს დადგენილი. იმ ნორმებით, რომელიც მხოლოდ საქართველოს მთაში მოქმედებდა. ქართლ-კახეთის ბარი მიწით სარგებლობის ხალხური ნორმების ამგვარ წესს არ იცნობს და არც იცავდნენ, იქაც კი სადაც ბარის რაიონებში მიწას სათემო წესით ამუშავებდნენ, ახალგანატეხ მიწას მხროლოდ სამამულედ იტოვებდნენ. ამ სურათს უფრო ნათლად დავინახავთ კახეთის მემინდრეობის შესწავლის მაგალითზე, რომლის შესახებაც ნაშრომის მომდევნო ნაწილში იქნება საუბარი.

ყოფდა თანაბრად. უფრო გვიან მიწის გაქრავება სკოდნიათ ფულზედაც.

ფშავში მოწმდება სხვისი მიწით სარგებლობის მეორე წესიც, რომელიც თესვასა და მოსავლას იმით განსხვავდება, რომ ამ შემთხვევაში მიწის მფლობელი აქირავებს მიწას იმავე მიზნებით, რომ მას არ შესწევს შესაძლებლობა მიწის დამუშავებისა დამოუკიდებლად ან მიწა სუსტ მოსავლას იძლევა და შასზე გაწეულ ხარჯებს ვერ ანაზღაურებს, თუ დიდი რაოდენობით ნაკელი არ მიეცი. დაქირავებელი მიწას ნაკელს აყრიდა, დანარჩენი სამუშაოების ყველა სახეობაში დაქირავებული და გამქირავებელი ტოლძალოვნად მონაწილეობდნენ, თესვასაც ორივე გამოიღებდა და მოწეულ მოსავლასაც თანასწორად გაინაწილებდნენ. ასეთ შემთხვევაში, როგორც ჩანს, ნაკელისა და მიწის ღირებულება დროებით ტოლძალოვნად გამოდიოდა. საგულისხმოა, რომ ფშაურ მიწათმოქმედებაში ნაკელს ნიადაგების სახნავი ფენის ეროზიისაგან დაცვის საქმეში დიდ მნიშვნელობას ანიჭებდნენ.

ფშავის განსაკუთრებული კლიმატურ-გეოგრაფიული გარემო მიწათმოქმედებისათვის ფართო გააქანს არ იძლეოდა; ამიტომ ფშავლის მეურნეობის ეკონომიკაში დიდი ადგილი ეჭირა მესაქონლეობას. ფშაურ მესაქონლეობაში ადრეული ხანისათვის წამყვანი ადგილი მსხვილფეხა მესაქონლეობას უნდა სჭეროდა. გვიანი ხანისათვის მიწათმოქმედებასა და მსხვილფეხა მესაქონლეობას გვერდში ედგა წერილფეხა მესაქონლეობის ისეთი აღმავალი დარგი, რომელიც თანდათან ფშაველს სამეურნეო ეკონომიკაში წამყვანის ადგილს ჩემულობდა. მეურნეობის ამ აღმავალმა დარგმა ჯერ კიდევ შუა საუკუნეებში (XVI—XVIII სს.) ფშაველთა მეურნეობაში საკმაოდ ადგილი დაიჭირა⁴⁵, ხოლო XIX საუკუნეში როგორც მიწათმოქმედებას, ისე მსხვილფეხა მეცხოველეობას ძირი მოურყია და თანდათანობით შეაქროვა.

ფშავში მეცხვარეობის განვითარება, ისე როგორც თუშეთში, იწვევდა სახნავ-სათესი მიწის გამოყენების დანიშნულებით შემცირებას. ასევე მცირდებოდა სათიბი ფართობები. ამის შედეგად მცირდებოდა პირუტყვის საზამთრო საკვები, რომელიც ფშაური მსხვილფეხა მესაქონლეობისათვის აუცილებელ საარსებო პირობას წარმოადგენდა. ამ ნიადაგზე ადგილობრივი ამცირებდნენ მსხვილფეხა პირუტყვის რაოდენობას. ამ გარემოებამ თავისი გამოხატულება დღემდე შემოინახა,

⁴⁵ ვახუშტი ბატონიშვილის ცნობით ფშაველებს და ხევსურებს ლევან კახთა მეფესთან ცხვრის საძოვრებზე შეთანხმება ჰქონიათ.

მთის მაღალ ფერდობებზე შეიმჩნევა მიტოვებული სასვილე ნაკვეთები, რომელიც მცირე ბაქნებად არის გამონაკეთული. ეს მიტოვებული სახნაურებია საძოვრებად ქცეული. ყოფილი სახნაურებიდან დღეისათვის ძალზე მცირე, უმნიშვნელო რაოდენობის მიწა იხვნის და ითვისება ისეთ ზოლში, რასაც კარისპირის მიწების სახელით იხსენიებენ.

როგორც ზემოთ ითქვა, ფშავში მიწის თემური სარგებლობის წესებს ჰქონდა ადგილი. ამ საკითხს ყურადღება მიაქცია მ. მაჩაბელმა, როცა იგი თიანეთის მაზრის სახელმწიფო გლეხთა ეკონომიურ ყოფას სწავლობდა⁴⁶. მიუხედავად იმისა, რომ მიწის გადანაწილების თემური წესი ახალი შემოღებულია, მაინც ფშავში თემური სარგებლობა მიწისა ძველ ტრადიციებზეა აგებული⁴⁷. ილ. ჰავქავაძეს ერთ თავის წერილში განხილული აქვს საქართველოში თემური მიწათმფლობელობის საკითხები და აღნიშნავს, რომ საქართველოს მთის რაიონებში მიწის თემური სარგებლობის წესის შემოღება არ იუცხოვეს, იმიტომ, რომ აქ ძველადაც მიწის თემური მფლობელობის ეს წესი იყო გაბატონებული⁴⁸. ფშავური მიწათმოქმედების საკითხებთან ერთად, მიწის თემური მფლობელობის საკითხებს შეეხო ს. მაკალათია. იგი წერს: „მე-19 საუკუნემდე ფშავი თემური წყობილებით ცხოვრობდა და მიწაც ფშავის 12 თემზე იყო განაწილებული. მიწის კერძო, ინდივიდუალური საკუთრება აქ არ არსებობდა და თემში შემავალ ოჯახებს მიწა თანაბრად უნაწილდებოდა. ცხვარ-საქონელიც განსაზღვრული ყავდათ და ქისტ-ჩაჩან-ლეკების შიშით მომთაბარეობასაც ვერ ეწეოდნენ“⁴⁹. პირველ რიგში ჩვენ ამ უკანასკნელ წინადადებაზე უნდა შევნიშნოთ, რომ შუა საუკუნეებში ფშაველთა მომთაბარეობა დადასტურებული ფაქტია თვით ს. მაკალათიას დასახელებულ ნაშრომში მოტანილი ისტორიული ცნობით; როცა ფშავ-ხევსურები კახეთს აღარ მორჩილობდნენ, ლევან კახთა მეფემ „დაიპყრნა არა ძალითა, არამედ აღუთქვა რათა ცხოვარი მათნი უვნოდ მძოვარ იყუნენ კახეთს და მისცა შეწირულება“ და სხვ.⁵⁰. თუ ამ გარემოებას დავუშვებთ, რომ ფშაველები მომთაბარე მეცხვარეობას ეწეოდნენ, მაშინ უნდა ისიც დავუშვათ, რომ მეცხვარეობას აქ გლეხის შემოსავალ-

⁴⁶ М. Мацабели, Эконом. быт гос. крестьян Тианетского уезда..., МИЭКБГКЗК, т. V, 1887.

⁴⁷ М. Мацабели, დასახ. ნაშრ., გვ. 362.

⁴⁸ ილ. ჰავქავაძე, თხზულებანი, VIII, გვ. 210.

⁴⁹ ს. მაკალათია, ფშავი, 1931 წ. გვ. 32.

⁵⁰ იქვე, გვ. 18.

ში დიდი ხვედრითი წონა უნდა ჰქონოდა. ცხადია მეურნეობის ეს დარგიც სათემო სათიბ-საძოვრებით სარგებლობის გარკვეულ გარემოში ტრიალებდა.

3. გუგუშვილის აზრით, „რეფორმამდელ საქართველოში სოფლის მოსახლეობის ძირითადი მასა შედგებოდა საბატონო და სახელმწიფო (სახაზინო) გლეხებიდან. ცხადია, აქ თემური მიწათმფლობელობისა და მიწათსარგებლობის გადმონაშთები დაცული იქნა უპირატესად სახელმწიფო გლეხთა შორის“⁵¹. ფშავლებიც სახელმწიფო გლეხთა კატეგორიაში იყვნენ მოქცეულნი. მიწით სარგებლობის წესებში მათ ზოგი რამ გადმონაშთის სახით ძველი, თემური შემორჩათ. მიუხედავად იმისა, რომ ფშავში სახანავ-სათესი მიწების საერთო რაოდენობა ძალზე მცირე ნაწილს შეადგენდა, დიდი ყურადღება ეთმობოდა სათიბებით სათემო სარგებლობის საკითხს.

XIX საუკუნეში ფშავში და თუშეთში სწრაფი ტემპით ვითარდებოდა მანამდე შინაპრეწველობის ფარგლებში მოქცეული მეცხვარეობა. მეურნეობის ეს დარგი განსაკუთრებით სწრაფ აღმავლობას განიცდის გასული საუკუნის 70—80-იან წლებში და მის შემდეგ XIX ს. 80-იან წლებში მარტო ფშავის ცხვრის რაოდენობა 71 ათასს აღემატებოდა⁵². მეცხვარეობის განვითარებამ გარკვეული გავლენა მოახდინა, როგორც მეურნეობის სხვა დარგებზე, ისე ფშაველთა ყოფაზე. ამ მეურნეობის განვითარებით მოძლიერებული ფშაველი გლეხი, რომელმაც ფეხი შედგა ნატურალური მეურნეობის ფორმიდან კაპიტალისტური ხასიათის ფინანსურ ორომტრიალში, ცხვირიდან ფულად შემოსავალს ისევ საქონელშივე აბანდებს, ჩარჩულ მეევანშეობაზე იწყებს და მებატონეთაგან მიწის შესყიდვით ბარში მამულებს იჩენს. ამის საუკეთესო მაგალითია უკანასკნელი საუკუნის მეორე ნახევარში ფშაური მოსახლეობის მოძრაობის სურათი. მარტო — 1873 წლისათვის ფშავიდან გადასახლდა 125 კომლი⁵³. პირველ რიგში ფშავს ტოვებდნენ ცხვრის დიდი რაოდენობის მფლობელები, შემდეგ კი მათი მიბაძვით — საშუალო სიძლიერის მეცხვარეები.

მთიდან ფშაველთა მასიური დაშვების შესახებ სამიწათმოქმედო-რაიონებში მ. მაჩაბელს განსაკუთრებით აქვს აღნიშნული. მისი თქმით, შეძლებული მეცხვარე ფშავლები მეთ სარგებელს მიწათმოქმედებაში უფრო ხედავენ, ვიდრე მეცხვარეობაში და ამდენად ისინი ცხვრის

51 პ. გუგუშვილი, საქართველოსა და ამიერკავკასიის ეკონომიური განვითარება XIX—XX სს., ტ. II, 1956, გვ. 396.

52 ს. მაკალათია, ფშავი, გვ. 40.

53 მ. მაჩაბელი, დასახ. ნაშრომი, გვ. 343.

გარკვეული ნაწილის გაყიდვით თავად-აზნაურთაგან მიწებს იძენენ⁵⁴.

ამ გზით წავიდნენ ცნობილი ფშაველი ძლიერი მეცხვარეები: შუათხზოდან — ჩარბოლაშვილები, კიჩოდან — ნალირაშვილები (გუგუ-დაანი) და სხვანი. ეს ნალირაშვილები შემდეგში 30 ათასამდე ცხვრის პატრონნი შეიქმნენ. შემოსავლით შეიძინეს ვენახები, ჭანხავ-სათესები, ააშენეს თბილისში ღამის სათევი გაომურები. თრიალეთში შეიძინეს შვეციური ჯიშის 500 ძროხისაგან შემდგარი ფერმა და გასაბჭოებამდე ადგილზე შვეიცარული ყველის წარმოებას ეწეოდნენ. სხვა საშუალო შეძლების მეცხვარეების რიცხვი XIX საუკუნის მიწურულისათვის ფშავის სოფლებში თანდათან მატულობდა და მათი უმეტესობაც თანდათან ეშვებოდა ბარისაკენ, შორდებოდა მამაპაპეულ კუთხეს, მეცხვარეობის შემდგომი წინსვლა სახნავ-სათესი მიწის ღირსებას აუფასურებდა.

ამასთან დაკავშირებით საინტერესო სურათს იძლევა ფშაური მოსახლეობის ამსახველი სტატისტიკა სხვადასხვა დროისათვის.

№№ რიგ.	მალაროს თემის სოფლები	წლისათვის იყო კომლი			№№ რიგ.	უკანა ფშავის თ ე მ ი	1870 წელს	1930 წელს	1960 წელს
		1870 წელს	1930 წელს	1960 წელს					
1	აფშო	33	34	19	1	უძილაურთა	19	16	9
2	კაწალხევი	35	35	32	2	ხოშარა	11	7	5
3	კუქეკა	9	10	11	3	მისრინათ კარი	3	21	—
4	ხოში	28	34	7	4	შუათხზო	—	—	—
5	შარახევი	17	28	14	5	თხილიანა	32	26	17
6	ყოფჩა და ქალიქო	11	13	17	6	წითელაურთა	—	9	1
7	მალარო	18	14	36	7	მუქო	4	6	3
8	ინო	10	6	2	8	მათურა	32	26	7
9	გულარაზი	9	7	3	9	ახალი	17	19	6
10	კულო-ხილიანი	55	37	48	10	ცაბაურთა ბეტის	27	21	3
11	ჩარგალი	58	49	50	11	ჩრდილი	—	—	—
12	გომეწარი	45	46	55	17	არახიჯა	12	6	4
13	მიგრაულთა	—	40	28	13	ქუთხი	3	3	2
14	არბაჩხანი	4	8	7	14	კიჩო	10	6	2
					15	გოგოლაურთა	35	21	7
					16	ვანხევი	13	10	1
						ბულალაურთა	5	5	1
						უკანაფშავი	—	—	—
						ელიავზა	18	26	3
						ქიდალი	—	—	—
	ს უ ლ	331	356	329		ს უ ლ	242	230	70

⁵⁴ იქვე, გვ. 429.

2. ნიადაგის დამუშავება. ფშავში სახნავი ფართობის გაზრდა ხდებოდა ტყის გატეხვის — მოახობების შედეგად, რასაც „ახოს გამოღებას“ უწოდებდნენ. ფშაველი მეურნის დაკვირვებით, ახოს მოსაპოვებლად ამჟობინებდნენ წიფლის ნაღვომ ტყეს. შერჩეულ ადგილზე წინასწარ ხის ძირებს „შემოყვერავენ“, აღნიშნულს შედეგად ხეები გახშვბოდა, შემდეგ მას გაჩეხავდნენ. საწვავი შეშისა და საშენი მასალისათვის საჭირო რაოდენობა გაიტანდნენ, შემდეგ ძირებზე ნარჩენ ტოტებს და ფოთლოვან ფიჩხს „მიჭებიავენ“ (ე. ი. თავს მოუყრიდნენ) და ცეცხლს მისცემდნენ.

ხის შემოსაყვერად (8 სმ სიფართის ოვალურჭირიანია) საყვერი იარაღი იხმარებოდა; საყვერი იარაღს ორი სახელური აქვს და „ფრხელსაც“ უწოდებენ. (იმ იარაღს ანალოგიურებს იყენებდნენ ხის მოხელენი). ვისაც ორხელი საყვერი არ გააჩნდა, ის ხეს ცულით შემოუტეკნიდა ძირს ირველივ, რომ ქერქში წვენის მოძრაობა შეწყვეტილიყო.

ახალმოახობებულ — გამოღებულ მამულს „ნაყვერ-ნაჩეხს“ უწოდებდნენ, ხოლო ცოტა დროის გასვლის შემდეგ, მას ახოს სახელით იხსენიებდნენ, თან დაატანდნენ იმის სახელსაც, ვის მიერაც ეს მიწა იქნა გამოღებული. ამასთან დაკავშირებით ფშავში გვხვდება ტოპონიმიკაში შემონახული სახელები: ჭაბანთ ახო (ჭაბანიშვილების), ქოჩათ ახო, პტყელათ ახო, ობოლათ ახო, ბადრაანთ ახო (ბადრიშვილების) და სხვ.

მოახობებულ მიწას ქარჩით გადაქორჩავდნენ და შემდეგ ქვები-საგან გაწმენდნენ. ამ უკანასკნელ პროცესს „სახნაურთ გალორღვა“ ეწოდებოდა. „სახნაურთ გალორღვა“ მიწის მოხვნა-თესვის თანამდევი პროცესი იყო და მეტ-ნაკლებად მიწის ყოველ ნაკვეთს ესაჭიროებოდა.

სახნავ-სათესად გამოყენებული ნიადაგები მთის კალთებზეა განლაგებული. ამიტომ მიწა აქ ეროზიისაგან მუდმივ საფრთხეში იმყოფება. თუ ნიადაგი სისტემატური მოვლა-პატრონობის ქვეშ არ მოექცა, წვიმიისაგან ირეცხება და ადგილობრივთა თქმით, მიწა „აბეჩხარი“ ხდება. მიწის გააბეჩხრებასაგან დაცვის ერთი აქტური საშუალებათაგანია მისი გაპატიება პირუტყვის ნაკელით. მთხრობელთა დაკვირვებით გაპატიებულ მიწაში მოსავალიც კარგი მოდის და ბალახიც. ეს ორივე კი მიწის ზედაპირს ფესვებით ამაგრებს და ჩამორეცხვის საშუალებას არ აძლევს. ამას გარდა, მთის სახნავ-სათეს მიწებს ორ წელიწადში ერთხელ ასვენებდნენ, რომ სისტემატური მუშაობით სახნავი ფენა არ ჩამორეცხილიყო.

მიწის გასანაოციერებლად ნაკელის გატანის გარდა იცოდნენ მიწის გაპატიება პირუტყვის მოძრავი ბაყების მონაცვლეობით. ამ წესით სოფლიდან მოცილებულ მიწებს აპატიებდნენ, ზაფხულის თვეში დასასვენებლად დაგდებული მიწის ერთ ნაწილს შემოლობავდნენ ორტოტა საღობი მარგილებით, რომელსაც დომყალს უწოდებენ, დომყალებს ტოტებს შორის ხიდა ჯოხებს გაუდებდნენ, ხოლო მათზე გრძელ ლატნებს გააწყობდნენ იმ ზომით, რომ პირუტყვი არ გამძვრალიყო. ასეთ ბაყს ორი სამი კვირის შემდეგ მოშლიდნენ და მეორე ადგილს შემოლობავდნენ. პირუტყვის ღამე დგომით ნასუქ მიწას, არხაჯს ან ნაარხაჯალს უწოდებდნენ. ამ გზით მიწის გაპატივებას ფშავ-ხევსურეთში ხშირად მიმართავდნენ. მთნრობელთა დაკვირვებით ნაკელთან ერთად მიწის სიკეთეზე განსაკუთრებით დადებითად მოქმედებდა ცხვრის დრემლა და შარდი, ხშირი ყოფილა შემთხვევა, როცა დასასვენებლად დაგდებული მიწის პატრონი მეცხვარეებს ეხვეწებოდა, რომ მის ნაკვეთში გაეჩერებინა ცხვრის ფარა ღამის თევით. უთუოდ ამავე მიზნით იყო ბარში ვენახის პატრონები, რომ მეცხვარეებს შემოლდგომით შეუთანხმდებოდნენ ხოლმე ცხვარი მათს ვენახებში გაეჩერებინათ.

ფშავში სახნავ-სათესი მიწა მოწითალო რუხი თიხნარებსა და ქვიშრობისაგან არის წარმოღვენილი. მიწის სათემო სარგებლობის პირობებში სახნავ-სათესი მიწის ნაკვეთები მხოლოდ გამონაკლის შემთხვევაში ისვენებდა. მთის სახნაურები უფრო ხშირ ექსპლოატაციაში იყო. დასვენებას ზოგჯერ ორ წელიწადში ერთხელაც ახერხებდნენ. ერთი წლის დასვენებულ მიწას ყამირი ეწოდებოდა, დასვენებული მიწის მოხვნა ყამირ ჩაბრუნვილი იყო.

თუ მიწას სისტემატურად არ მიაწოდებენ ნაკელს, ისედაც ხირხატი მიწა, რომელიც თხელი სახნავი ფენისაგან შედგებოდა, მალე იფიტებოდა, ღალას კარგავდა, აბეჩხარი ხდებოდა. გამოლოლია გააბეჩხრებულ მიწას ზოგჯერ ორი წლითაც დასვენებდნენ. ასეთ მიწაზე იტყოდნენ: მამული გაბუხნავდაო. ბუსნოს შესატყვისადვე იხმარებოდა ტერმინი ბორტვი. მამულის მოხვნის პირველ წელს მცირე მოსავალს ღებულობდნენ. მეორე წელს ნაბუსნავარი მამული იწოდებოდა ნამპალ მიწად. ნამპალი მიწა იძლეოდა მაღალ მოსავალს.

ფშავში გავრცელებული მარცვლეული კულტურები ყოფილა: ქერი (შემოდგომის და გაზაფხულის), სვილი (შემოდგომისა და გაზაფხულის), ზღვის ლობიო, ტრუპკა (კრუპა), ფეტვი, სელი საქუმეღეღ, დიკა, დოლისპური (ფშავში „წმინდას“ უწოდებენ), ცერკვი;

ლობიო, ბოლო ხანებში ამათ მიემატა სიმინდისა და კარტოფილის კულტურა.

ნიადაგის დამუშავება დასახელებული კულტურებისათვის სხვადასხვა ზონაში ხორციელდებოდა. მაგ., სვილისათვის მთის ყველაზე მაღლა მდებარე მიწები იყო გამოყენებული, ქერისათვის მის დაბლა, ხოლო ფეტვი, დოლისპური და პარკოსნები „ბარის“ მამულებში ითესებოდა.

სამეურნეო იარაღები. ნიადაგის დასამუშავებლად გამოყენებული იყო როგორც ხელით სამუშაო, ისე გამწევი ძალით მომუშავე იარაღები. ხელით სამუშაო იარაღებიდან მნიშვნელოვანია: „ქარჩი“ და „ცულქარჩი“, რომელთაც იყენებდნენ როგორც ახოს ალების საქმეში, ისე ტყეში ან ტყის ნაპირებში ნატეხი მიწის დამუშავების დროს, მამულში ტყის სიახლოვის გამო ამოზრდილი ნაბარტყის ამოსაკაფად.

როგორც ქარჩი, ისე სამეურნეო ხასიათის ლითონის სხვა იარაღები ადგილობრივ მკედლებს უმზადებიათ. მკედლობა ფშავში საკმაოდ განვითარებული დარგი ყოფილა. ხალხის გადმოცემით, ფშავის მიდამოებში უძველესი მკედლები — დევები ყოფილან, რომელთაც სახნის-საკვეთი უჭედიათ. გადმოცემის მიხედვით, დევებთან სახნის-საკვეთის დასაკვეთად მხოლოდ ქალები მიდენილან. დევების გადაშენების შემდეგ მკედლობა შეუსწავლიათ ადგილობრივთაც. მკედელთაგან პოპულარობით სარგებლობდა თამარ მეფის მიერ „მისრეთიდან“ გადმოყვანილი მკედელი მისრიაშვილი. მთხრობელთა გადმოცემით „თამარ მეფეს მისრეთზე გაუვლია; აქ მისრეთელ მკედელს თამარის ცხენი დაუნალა. თამარ მეფეს მკედლის ნახელავი მოსწონებია და იგი თან წამოუყვანია. შემდეგში მკედელი მისრიანთ კარში დაუსახლება (თამარ-ლელის ახლოს, უკანა ფშავში) და საომარი იარაღების კეთება დაუვალებია“, მკედელ მისრიაშვილის ნახელავს ხალხი წრთობის ხარისხით გამოიცინობდა თურმე. „მის ნაკეთებ ხმალს დაახვევდნენ და საცერში ჩადებდნენ. იქიდან ამოიღებდნენ და ხმალი მაინც სწორად დგებოდაო“. (სოფ. შუაფხო, ბიჭური ბადრიშვილი, 80 წლისა, 1958 წ.). ხალხურ პოეზიაში მისი ნაქდები ხმლის ღირსების გამოსახატავად ნათქვამია:

„რა გასჭრის კუის ბაკანსა
ღედალ მისრულის მეტიო“.

(სოფ. ბუბუქნი, მგელაშვილი ტატო. ღვთისოს ძე, 71 წლისა, 1958 წ.)

ანდა:

„ხმალმა თქვა მისრეთს ნაკვერმა,
მისრეთს მისრიაჲ გამკვერა,
ამამამლერა პატრონმა,
ჩამაგო, ჟვარი დამწერა“ — და სხვ.

(სოფ. შუაფხო, ბიჭური ბადრიშვილი, 80 წლის, 1958 წ.).

სამეურნეო იარაღების მჭედლები ყოფილან აგრეთვე ჩარგალში, მაღაროში, შუაფხოში, კაწალხევში, ბაბუკთა სოფელში და სხვ.

მჭედლებს რკინის შოვნა უჭირდათ; დამკვეთი თვითონ შოულობდა რკინას, იარაღის გამოსაქედი რაოდენობის ნახშირიც თვით უნდა გამოეწევა და მიეტანა. როცა მჭედელი იარაღის დამზადებას დაიწყებდა, დამკვეთიც ეხმარებოდა საბერველის დაბერვასა და გამოკვერვაშიც კი. იგივე მჭედლები ამზადებდნენ ხატის სალუდე ქვაბებსა და სპილენძის ნავებს ლუდისათვის; აწარმოებდნენ ლუდის დაზიანებული ქვაბების შეკეთებას.

3. ხელით სამუშაო იარაღები. მიწის ხელით სამუშაო იარაღებიდან ძირითადია ქარჩი.

ფშავში გამოყენებული ქარჩი აგებულებით ხელეჩოს წააგავს. იგი ხასიათდება ტლანქი დამუშავებით. სიმაღლე ქარჩისა 20—24 სმ-ია, სამუშაო პირის სიგანე 8—10 სმ. ფშაური ცულ-ქარჩი კომბინირებული სამუშაო იარაღია, რომელიც ორი ფუნქციის მატარებელია, ასრულებს როგორც ცულის, ისე ქარჩის მოვალეობას.

ფშაური ქარჩისა და ცულ-ქარჩის ანალოგიურები გავრცელებულია აგრეთვე მთიულეთსა და გუდამაყარში. იქაც ამ იარაღების ფუნქცია იგივეა, რაც ფშავში. სახელდობრ, მას დიდი გამოყენება აქვს ახოს ლისტემაში და ტყის სიახლოვეს მდებარე სახნაურების მოხვნის დროს. მთხრობელის გადმოცემით, ტყის ახლოს მდებარე სახნავის ნაპირ-ყურეში ხემ ფესვით ბარტყის გატანა იცოდა; როცა ხნავდნენ, გუთნისდელას ცულ-ქარჩი წელში ჰქონდა გარკობილი და ხენიკ დროს ხის საბარტყეს ამოფესავდა. მიწის ნაკვეთის ნაპირ-ყურის კარგ დამუშავებაზე ბევრად ყოფილა დამოკიდებული მოსავლიანობის ღონე. ამ გარემოებამ ფშაურ პოეზიაშიც ჰპოვა თავისი ასახვა:

„მამული მოხან ნაპირ-ყურითა,
მაშინ გაძლები შვილო პურითა“.

მამულის ნაპირ-ყურთან კარგად დამუშავების საქმეში ცულ-ქარჩი-გუთნისდელის თანამდევნი იარაღი ყოფილა. ზოგს ვერქვანზე ჰქონია მიბმული, რომ საჭიროების შემთხვევაში მარჯვეთ მოეხმარა. ვინც:

ზენის დროს ცულ-ქარჩის სათანადოდ არ აფასებდა და მიწას ნაპირ-
ყურით არ მოხსნავდა, მას მოსავალიც ნაკლებ მოსდიოდა. ასეთ შემთ-
ხვევას ხალხური ლექსი შემდეგნაირად გადმოხსცემს:

„ვერ მამხან ნაპირ-ყურითა,
ვერც შე გაგაძლე პურითა“.

(ქისტაური ღვთისო ჭარბას ძე, 90 წ., სოფ. მაღარო).

ცულ-ქარჩის ტიპის სამეურნეო იარაღის გავრცელება საქართველოს
სინამდვილეში მთის ტყიანი რაიონის მოსახლეობაზე მოდის. მსგავსი
სამეურნეო იარაღის ტიპს განეკუთვნება დმანისის რაიონში ნაპოვნი
ბრინჯაოს ნისკარტიანი ცული⁵⁵, რომელსაც განსხვავებით ფშაური
ცულ-ქარჩისაგან, ყუაზე აზის კონუსური ფორმის ნისკარტი. დასახე-
ლებული ცულის ნისკარტი შესაძლებელია იგივე მოვალეობას ასრუ-
ლებდა, რასაც ფშაური ცულ-ქარჩის ყუაზე დასმული, ოდნავ წაბრ-
ტყელებული ქარჩის პირი, ე. ი. ცულით ჩაჭრილი ფესვების მიწიდან
ამოყრას.

ფშავში სათოხნი კულტურებიდან ლობიოს შემდეგი ჯიშები ითე-
სებოდა: ლობიო „წვრილ წითელი“, „წვრილ შავი“, „სარის ლობიო“
(ლობის ლობიოსაც უწოდებენ) და „ზღვის ლობიო“. ლობიო სხვა
მარცვლეულთან შეურევლად ითესებოდა კარისა და ჭალის მიწებში,
დაჩერკვნის შემდეგ ერთხელ, იშვიათ შემთხვევაში ორჯერაც სეოდ-
ნით გათოხნა.

სათოხნად იყენებდნენ ბრტყელ, ოთხკუთხა, „ქართულ“ და
მხრებდაქნილ „იმერულ“ თოხს. უკანაფშავში ხმარებაში ყოფილა
ქისტური თოხი, რომელსაც ქისტები „ცელის“ სახელით იცნობენ.
ქისტური თოხის ფშავში დადასტურებული ტიპი ჩვენ მიერ დამოწ-
მებული იქნა თერგის ხეობაშიც⁵⁶.

ქისტურ თოხს იყენებდნენ, როგორც სიმინდ-ლობიოს, ისე კარ-
ტოფილის მოვლის საქმეშიც. იგი მსუბუქია და მარჯვე სახმარი ყო-
ფილა დიდი ღუმელებიდან ლაღარის გამოსახვეტადაც.

ზემოთ დასახელებული თოხის ფორმებს ადგილზე, მსგავსად ქი-
ზიყისა, ერთს — „ქართულს“, ხოლო მეორეს „იმერულს“ უწოდებენ;
ეს სახელები იმდენად ნიშანდობლივია, რომ არ შეიძლება სინამდვი-
ლეს არ გამოხატავდეს. იმდენად, რამდენადაც მხრებდაქნილი თოხე-

55 Д. Коридзе, Новые находки медных орудий в Квемо Картли, Со-
ветская Археология, № 1, 1958, с. 134—135.

56 გ. ჯალაბაძე, მიწათმოქმედება თერგის ხეობაში, საქ. სახ. მუზეუმის
შრომები, ტ. XIX—B, 1958, გვ. 208.

ბი დაწყებული ბრინჯაოს ხანიდან დღემდე, დასავლეთ საქართველოს ტერიტორიაზე უფრო მკვიდრად გამოიყურება, ვიდრე აღმოსავლეთ საქართველოში, ოთხკუთხა ტიპის თოხები კი, პირიქით, აღმოსავლეთ საქართველოს რაიონებში სარგებლობს უპირატესობით.

4. სახვნელი იარაღები. ფშავში გავრცელებული სახვნელი იარაღის ძირითადი სახეობაა ეგრეთ წოდებული „ფშაური გუთანი“, რომელიც პროფ. გ. ჩიტაიას მიერ დაფიქსირებულ იქნა ივრის, ფშავის არაგვის და თეთრი არაგვის ხეობებში⁵⁷. ფშაური გუთნის გარდა, ივრის ხეობის ბარის სოფლებსა და ნაწილობრივ არაგვის ხეობის ფშაურ სოფლებში, ჩვენ დავამოწმეთ დიდი გუთნის არსებობისა და გამოყენების ფაქტებიც.

ფშაური „აჩაჩა გუთანი“ შედგება: მხარის, ვერქვანის, ქუსლის, ხმლისა, სახნისისა და საკვეთლისაგან. ფშაური აჩაჩა გუთანი, შედარებით საქართველოს სხვა რაიონებში გავრცელებული კავისა და ორხელის ტიპის სახვნელებთან, თავისი აგებულებით ყველაზე უფრო მძიმე და დიდი ზომის სახვნელი იარაღია. მასში ჩვეულებრივ ორი უღელი ხარი იხმოდა; ყოფილა შემთხვევები, როცა მეტი ან ორ უღელზე ნაკლები გამწვევი ძალაც შეუბამთ. მ. მაჩაბელი ფშაურ აჩაჩს აღარებდა ალექსანდრეპოლის მაზრაში გავრცელებულ „არორას“⁵⁸, გ. ჩიტაია კი ამ სახვნელს მესხურ „არონას“ აღარებს. იგი იქვე აღნიშნავს, რომ ფშაური აჩაჩა გუთანი ქსნური გუთნისა და რაჭული სახვნელის მსგავსად ფერდობის დასამუშავებელ სახვნელ იარაღს წარმოადგენს⁵⁹.

ფშაური აჩაჩა გუთანი რთული აგებულებით არ ხასიათდება. მისი ქუსლი შედგება ტანის, „საშვრიესა“ და „ყურებისაგან“. გამოყვანილი ქუსლი დიდი ზომის სოლის ფორმისაა, რომელსაც ბოლოში ყურები აქვს. მისი სიგრძე 96 სმ-ია. ქუსლისათვის არჩევდნენ მაჟალოს ან იფნის მასალას, რომელიც დამუშავების შემდეგ ზოგჯერ კერის თავზე ბოლოშიც გამოყავდათ. ქუსლს უკეთდებოდა ორი ვერტიკალური კრილი ხმალისა და ვერქვანის ჩასადგმელად.

აჩაჩის მხარი იფნის ან მაჟალოსაგან მზადდებოდა, სიგრძით 270 სმ აღწევდა. მას თავი წინ ოდნავ აღებული ჰქონდა, რომელიც „ასაბშელის“ გასაყრელი ნაჩვრეტით ბოლოვდებოდა. მხარს ორი ვერტიკა-

⁵⁷ გ. ჩიტაია, თიანეთის ეთნოგრაფიული ექსპედიციის მოკლე ანგარიში, ენჩისკის შობაზე, ტ. XI, გვ. 63.

⁵⁸ М. Мацабелли, Экономический быт-гос. крест. Тифлисскаго уезда Тифлисскаго губернии, МИЭКБГКЗК, т. V, 1887, с. 441.

⁵⁹ გ. ჩიტაია, თიანეთის ეთნოგრაფიული ექსპედიცია, გვ. 63.

ლური ნაჩვრეტი უკეთდებოდა ხმალსა და საკვეთლის ჩასადგმელად. მისი ბოლო კი ისე იყო წათლილი, რომ ვერქვეანში გაყრილიყო. მხრის საშუალებით ხდებოდა ვერქვეანსა და ხმალას მალლა აწევა ან დაბლა დაშვება, რომლის შესაბამისად ხდებოდა ხვნის სიღრმის რეგულირება. აჩაჩის ვერქვეანი მუხის ტოტისაგან მზადდებოდა, რომელსაც ერთი სწორი ღერი და ამ სწორ ღერზე ორი განივი პატარა ტოტი გააჩნდა. ამ ტოტებით გუთნისდღეა თავის ძალის მოქმედებას სახვნელს გადასცემდა და სახნავი კვალის მიმართულებასა და სიღრმის რეგულირებას წარმართავდა. ვერქვეანი ერთი თავით ქუსლში იყო ჩადგმული; მასში გამაგრებული იყო მხარის ბოლო, ვერქვეანზე დაკიდებული იყო ქარჩი და საფხევი. ეს უქანასკნელი გამოყენებული იყო გუთნის კბილას გასაწმენდად. ვერქვეანის სიმაღლე 48—58 სმ-ს არ აღემატებოდა.

გუთნის ხმალა მუხის, მაქალოს ან იფნისაგან მზადდებოდა; იგი 10 სმ სიგანის, 4 სმ სისქის და 50 სმ სიმაღლის ფიცარს წარმოადგენდა, რომელიც ამოტარებული იყო ჯერ ქუსლში, შემდეგ მხარში. ხმალა ქუსლში გახეშილ მდგომარეობაში უნდა ყოფილიყო. მხარში კი მისი აწევდაწევა სოლის შემწეობით ხერხდებოდა.

სახვნელს რეინის ნაწილებიდან სახნის-საკვეთელი ჰქონდა, რომელსაც აღვილობრივი მკედლები აშადებდნენ ან მეზობელი რაიონებიდანაც შემოჰქონდათ. ფშაური სახნისი ორფრთიანია, ხასიათდება ტლანქი დამუშავებით; საერთოდ ფშაური მკედლური ნახელავი მოკლებულია სინათიფეს, ნაკლებ დახვეწილია. ხელადის ზედაპირი ოღრო-ჩოღროა, ნივთი დაუმთავრებელ შთაბეჭდილებას ტოვებს.

ფშაურ აჩაჩა გუთანს საკმაოდ მოზრდილი საკვეთელი ესაჭიროებოდა. საკვეთლის სიგრძე 45—47 სმ აღემატებოდა. საკვეთელი აგებულიების მიხედვით ტოლფერდათა ტაჟს მიეკუთვნება. საკვეთლის რეგულირება ხდება მხარში სოლების საშუალებით, საკვეთლის სწორი დაყენება მუშაობას აადვილებდა და მოქმედებდა ხვნის ღონეზე.

ზემოთ ჩვენ აღვნიშნეთ, რომ ფშაური სახვნელი იარაღი ზომით და წონით აღემატება კავისა და ორხელას ტაჟის იარაღებს. პროფ. გ. ჩიტაიას აღნიშნული აქვს რომ „ოთხკუთხა ფშაური სახვნელი ისეთი გამძლე და ღონიერი იარაღია, რომელიც იხმარება მძიმე მიწების დასამუშავებლად“⁶⁰.

ზოგადსამეცნიერო ლიტერატურაში სახვნელი იარაღების აგებულიებიდან გამომდინარე კლასიფიკაციის მიხედვით ფშაური ია-

⁶⁰ გ. ჩიტაია, ქართლის ეთნოგრაფიული ექსპედიცია 1948 წლისა, მ-მომზი-
ლელო, 1949, I, გვ. 376.

რალი ოთხმხრიანი სახენელია. ოთხმხრიანი სახენელების წინაპარი სამხრიაანი სახენელია. საქართველოს ფარგლებში, როგორც სამხრიაანი, ისე ოთხმხრიანი სახენელების მრავალსახეობასთან გვაქვს საქმე და, ამდენად, ზოგიერთი უცხოელი მკვლევრის მოსაზრება ოთხმხრიანი სახენელის საქართველოში გარედან შემოტანის შესახებ მოხსნილად უნდა ჩაითვალოს.

ფშაურ სახენელში ყვეარი ხარი იბმოდა. სახენელის მხარი ისე იყო მოხრილი, რომ დაბოლოება საძირის უღელზე ყოფილიყო მიბმული, ხოლო გახრილობის კუთხეში მოთავსებულ ნაჩვრეტზე გამობმული იყო შოლტკაეები, რომლითაც წინა ხარის უღელი უკავშირდებოდა სახენელს. ფშაური სახენელის კომპლექსში მნიშვნელოვან გარემოებას აქვს ადგილი, რაც ხარის შესაბამელი უღლების ტოლმეტობაში გამოიხატება. ცნობილია, რომ ფრთიანი გუთნით მუშაობის დროს, გუთნის საძირში არჩევდნენ ღონიერ და დინჯ ხარებს. ამას იმიტხსნიდნენ, რომ ხარს საძირში მეტი ჯაფა ჰქონდა. ანალოგიური ფაქტი მოწმდება ფშაურ სახენელში. საძირის ხარს მეტი ძალა აღებოდა, ვიდრე გუთნის სიმძიმის წვეის ძალიდან რამდენიმე მეტრით დაშორებულ წინა ხარს. იმისათვის, რომ ეს წინააღმდეგობა გათანაბრებულიყო, საძირის უღელი გრძელი კეთდებოდა, წინა უღელი კი მოკლეჩვეულებრივ მათ ზომებს მტკაელებში გამოხატავდნენ და ამბობდნენ „წინა უღელი 10 მტკაეული, უკანა 12 მტკაეული უნდა ყოფილიყო“. ჩვენ მიერ ველზე წარმოებული ანაზომებითაც საძირის უღლის სიგრძე 3 მეტრია, წინა ხარის უღლისა კი 230 სმ. აღნიშნულ განსხვავებას მთხრობლები სხვადასხვანაირად ხსნიან. ერთნი გამოთქვამენ ასეთ აზრს, თითქოს „უღლის სიგრძე ხელს უწყობს მენრის მოძრაობას ხართან მუშაობის დროს, უღელთან მისვლაში და წინა ხარის მობრუნებაში“ (სოფ. მათურა, წითელაური გიორგი ბეკურის ძე, 86 წლის, 1958 წ.). თვალიველი მთხრობელი გუშარაშვილის (63 წლისა, 1958 წ., სოფ. თვალევი). გადმოცემით კი „გრძელი უღლის გარეშე სახენელი მიწას ვერ მოეკიდება, მიწის ზედაპირს მოუტურდება, მიწაში არ გაჩერდება“. მთხრობელთა მოწოდებული ცნობა პრაქტიკული მუშაობის ანალიზზეა აგებული და ამდენად სინამდვილედან ამომდინარეა. როგორც ჩანს, ამ შემთხვევაში გამწევი ძალის წვეის მოქმედება და წვეის ძალის განაწილების საქმე ხალხური პრაქტიკით არის გადაწყვეტილი. სხვა ხალხთა სამეურნეო პრაქტიკაში მსგავსი რამ არ გვხვდება.

ფშაური გუთნით მუშაობას ეს თავისებურება განსაზღვრავდა და ამავე დროს გამოყოფდა მეზობელ რაიონებში გავრცელებული მსუბუქი სახვნელების უღლების სიდიდისაგან (სიგრძისაგან).

ფშავის მთის სოფლებში ხვნა-თესვა ორ სეზონად სცოდნიათ, გაზაფხულზე (მარტი-აპრილი) და ზაფხულში (ივლისი-აგვისტო). ადგილობრივნი ცდილობდნენ რაც შეიძლება თესვა ადრე გაზაფხულზე მოესწროთ:

„მარტო რომ არა ხნასო,
მარტო აპრილმა რალა ქნასო?“.

ამბობდა მეურნე ფშაველი.

გაზაფხულის ხვნის სეზონი სახატო მიწების მოხვნით იწყებოდა. სახატო მიწების მოხვნას ორშაბათ ღღეს იწყებდნენ. ამ საქმეზე სოფლურად იცოდნენ გამოსვლა. ამ სამუშაოს ჩათავების შემდეგ თავის საკუთარ სახნავ-სათესში გადიოდნენ.

ფშავში მიწის ხვნაზე ხშირი იყო ქალების მონაწილეობა. ქალები ხარის მეხრედ — ხარის მწაფავად გამოიდოდნენ, გუთნისდებობად კი ძირითადად მამაკაცები. ყოფილა შემთხვევები, როცა ქალებსაც დაუპერიათ სახვნელი იარაღი, მაგრამ ეს გამონაკლისის წარმოადგენდა თურმე. მეხრე ქალები სოფელში სხვა გვარის გუთნისდებობასთან მონდავის წევრადაც შედიოდნენ და მთელ სეზონში ერთად მუშაობდნენ.

ფშაველებით დასახლებულ ივრის და არაგვის ხეობის სოფლებში, გარდა ფშაური აჩაჩისა, გამოყენებული ყოფილა ქართული დიდი გუთანი.

ივრის ფშაველთა შორის ქართული დიდი გუთნის გამოყენებაზე მითითებული აქვს მ. მაჩაბელს. მისი ცნობით, ივრის ხეობის სოფელ არტანში დიდ გუთანს იყენებდნენ⁶¹. გ. ჩიტაიას მიერ 1939 წელს დიდი გუთანი დამოწმებულ იქნა ივრის ხეობის სხვა ფშაურ სოფლებშიც⁶². 1952 წელს მოსკოვის სახელმწიფო ისტორიული მუზეუმის ექსპედიციამ სოფ. ყებოტაში შეიძინა ქართული დიდი გუთნის იშვიათი ეგზემპლარი — საანეულო გუთანი. იმავე წელს ჩვენ სოფ. ყებოტაში დავამოწმეთ ადგილობრივი ძველებური საანეულო ხის გუთნით მიწის ხვნა ტრაქტორის წევის საშუალებით. ტრაქტორზე მიბმული იყო ქართული გუთნის ფამფალაკი მოკლე შოლტით და ხის გუ-

⁶¹ М. Ма ча б е л и, Экономический быт государственных крестьян..., с. 442.

⁶² გ. ჩ ი ტ ა ი ა, თიანეთის ეთნოგრაფიული ექსპედიცია, გვ. 64.

თან. ადგილობრივნი აღნიშნულ გარემოებას იმით ხსნიდნენ, რომ ნიადაგები გამოგვალული იყო და რკინის მსუბუქ გუთანს ვერ უკიდებდნენ. „ჩის დიდი გუთანი კი მძიმეა და მიწაში კარგად ჯდება“.

1959 წლის მივლინების დროს ჩვენ ველარ შევხვდით ქართული დიდი გუთნით მუშაობის ფაქტებს. სამაგიეროდ ხალხში მის შესახებ მდიდარი მასალა მოიპოვება, რადგან დიდი ხანი არ არის გასული, რაც ამ იარაღით ხენას მიანებებს თავი.

შეკრებილი მასალის მიხედვით გუთნის ნაწილებია: „რვილი“, „კბილი“, „ხმალი“, „ხელკუდი“, „ფთე“, „მანჭები“ (დიდი და პატარა), „კაკაბი“, „ყვავი“, „ღირღიტა“, „გორგოლები“ (ველისა, კვალისა), „ფამფალაკი“, „შოლტკავი“, „ჩხა“, „ჯამბარა“, „ღველი“, „სამალღებები“.

გუთნის დამზადება-გამართვა ყველას არ შეეძლო. ადგილმდებარეობა ტყიანია და საგუთნე მასალის პოვნა იოლი ყოფილა. ამიტომ, აღნიშნავენ მთხრობელნი — „თუ გუთნისდედა ბეჩავი არ იყო, იმას სამი სხვადასხვა ზომის გუთანი უნდა ჰქონოდა“. საზაფხულო ხენისათვის მსუბუქ სახენელს იყენებდნენ, ამ დროს მიწა რბილი იყო და გამწევი ძალაც ნაკლები ჰქირდებოდა. საზაფხულო დიდ გუთანში რ უღელ ხარსა და კამეჩს აბამდნენ; ასეთ გუთანს „საახალთესლე გუთანს“ ეძახდნენ. „საანეულო გუთანი“ ყველაზე უფრო დიდი ზომისა იყო. „ანეულობას მიწა გამოგვალულია და თუ არა მძიმე გუთანი, მიწა ისხლტავდა და არ მოეკიდებოდა. ანეულის გუთანს შესაფერი-სი სახნის-საკვეთელი უნდა და გამწევი ძალაც მეტი ესაჭიროებოდა — 10—12 უღელი ხარი და კამეჩი“ (მთხრობელი პეტრე ღვთისოს ძე აბრამიშვილი, 81 წლისა, სოფ. ახალსოფელი, თიანეთის რ-ნი, 1959 წ.). საშემოდგომო ნათესებისათვის, რომელსაც აქ „ნაოშებს“ უწოდებენ, საზაფხულოსა და საანეულო გუთანს შორის გარდამავალი ზომის ე. ი. საშუალო სიდიდის გუთანი ყოფილა გამოყენებული, რომელსაც „სანაოშე“ გუთანს უწოდებდნენ.

იგივე მთხრობელი, ძველი გუთნისდედა პეტრე აბრამიშვილი გადმოგვცემს: „ხენისათვის სამჭურა გუთანი იყო: საახალთესლე, სანაოშე და საანეულო. ესენი ზომებით სხვადასხვა იყო, მაგრამ რკინის შეძლება ძნელი იყო და ერთი რკინით ხმარობდნენ“. „სამჭურა“ დიდ გუთანი ჩვენ მიერ სხვა სოფლებშიც იქნა დამოწმებული.

სახენელის ნაწილების დამზადების საქმეში ზომის ერთეულად მტკაველს ასახელებდნენ. მაგ., რვილის დასამზადებლად აღებულ თელის, იფნის ან მუხისა და მაყალოს მასალას ჯერ გატუსავდნენ, მერე დახვრეტდნენ. ხელკუდისათვის გაკეთებული მკდიდან ხმლის ნაჩვრე-

ტამდე 4 მტკაველი უნდა გადაეზომათ, ხმლის ნაჩვრეტიდან საკვეთელის ნაჩვრეტამდე ერთი მტკაველი, საკვეთლიდან ყვავამდე 5 მტკაველი, ყვავიდან წვერამდე 3 მტკაველი უნდა დარჩენილიყო. იფნის ხმალას 3 მტკაველი უნდა ჰქონოდა სიგრძე, კბილას სიგრძე 5 მტკაველი, სისქე 1 ვერშოკი, სიგანე 1 მტკაველი.

ხელკუდი იფნის, თელის ან მათალოსაგან მზადდებოდა, სიგრძით 5—6 მტკაველი. დაბლიდან 1 ციდაზე უკეთდებოდა ჭრილი რვილის თავის შესადგმელად. „ყვავი“ და „კაკაბი“ შეინდისა მზადდებოდა. მანჭის სიდიდე 3 მტკაველი ყოფილა. შოლტკავი — ორ ადღნახევიარი, ხოლო ფამფალაკის სიგრძე — 7 მტკაველი უნდა ყოფილიყო.

გუთნის ფამფალაკზე მოწყობილი იყო სამტოტა ჩხა, რომელზედაც ჩვეულებრივ ცული მაგრდებოდა. იგივე ჩხა გამოყენებული იყო ველის გოგორის ჩხაზე დასაკიდად. როცა გამოგვალულ მიწას ხნავდნენ, ველის გოგორას მოხსნიდნენ და ჩხაზე დაკიდებდნენ თურმე. ველის გოგორა ზომით 6, ხოლო კვალისა — 12 ვერშოკი ყოფილა.

გუთნისათვის გამწევი ძალის დასაკავშირებლად ძველად გამოყენებული ყოფილა საყვირები, ხოლო შემდეგ ღვედების გამოყენება დაუწყიათ, რომელსაც ხევსურები წნავდნენ. საყვიარი ოთხ არშინიანი სიგრძის თავსა და ბოლოს დახვრეტილი ლატანი ყოფილა, რომელიც უღელთან წნელების საშუალებით მიიბმოდა.

5. შრომის ორგანიზაცია. ხვნას სამი სამუშაო პერიოდის მიხედვით, შესაფერისი სიდიდის ქართული გუთნით, შესაფერისი შრომის ორგანიზაცია ახლდა, რასაც მთის ზოლში მოსახლე ფშავლები „მანდავს“ უწოდებდნენ, ხეობის ქვემო ზოლში მცხოვრებნი კი „ამბაზს“.

მანდავი (მონდავი, მოდგამი, ამბაზი), ხვნა-თესვის სამუშაოებზე შეკრებილი დროებითი გაერთიანებაა, რომლის შემადგენლობა მუშაობას წარმართავს წლის სამ სხვადასხვა დროს: გაზაფხულზე, ზაფხულზე და შემოდგომას. თითოეული სამუშაო სეზონის ხანგრძლივობას განსაზღვრავს მოდგამში მონაწილეთა შემადგენლობა, როგორც ადამიანების, ისე ცოცხალი გამწევი ძალის და ინვენტარის სახით.

მოდგამი იქმნებოდა როგორც მარტივი უღელი. ხარით მომუშავე სახენელით მუშაობისას, ისე ქართული დიდი გუთნით მუშაობის დროს. ფშავში დამოწმებულია შემთხვევები, როცა უკანა ფშავის თემში ნიადაგების მკვეთრი დაფერდების გამო სახენელში ყვავარი ხარის შებმა ქირდა და უღელ ხარს აბამდნენ, უღელი ხარით მომუშავეთა ამხანაგობა მარტივი გაერთიანების სახით იყო წარმოდგენილი.

აქ თითო ხარით შედიოდნენ მოდგამში და აჩაჩისათვის საჭირო რკინის ნაწილებიც თითო ნაჭერი შეჰქონდათ. ასეთ მარტივ შეამხანაგებაში იარაღზე დღეები არ ნაწილდებოდა, ერთურთს დღეების თანატოლი რაოდენობით ეხმარებოდნენ. ასეთ მანდავს ალ. რობაქიძის ცნობით, ფშავში „ხელნაცვლობაც“ რქმევია⁶³. ხელნაცვლობა, როგორც ტერმინი, ფშაური მოდგამობის შინაარსს შესანიშნავად გამოხატავს. ხელნაცვლობაში მონაწილენი ერთურთს ხელს უნაცვლებდნენ, ე. ი. ფაქტიურად ეხმარებოდნენ იმიტომ, რომ ისეთივე თანატოლი დახმარება მათგანაც მიეღოთ. ყოფილა შემთხვევა როცა მანდავის ერთი წვერი გაზაფხულზე მეტს მოხნავდა, სამაგიეროდ მეორე ანეულში აინახლდებოდა. მიწის თემური სარგებლობის პირობებში ფშავში თითოეულ კომლს უწევდა დაახლოებით 4—6 ფშაური დღიური, ე. ი. დესეტინაზე ნაკლები. ექვსი დღიურიდან გაზაფხულის კულტურებისათვის დაახლოებით ნახევარი მოდიოდა; ნახევარი კი ეჭირა საანეულო კულტურებს. ასე, რომ 6 დღიურის დამუშავება მოდგამობის 10 დღიან პერიოდში თავსდებოდა. ჩვენი შესწავლილი მასალების მიხედვით, ორხელს მოდგამიც კი, სადაც ყვეარი ხარით წარმოებდა მუშაობა 10—12 დღიან თაობას⁶⁴ არ ასცილდებოდა. ამიტომ დაუჭერებლად გვეჩვენება მ. მაჩაბლის ცნობა, რომელიც წერს: „უღელას დროს ალო 43 დღეს გრძელდება, გუთნისდღეს 7 დღე მოსდის, მეხრეს 6 დღე, 4 ხარზე 6 დღე — ე. ი. 24 დღე. სახნისს 3 დღე. ასე, რომ ჯამში 43 დღეს გრძელდება აქაური ალო“⁶⁵. ეს მონაცემები არ არის სწორი. მ. მაჩაბლისავე მიხედვით, ფშავში სახნავ-სათესა შამული თუ კომლზე ორ დესეტინასაც ძლივს აღწევდა, საკითხავია რად უნდოდათ ფშაველებს ასეთი ხანგრძლივი ალო? იქვე წინა გვერდზე მ. მაჩაბელი იძლევა თიანეთის მაზრაში დიდი გუთნით მუშაობასთან დაკავშირებულ მოდგამში დღეების განაწილების ცხრილს. აქ საერთო ჯამში მოდგამის ალო 23 დღეს არ აღემატება. მ. მაჩაბელს ქართლისათვის, სადაც დიდი გუთნით მუშაობა წარმოებდა, ალოს ხანგრძლივობა 22—30 დღემდე აქვს დადგენილი⁶⁶. ჩვენი ველზე შეკრებილი მონაცემების მიხედვით დიდი გუთნით მუშაობასთან დაკავშირებული ალო 35 დღეს არ აღემატებოდა მაშინაც კი,

⁶³ ალ. რობაქიძე, მოდგამი, როგორც ექსპლოატაციის ერთი ფორმარეკოლუციამდელ საქართველოში, მიმოიხილველი, ტ. II, 1951, გვ. 409.

⁶⁴ თაობა ხვნის ერთი სეზონის განმავლობაში შემაჯავლო დღეების რაოდენობაა.

⁶⁵ М. Мацабели, დასახ. ნაშრომი, გვ. 441.

⁶⁶ М. Мацабели, Эк. быт гос. крестьян Тнанетского уезда, Тбилисской губернии, МИЭБГКЗК, V, ч. I, 1887, с. 237.

როცა გუთანში ებათ 10—12 უღელი, ხარზე 1 დღეს ხნავდნენ და „ანეულის თაობა ამოყავდათ“.

უღელ ხარიან მონდავის ანალოგიურად წარიმართებოდა ხოლმე ყვეარი ხარით მომუშავე მონდაობაც. მონდაობის ამ ფორმაში, რომელიც ფშაური აჩაჩა გუთნით მუშაობასთან იქმნებოდა ხოლმე, მონდავის მონაწილეთა შორის წინააღმდეგობას არა ჰქონია ადგილი. ზედმეტი დღეების მითვისება რომელიმე მათგანს შორის არ ხდებოდა.

საქართველოს სხვადასხვა კუთხეში მოდგამობასთან დაკავშირებული ეთნოგრაფიული მასალების შესწავლამ ნათელყო, რომ მარტივ სახვნელებთან გაერთიანებული მოდგამი მარტივი შედგენილობისაა და ამ ორგანიზაციის მუშაობა ხელმონაცვლეობის პრინციპზე იყო აგებული. ცნობილი ახალციხური მოდგამობა, რომელიც დიდი გუთნით მუშაობასთან იყო დაკავშირებული, ჯერ კიდევ არ შეიქცავდა ექსპლოატაციის გამოაშკარავებულ ნიშნებს. მოდგამის წევრები იმდენ დღეს ამუშავებდნენ თავის მიწაში მოდგამის სახვნელს, რამდენის მოხვნაც მათ უნდოდათ⁶⁷. ანალოგიურ გარემოებას ჰქონდა ადგილი ინგილოურ მოდგამშიც⁶⁸. ხენის დღეების განაწილებაში გუთნეულის შემადგენლობაში მონაწილეობის მიხედვით ნორმირების მარტივი ფორმა აღწერა თ. ჩიქოვანმა წალკელ ურუმთა ყოფაში⁶⁹.

ფშავეში დიდი გუთნით მუშაობასთან დაკავშირებულ მოდგამში კარგად არის წარმოდგენილი მარტივი ფორმიდან (სადაც ჯერ კიდევ არ არის ექსპლოატაციის ნიშნები) რთული ფორმისაკენ გარდაამავალი მონაცემები. შესწავლილი მასალების მიხედვით, საკვლევი რაიონის ორ უბანში — ივრისა და არაგვის ხეობის ფშაურ სოფლებში დამოწმებული დიდი გუთნის მოდგამიდან, ივრის ფშაველთა მოდგამობა უფრო რთული შედგენილობისაა. დღეების დანაწილება გუთნეულის შემადგენლობაზე და გუთნის ინვენტარზე უფრო დიფერენცირებულია და ნორმირებული, ვიდრე არაგვის ხეობის ფშავეში. მაგ., არაგვის ხეობის ფშაურ სოფლებში დიდი გუთნის მოდგამში დღეები შემდეგი სახით იყო ნორმირებული:

⁶⁷ Ал. Хаханов, Обычай в Грузия при пахании, Э. О. № 4, М., 1891, с. 192, აღ. როზაქიძე, ზემოთ დასახ. ნაშრომი, გვ. 419.

⁶⁸ გ. ჭალაბაძე, აღმოსავლეთ საქართველოს სამიწათმოქმედო იარაღების ისტორიიდან, 1960, გვ. 86.

⁶⁹ თ. ჩიქოვანი, კოლექტიური შრომის ფორმა ხენა-თესვის დროს წალკელ ურუმებში, 1953, (ხელნაწერი).

გუთნისდელისათვის 2 დღე უნდა ეხნათ. აქედან ერთი დღე გუთნისა ივარაუდებოდა — ეს იმ შემთხვევაში, როცა გუთნისდელისა იყო გუთნის რკინის ნაწილები: სახნისი და საკვეთელი. უღელ ხარს 1 დღე ეძლეოდა, ე. ი. ხარებზე სულ 8 დღე მოდიოდა. თითო მეხრეს თითო დღე, სულ 4 მეხრეს 4 დღე უწევდა. როცა ანეულის ხენას აწარმოებდნენ, ამ პერიოდში დღის ორი მეხრე ღამის მეხრეობა-საც ეწეოდა, რისთვისაც თითოეულ მათგანს ღამატებით ნახევარ-ნახევარ დღეს აძლევდნენ, ე. ი. ორ მეხრეს 1 დღის ხენას. დიდი გუთნის მოდგაში საქართველოს ბარის რაიონების ანალოგიურად იყო უხარო მეხრის აყვანის შემთხვევებიც. ეს უკანასკნელი ღამის მეხრეობა-საც ეწეოდა, რისთვისაც 1,5 დღეს ღებულობდა. ასეთ მეხრეს მონდაეში სხვის ხარზე შესულს ეძახდნენ და „ხმელი მეხრეს“ სახელითაც ყოფილა ცნობილი. ყოველივე ამის შედეგად ხენის ერთ სეზონში დიდი გუთნით მორიგება 12—13 დღემდე ხანგრძლივდებოდა.

დიდი გუთნით აქ სამივე სეზონში ტარდებოდა ხენა, ასე რომ სამივე სეზონში მონდავის თითოეულ წევრს 6—8 დღის ხენა უწევდა, რაც სრულიად საკმარისი იყო 2—3 ჰექტარი მიწის დასამუშავებლად. ფაქტიურად ფშაეში მიწის ამ რაოდენობას არავინ არ ფლობდა. ამიტომ ხიზრი იყო ხელმოკლე, უხარო გლეხების მიერ ალოს შესყიდვის შემთხვევები, რაც 3—5 მანეთს არ აღემატებოდა. ალოს ფასი მერყეობდა ხენის სეზონის მიხედვით. ანეულის ალო შედარებით მეტად ფასობდა, ვიდრე გაზაფხულის ან შემოდგომის ალო. აღსანიშნავია ერთი გარემოება, რაც არაგვის ხეობის ფშაური სოფლების დიდი გუთნით მოდგამს ახასიათებდა, იქ მოდგამის წევრებს სადილ-სამხარი თავ-თავისთვის მიჰქონდათ.

ფშაური მონდავობის განსხვავებული ვარიანტის სახით წარმოგვიდგება ივრის ხეობის ფშაველთა მონდავობა. სახელდობრ ამ განსხვავებას იძლევა დღეთა განაწილების სტრუქტურა. აქ ხენათესვაც წლის სამ დროში წარიმართებოდა და ალოთა ხანგრძლივობა 22—30 დღემდე აღწევდა⁷⁰. სხვადასხვა დროს ჩაწერილი მასალის მიხედვით ალოში დღეების განაწილება შემდეგი სახით ყოფილა წარმოდგენილი:

მ. მაჩაბლის მიხედვით	გ. ჩიტაიას მიხედვით	ჩენი მასალებით
1. გუთნისდელას 2 დღე	გუთნისდელას 1	გუთნისდელას 2
2. ღამის მეხრეს 2X2	ღამის მეხრეს 3X2	ღამის მეხრეს 2X2

⁷⁰ М. М а ч а б е л и, დასახ. ნაშრომი, გვ. 220; გ. ჩ ი ტ ა ი ა, თიანეთის ეთნოგრაფ. ექსპედ., გვ. 64.

3. დღის შეხრეს 3X1	დღის შეხრეს 4X1	დღის შეხრეს 3X1
4. უღელ ხარს 10X1	უღელ ხარს 12X1	10 უღელ ხარს 10X1.
5. სახნისის პატრონს 1	ლევდს 1	საკვეთელს 1/2
6. საკვეთელ ქაშპარისას 1	ქაშპარა აქურს და ულუბს 1/2	სახნისს 1
7. აქურებს 1	საკვეთელს 1/2	ლევდს 1
8. სათადარიგოს 1	სახნისს 1	სამალღე ქაშპარის 1

სულ — 23 დღე⁷¹

სულ — 26 დღე⁷²

სულ — 22,5 დღე.

სამივე შემთხვევაში დღეების განაწილების ცხრილი მხოლოდ ანეულის ხენის დროიდან არის აღებული. საახალთესლე ხენის დროს 6 უღელი ხარი იბმოდა და ღამის შეხრეებიც არ იყო, ასე, რომ ალო ამ დროს 6 დღით ნაკლები ხანგრძლივობისა გამოდიოდა, ვიდრე ანეულის ხენის დროს.

აღსანიშნავია მოდგამის წევრთა შორის ერთგვარი წინააღმდეგობის ნიშნები, რაც იმაში გამოიხატებოდა, რომ თითოეული მონაწილე ცდილობდა მოდგამში ინვენტარის რაღაც წილით შესულიყო. გუთნისდღეს, გუთნისა და სახნისის მეტი ინვენტარით მონაწილეობის უფლებას არ აძლევდნენ. თუ გუთნისდღეა დანარჩენი სხვა ინვენტარით მოდგამში შესვლას მოიწადინებდა, მას ხარს არ აუბამდნენ. ეს გარემოება ძალიან კარგად ახასიათებს კაპიტალიზმის ხანის საქართველოში ბარის რაიონებში გავრცელებულ მოდგამსაც. იმ გარემოების გამო, რომ მოდგამში ინვენტარის თაობაზე ალოს ნორმირება ხდებოდა და ეს, თავის მხრივ, მოდგამის წევრთა შორის ცვლიდა სახენელ იარაღთან მათი დამოკიდებულების ხასიათს, მოდგამის წევრთა თანაბარუფლებიანობას ბოლო ეღებოდა და მოდგამის წევრის მონაწილეობის ღონეს მისი ინვენტარი და გამწვევი ძალა საზღვრავდა. ამ ვითარების შედეგად უნდა იყოს XVIII საუკუნის მიწურულისათვის დავით ბატონიშვილის მიერ შედგენილ კანონთა კრებულში შეტანილი ერთ-ერთი მუხლი, სადაც მოდგამის წევრთა ურთიერთდამოკიდებულების საკითხია წარმოდგენილი. იქ ვკითხულობთ: „ხვნის დროს, როცა მოდგამი შეიკვრება, გარკვეული რაოდენობის ხარებს აბამენ, ყველა ხარი ერთს არ ეკუთვნის. ხშირია შემთხვევა, როცა მოდგამის წევრთა შორის უკმაყოფილების ნიადაგზე ერთი მეორეს ხარს უკლავს ხოლმე“⁷³. მოდგამში წევრთა შორის ყრუ ბრძოლა ამ ნია-

71 მ. შაჩაბელი, დასახ. ნაშრომი, გვ. 440.

72 გ. ჩიტაია, დასახ. ნაშრომი, გვ. 64.

73 დავით ბაგრატიონი, საქართველოს სამართლისა და კანონმდებლობის მიმოხილვა, აბ. როგავას რედაქციითა და გამოკვლევით, 1959, გვ. 316.

დაგზე, რაც დრო გადიოდა, თანდათან მატულობდა. 80—90-იან წლებში, როცა საქართველოში რკინა გაიჟღერა, ხოლო გამწევი ძალა გაძვირდა, მოდგამში დღეების განაწილება მეხრეებს აღარ აკმაყოფილებდათ და გუთნისდღეებისაგან მოითხოვდნენ თითო ხენის დღე, უღელი ხარის ნაცვლად, თითო ხარზე დაეწესებინათ. ეს იმდენად მნიშვნელოვანი საკითხი იყო, რომ ქართული პრესა ამაზე საგანგებოდ ჩერდებოდა და იმასაც აღნიშნავდნენ, რომ ზოგიერთ სოფლებში აიძულეს გუთნისდღეები, რომ დათმობაზე წასულიყვნენ და გამწევი ძალაზე დღეთა განაწილების ძველი წესი შეეცვალათ⁷⁴. ფშაური დიდი გუთნის მოდგამში ფშაველები ცდილობდნენ აჩაჩა სახენელთან დაკავშირებული მოდგამობის ტრადიციული წესები შეენარჩუნებინათ; მაგრამ ეს მცდელობა არ შეიძლებოდა რაიმე დაბრკოლებად გადაქცეულიყო, რომელიც შეაჩერებდა მოდგამის განვითარებას. მოდგამი თანდათან ხდებოდა ექსპლოატაციის საშუალება მოძლიერებული ფშაველი გლეხის ხელში. მთაში თუ მის ბორკილად მიწის თემური მფლობელობა რჩებოდა, ის თავისი ქონებრივი მდგომარეობის წყალობით, რომელიც მას მეცხვარეობამ შეუქმნა, ბარში ეშვებოდა და იქ საეკპრო მიწათმოქმედების ორომტრიალში ებმოდა.

ფშავეში მთის ზოლში ნახნავის მძრალად დაგდების წესი არ სცოდნიათ. ეს მხოლოდ იერის ფშაველებს გამოუყენებიათ, რასაც აქ „სადაგდებულო მძრალის“ სახელით იხსენიებდნენ.

მოხნულს იმავე დღეს თესავდნენ. დიდი ყურადღება ექცეოდა ხორბლეულის სათესლე მასალის შერჩევას. სათესლე ხორბალს მოსავლის აღებისთანავე ცალკე „კოდში“⁷⁵ ინახავდნენ. იცოდნენ მიწის ფართობზე ხორბლის სახეობათა მონაცვლეობა და, გარდა ამისა, სცოდნიათ თესლმონაცვლეობაც. სათესლე ხორბალს ერთი სოფელი მეორეს უცვლიდა ან ერთი სოფლის შიგნით ქვიშრობ ადგილებზე მოწეულ ხორბალს სცვლიდნენ. თიხნარ ადგილებზე მოწეულ ხორბალში ფარცხვას აწარმოებდნენ ისეთივე წესით, როგორც სახენელს, დაბლიდან ზემოთ გარდიგარდმო სვლით.

8. მოსავლის აღება. დათესვის შემდეგ თესლი მიწაში „დაყვივდებოდა“ (ლივს გამოიტანდა), ამოჭეჯილდებოდა, მუხლში შევიდოდა და „დაორსულდებოდა“. დაორსულების შემდეგ პური დამწიფებას იწყებდა. დამწიფებული პურის აღება ფშავეში ორი საშუალებით წარ-

74 ზ. ბ — შვილი, ჩვენებული გუთნის წესები, „დროება“, 1884, № 73.

75 კოდი დიდი ზომის ხის მორისაგან მზადდება, საამისოდ იყენებენ ღვანალს, რომელიც ოლი დასამუშავებელია და მღრღნელი ნაკლებად ეტანება. კოდის დასამუშავებლად იყენებდნენ შალაფს, გრძელტანიან სატეხს ან ცულს.

შობდა: ხელით გლეჯით და ნამგლით. ხელით პურეულის გლეჯას იმ შემთხვევაში მიმართავდნენ, როცა ყანა ძალზე დაბალი და თხელი იზრდებოდა, რასაც, ვაღმოცემით, ხშირი გვალვები იწვევდა (ამას მოგვალულ პურსაც ეძახდნენ). ხელის დაზიანებლადან დასაცავად ყანის გლეჯის ღროს თათმანებს იცვამდნენ. მოგლეჯილი ყანა ძნებად იკვროდა იმავე წესით, როგორც ეს ნამგლით მკის ღროს ხდებოდა. პურეულის ასაღებად გამოიყენებოდა როგორც ადგილობრივი ნაქედი, ისე მეზობელი რაიონებიდან შემოტანილი ნამგლები.

ყანის მშველებად კაცებთან ერთად ქალებიც გამოდიოდნენ. ყანის მშველი მარცხენა ხელის სამ თითზე იკეთებდა ხის სათითებებს. ხელზე იცმევდა „სამკლავებს“, რომელიც ტილოსაგან ყოფილა ამოკერილი. უხმარიათ ტყავის ან სელის წინაფარიც. ყანის მშველები მკას იწყებდნენ ყანის ბოლოდან და თანდათანობით მალლა მიდიოდნენ.

მომკილი ყანის ორი ხელეური ერთ ძნად იკვროდა. ძნას ფშავში „მაპლეურს“ უწოდებენ. წინა ფშავში ტერმინ „ნაპლეურსაც“ ხმარობენ და სამ-სამად დაწყობილ ძნას გულისხმობენ (ნამპლეური-ნამუჭი-მუჭიდან წარმომდგარი ტერმინია). ქერისა და პურის ძნასთან შედარებით, სვილის ძნა მხოლოდ პატარა იკვროდა, იგი ერთი მუჭეულისაგან შედგებოდა. მარცელის გამოცალკეების შრომის თავისებურება აპირობებდა სვილის ძნის სიდიდეს. ბერტყვისათვის ყოველთვის ხელმარჯვე გამოდიოდა თითო ხელეური. ბერტყვა ფიცარზე, ქვაზე ან ლასტზე სცოდნიათ, პური და ქერი კი პირუტყვის ფეხით ილეწებოდა. ქერისა და პურის ძნები რამდენიმე ხელეურისაგან იყო შედგენილი. ივრის ხეობის სოფ. წინამხარში ცალკე ძნის მკონავის გამოყოფა სცოდნიათ. ფშავის სოფლებში მკონავი მეძნეური არ იცოდნენ, წინამხრელებს, როგორც ჩანს, ეს სხვათაგან გადმოუღლიათ. რადგან ფშავში ყანა თხელი მოდიოდა, წინამხრელ მეძნეურს ხელეურების მოკრებაზე და ძნად შეკონვაზე ბევრი სირბილი უხდებოდა. ფშავლებს ეს არ მოსწონებიათ. ამასთან დაკავშირებით ხალხში შემონახულია ლექსი:

წინამხრელებმ შამაილს
ყანის მკაში ხეურაო,
გავრბივარ და გამოვრბივარ,
ამან დამასნეულაო.

ფშაური ძნები საერთოდ მცირე მოცულობისა გამოდიოდა. ძნა წონით ერთ კგ-საც ძლივს აღწევდა, მაშინ როცა ქართლში ოთხი ძნიდან ერთი ჩანახი (8 კგ) პურის გამოლეწვა შეიძლებოდა.

ვინაიდან პურეული სრულყოფილ სიმწიფეს ვერ ასწრებდა, ამიტომ ახალ შეკონილ ძნებს ისეთნაირად ალაგებდნენ, რომ ნიავეს ძნა გამოეშრო. ასეთი დალაგება-წყობა ხუთი ძნისაგან შედგებოდა და „ხადურას“, ზოგ სოფელში ხუთულას უწოდებდნენ. თუ ყანა გამო-მშრალი იყო, მაშინ ხუთეულად ალაგებდნენ. ხუთულას შესატყვი-სად „მელეურსაც“ ამბობენ. მელეური ქიზიყში ფეტვის ძნას ეწო-დებოდა. ფეტვი ფშავშიც ითესებოდა. შესაძლებელია ფშავში ფეტ-ვის კულტურის ამოვარდნის შემდეგ მელეურის, როგორც ფეტვის ძნის გამომხატველი ტერმინის, ხმარება პურეულის ძნაზე იქნა გადა-ტანილი. .

როგორც აღვნიშნეთ, ფშავში ყანის სამკელად ქალები და კაცე-ბი ერთნაირად გამოდიოდნენ. მკის ღროს იცოდნენ, როგორც სანა-ცვლო მუშაობა — „მუშანის“ სახით, ისე მუშის შეყრა ნადით. ეს ქართლ-კახური მამითადის ანალოგიურად ეწყობოდა. ფშავში მკის ღროს შეიმჩნეოდა მომკელ მუშათა სეზონური მოძრაობაც. აქ მკაზე სამუშაოდ (განსაკუთრებით წინა ფშავში) ხევსურები მოდენილან; წი-ნა ფშავში — უკანაფშაველები, ხოლო ყველა ესენი, ვიდრე ფშავში მკის სეზონი დადგებოდა, სამკალად მოდიოდნენ ქართლსა და კახეთ-ში. ყოფილა შემთხვევები, როცა ბარელები სამკალად წინა ფშავში ასულან. ფშავლები მათ დღიურ სამუშაოს საფასურად ერბოს ან მატყლს აძლევდნენ.

ძნები კალოსთან სხვადასხვა საშუალებით გადაჰქონდათ: ზურ-გით, სახედრით, ცხენით, მარხილით, „მანჯიკით“ და „ყალით“. რო-დესაც ძნა ცხენით ან სახედრით გადაჰქონდათ, საამისოდ სახედარს ან ცხენს ზურგზე გადაჰკიდებდნენ ხოლმე წყვილ კაბიან ჯოხებს, რო-შელსაც ტყეში საგანგებოდ ეძებდნენ და საამისოდ გამოთლიდნენ, რასაც „ქოჭებს“ უწოდებდნენ. ქოჭის კაპებში ძნებს ჩაალაგებდნენ; რასაც კაპები ველარ დაიტევდა, ძნებს ზემოდან დაალაგებდნენ და რომ არ გადმოშლილიყო თოკით შეკრავდნენ ხოლმე.

მ ა ნ ჯ ი კ ი საბას განმარტებით მცირე ზომის მარხილს რქმე-ვია. ტრანსპორტის ამ სახეობაზე სამეცნიერო ლიტერატურაში ჯერ-ჯერობით არაფერი ცნობა არ არის დატული. მანჯიკი გამოყენებული იყო ფშავის თითქმის ყველა სოფელში. მანჯიკის ერთი ეგზემპლარი ავ-ზომეთ სოფ. შუაფხოში. შუაფხოში დაფიქსირებული მანჯიკის ძირი-თადი ნაწილებია: მანჯიკის ფეხები, რომელიც ორი საკმაოდ სქელი ფიცრისაგან შედგება. ფიცრის სისქეა 4—5 სმ, სიგრძე 200 სმ, სიმა-ღლე 30 სმ. თითოეულ ფიცარს სიგრძეზე შუაში ჩაყოლებით ერთი-

მეორისაგან 40—45 სმ დაშორებით ოთხი ნაჩვრეტი აქვს, რომელშიც იდგმოდა ფიცრების შემაერთებელი ხიდები. ფიცრის ცხვირთან შეხუთე ნაჩვრეტი გამოყენებული იყო ხელნების მოსამბელოდ, ხელნები უღელს უკავშირდებოდა. მანჯიკში ხარების გარდა ცხენის შებმაც სცოდნიათ. მანჯიკზე ძნების დალაგება იცოდნენ სიგარძეზე და გარდიგარდმო.

ყალი მანჯიკისაგან განსხვავებით სქელი და მსხვილი ლატენისაგან იკვროდა. ორი 180 სმ სიგრძის ლატანი სიმაღლით 20 სმ და 6 სმ სისქისა, 62—70 სმ სიგრძის სამი ბრტყელი „თაშით“ იყო ერთიმეორესთან დაკავშირებული. ყალის ფეხები რომ თამასიდან არ დახსნილიყო, თავსა და ბოლოზე წნელები ამაგრებდა. ყალის წინა თამასას შუაში გათრევისათვის წნელი ჰქონდა მიბმული. ყალი გამოყენებული იყო ძირითადად თივის „სათარად“ და აგრეთვე ძნის გადასატანად.

ფშავში ბორბლიანი ტრანსპორტი გამოყენებაში არ ყოფილა. აქ როგორც ზამთარში, ისე ზაფხულში მარხილს (დიდსა და პატარას), მანჯიკს და ყალს იყენებდნენ.

მანჯიკისა და ყალის ფეხები მარხილივით არ არის მოხრილი; იგი სწორი ფიცარი ან სწორი ლატანია — მიწაზე სრიალის დროს რომ დაბრკოლება იოლად გადალახოს. მანჯიკის ფეხი მომორილია, აგებულიებით იგი თუშს* წააგავს და ტრანსპორტის განვითარების ცხრილში შეიძლება მარხილის გარკვეულ წინაპრად მივიჩნიოთ.

გადატანილ ძნებს კონუსურად ალაგებდნენ „წერებად“ ან „მუხლის ძნად“. წერას ზემოდან „სამჩხირს“ ადგამდნენ, რომ ძნა არ დაშლილიყო და წვიმასა და თოვლს მარცვალი არ ჩაეღპო.

ლეწვა მიმდინარეობდა ორი ტიპის — „ველისა“ და „საფრიან“ კალოზე. როგორც ერთი, ისე მეორე ერთნაირი ზომისა კეთდებოდა. უკანაფშავში საფრიანი კალოები ძალზე მცირე ზომისა კეთდებოდა (დაახლ. 3—4 მ დიამეტრისა). საფრიანი კალო ძირითადად ზამთარში იყო გამოყენებული. კალოს პირას ჩასმული ოთხი ბოძი ხის ტოტებით და ნამჯით იყო გადახურული, გვერდით კი ძნები ედგა.

სვილის ბერტყვისათვის კალოს ცენტრში ქვას დადებდნენ; მასზე ფიცარს მიაყუდებდნენ ან ბრტყელი ზომის ქვას; ზოგი წნულ ლასტასაც ააყუდებდა. მბერტყავი სვილის ორ ძნას იღებდა — თითო ხელით თითოს. ორივეს ერთდროულად ურტყამდა ქვაზე თავთავების

* თუში ტრანსპორტის ერთ-ერთი სახეობაა. იყენებდნენ მძიმე ქვების გადასატანად.

მხრიდან. სამი-ოთხი დარტყმის შემდეგ თავთავიდან მარცვლები გამოიხნეოდა. თუ ძნას თავთავებში მარცვლები შერჩებოდა, მბერტყავს გვერდით მცირე ზომის „რიკნა“ — ჯოხი ჰქონდა მომარჯვებული და ამ რიკნას საშუალებით სვილის ძნას საბოლოოდ გამოლენწავდა. სვილის ბერტყვის შედეგად მიღებულ „ხოვს“ ფიწლით „მაყას“. (მაყა ჩელხის მნიშვნელობით იხმარება, ე. ი. გაულენწავი თავთავები) მოხდიდნენ, შემდეგ ცოცხით „მოუსუროვებდნენ“ და რაც ფიწალს მოუხდელი მაყა დარჩებოდა, იმასაც შემოაცლიდნენ. მაყას იქვე „ჰოჭყით“ — გრძელი მარჯვე სახმარი ჯოხით (საბეგვი) „გაჰოჭყავდნენ“ და საბოლოოდ, „გალენწავდნენ“. სვილის გაბერტყვის შემდეგ რჩებოდა ყარტი, რომელსაც ფშაური სახლის გადასახურად იყენებდნენ. სვილის „ხოვს“ ცხრილებით ანიავებდნენ და ცხავ ცხრილებში გატარების მერე, კოდებში ინახავდნენ. ივრის ხეობაში ჩასახლებულ ფშავლებს ხორბლეულის ლენწვა კევრით სცოდნიათ.

არაგვის ხეობის ფშავი ღაყოფილი იყო 12 თემად⁷⁶. თითოეულ თემს თავისი მფარველი ხატი ჰყავდა; მაგ., შუაფხოს თემს იახსარი მფარველობდა, უძილაურებისას კობალა, ცაბაურთას მთავარანგელოზი და ა. შ. ფშავში თითოეულ თემს თავისი სახნავ-სათეს-სათიბები და საძოვრები გააჩნდა. სათემო მფლობელობაში არსებული სახნავ-სათესი ორ ძირითად კატეგორიად იყო წარმოდგენილი — სათემოჯ და სახატოდ. ხატის მამული დასამუშავებლად ხატის ყმათა გვარებზე იყო განაწილებული. თითოეულ გვარზე განაწილებულ წილს „ნაყევრალი“ ეწოდებოდა. რამდენი ძირეული გვარიც ამ ხატის ყმად ითვლებოდა, ხატის მამულიც იმდენი ნაყევრალისაგან ყოფილა შედგენილი. ძირეული გვარის სეგმენტაცია ხვედრილი ნაყევრალის დანაწილებას არ იწვევდა. ნაყევრალის მოხვნა-დათესვისათვის გვარში შემავალი ოჯახები გამწვევი ძალით და სახვნელი იარაღით გამოდიოდნენ — ვისაც რით შეეძლო. ზოგს ერთი ხარი გამოჰყავდა, ზოგს სახნისი, სახვნელი, ფარცხი და სხვა საჭირო ინვენტარი გამოჰქონდა. ხატის დასტურებს ბელლიდან სათესლე ხორბალი გამოჰქონდათ და მონაყევრებებს უნაწილებდნენ. ამ დღეს დასტური წილს სეზონში პირველად შედიოდა ხატის ბელელში. ხატის ბელელში შესვლამდე იგი გარკვეულ სიწმინდეს იცავდა. ხატის მიწების დამუშავება ორშაბათ დღეს იცოდნენ. ამ დღეს ხატის მამულში წარმოებულ მუშაობას საერთო სახელი „ხატის ნადი“ ჰქმევია; ხშირად ხატის ნადში მონაწილეობას ღებულობდნენ სოფლიდან საცხოვრებლად სხვაგან წასული.

⁷⁶ ვაჟა-ფშაველა, თხზულებანი, ტ. VIII, 1956, გვ. 28.

ამ ხატის ყმები; ხატის მამულის საგვარო წილის სახელი „ნაყვერა-ლი“ მთხრობელთა ახსნით, ყვეარი ხარით დამუშავებული მიწის გა-მომხატველია. მთხრობელთა ახსნა სინამდვილესთან ახლო უნდა იდ-გეს. შესაძლებელია მიწის თემური მფლობელობის სტადიაზე ნაყვე-რალი მიწის ზომის ერთეულს შეადგენდა, რომლის ქვეშაც ყვეარი ხარის გამწვევი ძალით წარმოებული დღიური ხენა უნდა ყოფილიყო ნაგულისხმევი.

ნადი ხატის ყანის მკის დროსაც იმართებოდა. ამჯერად ნადში არა მარტო ისინი მონაწილეობდნენ, ვინც ნაყვერალეები მოხნა და დათესა, არამედ ისინიც, ვინც ხატის დღეობაში იყო მოსული შორი სოფლებიდან სალოცავად და მათი მოსვლა ხატის ყანის მკის დროს დაემთხვეოდა. მომკილს დასტურები ლეწავდნენ? მათ ხატის ყმა მა-მაკაცები ეხმარებოდნენ. ქალები ხატის ყანის მკაში მონაწილეობას ღებულობდნენ, მაგრამ ლეწვის საქმეში ისინი აღარ ერეოდნენ.

ვ. ბარდაველიძეს ხევსურეთის მაგალითზე ხატის მამულების წარმოშობის რამდენიმე გზა აქვს დასახელებული, რომელთა შორის ხატის მიწის მოპოვების საქმეში ძალადობაც არის ნახსენები. სახე-ლდობრ, ყოფილა შემთხვევები, როცა თემი სხვისი საყმო მიწების ძალით მიტაცებას ახდენდა და ამ მოქმედებას რომელიმე ხატის სა-ხელს მიაკუთვნებდა. ანალოგიურ გარემოებას ფშავშიც ჰქონდა ად-გილი. აქ ზოგჯერ ხატის მიწები იზრდებოდა თემის მიერ ამოწყვეტი-ლი ოჯახების კუთვნილი მამულების ხარჯზე. ეს გარემოება ნათლადაა წარმოდგენილი სულა-კურდღელას ფშაურ გადმოცემებში. „სულა და კურდღელა ცხოვრობდნენ ფშავში, სოფელ ჩარგალში და ეკუთვ-ნოდნენ გოგოჭურთა გვარს. ეს პირები თავისი მკლავის ძალის ვაჟ-კაცობის და სისასტიკის წყალობით თანდათან ეკონომიურ სიძლიე-რესა და ძალაუფლებას იხვეჭენ, რითაც უპირისპირდებიან რიგით მეთემეებს, თავიანთ ძალაუფლებას მათზე ავრცელებდნენ, ჩაგრავენ, ადებენ ბეგარას, ძარცვავენ, სტაცებენ დაურიდებლად რაც სურთ და იმის წყალობით საძულველ პირებად იქცევიან, რის გამოც მეთემეე-ბი მათ ხოცავენ“⁷⁷. მათ მამულში ლაშარის ნიშს დებენ და ლაშარის ხატის ბედელსაც აარსებენ⁷⁸.

ბრძოლა თემსა და თემში აღზევებულ პირთა შორის იყო ამავე დროს გამოხატულება თემის შინაგანი რღვევისა, რომელიც დიდი ხა-

77 თ. ოჩიაური, ზოგიერთი ხალხური გადმოცემის შესახებ, მასალები საქართველოს ეთნოგრაფიისათვის, X, 1959, გვ. 127.

78 იქვე, გვ. 131.

ნია ბარის ფეოდალური წყობილების გარკვეულ ზემოქმედებას განიცდიდა.

ხატის მიწების ყველაზე ძველ ფენად ვ. ბარდაველიძეს მიჩნეული აქვს ის სახნავ-სათიბები, რომლებიც ხატის ძირეულ ხელდებულ მამულად იყო აღიარებული — ეგრეთ წოდებული სანაღო მამულები⁷⁹, ფშავში ძირითადად ხატის სანაღო კატეგორიის მიწებთან გვაქვს საქმე.

ხატის მიწების დამუშავებაში რამდენიმე განსხვავებული მხარე შეიმჩნევა. ერთი, როცა ხატის მიწის დამუშავებაში ხატის ყმებიდან ყველანი ღებულობდნენ მონაწილეობას, მეორე შემთხვევაში ხატის ყმათა შორის მორიგეობაა და მხოლოდ ორი ოჯახი ამუშავებს (ძირითადად ამგვარ წესს იცავდნენ მოხევები). მესამე შემთხვევაში, სახატო მიწებს საღალოდ სხვას აძლევენ, ღალას კი ხატის ყმა სოფელს უხდის. ანალოგიური გარემოება ჩვენ ხევშიც დავამოწმეთ. ხატის მიწების დამუშავების აღნიშნული ფორმებიდან მეტი სიძველე პირველ ფორმას ახასიათებს, რომლის მიხედვით ხატის მიწებს მთელი მისი ყმები ნადით ამუშავებდნენ, ნაყევრლების სახით. აღნიშნული ფორმიდან გამომდინარე, ვ. ბარდაველიძე ხატის მიწების სანაღოდ დამუშავებას გენეტიკურად მიაკუთვნებს პირველყოფილ-გვაროვნულ წყობილებას⁸⁰.

სახატო მამულების დამუშავებისა და მისი გენეზისის საკითხები ხევსურეთის მაგალითზე ბრწყინვალედ არის გაშუქებული ვ. ბარდაველიძის ნაშრომში „Земельные владения древнегрузинских святилищ“, ამიტომ ჩვენ სახატო მიწების დამუშავების საკითხს არ შევეხებით. ჩვენთვის ეს იმდენად არის საინტერესო, რამდენადაც საერთოდ მიწის ფშავური თემური სარგებლობის საკითხებს ვეხებით.

გარდა ხატის მამულებისა, თემს გააჩნდა სასოფლო მიწები, აქედან ცალკე იყო გამოყოფილი საამანათო მიწები.

ამანათობა, როგორც ჩანს, იმდენად ხშირი მოვლენა ყოფილა, რომ ფშავის სოფლებში საამანათო მიწების კატეგორიაც არსებობდა. საამანათო მიწაზე ამანათის დასახლება ხდებოდა. ამანათს, ქართველი იქნებოდა თუ არაქართველი, განსხვავება არ ეძლეოდა, თუ იგი ხატის ყმობას აღიარებდა, ხატის კარზე ხარს დაკლავდა, თემს ლულს უღდებოდა, სოფელი მას ხატის მიუვალ ადგილებში, რომელსაც „კვირის“ უწოდებენ „სამან საზღვარს“ ჩაუგდებდა: ამის შემ-

79 В. В. Бардавелидзе, «Земельные владения древнегрузинских святилищ», С. Э. 1949, № 1, с. 107.

80 ვ. ბარდაველიძე, დასახ. ნაშრომი, გვ. 105.

დეგ ამანათს მიწას გადასცემდა და დასახლების საქმეშიც დაეხმარებოდა. მორიგ წელს ამანათი მიწის საერთო განაწილებაში ლებულობდა მონაწილეობას.

საამანათო მიწა იქმნებოდა სოფლიდან, რომელიმე დამნაშაის მოკვეთის შემთხვევაში ან რომელიმე ოჯახის გაპარტახების, სოფლის მიტოვების და სხვაგან გადასახლების ნიადაგზე.

ფშავში მიწათმოქმედებასთან დაკავშირებული იყო რელიგიური ხასიათის რწმენა-წარმოდგენები. ხენის დაწყების წინ ხარებს კუღზე „თიკეში გამოკრულ ტყემლის ტოტს აბამდნენ. იცოდნენ ასკილის, ნახშირის და ნივრის კბილის შებმაც“. სახვნელის წინა უღელს ტყემლისა და ურძნის ტაბიკებს უკეთებდნენ, რომ ხარი არავის გაეთვალა.

სახვნელში ხარებს როცა შეაბამდნენ, უღელზე ხშიადს გადატეხავდნენ, თითო ნაწილს გუთნისდებდა მეხრესთან ერთად შექამდა, ნაწილს კი ხარებს შეაქმევდნენ. ხშიადი იფქლის (წმინდის) ნამცხვარი უნდა ყოფილიყო. ოჯახი ამ მიზნისათვის იფქლის ფქვილს საგანგებოდ ინახავდა.

დაფარცხვის შემდეგ გუთნისდებდა ნაფარცხის შუაში ხელით ჭვარს გამოსახავდა, თხილის ნელდ ჯოხს მიწაში ჩაასობდა და გადაამტვრევდა ისე, რომ გადატეხილი წვერი აღმოსავლეთისაკენ ყოფილყო მიმართული, გადატეხილ ადგილზე ბალახს ჩამოკიდებდნენ. სცოდნიათ გადატეხილ ადგილზე მიწის გუნდის ჩამოკიდებაც. ფშავში ამ ჯოხს „ნახნავის მწყემსი“ ეწოდებოდა, ზოგან „ნათესების მწყემსსაც“ უწოდებდნენ. გარდა აღნიშნულისა, ფშაველები დიდ მარხვაში დიდ ოთხშაბათის საღამოს, „კუდიან ღლეღამეს“, ნათესებს „დამახვილავდნენ“ ზოლმე. ნათესების დამახვილება გამოიხატებოდა „შუა მამულში ტყემლის ეკლიანი ჯოხის ჩარტობასა და მის ძირში ესკალისა და ნახშირის დაყრაში“. იმავე საღამოს სახლის წინ ცეცხლს ანთებდნენ, რომ კუდიანები დაეფრთხოთ.

ქართულ ეთნოგრაფიულ ლიტერატურაში დადგენილია, რომ აპოთროპეული დანიშნულებით ჭვრის გამოხატვა სხვადასხვა საგნებზე სცოდნიათ ფშაველთა მეზობელ ხევსურებს⁸¹. თესვის დამთავრების შემდეგ დაფარცხულ მიწაზე ჭვარის გამოსახვა იცოდნენ ხევშიაც⁸². ქართლში ჭვარის გამოსახულება კეთდებოდა მოზველილ და ვარცლში გასაღვეებლად დატოვებულ პურის ცომზე. საახალწლო ბასილას

⁸¹ ვ. ბარდაველიძე, გ. ჩიტაია, ხევსურული ორნამენტი, 1939, 83-6.

⁸² გ. ქალაბაძე, მიწათმოქმედება თერგის ხეობაში, საქართველოს სახ. მუზეუმის მოამბე, XII—B, გვ. 218.

ახალწლიდან ორი კვირის გავლის შემდეგ ოჯახის უფროსი ზურგზე ჯვარს ამოჭრიდა და პურის ბელელში ინახავდა. ყანის მკის დამთავრებისას მესვეური თავთავებისაგან ჯვარს შეკონავედა და ყანის პატრონს მიართმევდა, რომელიც ყანის ჯვარს დედაბოძზე მიაკრავდა ხოლმე.

ქართლისავე მასალების მიხედვით, აღდგომის წინა დღეს მამულების „დასარყვა“ იცოდნენ. დასარყვისათვის იყენებდნენ ასკილის ეკლიან ჯოხს და ნეღლი ტირიფის მოკლე ჯვარედინად ჩახლენილ ჯოხს, რომელსაც ჯვარედინ ჩანაჩენში ჯვარედინადვე ჩადგმული ჰქონდა თითო მტკაველის სიგრძის ჩხირები. მამულში აღნიშნული სარყის ჩადგმას ქართლელი მეურნე იმისათვის მიმართავდა, რომ: „აღდგომას ყველა ჯურის კუდიანები იალბუზის მთაზე რომ არიან თავშეყრილნი, სხვადასხვა მიმართულებით იწყებენ მიმოსვლას. ისინი სადაც დაუსარყავი ან ასკილის უეკლო კარ-ფანჯარა დახვდებოდათ, იქ მოიკალათებდნენ“, ოჯახსა და ნათესებს ზიანს მისცემდნენ.

ფშაველი მეურნე ფარცხვის შემდეგ მიწაზე ჯვრის გამოსახულებას აკეთებდა იმავე წესით და იმავე დანიშნულებით, როგორც ამას ადგილი ჰქონდა ხევსურეთში, ქართლსა და კახეთში, ე. ი. ჯვარი ამ შემთხვევაში კეთდებოდა აბოთროპეული დანიშნულებით. რაც შეეხება „ნათესების მწყემსს“, მისი ანალოგიურია ქართლში გავრცელებული „ბოსტნის დედოფალა“ და კახური „ბოსტნის კუკი“. ქართლში ბოსტნის დედოფალას ბოსტანში თესვის სამუშაოების დამთავრების შემდეგ დგამდნენ. მას დისახლისი უბარებდა „აბა ჩემო დედოფალა, შენ იცი ჩემ ბოსტანს როგორ მოუვლიო“. 1957 წელს ჩერქეზეთში მუშაობის დროს სოფ. აფიფსიპაში (კრასნოდარის მხარის, ოქტომბრის რაიონი) შაფსულების სოფლებში რამდენიმე ადგილზე დადასტურდა ბოსტნის დედოფალა, რომელსაც ადილელები „ხანცერ გვაშეს“ და „ზლაპსაც“ უწოდებდნენ.

ფშაური „ნათესების მწყემსი“, ქართლ-კახური „ბოსტნის დედოფალა“ და ჩერქეზული „ხანცერ გვაშე“ ერთი ფუნქციისანი არიან. მათ ნათესების დაცვის მოვალეობა აქვთ მინდობილი. მაგრამ ისინი სხვადასხვა ბუნებისანი არიან. „ნათესების მწყემსი“ მამაკაცურ ბუნებას უნდა ასახავდეს, „ბოსტნის დედოფალა“ კი მდედრული ბუნების მატარებელია. მათი ასეთი განსხვავებული ბუნება მათ წარმოშობა-განვითარების სტადიურობასაც უნდა გამოხატავდეს. ბოსტნის დედოფალი, ქალის, როგორც სამიწათმოქმედო მეურნეობის პირველი წამოწყების, ანარეკლს მოგვავაგონებს, რომელმაც შესაძლებელია პირველი მოღვწეობა მიწათმოქმედებაში სწორედ მებოსტნეობით და--

იწყო. ნათესების მწყემსი კი მემინდვრობის სტადიას უნდა გამოხატავდეს, სადაც მამაკაცი წამყვანი მეურნის ფუნქციას ასრულებდა.

გაზაფხულის თესვის დამთავრების შემდეგ სოფელი „სამხთოს“ (სალეთო) იხდიდა. სამხთოზე ხდებოდა სოფლის საუქმო დღის დაწესება. საუქმო დღე სხვადასხვა სოფელს სხვადასხვა ჰქონდა არჩეული. ამ აღკვეთილ დღეს სეტყვის დღესაც უწოდებდნენ. მისი უქმობა მკის დაწყებამდე გრძელდებოდა, უქმე დღეს მიწის შეკვრა არ შეიძლებოდა, არც ხარს შეაბამდნენ უღელში. ტყის სამუშაოებსაც კი გაუბრუნდნენ. აღსანიშნავია, რომ ქართლში უქმე დღეს მიწის სამუშაოებს არ ასრულებდნენ, მაგრამ ტყის საქმეს კი აკეთებდნენ.

ზოგჯერ სამლთოზე ხდებოდა „მთისა და ბარის“ მეველეების არჩევა. სოფელი ამისათვის ორ კაცს გამოჰყოფდა: ერთს მთის სათიბების, მთის ნათესების, მეორეს კი ბარის ნათესებისათვის თვალყურის დევნება ევალებოდა. ბარის მეველეს ჰირნახულს (ხორბლულს) აძლევდნენ, კომლზე ერთ ლიტრს, ხოლო მთის მეველეს წელიწადში ერთ თივას (თივის ერთ ზონს). მეველეები მოსავლიან ალუბისთანავე წყვეტდნენ თავის ფუნქციას.

ამრიგად, ფშავის მემინდვრობა ძირითადად გაშლილი იყო არაგვის ვიწრო ხეობაში, რომელსაც როგორც მარცხნიდან, ისე მარჯვნიდან პატარა შენაკადი მდინარეების ხეობები გააჩნია (შარახევი, მალარო, კაწალხევი და სხვ.). ფშავის მემინდვრობა 800 მეტრიდან 2000 მეტრამდე ზოლში იყო მოქცეული. კლიმატურ-გეოგრაფიული და მიწის თემური სარგებლობის წესები ფშავის მემინდვრობას გარკვეულად ზღუდავდა. XIII საუკუნიდან ფშავში ფებს იკიდებს ფეოდალური ურთიერთობა. ფეოდალურმა და სახელმწიფო ვალდებულებამ ფშავის მოსახლეობა ეკონომიურად შეავიწროვა. შუა საუკუნეებში ფშავის მოსახლეობა აქტიურად იბრძვის მთაში ფეოდალური ურთიერთობის შემოღების წინააღმდეგ, მაგრამ ეს ბრძოლა ფშაველთა თემის მარცხით დამთავრდა.

ფშავის მეურნეობის ძირითად სამეურნეო დარგს მემინდვრობა და მეცხოველეობა შეადგენდა. გვიანი ღროისათვის მხარის ეკონომიკაში ერთ წამყვან დარგად მეცხვარეობა გახდა. ამ გარემოებამ გარკვეულად იმოქმედა ფშავის სოციალური სტრუქტურის სურათზე. ფშავში ჩნდება მდიდარი მეცხვარე და ღარიბი მწყემსის კატეგორია.

მემინდვრობის ადრინდელი დონე, სადაც თემს მტკიცედ ეკირათავისი უფლებები მიწათსარგებლობის საქმეში, თანდათან დაკნინდა. ეთნოგრაფიულმა მასალამ საშუალება მოგვცა რეკონსტრუქცია გავ-

ვეკეთებინა ფშავში მიწათსარგებლობის წესებისათვის. სათემო მიწა ალღუმად ნაწილდებოდა. ალღუმი ხშირად მოგვარეთაგან შედგებოდა.

დამოწმებული იქნა საყურადღებო გარემოება, როცა ახო რამდენიმე ხანს პატრონს რჩებოდა შემდეგ კი სათემო სარგებლობაში გადადიოდა.

ფშავში მემინდვრობის იარაღების სიუხვე ქარჩი, ცულ-ქარჩი, თოხები, სახვნელი იარაღები, ამ იარაღების სხვადასხვა ფუნქციის დანიშნულებით გამოყენებაზე მიუთითებს.

ფშავის მემინდვრობისათვის დამახასიათებელს და დიდად საინტერესო მასალას იძლევა სახატო მიწის გამოყენების წესები, სადაც მეღავნდება როგორც შრომის წესების, ისე შრომის ორგანიზაციის უძველესი ფორმები. აქვე მნიშვნელოვანი მასალა ვლინდება მემინდვრობასთან დაკავშირებული რელიგიური რწმენა-წარმოდგენების ხაზით, რაც რიგ სხვა მოვლენებთან ერთად ფშავის მემინდვრობის ღრმა ისტორიულ წარსულზე მეტყველებს.



მემინდვრობა ხევსურეთში

1. საერთო მიმოხილვა. ხევსურეთი მდებარეობს კავკასიონის ცენტრალური ქედის სამხრეთ და ნაწილობრივ ჩრდილო კალთაზე. რომელსაც საზღვრავს ჩრდილოეთიდან ჩეჩენ-ინგუშეთი, აღმოსავლეთით თუშეთი და ფშავი, სამხრეთით გუდამაყარი, ხოლო დასავლეთით ხევი. ხევსურეთის ჰავა გვალვიანი და კონტინენტურია, წლიური საშუალო ტემპერატურა 5—6,8 გრადუსს უდრის. თბილ თვეებში 16,5—19°. ატმოსფერული ნალექების წლიური ჯამი კი 880 მმ. ხევსურეთის ლანდშაფტი კლდოვან-მთიანია. წყალგამყოფი ქედების წყალობით ხევსურეთის მოსახლეობა სამ უბანშია ლოკალიზებული: შატილის, არხოტის და პირაქით თემების სახით. აღნიშნული მიკრორაიონები თავისებური მდებარეობის მიხედვით, რასაც ისევ გეოგრაფიული გარემო იწვევდა, ცალკეულ თემად იყო წარმოდგენილი. თითოეულ მიკროერთეულში მეურნეობის განვითარებისათვის სხვადასხვა პირობები იყო. მაგ., პირიქითის ხეობაში ხევსურებს, მემინდვრობასა და მსხვილფეხა მესაქონლეობის გარდა, საშუალება ჰქონდათ მეცხვარეობასაც მიჰყოლოდნენ და ცხვარი რბილი ზამთრის პირობების გამო, ადგილზე გაეკვებათ. პირაქეთის ხევსურებისათვის იმავე ბუნებრივი პირობების გამო ამ სახის მეცხვარეობა გამორიცხული იყო და მათი მეურნეობის ძირითად დარგებს მემინდვრობა და მსხვილფეხა მესაქონლეობა შეადგენდა.

როგორც ცნობილია, ხევსურეთი ყველაზე მეტად ეთნოგრაფიული თვალსაზრისით არის შესწავლილი. არქეოლოგიური შესწავლა ხევსურეთისა დღემდე არ დაწყებულა. არქეოლოგებს ამ კუთხეში, თავისი გეოგრაფიული მდებარეობის წყალობით, ნაკლებ საინტერესო მასალა შემოუწია. კლდე-ლორღიანი, დაფერდებული მდებარეობა, რომელიც ხეობების ახლო განლაგებაშია მოქცეული, არქეოლოგიუ-

1 ლ. მარუაშვილი, საქართველოს ფიზიკური გეოგრაფია, 1964, გვ. 202; მ. საბაშვილი, საქართველოს სსრ ნიადაგები, 1965, გვ. 385—386.

რი ნაშთების სახითათო საცავია და შეიძლება ეს გარემოება კიდევაც გახდა გადამწყვეტი მიზეზი მატერიალური კულტურის ამსახველი ნივთიერი მასალის ძუნწად შემონახვისა.

მთავარიანი ხევისურეთი მრავალმხრივ არის საინტერესო. საქართველოს მთის არც ერთ კუთხეს არ გამოუწვევია ისეთი დაინტერესება, როგორსაც ხევისურეთი იწვევს. დაინტერესებულნი არიან ამ კუთხით, როგორც ეთნოგრაფები, ისე არაეთნოგრაფები. ხევისურთა ძველი ყოფის შესწავლით დაინტერესებულნი იყვნენ როგორც ძველად, ისე ახლად; როგორც ქართველი საზოგადო მოღვაწენი და მეცნიერები, ისე უცხოელებიც.

ხევისურეთის ეთნოგრაფიული შესწავლა განსაკუთრებით საბჭოთა პერიოდში გაძლიერდა. ქართველმა ეთნოგრაფებმა ამ კუთხის ეთნოგრაფიულ მასალებზე შექმნეს არაერთი საფუძვლიანი გამოკვლევა, რაც მთავარია, ხევისურეთში ჩატარებულმა ექსპედიციებმა მოიპოვეს მნიშვნელოვანი ეთნოგრაფიული მასალები. მიუხედავად იმისა, რომ მიმდინარეობს ხევისურეთის კომპლექსური შესწავლა, დღემდე მისი მეურნეობა ცალკე კვლევა-ძიების ობიექტად არ გამხდარა, თუ მხედველობაში არ მივიღებთ ზოგიერთ ისეთ გამოკვლევებს, რომლებიც ზოგად წარმოდგენას გვაძლევენ ხევისურთა მეურნეობის ღარგებზე ან განიხილავენ სხვა საკითხებთან ერთად.²

წინამდებარე ნაშრომისათვის მოპოვებულ იქნა ეთნოგრაფიული მასალა, როგორც პირაქეთ, ისე პირიქით ხევისურეთში. ზეპირ მასალასთან ერთად ჩვენვე შეეძელით დაგვეფიქსირებინა შრომის იარაღები გამოყენებაში.

მთავარიანი მდებარეობა, ხანგრძლივი ზამთარი, ხრიოკი ნიადაგები, მიწის თემური სარგებლობა, მეურნეობის საერთო ნატურალური წარმოება, ხევისურს ნაკლებ საშუალებას აძლევდა, რომ მეურნეობისათვის აქტიური ხასიათი მიეცა. ხევისურეთში მეურნეობის ორი ღარგი იყო იმთავითვე წარმოდგენილი: მესაქონლეობიდან — მეძროხეობა და მიწათმოქმედებიდან — მემინდვრეობა. ბუნებრივი გარემო არც ერთი მათგანისათვის არ იყო ხელშემწყობი. მიუხედავად ამისა, ადგილობრივ პირობებთან შეხამებით, ხევისური ახერხებდა ორივე

² ვ. ბარდაველიძე, გ. ჩიტაია, ქართული ხალხური ორნამენტი, ხევისურული, 1939; ს. მაკალათია — ხევისურეთი, 1933; თევდორაძე, ხუთი წელი ფშავ-ხევისურეთში; ნ. ხიზანიშვილი, ეთნოგრაფიული ჩანაწერები, 1940; გ. ჩიტაია, ხევისურული სახლის სენე, ანალები, 1947; ვ. ბარდაველიძე, ხევისურული თემი, საქართველოს სსრ. მეცნ. აკად. მოამბე, ტ. XII, № 8; В. Басилашвили, В недрах Хевсуретии, Червоный схід, № 6, 1930 და სხვ.

ეწარმოებინა და ოჯახის მოთხოვნილებები რამდენამდე აღგილობრივ შპოვებული პროდუქტით დაეკმაყოფილებინა. მაშინ კი, როცა მას ადგილზე შპოვებული პროდუქტები აღარ ყოფნიდა, ეშვებოდა ბარისაყენ და აქედან დღიური მუშაობით შპოვებულ ხორბლელს ეზიდებოდა.

ისტორიულად ხევსურეთი მრავალი ავბედითი დღის მომსწრეა. ფშაველებთან ერთად XV საუკუნემდე ხევსურები ფხოელთა სახელით მოიხსენებიან. ისტორიის ასპარეზზე ფხოელნი გამოდიოდნენ საქართველოს ფეოდალური ხელისუფლების წინააღმდეგნი. საქართველოს ფეოდალური სამეფო ფხოელთა დამორჩილებას IV საუკუნიდანვე შედგომია და ეს ბრძოლა ქრისტიანული სამოსლით წარმართულა, ფხოველნი მაშინვე მიხვედრილან თუ რა მოყვებოდა გაქრისტიანებას და მათ წმინდა ნინოს და იოანე ეპისკოპოსის ქადაგება „არა ისმინეს“, რასაც ის მოჰყოლია, რომ ქრისტიანობის მქადაგებლებთან ერთად იბერიის მეფის მიერ წაყვანილმა „ერისთავჳან: მეფისამან: მცირედ წარმართა მახვილი მათზე და ძლევით შემუსრა კერანი მათნი“. ამ გარემოების შედეგად „ფხოელთა დაუტევეს ქვეყანა მათი და გარდავიდეს თუშეთს“³. ფხოელნი ფეოდალური ხელისუფლების წინააღმდეგობას შემდეგშიც აგრძელებენ, ქვეყნის შინაგანი მდგომარეობის გაუმჯობესებისათვის მთიელთა შემომტყიცებას დიდი მნიშვნელობა ენიჭებოდა. ამიტომ ბრძოლა „ურწმუნო მთიულთა მოსაქრისტიანებლად“ საკმაოდ დიდხანს მიმდინარეობდა: ბრძოლის ძირითადი მიზანი, აღნიშნავს გ. მელიქიშვილი, ის იყო, რომ ქართლის ფეოდალურ სახელმწიფოს დაემორჩილებინა ნახევრად დამოუკიდებლობაში მყოფი მთიელნი, რომლებიც იღვნენ თემური წყობილების საფეხურზე, რომ ქრისტიანული რელიგიის გავრცელების მიზნით ბრძოლა იყო საუკეთესო იარაღი, რომელიც ბოლოს უღებდა არაქართული წარმოშობის მთის დამოუკიდებლობას და კლასობრივი საზოგადოების უღელში აბამდა მას⁴.

ამ ბრძოლას თამარისა და რუსუდან მეფის დროსაც დიდი მსხვერპლი მოჰყოლია. ფხოელთ სიჯიუტე ძვირად უჭდებოდათ. ამ ბრძოლების მოწმე XI საუკუნის ერთი ეპიგრაფიკული ძეგლი გვამცნობს, რომ ფხოველნი დიდად განრისხებულ მეფეს 340 სახნისით დაუბეგრაიან⁵.

³ ქართლის ცხოვრება, I, გვ. 125.

⁴ Г. Мелликишвили, К истории древней Грузии, 1959, გვ. 129.

⁵ ვ. ცისკარიშვილი, გომეწრის წარწერა X—XI საუკუნისა, მაცნე, 1965, № 6, გვ. 185.

თემის დასახელება	სადგამი			მეფის რაოდენობა დეკტენებში					მესაქონლეობა				
	სადგამი	მსოფლიო	სადგამი	სადგამი	სადგამი	სადგამი	სადგამი	სადგამი	სადგამი	სადგამი	სადგამი	სადგამი	სადგამი
ახიულის თემში	116	277	242	4,30	2220	95,70	79,00	10782	134	401	669	62	
ბარისახოს თემში	344	800	758	10,20	1670,60	322	300,40	9493,00	321	1117	1442	230	
ბაჯალდოს თემში	125	315	285	4,20	41,00	89,801	114,00	4587,00	115	343	419	70	
როსტის თემში	165	378	363	4,90	506,10	166,10	188,60	5841,00	206	579	892	100	
შატალის თემში	121	272	280	2,95	1760,00	108,11	149,94	17,100,00	177	591	1822	102	
არდობის თემში	83	221	235	5,50	3000,00	103,50	170,10	15738,00	143	328	2357	72*	
ს ო ზ ლ ე ბ ის მ ი ბ ე ლ ე ბ ა													
აჭარა	35	91	63	1,00	660	26,00	15,00	4120,00	41	143	281	20	
ბარისახო	46	101	200	1,00	200,00	32,00	10,00	900,00	50	174	182	38	
დათვისი	48	105	100	2,200	200,00	43,00	50,10	2134	64	161	239	30	
შატალი	33	83	88	1,00	1000	42,00	50,00	7233,10	53	104	543	217	

* М. В. Мачабели, Экономический быт госуд. крестьян Тифлисского уезда Тифл. губ. МИЭКБН, 1887, стр. 522.
 1. იქვე, აგ. 410—520;

საქართველოს მთელთა განდგომა ცენტრალური ხელისუფლებით-სათვის არახელსაყრელ გარემოებას ქმნიდა და ამიტომ როცა მათი შემეგობრება ბრძოლის გზით არ ხერხდებოდა, მაშინ ქართლ-კახეთის მეფეები ეკონომიური ბლოკადის საშუალებით ახერხებდნენ დამეგობრებას. ამ გზას ადგა კახეთის მეფე ლევანი, რომელმაც ფშავ-ხევსურთა და თუშებს ზამთრის საძოვრების გამოყენების სამაგიეროდ სამხედრო ბეგარა დააკისრა. ამავე პოლიტიკას აგრძელებდა მეფე ერეკლე, რომელიც აგრეთვე ხევსურთა მიერ ხატის მოძმედ იყო აღიარებული. იგი ხევსურთა რელიგიური ცენტრისა და ყველაზე ძლიერი ხატის — გულანის ჯვრის თანატოლადაც მოიხსენიებოდა.

ხევსურეთის თემის და მიწათმფლობელობის სოციალური სტრუქტურის განხილვამდე საჭიროდ მიგვაჩნია ორიოდ სიტყვით მისი ეკონომიური მდგომარეობა დავახსიანოთ ზოგადად. ზემოთ აღვნიშნეთ, რომ ხევსურეთის გეოგრაფიული მდებარეობა რელიეფის თვალსაზრისით და ნიადაგები არ არის ხელსაყრელი მემინდვრეობის განვითარებისათვის (ზღვის დონიდან საკმაოდ მაღალი ზოლია), მაგრამ იგივე გარემოება არც ადგილზე მობინადრე მეცხოველეობის განვითარების საშუალებას იძლეოდა. მეურნეობის ორივე დარგი ადგილზე დიდი შრომის შედეგად მოიწეოდა.

ხევსურთა მეურნეობაზე დაკვირვება ცხადყოფს, რომ ჯერ კიდევ 1870-იან წლებში მათი სახნავ-სათესის უდიდესი ფართობი, რომელიც მუდმივ გამოყენებაში იყო მოქცეული, ე. ი. იხვნოდა და ითესებოდა, კომლზე 1 ღესეტინას არ აღწევდა (იხ. თანდართული ცხრილი № 1), ამ საეარგულის გადაყვანა თითოეულ სულ მოსახლეზე შეადგენდა საშუალოდ 1—1,5 დღიურს. არც სათიბების მხრივ გვაქვს დიდი ფართობები. დაახლოებით ერთ დღიურზე 4—5 სული პირუტყვი მოდიოდა, რაც პირუტყვის ინტენსიური ნამატის შესანახად სრულიადაც არ იყო საკმარისი (ქვემოთ კონკრეტული მასალით ეს სურათი უფრო ცხადად გამოჩნდება). ეს გარემოება ხევსურს აიძულებდა არა მარტო მეტი შრომა დაეხარჯა მეურნეობის საწარმოებლად, არამედ საარსებო დოვლათის საშოვნელად მიემართა სხვადასხვა საშუალებებისათვის. ამ საშუალებათაგან ერთ-ერთი იყო მეკობრეობა, რომელსაც თემის მესვეურები ხელმძღვანელობდნენ⁸. სხვა საშუალებებიდან აღსანიშნავია საშოვარზე გასვლა. ხევსურეთი 5 თემისაგან შედგებოდა. თითოეული თემი მიწის გარკვეულ რაოდენობას ფლობდა.

⁸ ვ. ბარდაველიძე, ხევსურული თემი, საქართველოს მეცნ. აკად. მოამბე, ტ. XIII, № 8, 1952, გვ. 500.

სათემო მიწა და სათემო ტყე სახნავ-სათესად ოდესღაც ძველ მამებზე ყოფილა განაწილებული. ძველი მამების მოდგმის არათანაბარმა სეგმენტაციამ (ე. ი. ზოგი აქტიურად მრავლდებოდა, ზოგი პასიურად) შემდგომი თაობებისათვის გამოიწვია მიწის ფართობების არათანაბარი რაოდენობით დაგროვება. ერთეული ოჯახები ნაკლებ ფართობს ფლობდნენ და „მდარე“ ოჯახებად იწოდებოდნენ, ისინი ვინც მეტს ფლობდა „აშენებულ“ ოჯახებად ითვლებოდნენ⁹. მაგრამ იგივე აშენებულ ოჯახები გარკვეული პერიოდის შემდეგ მდარე ოჯახის ბედში ვარდებოდნენ. ყოველივე ეს ხევისურთა ყოფაში გარკვეულ ასახვას პოულობდა. მდარე ოჯახები დაკაბალებულ ურთიერთობაში ექცეოდნენ აშენებულთან, უხდიდნენ მათ საგვარმეტოს, უდგებოდნენ მოჯამაგირეებად და მფარველობას ეძებდნენ¹⁰.

საცხოვრისი პირობების სიმძიმე გარკვეულად მოქმედებდა ხევისურთა გამრავლებაზედაც. ხევისურთა ნამატის ერთი ნაწილი არაგვის ხეობის ჩასწვრივ გუდამაყარ-მთიულეთის და ფშავის ჰაშუალედო პუნქტების მონაცვლეობით, თანდათან ქართლის ბარისაკენ ეშვებოდა: მეორე ნაწილი კი ივრის ხეობით, ერწო-თიანეთის კახეთის რაიონებისაკენ მიდიოდა. ამ სურათს თვალნათლივ წარმოგვიდგენს ჩვენ მიერ შედგენილი ხევისურთა სოფლების კომლობრივი მაჩვენებელი უკანასკნელი 90 წლის მანძილზე. ეს მაჩვენებელი აღებულია სამ სხვადასხვა პერიოდში: პირველი 1870-იანი წლებისაა, მეორე 1926 წლის, ხოლო მესამე — 1960 წლის. 1960 წლის მაჩვენებლების მკვეთრი განსხვავება გამოწვეულია ბარში ხევისურთა რეგულარული ჩამოსახლებით. მრავალი ხევისური ახალგაზრდა აქტიურად ჩაება ბარის, როგორც სოფლის მეურნეობის საქმიანობაში, ისე სამრეწველო ხასიათის წარმოებაში.

2. სახნავ-სათესი ნიადაგის მოპოვება. ხევისურეთში სათემო მიწები ოდესღაც დანაწილებულია ძველ მამებზე, სახნავ-სათესი, სათიბი და ტყეები გაუნაწილებიათ, საძოვრები კი სათემო მოხმარებაში დარჩენილა. ძველი მამის შვილებს თემისაგან მიღებული მიწის ნაკვეთი უნდა დაემუშავებინათ და მამიშვილობის სეგმენტაციის დროს მამეული სახნავი და ტყე თანატოლად გაენაწილებინათ „საძმოდ“. როცა მამეული ოჯახი აქტიურად მრავლდებოდა, მამის მამულის რაოდენობა თანდათან კლებულობდა, მამულის გაფართოება თითოეულ ოჯახს მხოლოდ თავისივე ტყის ხარჯზე შეეძლო ე. წ. „ახოს დანაყვის“ გზით.

⁹ ს. მაკალათია, ხევისურეთი, გვ. 57.

¹⁰ ვ. ბარდაველიძე, ხევისურული თემი, გვ. 501.

კომლთა რაოდენობის მაჩვენებელი ხევისურეთში სხვადასხვა დროს

სოფლები	კომლთა რაოდენობა 1873 წლის მიხედვით	კომლთა რაოდენობა 1926 წლის მიხედვით	კომლთა რაოდენობა 1960 წლის მიხედ- ვით
აკუშო	32	22	11
აკე	16	13	7
ბარისახო, ზემო ბარისახო	46	22	77
ბოჭჩვილო-ჯარჭაულო	20	13	4
ბურქუქურთა	28	10	8
გველეთი	15	20	6
დათვისი	48	28	9
მოწეაო	18	23	7
ოხერ-ხევი	13	10	5
საბერძენე	7	6	
უკანახო	32	30	18
ქობულო-მალრანით	11	13	3
ჩირდილი	41	15	9
ქალის სოფელი		10	5
ატაბე	8	12	4
აყნელი	9	10	5
ბაკალიგო	31	18	7
ბ ი ს ო	24	20	15
ბ ლ ო	43	28	?
გულანი	20	19	8
ზეისტეჩო	20	13	6
როშკა	23	30	10
ქმოსტი	36	19	5
ლელის ვაკე		15	4
ლული	34	17	6
ჩხუბა და მისახო	6	8	7
ქვეურთა	12	9	7
წინ ხალუ	10	6	7
ქ ი ე	16	9	7
კორმეშაევი	20	11	7
ხახმარტი	38	16	15
ხიტალე	7	8	—
უკანა ხალუ	32	23	?
ანდაქი	?	10	10
არდოტი	33	25	16
არჭილო	?	8	14
გიორგი წმინდა	?	39	12
გურო	49	5	
ლუბაის კარი	15	12	3
მუცო	19	31	6
კისტანი	23	9	7
შატლი	32	50	6
ხახაბო	31	26	9
ხონის ქალა		11	11
ხომი		6	
იმლა	35	28	14
ახიელი	49	22	10
ჭიშლა	17	28	9 ¹¹

¹¹ 1873 წლის მონაცემები ამოღებულია მ. მაჩაბელას გამოკვლევებიდან ЭКОНОМИ-

ახოს აღება ტყის გაჩეხვით იწყებოდა და ჩირგვების ამოყრა დაწვით მთავრდებოდა, რასაც აქ „ტყის დანაყას“ უწოდებდნენ.

ტყის დასანაყ იარაღებად გამოყენებული იყო: ცული, ქარჩი, თოხი, წერაქვი, ნაწილობრივ ბარი. ბარს ხევისურეთში ადგილობრივი სამუშაოებისათვის ნაკლებად იყენებდნენ. მას ხშირად 90° მოხრილ ტარს უგებდნენ და თოხივით ხმარობდნენ, ამას ბართოხს უწოდებდნენ. ბარს კი, როგორც მიწის საბარ იარაღს, მაშინ იყენებდნენ, როცა ბარის რაიონებში ჩამოდიოდნენ ბალ-ბოსტნებში და ვენახებში სამუშაოდ. აქ ხმარებაში იყო აგრეთვე ახოს აღების საქმეში საყოველთაოდ გავრცელებული ხის ჭაყვერი იარაღი, რომლითაც გასახმობ ხეს ირგვლივ ქერქს შემოათლიდნენ ხოლმე. ხევისურეთში გამოყენებული სამუშაო იარაღები ადგილობრივი ან ფშაველი და მთიულეთ-გუდამაყრელი მქედლების ნახელავია და ამდენად ხევისურულ სამეურნეო იარაღებში, მეზობელი რაიონების ქართველ მთიელთა ხელით სამუშაო სამეურნეო იარაღებთან შედარებით, რაიმე განსხვავება და თავისებურება არ შეიმჩნევა.

თუ მიწის მოპოვება ტყიანი ადგილის გატეხვის ხარჯზე ხდებოდა, მაშინ ცდილობდნენ წიფლის ხის ნადგომი მზვარე და მოვაკებული ადგილმდებარეობა შეერჩიათ.

„ტყის დანაყა“ მაშინ იწყებოდა, როცა ხე ფოთლით კარგად შეიმოსებოდა. გაზაფხულზე ხეს მიწიდან ერთი მტკაველის სიმაღლეზე ცულით ან საყვერით შემოყვერავენ. შემოყვერვა გულისხმობდა ან სპეციალური იარაღით (რომელსაც სახელად საყვერი ეწოდება) ქერქის შემოთლას, ან ცულით ამ ქერქის დაკეპნას და ამოთლას.

ხის შემოყვერვა ახოს აღების სისტემაში ტყის გახმობის მიზნით ჩატარებული მუშაობის ერთი ყველაზე ძველი მეთოდი უნდა იყოს. ამ მეთოდის გამოყენების დროს საახოე ნაკვეთიდან არც მასალის გატანა ხდებოდა, არც შეშისა. ეს გარემოება ერთგვარად გამოთიშავს სამკრელი იარაღების აქტიურ გამოყენებას ახოს სისტემაში, რაც საერთოდ ახოს სისტემის ადრეული საფეხურებისათვის იყო დამახასიათებელი. შემოყვერილ-შემოყვერილი ხე ხმებოდა, მას ცეცხლის მიგზნებით ზეზეურად დაწვავდნენ. თუ ტყეს გაჩეხვით გაასუფთავებდნენ (და ეს მეთოდი უფრო ხშირი მოვლენა ყოფილა ხევისურ-

ческий быт государствен. крестьян Тшанетского уезда Тшфлис. губ. МИЭБГКЗК, т. V, 1887, გვ. 502—503—504; ხოლო 1926 წლის მონაცემები ს. შაკალათიას წიგნიდან „ხევისურეთი“, 1935, გვ. 18, 19; 1960 წლისათვის ხევისურეთის კომლობრივი მონაცემების შესახებ ცნობები მივიღეთ ბარისახოს სასოფლო-სამკრედან.

რეთში), ამ საქმეზე ერთი კაცის შრომა არ კმაროდა; მას მეზობელთა დახმარება სჭირდებოდა. ამ მიზნით სტოდნიათ „ტყის მნაყველი“ მუშის შეყრა. მუშა სამაგიეროს აუნაზღაურებლად ეხმარებოდა. იმ სოფლებში, სადაც ტყე მცირე რაოდენობით გააჩნდათ და იგი სახნავე-სათესის ანალოგიურად ადლუმ-ადლუმად იყო დანაწილებული, ოჯახი სახნავე მიწის მოპოვებას თავისსავე კუთვნილი ტყის ხარჯზე წარმართავდა, ეს უკანასკნელი გარემოება ოჯახისათვის არც თუ დიდად სახარბიელო ყოფილა, რადგან ამით ტყის მარაგი უმცირდებოდა.

რადგან ახოს ალება ტყის გატეხის საქმესთანაა დაკავშირებული აქ ორიოდე სიტყვით გვინდა ტყის მფლობელობის და განაწილების წესსაც შევებოთ; სოფელ ხახმატის მაგალითის მიხედვით ტყის მფლობელობა-განაწილების მდგომარეობა შემდეგი სახით წარმოგვიდგება: სოფელი ოთხ ადლუმად, ანუ მამად იყო გაყოფილი: 1—აღექსაურები, 2—მშაველნი, 3—ფერაულნი და 4—გამღივარაულნი¹².

თითოეული მამის, ანუ ადლუმის შიგნით ტყე დანაწილებული იყო სამძოდ, ე. ი. მამიშვილებზე. განაწილება ტყისა ოჯახის გაყრილობას მოსდევდა. საოჯახო ან საგვარო მულმივი პირობითი ნიშნები სამამო ან სამძოდ ტყის ნაკვეთებს არ ჰქონია. განაწილებული ტყის ნაკვეთები ერთიმეორისაგან გამოყოფილი იყო „საყარით“. საყარი კეთდებოდა გაყრილ ძმებთან ერთად ორი სხვა წევრის თანდასწრებით. მიჯნაზე შედარებით გასარჩევ ხეს შეარჩევდნენ და მასზე რაიმე არასტაბილურ, არადადგენილ პირობით ნიშანს ამოკვეთდნენ. მაგ., ხეს ქერქს ჩამოათლიდნენ ერთ ან ორ-სამ ადგილზე, შემდეგ ძირზე ჭებებს მიუყრიდნენ. თუ სამძოთა შორის მიჯნაზე გამოსარჩევი ხე ნაკლებად მოიძებნებოდა, მაშინ ჩვეულებრივ ხეს წიფელი იქნებოდა, თუ არყი, „წოწკა“ დაახვედნენ და ის მერე მაღალი გაიზრდებოდა. ამის მიხედვით შემდეგი მიჯნების გარჩევა შორიდანაც შეიძლებოდა.

ტყე ხატსაც გააჩნდა და მას სოფელი ვერ შეუდიოდა, მას მხოლოდ დასტურები იყენებდნენ სახატე ლუდის სადულად ან არყის გამოსახდელად. აღსანიშნავია, რომ ქართლის ბევრ სოფელში და აგრეთვე ქართლის მთის რაიონებში, დღემდე შემორჩენილია სახატო

¹² ხევსურული ადლუმის საკითხი ვრცლად არის გაშუქებული რ. ხარაძის ნაშრომში: „Хевсурское аглуми-форма древняя форма общественного экономического объединения“, კვ. ტ. I, 1964. რ. ხარაძის დაკვირვებით ადლუმი თავის სიძველეს ავლენს რელიგიური დღეობების დროს სხვადასხვა ჩვევაში (იქვე, გვ. 50). მისივე აზრით, ადლუმი უნდა წარმოადგენდეს გარკვეულ ფორმას მიწის მფლობელობისას, რომელიც გამოხატავს იმ ეტაპს, როცა საერთო საკუთრება იშლება კერძო საკუთრებად (იქვე, გვ. 51).

ტყის კორომები, ასეთი ტყის კორომების გამოყენება, ხალხის რწმენით, არ შეიძლებოდა. ტყიდან შეშის წამლებს რაიმე უბედურება დაატყდებოდა, მის მომჭრელს და სახლში წამლებს ღმერთი დასჯიდა.

ქართლის მთის და ბარის რაიონებში ტყის კორომების შემონახვა სახატო ტყის არსებობის წმინდა პრაქტიკული დანიშნულებითაც უნდა აიხსნას, რომელ სტადიასაც ხევსურეთთან შედარებით ქართლი აღრეა ვაცდენილი, ე. ი. ჩვენი ვარაუდით, ოდესღაც სახატო ტყეს ქართლშიც სახატო მეურნეობის საჭიროებისათვის იყენებდნენ. სახატო მეურნეობისათვის ტყის საჭიროება და ხის, როგორც საკულტო საგნად აღიარება, ხელს უწყობდა სახატო ტყეების საგანგებო დაცვას.

ხევსურები ტყის საუკეთესო მოხელეებად იყვნენ ცნობილი. ხევსური მეშეშენი ხშირად შეზობელ რაიონებშიც გადიოდნენ ტყის სამუშაოებზე. გ. რადე ხევსურებს საუკეთესო მეტყვევებად მიიჩნევდა. იგი აღნიშნავდა, რომ ხევსურების საქმიანობა ტყისადმი დამოკიდებულებაში მისაბაძია არა მარტო ქართველთათვის საერთოდ, არამედ მათგან ევროპელთაც კი შეუძლიათ ბევრი რამის გადაღებაო. მას მოჰყავს მაგალითები, თუ როგორ ამზადებდნენ ისინი ფიჩხს და რადიდი სიფრთხილით ეკიდებიან ტყეს. ტყის დამუშავების საქმეში იჭრ არჩევს შრომის საფეხურებს დაყოფილს სქესის მიხედვით. ტყის მოჭრა მამაკაცთა საქმედ ითვლება, ხოლო მოჭრილის შინ გადაზიდვა, ქალების მოვალეობად. გ. რადე განსაკუთრებით მოხიბლა იმან თუ ტყის მასივებს როგორ წმენდნენ ბუჩქოვანი მცენარეებისაგან და ხეებს აწლევდნენ ზრდის საშუალებას. გ. რადეს მხრივ ეს საინტერესო დაკვირვებაა, მაგრამ მან ვერ ახსნა თუ საიდან მიმდინარეობდა ტყისადმი ასეთი დიდი სიფრთხილე და მასზე თავგამოდებული ზრუნვა. საქმე იმაშია, რომ ხევსურეთში ტყე ანალოგიურად მიწისა, აღლუმებად იყო განაწილებული, აღლუმების შიგნით კი ოჯახებზე გარიგებული. თუ ოჯახი მის კუთვნილ ტყეს წესიერად არ დაიცავდა, არ მოუვლიდა, ოჯახივე დაზარალდებოდა. ის ფაქტიც, რომ გ. რადემ ფშავლები ტყეზე ნაკლებ მზრუნველებად ჩათვალა¹³, იქიდან მომდინარეობს, რომ ფშავში ტყე ოჯახებზე არ იყო დანაწილებული.

მიწის მოპოვება შეიძლებოდა შესყიდვის გზითაც. ხევსურეთში მიწის ყიდვა-გაყიდვის ნორმები მტკიცედ იყო რეგლამენტირებული და დაცული. სოფელში ერთი მამის (სამშოს) წარმომადგენელი სხვა მამის — სამშოს წარმომადგენელს მიწის ყიდვას ვერ შესთავაზებდა.

¹³ Г. Радде, Заметки о Хевсуретин, КК, 1858, გვ. 52-53.

თუ ამ საძმოდან მას თანხმობა არ ექნებოდა. მამული მხოლოდ ალღუმის შიგნით უნდა გაყიდულიყო¹⁴.

თუ ალღუმი უკიდურესობამდე იყო მოსული და მას არ შეეძლო მიწის შექენა, მაშინ მიწის გამყიდველი მეორე ალღუმის წარმომადგენელს მიყიდდა.

მიწის ფასს მისი ღირსება განსაზღვრავდა, რომელიც რამდენიმე პირობით იფარგლებოდა; ძვირფასად ითვლებოდა „კარის“, ანუ „ბოსლის“ მიწები. კარის მამულის ღირებულება ს. მაკალათიას ცნობით, მთის მამულის ღირებულებაზე 5-ჯერ მეტი ყოფილა. მეტ ფასში იყიდებოდა საახოე ტყე და საერთოდ ახალნატეხი მამულები. საშუალო ღირსების დღიურ მიწაზე დათესილი ქერი 70 ძნა უნდა დამდგარიყო. ასეთი დღიური მიწა 1 ძროხად ფასობდა და ზოგჯერ, როცა უნდოდათ, დღიური მიწის ოღენობის გამოხატვა, იტყოდნენ: ერთი ძროხის მამული აქვს ან ორი ძროხის მამულიო და სხვა. თუ მამული დალიანი იყო და ერთი ძროხის ღირებულებას აღემატებოდა, მას ხარის მამულსაც უწოდებდნენ.

ძროხის მამული ხეცურეთის ზოგიერთ თემში 1 წერის მამულთან იყო გათანაბრებული, სისხლ-მესისხლეობაში, როცა დამნაშავე დაზარალებულს მიწის ნაკვეთით უნაზღაურებდა, ამ დროს ხშირად მიწის ფართის მოცულობას ძროხით ან ხარით გამოხატავდნენ და მას წერის რაოდენობას უფარდებდნენ. ერთი ასეთი შემთხვევა, როცა წერის მამულს შესაბამისად ძროხას უფარდებდნენ ალ. ოჩიაური-საგან ჩავიწერეთ, მისი გადმოცემით, სოფელ გუროელი გეჯურა და თოთია გოგოჭურები წაიკიდნენ. თოთიამ გეჯურა თავში დაქრა, ხოლო გეჯურამ თოთიას ხელი მოსჭრა. საწინწინაო პატივის გაღების

14 აღსანიშნავია, რომ ანალოგიურ მდგომარეობას ჰქონდა ადგილი ინგუშეთში. იქ საკარმიდამო მიწა კომლის მედმივე სარგებლობაში იყო, მაგრამ მისი გასხვისების უფლების გარეშე. თუ მფლობელი მის გაყიდვას მოინდომებდა, თანამეთემეთათვის უნდა მიეყიდა. სოფლიდან აყრილის ან ბეითალმანი მიწა თემს რჩებოდა (Гр. Вертепов, Ингуши, Историко-статистический очерк, ТСК, Владикавказ, 1892, с. III) ინგუშეთის და საერთოდ ჩრდლო კავკასიის მთის მოსახლეობის და საქართველოს მთის მოსახლეობის სამეურნეო საქმიანობათა მსგავსება, ხშირად საფუძველი ხდებოდა ხალხური ადათწესებისა და იურიდიული ნორმების მსგავსი ელემენტების გამომუშავებისა. ამიტომაც იყო, რომ ქართველ მთიელთა შორის სადავო საკითხების გაბჭობაში არაიშვიათად იწვევდნენ ხოლმე ჩრდილოელ მეზობელ ტომთა უხუცესთა საბჭოს წარმომადგენლებს, ცნობილ ადათმცოდნეებს და პირიქით, ბევრჯერ ჩრდილოელთა სადავო საქმეებში მოუწვევიათ ქართველი ხევისთავეები თუ ხევისბერები. რ. ხარაძე, ხევისრული ანდრეზი — ხალხური სამართლის წყარო, მიმომხილველი, ტ. II, 1951, გვ. 401.

შემდეგ, ირჯულეს. გეჯურას ქრილობა 5 ძროხად იქნა შეფასებული, თოთიას მკლავი (რადგან თოთია დახებირდა) 9 ძროხად. ხუთ-ხუთი ძროხა ერთმანეთში გაიბარეს. გეჯურას დაედო თოთიას საზღაურად 4 ძროხა. ამ ოთხი ძროხის საფასურში მან 4 წერის მამული მისცა (ალ. ოჩიაური, სოფ. შუაფხო, 1958)¹⁵. ხელნაწერთა ინსტიტუტის არქივში დაცულია დოკუმენტები, სადაც ნახსენებია „ძროხის მამული“ და „ხარის მამული“. მართალია აღნიშნული საბუთი ხევესურეთს არა ვარაუდობს, იგი დიდი და პატარა ლიახვის ხეობის სახასო სოფელს ეხება, მაგრამ ჩანს, მიწის შედარებითი ზომის ერთეულს ღირებულების ექვივალენტის სახეობა — ძროხა ან ხარიც გამოხატავდა. აღნიშნული საბუთი მამულების ერთგვარ ნუსხას წარმოადგენდა, და იგი XVI—XVII საუკუნეებს უნდა განეკუთვნებოდეს.

„სახასო გუდისი

- ქ. სამი საკვამლო თავის გუდისი ბილმაზის სოფელი
- ქ. ერთი საკვამლო ლაჩის მამული
- ქ. სამი საკვამლო ვაგეს და გამსირას სოფელი
- ქ. ერთი ძროხის მამული როინ ვაზაგაშვილისა
- ქ. ბექისაშვილის მამული ნახევარი საკვამლო
- ქ. ბექისაშვილს მამული გოგირას სოფელი

- ქ. ერთი ხარის მამული ხოსინანთი
- ქ. ერთი მამული კაბულანთი
- ქ. ერთი ხარის მამული ზაგაანთი
- ქ. ერთი ხარის მამული, ფუხაანთი და სხვ.¹⁶

იყიდებოდა აგრეთვე სათიბი მთები. მაგ., არხოტში 12 მთიბლს სათიბის ოდენობა 1 ცხვრად ფასობდა. აქ მთა საძმოდ იყო დანაწილებული და მემკვიდრეობით გადადიოდა, მაგრამ აქვე მთის ისეთი ნაწილიც არსებობდა, რომელსაც მოსწრების მიხედვით თიბავდნენ, ე. ი. ვინც მოასწრებდა ის მოთიბავდა*. პირაქეთ ხევესურეთში სათიბები სამამოდ და სამამიმოდ იყო დაყოფილი ისე, როგორც სახნაურები.

მიწის მოპოვება შეიძლებოდა აგრეთვე ძალად თავის დაჭრევიზების ნიადაგზე. ხევესურეთში ამ გარემოებას თუშცა ჰქონდა ადგილი, მაგრამ იგი უფრო ცალკეული შემთხვევების სახით ყოფილა. მაგ.,

15 გ. ჯალაბაძე, ფშავ-ხევესურეთში მივილინების დღიური, რე. № 1.
 16 ხელნაწერთა ინსტიტუტი, ფ. Hd—4918.
 * მოსწრების წესი მიწის თემური მფლობელობის ხანისათვის არის დამახასიათებელი, რომელსაც საქართველოს სხვა კუთხეებშიც ჰქონდა ადგილი. მაგ., გარე კახეთში და ქიზიყის სოფლებში მოსწრების წესით ხნავდნენ სათემო მიწებს (გ. ჯ.).

უქონელი კაცი შარს აუტეხდა მქონებელს, დაეჭრევინებოდა და ალო-
ნიაში მიწის ნაკვეთს გამოართმევდა. ალონიაში 1 დღიური მიწა 5
ძროხის ღირებულებას ფარავდა.

ხევსურეთში მიწის იჯარით გაცემის წესიც არსებობდა, რომელ-
საც უფრო ის ოჯახები მიმართავდნენ, რომელნიც საცხოვრებლად
სხვაგან ე. ი. ბარში იყვნენ წარსულნი და მთაში დარჩენილი მიწა არ
ეთმობოდათ.

ეს უკანასკნელი გარემოება ხევსურთა ყოფის მეტად დამახასია-
თებელი სურათია. ბარში ჩამოსახლებული ხევსურები მტკიცედ არ
იყვნენ დარწმუნებულნი იმაში, რომ ისინი ბარის მუდმივი მკვიდრნი
გახდებოდნენ და ბარიდან უკან დაბრუნების შემთხვევაში, მთაში სა-
ფუძველს არ იკარგავდნენ; იჯარით გაცემული მიწიდან გარკვეულ
შემოსავალს ღებულობდნენ. ს. მაკალათიას ცნობით, მიწის იჯარა ზო-
გჯერ ნახევარი საუკუნის მანძილზე გრძელდებოდა¹⁷.

იჯარის რაოდენობას იჯარადარი და მოიჯარადრე წყვეტდნენ. ზოგ-
ჯერ ერთი დღიური 1 ცხვრად იყო შეფასებული ან ხელითი ძრო-
ხად. ამას ხევსურეთში მიწის დაწინდვას უწოდებდნენ. მიწის დაწინდ-
ვისას დაწინდველი საფასურს არ აძლევდა. ვიღრე დათქმული დრო
არ გავიძოდა, მიწის პატრონი დაშქირავებელს ვერ შეედავებოდა.

მიწას აძლევდნენ აგრეთვე მოსავლის სანახევროდ ან სამესამე-
ლოდ, ე. ი. მიწის პატრონი მიწის ღალაში ღებულობდა მეღალისაგან
მოსავლის ნახევარს ან მესამედს. ყველაზე უფრო გავრცელებული
ფორმა მიწის დაწინდვა იყო. მიწას ზოგჯერ მცირე მიწის მქონებელ-
ნიც წინდავდნენ, რომელთაც სასისხლო საქმეებთან ჰქონდათ ურთი-
ერთობა (ვალების გულისათვის).

მიწის ყიდვა-გაყიდვის და მისი გაჩუქება-შეწირვის უფლება ხევ-
სურეთში შეუზღუდველად მოქმედებდა. სათესი მიწების მეტი რაო-
დენობის მფლობელი მაინც ჯვარი გამოდიოდა.

ჯვარის მამულების წარმოშავლობას ვ. ბარდაველიძე ორ ჯგუ-
ფად ჰყოფს. ერთში აქცევს ჯვარისაღმი სხვადასხვა მიზეზით შეწი-
რულ და ზოგჯერ ძალადობის გზით დაკავებულ მიწებს, ხოლო მეო-
რეში ხატის ოდითგანვე ხელღებულ მიწებს¹⁸.

ამ მეორე ჯგუფის მიწებს ხოდაბუნები ან სახარნალო მამულები
ეწოდებოდა. ხატის მიწების საკითხი ვ. ბარდაველიძის მიერ საკმაოდ

17 ს. მაკალათია, ხევსურეთი, გვ. 57.

18 В. В. Бардавелидзе, დასახ. ნაშრომა, გვ. 96.

საფუძვლიანად არის დამუშავებული¹⁹. გუდანში პირველი ჯგუფის მიწებს, რომლებსაც ვ. ბარდაველიძე რამდენიმე გზით წარმონაქმნად მიიჩნევს, საერთო სახელი „საზეთესლე“ ეწოდებოდა. ამ სახელით იგი გამოიყოფოდა იმ მიწებისაგან, რომელიც ხატს ოდითგანვე გააჩნდა, რომლის წარმოშობა არაფერს იცოდა და რომელსაც ხოდაბუნს უწოდებდნენ.

ხოდაბუნისაგან საზეთესლე იმით განსხვავდებოდა, რომ ხატის დასტურს ხოდაბუნში მოყვანილი მოსავლიდან მხოლოდ ბზე რჩებოდა, საზეთესლედან ნახევარს ღებულობდა, ნახევარი კი მიდიოდა ხატის მიწების როგორც ხოდაბუნის, ისე საზეთესლე მამულების სათესლე მასალად. დასტურს საზეთესლე მამულზე უფრო მეტი თავისუფალი მოქმედების უფლება ჰქონდა; შეეძლო ის საღალოდ გაეცა და აქედან მიღებული მოსავლის ნახევარი მიეღო, ე. ი. დასტური ამ კონკრეტულ შემთხვევაში ექსპლოატაციას უწევდა სახატო-სათემო საკუთრებას.

არხოტში საზეთესლე მიწების კატეგორიას შეესაბამებოდა ე. წ. საიფქლე მიწები, რომლებიც ხოდაბუნებისაგან ცალკე იყო გამოყოფილი. აქ ძველად იფქლი უთესიათ. საიფქლე მამულში მოწეულ მოსავალს დასტურები ჯვარს შუაზე უყოფდნენ და ნახევარს ბელელში ინახავდნენ, რომლითაც ჯვარისათვის ღამის სამთელო და უამსაწირი ქადა-პური ცხვებოდა.

ხატს სამთო სახნაურებიც გააჩნდა, რომელიც დაბალმოსავლიანობის გამო, იშვიათად მუშავდებოდა. ხშირად მცირემიწიანი კომლები მას სამესამედოდ ამუშავებდნენ.

ხოდაბუნიდან აღებული მოსავალი ხელუხლებელი იყო და იგი ხატის მრევლს მთლიანად ხმარდებოდა.

საზეთესლე მიწის წარმოშობის ძირითადი წყარო მაინც შეწირვაა. თვით მიწის შეწირვის პროცესი კი ასე წარიმართებოდა: მიწის შემწირველი იღებდა შესაწირი მიწის ნაკვეთიდან ერთ მუჭა მიწას, თუ რამდენიმე ნაკვეთს წირავდა, მაშინ თითოეულ ნაკვეთიდან თითო მუჭა მიწას აიღებდა, ჯვარში მიიტანდა და შეყრიდა. ამ პროცესს ესწრებოდა დეკანოზი და დასტური. აქვე შემწირველი საკლავსაც დაკლავდა. ყოფილა შემთხვევები, როცა რაიმე მიზეზების გამო, შეწირული მიწა შემწირველს უკან გამოუწირია და მისი შემოსავალი თავადვე გამოუყენებია. ეს იმ დროს ხდებოდა, როცა ჯვარი შემწირველს მიზანს არ გაუმართლებდა.

¹⁹ В. В. Бардавелидзе. Земельные владения древнегрузинских святынищ, СЭ, 1949, № 1.

ჯვარი არა მარტო იწირავდა მიწებს, არამედ ახდენდა სხვისი მიწების მიტაცებასაც. ამ გარემოებას ვ. ბარდაველიძემ სათანადო ყურადღება მიაქცია და მეტად საყურადღებო მოსაზრებები გამოთქვა²⁰. გარდა ჯვარისა, სხვისი მიწის მიტაცების საქმეში მოძალადეობას იჩენდა ძლიერი სოფელი სუსტი სოფლის მიმართ. ასევე იქცეოდა ძლიერი ოჯახი სუსტი ოჯახის მიმართ. რ. ერისთავი შენიშნავს, რომ ძლიერი სოფელი სუსტი სოფლის სახნავ მიწებს ძალით ეპატრონება. თავის მოძალადეობას კი ასაბუთებს იმით, რომ მათ თითქოს ეს მიწები აღრე ჰქონდათ შეძენილი²¹. კერძო შემთხვევებიდან როცა ერთი ოჯახი მეორის მიწას იტაცებს, სოფლების — ბისოელი ქეთელაურების და მოწმარელი ბათირა არაბულის მაგალითები გვიმოწმებენ. მიწის მიტაცების ეს ინციდენტი კარგად აღწერა ს. მაკალათია²².

ხევსურეთში ისე, როგორც ფშავში სახნავ-სათესი მიწები მღებარეობის მიხედვით სამ ზოლად იყოფოდა: მთის, ანუ სასვილები, ბოსლისკარის, იგივე საქერეები და კარისპირი. უფრო დაბლა მდებარე მიწები ბარის მიწებად, ანუ საწმინდედ ან საიფქლედ იწოდებოდა. ზოგ სოფელს ბარის მიწები არ გააჩნდა და მისთვის კარის მიწა იგივე ბარის მიწის სახელით მოიხსენიებოდა. კარის მიწა მიწის სხვა ნაკვეთებთან შედარებით მეტად ფასობდა. აქ ნაკელის გატანის საშუალება მეტი იყო და იგი მოსაავალს მეტს იძლეოდა; ხევსურულ ხალხურ პოეზიაში კარის მიწას ხაგირის სახელითაც ეხვდებით, მაგ., „პური მაუდის ბეკრაი ხაგირებს კარისპირსაო“²³. ანდა „შენ მუშა გამოიყვანა კარისპირ ხაგირდაზედაო. მაგიკლავ ხარსა, ირემსა მაგიტან სადილზედაო“. ან კიდევ: „ხირჩლას ყანა დაუსეტყვა, კარის პირას ხაგირიო“ და სხვა.

მოპოვებული მიწა ახოს დანაყვით იქნებოდა, თუ ბუსნოს გამოღებით, სხვადასხვა თვისებისა იყო. ხევსურეთში არჩევდნენ ღორღიანს, თუ ქვა ერეოდა (ქვებისაგან მის გასუფათებებს გაღორღვას უწოდებდნენ), იყო უქვო მამული, მწირი, რომელსაც ხირხალი ეწოდებოდა და ფხვიერი, ანუ მშლივი. შედარებით უკეთესი მიწის გამო-სახატავად ამბობენ: ბადლი, მდიდარი, ტუმნა, დასვენებული, მსუ-

20 ვ. ბარდაველიძე, ხევსურული თემი, საქართველოს მეცნ. აკადემიის მოამბე, ტ. XII, № 8, 1959.

21 P. Эрнстов, О Тушино-Пшаво-Хевсурском округе К., 1854, № 51.

22 ს. მაკალათია, ხევსურეთი, გვ. 57—58.

23 აღ. კინკარაული, ხევსურულის თავისებურებანი, გვ. 196.

ქანი, ნივთიანი, პოხიერი და სხვ. მწირი ნიადაგის ეპითეტებია: მშიერი, გამოლალული, უნივთო და სხვა²⁴.

ხევსურეთში სახნავ-სათესები ჩამორეცხვის მუდმივ საშიშროებაში იმყოფებოდა. ამიტომ მთის სახნავეებს ორ წელიწადში ერთხელ ან ყოველ მესამე წელს ასვენებდნენ. ეროზირებულ ნიადაგს ზოგადად ხირხალს უწოდებდნენ.

8. ნიადაგის განოჟიერების წესები. ხევსურეთში სახნავ-სათესი მიწა თითქმის სისტემატურ ექსპლოატაციაში იყო. დასვენება მხოლოდ „მთის“ მიწებზე მოდიოდა, სადაც ნაკელის შეტანა ძნელი იყო. ყოველწლიურ ხვნას კი შეეძლო სახნავი ფენის დაშლა-ჩამორეცხვა. ერთი წლის დასვენებულ მიწას ყამირს უწოდებდნენ. ორი წელი თუ დარჩებოდა მოუხნავ მდგომარეობაში, მასზე ყამირის ყამირს იტყოდნენ. საერთოდ დიდხანს დაუმუშავებლად დატოვებულ მიწას ბორტვად მოიხსენიებდნენ. ბორტვს უწოდებდნენ აგრეთვე საერთოდ უხნავ მიწასაც. ამისგან განსხვავებით ნამუშევარი მიწა რომ გაბორტვდებოდა „გაბორტვებულ ყანას ან ნაყანობსაც“ ეძახდნენ²⁵.

კარის პირისა და ბარის მიწებს ხშირად აპატივებდნენ, ანუ როგორც ხევსურები ამბობენ მიწას „შანეხვდნენ“. მიწაზე ნაკელის გატანის სამ საშუალებას იყენებდნენ: გოდრებით (აღამიანის ძალით), ჯინებით (პირუტყვის გამოყენებით) და წყლით. ეს უკანასკნელი საშუალება ყველაზე უფრო ეფექტური იყო, მაგრამ ამის შესაძლებლობა ყველა სოფელს არ ჰქონდა.

გოდრით იქვე კარისპირა მამულებში გაჰქონდათ ნაკელი. სამუშაოს ასრულებდნენ ძირითადად გაზაფხულის პერიოდში, როცა თოვლი აჭრელდებოდა. ერთი გადმოცემის მიხედვით, არხოტის ხატს გააჩნდა ნანასეული ყანა. ყანა ეკუთვნოდა ვინმე ქალს — ნანას, რომელსაც თურმე ნაკელი თავისი ზურგით უზიღია ყანაში. მიწა პოხიერი გამხდარა. გარდაცვალების შემდეგ მემკვიდრე არ დარჩენია და ყანას ჯვარი დაპატრონებია (ალ. ოჩიაური, 64 წლის, სოფ. შუაფხო, 1958)²⁶. ნაკელის გატანაზე მუშაობდნენ როგორც მამაკაცები, ისე ქალები. გოდრით ზიდვასთან შედარებით უფრო მარჯვე და მოხერხებული იყო ნაკელის გატანა ჯინით. ნაკელის გასატან ჯინს წნელით წნავდნენ. სიგრძე ჯინისა 120—140 სმ-ს არ აღემატებოდა, სიგანე 40—60 სმ-ს, სიმაღლე 20—25 სმ-ს. ჯინი იწვნოდა 4 ისარზე, რომლებიც ერთიმეორესთან 10—15 სმ-ით იყო დაშორებული. მათი სი-

²⁴ იქვე, გვ. 196.

²⁵ ალ. კინქარაული, ხევსურეთის თავისებურება, 1960, გვ. 195.

²⁶ გ. ჯალაბაძე, ფშავ-ხევსურეთში მივლინების დღიური, 1958, რვ. № 1.

გრძე კი 110—150 სმ აღწევდა. ჩაწნულ ისარს 20—25 სმ. სიმაღლეზე გვერდები ამოეწნოდა და შემდეგ მაგრდებოდა მარხილზე. ჭინის მარხილის ფეხის სიგრძე 10—15 სმ-ით აღემატებოდა ჭინის ისრების სიგრძეს. თითოეული ფეხის სიმაღლე 15 სმ-მდე აღწევდა. მარხილის ფეხები ერთიმეორესთან დაკავშირებული იყო სამი თამასით, რომელიც მარხილის ფეხებს ერთიმეორისაგან 50—60 სმ სიგანეზე ამორებდა. ჭინი ამ თამასებზე იყო დამაგრებული. წინა თამასა წნელით უღელს უკავშირდებოდა. ჭინით გატანილ ნაკელს ფიწლებით და ნიჩბებით მიწის ფართობზე მოფენდნენ და ნაკელის მსხვილ გორახებს მაშინვე დაფშენდნენ. ამ წესით განოყიერებას „შანეხვას“ ან „განეხვას“ უწოდებდნენ.

წყლის საშუალებით ნაკელის გატანა, ანუ „დაბლაღვა“, კარის და ბარის იმ მიწებისათვის იყო გამოყენებული, სადაც წყალი უდგებოდა. საამისოდ სანეხვესთან ნაკელის გროვას გულს გამოუღებდნენ ისე, რომ რუდან მიშვებულ წყალს დაეღობო და მისი ათქვეფა ყოფილიყო შესაძლებელი. ამისათვის ქალები რა ბავშვები ფეხით დგებოდნენ და დამბალ ნაკელს ურევდნენ, როცა ნაკელი გათხიერდებოდა, სანეხვედან წინასწარ გავლებულ კვალში მისცემდნენ მიმართულებას და ნაკელის თხევად მასას გაუშვებდნენ. კვალი მიწის ნაკვეთიდან ნაწილდებოდა ისეთნაირად, რომ მიწის ზედაპირზე თანაზომიერად მოფენილიყო.

დაბლაღვა მიწის ერთი კუთხიდან იწყებოდა და მეორე კუთხეში მთავრდებოდა. დაბლაღვას მარჯვედ თუ არ წარმართავდნენ, შეიძლებოდა ნაკელის თხევადი მასა დანიშნულებას აცდენოდა და საკმაოდ შრომატევადი მუშაობა დაკარგულიყო. კარგად დაბლაღვლილი მიწის ნაკვეთი ნაკელის მოფენის სისქითა და სიმჭიდროვით ხასიათდებოდა. მთხრობელის სიტყვით, ნაკელის მოფენის სისქე სამი თითის ზომა მაინც უნდა ყოფილიყო, ე. ი. 6—7 სმ; მიწის ზედაპირი კი მთლიანად გადაღესილი და ნაკლებად აჭრელებული.

ვინაიდან მთის მიწები შორს და ძნელად მისაღვამ ადგილებზე იყო განლაგებული და ამდენად იქ ნაკელის მიტანა ძნელდებოდა, ისე როგორც ფშავში, აქაც სკოდნიათ მიწის ნაკვეთში პირუტყვის გაჩერება²⁷. მაგრამ ამ გზით მიწის ნაკვეთის გაპატივება ძნელი იყო, ზემოთ აღწერილ პირველ და მეორე წესთან შედარებით მიწის ნაკვეთის გაპატივების ამ წესს, რომელსაც ადგილი ჰქონდა აგრეთვე ბარის რაიონებშიც, მეტი პრიმიტიულობისა და სიძველის ნიშნები აქვს. შესაძლებელია მიწის გაპატივების ჩვევას, თავდაპირველად პირუტყ-

27 ს. შაკალათია, ხეცურეთი, გვ. 59.

ფის სახნაგ: ნაკვეთში გაჩერება უსწრებდა წინ. ძველია აგრეთვე ნაკელის წყლით გატანის წესი. პირველ ხანებში შესაძლებელია ბოსლის წინ დაგროვილი ნაკელის გარეცხვის მიზნით იყო მდინარიდან მიშვებული წყალი. შემდეგ კი გეგმაზომიერი დანიშნულებით დაიწყო მისი გამოყენება.

ხევსურეთის ზოგიერთ სოფლებში საწვავის დანიშნულებით ნაკელისაგან წივას ამზადებდნენ. საამისოდ გაზაფხულისა და ზაფხულის ნაკელს იყენებდნენ, ნიადაგის გასანოყიერებლად კი ზამთრისას.

„შანეხვილ“ და „დაბლაღულ“ მიწის ნაკვეთს ისეთ დროს მოხნავდნენ, რომ ნაკელს სინესტე არ დაქარგოდა. ამასთან დაკავშირებით აღსანიშნავია, რომ არხოტში პატივდაყრილი ყანის ხენისას მხვენელს და „მწაფავს“ ფაფას უმზადებდნენ. სახენელში ფაფა უნდა წაეღოთ და იქ ეკამათ. მორწმუნე ხევსურების წარმოდგენით ხენა გააღვილებოდა.

4. სახენელი იარაღები. ვიდრე თესვა-ფარცხვას შეეხებოდეთ, აქ საკიროდ მიგვაჩნია გავეცნოთ თვით სახენელ იარაღებს, რომლებსაც ხევსურეთში იყენებდნენ²⁸. ხევსურეთისათვის დღემდე სამეცნიერო ლიტერატურაში²⁹ ორგვარი სახენელი იარაღია დაფიქსირებული. პირველი და ყველაზე მარტივი ფორმის სახენელი, რომელსაც სახენელი მხოლოდ პირობითად შეიძლება ეწოდოს „კავწერაა“³⁰.

კავწერა შედგება მხარის, საბეწვის და საკვეთელისაგან. მხარი შედარებით სწორი ხეა, სიგრძით 2,5 მ, გააჩნია საბეწვე, რომელშიც მცირე ზომის ტაბიკია გაყრილი და რომელსაც სამალდე ედება კავწერის უღელზე მისაბმელად; მხარის ბოლოსთან ვერტიკალური კრილია, რომელშიც საკვეთელია ჩადგმული და გახეშილია სოლით. მხა-


²⁸ 1960 წ. წინამდებარე ნაშრომისათვის ეთნოგრაფიული მასალის შეკრება მოგიხდა ხევსურეთში, სადაც ისეთი დრო შევარჩიეთ, როცა საგაზაფხულო ხენათესვის სამუშაოები მიმდინარეობდა. სახელდობრ შისის პირველი ნახევარი. ხენათესვის სამუშაოების მიმდინარეობაზე უშუალო დაკვირვებამ საკმაოდ თვალნათლად გავანახა ყველა სამეურნეო დეტალი, რომელიც ამ პროცესთანაა დაკავშირებული. განსხვავებანი სახენელებში, რომელიც ხევსურეთის თემებს შორის შეინიშნება.

²⁹ Г. Читани, Земледельческие системы и пахотные орудия Грузии, ВЭК, გვ. 110; ს. მაკალათია, ხევსურეთი, 1935, გვ. 59.

³⁰ გ. ჩიტანია, რაქული სახენელის ფარფლიანი ქუსლი, უნივერსიტეტის შრომები, XVIII, გვ. 188; ს. მაკალათია, თუშეთი, გვ. 47; გ. ქალაბაძე, აღმოსავლეთ საქართველოს სამიწათმოქმედო იარაღების ისტორიიდან, 1960, გვ. 26.

ჩი ბოლოვდება სახელურით, რომელიც მხარის გაგრძელებაზეა გამოთლილი.

კავწერაში ჩვეულებრივ უღელი ხარი იბმოდა და ამ იარაღის საშუალებით აწარმოებდნენ ყამირებისა და ბორტკების გაწერას. ამ



ტაბ. II. ფშავ-ხევსურული სახენელები: 1 კავწერა, 2 ხევსურული კავი, 3 სახენელი, 4 ფშაური აჩაჩი, 5 დიდი გუთანი

იარაღს მხოლოდ საზაფხულო ხენის დროს იყენებდნენ. ადგილობრივთა დაკვირვებით, მთის სახნაურებს ერთი წლითაც რომ დაესვენა, შუპყა ბალახმა იცოდა მორევა, რომელიც ხევსურულ სახენელს მუშაობაში აფერხებდა. ამ ბალახის წინასწარ დასაგლეჯად და ბალახიანი მიწის დასაწერად კავწერა იყო გამოყენებული. კავწერას მხვნელი ნებისმიერ დონეზე უშვებდა სიღრმეში, ე. ი. იმის მიხედვით, თუ სად, რომელ ადგილზე როგორ მოიხდენდა ან რამდენად იყო საჭირო მისი სიღრმეში ჩაშვება. „დაწერილი“ ბორტკი ამის შემდეგ ადვილად სახენელი ხდებოდა. კავწერას მოძრაობა სახნაურში სახენელისებუ-

რად წარმართებოდა, ე. ი. დაბლობიდან მაღლა გარდიგარდშო სვლით.

საქართველოში გავრცელებულ სახვნელებთან შედარებით კავწერა ყველაზე მარტივი იარაღია, რომელიც მიწის სახვნელის დანიშნულებით კი არ იყო გამოყენებული, არამედ მიწის გაწერის, დაკაწერის, სარეველა ბალახების გაჭრისათვის. აღნიშნული ფუნქცია კავწერას არ ზღუდავს, რომ აღრეული ხანისათვის ის სახვნელის მოვალეობის შემსრულებელი ყოფილიყო. კევწერით გატანილი კვალი, თუ მასში ჩავთესავთ პურეულს ან ცერცვეულს, სრულიად საკმარისია მისი ფესვის გატანისა და ზრდა-განვითარებისათვის. თუმცა ამას შემდეგ გაძლიერებული მარგვლა დასჭირდებოდა.

ხევსურული კავწერას ტიპის მარტივი სახვნელი თუშეთშიც იყო გამოყენებული³¹. თუშური კავი ხევსურულისაგან იმით განსხვავდებოდა, რომ მას ერთი ნაწილი, სახელდობრ ხელნიც გააჩნდა.

ანალოგიური საწერები მოიპოვება ევროპის ქვეყნებშიაც — ვალახიაში, დასავლეთ გერმანიაში და შვედეთში³². აქაც ამ იარაღის ფუნქცია ნიადაგის გაწერაა³³.

გ. ჩიტაიას აზრით, ამ ტიპის სახვნელის გამოყენება შეპირობებული იყო ამთის ზოლის მეურნეობასთან და მის ბუნებრივ პირობებთან: ხრიოკი, მწირი და ფიცხი ნიადაგი, პლუს მთაგორიანი რელიეფი³⁴.

კავწერას ტიპის იარაღები მეორადი ფუნქციის, ე. ი. დამხმარე იარაღის მოვალეობას ასრულებენ, თუმცა ეს ფუნქცია მათ არ ფარგლავს, რომ ამ ტიპის იარაღები მიჩნეულ იქნეს აგრეთვე საერთოდ სახვნელთა ერთ-ერთ წინამორბედ ფორმად. ხევსურული კავწერა სხვა მის ანალოგიურებისაგან იმით განსხვავდება, რომ იგი აგებულია ყველაზე მარტივია და დიდი ზომის წერაქვს წააგავს. ხევსურეთში გავრცელებული ხელით სამუშაო იარაღების მთლიანობაში, სადაც წამყვანი იარაღი ქარჩია, კავწერა ამ მთლიანობის გამაგრებლებლად გვევლინება და ხელით სამუშაო იარაღიდან სახვნელისაკენ ვარდამავალი იარაღის ერთ-ერთი ფორმად არის მისაჩნვეი..

31 ს. შაკალათიძე, თუშეთი, 1933, გვ. 47; გ. ჩიტაია, რაჭული სახვნელის ფარფლიანი ქუსლი, უნივერსიტეტის შრომები, XVIII, გვ. 188; გ. ქალაბაძე, აღმოსავლეთ საქართველოს სამიწ. იარაღ. ისტ. 1960, გვ. 26..

32 R. Braungart, Die Urheimat der Landwirtschaft alter Indogermanschen Völker. Heidelberg, 1912. 135.

33 გ. ქალაბაძე, დასახ. ნაშრომი, გვ. 28.

34 გ. ჩიტაია, დასახ. ნაშრომი, გვ. 188.

ბევსურულ კავწერისაგან დიდად განსხვავდება ბევსურული სახენელი. საქართველოს სახელმწიფო მუზეუმში დაცული ბევსურული სახენელი № 12—27—21, ჩამოტანილი სოფ. ჩირდილიდან, შედგება: ქუსლის, მხარის, ვერქვანის, სახნისის, საკვეთლის, საბეწვის და სოლებისაგან. ბევსურული სახენელის ქუსლის სიგრძე 89 სმ-ია. იგი სოლისებური ფორმისა ითლება, რომელსაც ყურები, ტანის შუაში მხარისა და ვერქვანის ჩასადგმელი კრილი გააჩნია. ქუსლის სისქე 12 სმ-ია, მხარი—90° არის მოხრილი, სიგრძით—210 სმ-ია, ტანი ოდნავ ზემოთაა გახრილი. მხრის თავში გამკოლ ნაჩვრეტებში საბეწვე სოლია გაყრილი. საბეწვე, სამალდეს გამობმით, სახენელის გამწვევ ძალას უკავშირდებოდა. სახენელის ვერქვანი ორკადა ხეა, რომელიც ერთი თავით ქუსლში ჩაიდგმებოდა, ხოლო ორი კადა ვერქვანის ხელებს წარმოადგენდა, რომელიც მხენელისათვის სახელურების დანიშნულებას ასრულებდა. ვერქვანის სიმაღლე 75 სმ-ია. ქუსლში ვერქვანი მაგრდებოდა მხარისა და ვერქვანს შორის ჩასადგმელი სოლით; სახნისი რკინისაა, სამუშაო ნაწილი ტოლფერდა სამკუთხედის ფორმაზეა გამოყვანილი. სახნისს სახენელს კბილზე დასამაგრებლად ყურები გააჩნია. სახნისის სიგრძე 26 სმ აღწევს. მისი ფრთების უდიდესი სიგანე 20 სმ-ია, საკვეთლის სიგრძე კი 50 სმ-ს უდრის.

ზოგად სამეცნიერო ლიტერატურაში მიღებული ტერმინოლოგიის მახედვით, ბევსურული სახენელი სამკუთხა სახენელთა ტიპს განეკუთვნება, ბევსურული სახენელის აქ აღწერილი ტიპი გავრცელებულია მთლიანად ბევსურეთში, როგორც პირაქეთ, ისე პირიქითში. მაგრამ ჩვენ მიერ პირაქეთ ბევსურეთში, სახელდობრ ბარისახოს თემში, დაფიქსირებული იქნა ბევსურული სახენელის მოდერნიზებული ფორმა, რომელიც აგებულებით ფშაურ სახენელს წააგავს, მაგრამ მასთან შედარებით მცირე ზომის ნაწილებით ხასიათდებოდა.

ჩვენ მიერ სოფ. ზემო ბარისახოში დაფიქსირებული და აზომილი ბევსურული ოთხმხრიანი სახენელი სწორმხრიანია, მხარის სიგრძე 3 მეტრს აღწევს. მხარი ერთი თავით შედგმულია ვერქვანში. ვერქვანიდან 40 სმ დაშორებაზე სახმლე ნაჩვრეტია ამოჭრილი, სახმლედან 15 სმ-ის დაშორებაზე საკვეთლის ნაჩვრეტია. საკვეთლის ნაჩვრეტიდან მხრის ბოლომდე 220 სმ-ია. მხარი იფნის, რცხილისა ან მაქალოსაგან მზადდებოდა. სახენელის ქუსლი სოლისებურად გათლილი ძელია, რომელიც სიგრძით 70 სმ-ს აღწევს. უდიდესი სიგანე ყურებთან 30 სმ-ია, აქვე სიმაღლე 12 სმ, ხოლო წინ წვერთან სიგანე, 8 სმ (რაზედაც სახნისი ეცმის), ქუსლს ორი ვერტიკალური ნაჩვრე-

ტი გააჩნია ხმალასთვის (10×3 სმ) და ვერქევანისათვის (6×4 სმ).
ქუსლი წიფლისა მზადდებოდა.

სახენელი ვერქევანი ორკაპგაშვერილი სწორი ღერია, რომელსაც
ქუსლიდან 10 სმ-ის დაშორებით უკეთდებოდა ნაჩერეტი მხარის თა-
ვის შესადგმელად. ვერქევანის სიმაღლე 70 სმ-მდე აღწევდა.


სახენელის ხმალა სწორი ფიცარია, რომელიც სიმაღლით 50 სმ-
მდე აღწევს. ხმალა ქუსლშია ძირიდან ამოტარებული, მხარში გადის
და იქ სოლით მაგრდება. აღწერილი სახენელის სახნის-საკვეთელი
ისეთივე ზომებით ხასიათდება, როგორც ზემოთ აღწერილი ხევსუ-
რული სახენელისა. ერთი ოთხმხრიანი ხევსურული სახენელი დატუ-
ლია საქართველოს სახელმწიფო მუზეუმში (კოლ. № 1—970/1).

ხევსურეთის პირობებში დამოწმებული ამ ორი სახენელიდან
ოთხმხრიანი, სამმხრიანი სახენელის განვითარებულ ფორმას წარმო-
ადგენს. იგი შედარებით ახალია და ფშავური სახენელის მიბაძვით ხევ-
სურული სახენელის გარდაქმნილ სახეობას ქმნის. ამას გარდა, დასა-
ხელებული ოთხმხრიანი სახენელის გამოყენება ხევსურეთში ისეთ
მდებარეობაზე მოწმდება, სადაც სახნავ-სათესი მიწები მკვეთრად არ
არის დაფერდებული (მაგ., ბარისახოს სახნავ-სათესები). ეს უკანასკ-
ნელი გარემოება მრავალმხრივ არის საყურადღებო. შედარებით ხევ-
სურეთის სხვა თემებთან, ბარისახოში ნიადაგი უფრო ღრმად იხვნის,
რომლისთვისაც ხევსურული სამმხრიანი სახენელი უძლეურია; სამმხ-
რიან სახენელში ხმალას ჩადგმით კბილასა და მხრის მყარი შეერთე-
ბა ხერხდება, ამით მხრის მოხრილობა დაძლეულია. იგი პირდაპირ
ვერქევანს უკავშირდება.

ამრიგად, ხევსურეთის პირობებში სამი ტიპის სახენელის გამო-
ყენებას ჰქონია ადგილი. ხევსურული ოთხმხრიანი სახენელის აქ აღ-
წერილი კონკრეტული მაგალითი საუკეთესო სურათია იმისა, თუ სა-
ქართველოს პირობებში როგორ ხდებოდა სახენელთა განვითარება
მარტივიდან რთულისაკენ. საჩიჩქნი კავიდან საკაწრ-საწერ კავამდე,
საწერი კავიდან — სამმხრიან სახენელამდე და სამმხრიანიდან ოთხმ-
ხრიან სახენელამდე. მხოლოდ ხევსურული სახენელების ეს სურა-
თიც ნათელს ხდის ბურჯუაზიულ მკვლევართა: ვერთის, ნოპშას და
ლეზერის³⁵ არასწორ დებულებას ოთხმხრიანი სახენელის საქართვე-
ლოში გარედან მოსულობის შესახებ.

ჩვენ გვინდა კიდევ ერთ გარემოებასაც შევუბოთ; აკად. ივ. ჯავა-
ხიშვილმა „საქართველოს ეკონომიური ისტორიის“ პირველ ტომში

³⁵ გ. ჩიტაია, ქართლის 1959 წლის ეთნოგრაფიული ექსპედიციის ანგა-
რში, „მიმოხილველ“ I.



ტაბ. III. მზარგადაბმული სახენურების ძირითადი ტიპები

უურადღება გაამახვილა საკვეთელის სადაურობის პრობლემაზე: იგი ამასთან დაკავშირებით ფრ. ნოპშას შედგენილ სახენურთა კლასიფიკაციას არჩევს და აღგენს, რომ საკვეთელიანი სახენელი მხოლოდ რამდენიმე ქვეყნისათვის არის დამახასიათებელი: საქართველოსათვის, სომხეთისა და საბერძნეთ-იტალიისათვის. აქვე აღნიშნავს, რომ საკვეთელის სახელწოდებად არც სომხებს და არც ბერძნებს და რომაელთ

ნამდვილი მნიშვნელობის გამომხატველი სახელო არა აქვთ³⁶. ქართული სახელწოდება კი ნიშანდობლივ გამომხატავს მის ფუნქციას. თუ ხევსურულ კავშირას ყველა სახვნელთა შორის უმარტივეს ტიპად ვაღიარებთ, მაშინ მისი ძირითადი ნაწილი საკვეთელია და ამნაირად საკვეთლიან სახვნელთა ყველაზე მარტივ იარაღად შეიძლება იქნეს მიჩნეული, რომელიც სახნისიან სახვნელთა ანალოგიურად განვითარების გარკვეულ გზას გაივლის. ხევსურული სახვნელის კომპლექსში გარკვეული მნიშვნელობის დეტალია ჯამბარა, რომლის საშუალებით სახვნელი უღელზე აიბმოდა. ჯამბარას ტყავისაგან ამზადდებდნენ ან უნდა ყოფილიყო რამდენიმე წვერი თასმით დაწნული, ან ტყავის შოლტის გადაგრეხილი და გამოყვანილ-გაპოხილი. ჯამბარის ამ ორი სახეობიდან დაწნული ჯამბარის დამზადება რთულ საქმეს შეადგენდა. ხევსურები ამ საქმის კარგი მოხელეები ყოფილან. მეჯამბრეობას მისდევდნენ მთელი პირაქეთელი ხევსურები. განსაკუთრებით გამოირჩეოდნენ სოფლები: ატაბე, წინხაღუ, უკანხაღუ, ზეისტერო და ბაცალიგო. ამ სოფლებიდან ზამთრის დადგომისთანავე მეჯამბრეები ქართლ-კახეთის ბარის სოფლებში მიდიოდნენ, რასაც აქ ჯამბარაობაზე წაავლას უწოდებდნენ. ხევსურ მეჯამბრეთა მოქმედების რადიუსი, როგორც გადმოგვცეს, საქართველოს ფარგლებსაც სცილდებოდა და სომხეთშიც კი შედიოდნენ თურმე. რიგი წლები მანძილზე მივლინებებსა და ექსპედიციებში მუშაობისას ყურადღებას ვაქცევდით ხევსურ მეჯამბრეთა მოძრაობას. ჩვენი შეკრებილი მასალის მიხედვით დგინდება, რომ მეჯამბრენი მუშაობდნენ ქართლში, დუშეთის, გორის, კასპის, მცხეთის, ცხინვალის, ქარელის, ხაშურის რაიონებში, აგრეთვე ქვემო ქართლში და კახეთის თითქმის ყველა რაიონში. მეჯამბრეთა სამუშაოს ანაზღაურება ძირითადად ნატურით წარმოებდა. ისინი სოფლიდან სოფლად გადადიოდნენ და გარე სამუშაოზე თვეზე მეტხანს რჩებოდნენ.

5. ხვანა-თესვა. ხატის მამულების დამუშავებამდე სოფელი განაფხულის ხვანას ვერ შეუდგებოდა. ხევსურთა თქმით, ხვანა-თესვა განაფხულზე იმ დროს უნდა დაეწყოთ, როცა ურნატა ჩიტი მოფრინდებოდა, ამ ჩიტს ფშავში სახნაურას უწოდებდნენ, ქართლში — მესხანის, ჩიტის ამ სახელწოდებასთან დაკავშირებით ალ. ჭინჭარაულს გამოთქმული აქვს მოსაზრება, რომ ურნატის სახელი სახვნელით გავლებული კვალის ძველი სახელწოდება ორნატოდან უნდა მიეღოს³⁷.

³⁶ ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, I, 1939, გვ. 254.

³⁷ ალ. ჭ ი ნ ჭ ა რ ა უ ლ ი, ხევსურულის თავისებურებანი, 1960, გვ. 199.

ურნატა ჩვეულებრივ აპრილის შუა რიცხვებში გამოჩნდებოდა ხოლ-
მე და სახენელით გავლებულ კვლებში ჭია-ლუას კენკავდა.

ხატის მამულებში ხენის დაწყების დღედ შაბათს ირჩევენ. ეს
დღე უფრო ხუცესის არჩევანზე იყო დამოკიდებული. ხუცესი ხენის
დაწყების წინა დღეს „საჯაროში“ გავიღოდა, სოფელს გადასძახებდა:
„სოფელო მაგდიოდასთ, ხეალ არხოტის ჯვარის ხოდაბუნი იხენის.
თუ გწყალობსთ ხელმწიფე (არხოტის ჯვარს ხელმწიფესაც უწოდებ-
ენ) თავთავის საქმეზე აღარავინ წახვიდათ. ხარებს დილას მალედ
აქმიეთად, მალე გვედით; რო დროზე მოიხნასა დაიფაროს. მინდვრის
ზარის პატრონიც ნუვინ წავ თავის საქმეზე. ყველა მეედით სახნავზე
— ქუდიანმ, იქ ბევრ საქმეი ას. ზოგ ქვა იქნების გადასაყრელი, ზოგ
ბალახისძირ ამოსათხრელ-გასარჩევი. სოფელს სხვა საქმეიც გოქვ
სასაუბრო. ვისაც ჩემ ხმა მაგდისთ, ერთუცს გაგებითად მავხნათ
ხეალ ჯვარის ხოდაბური, რო მემრ თავის სახნაურშიაც ნებაი ხქონ-
დის ხენა-თესელსა ყველას“ (ალ. ოჩიაური, სოფ. შუაფხო, 1958)³⁸.

როდესაც ხატის მამულში ხარ-სახენელით გავიღოდნენ და ხენას
დაიწყებდნენ, მათთან მოდიოდა ხუცესი და დაამწყალობებდა. არხო-
ტელებს მაგ., ხუცესი ასეთი შინაარსის სიტყვებით დაამწყალობებ-
და: „მგწყალობდასთ არხოტის ჯვარის დავლათი, ხათრიანს, ყამიანს,
წინ მიპავალს, უკან წაპავალს, წელ მშვიდობისა დაგიყენასთ, ბარა-
ქა, დაგიტანასთ, ხარის ნახნავსაცავად. თავს ნაშრომ ნამუშეველსაც“.
„შენ იყოს მწყალობელი“ — უპასუხებდა ხალხი. ამჯერად ყველანი
შეასვენებდნენ ხარებს და ხუცესთან შემოიკრიბებოდნენ. იმართებო-
და სახელდახელო თათბირი ხენა-თესვაზე, სათიბის დაყენებაზე და
კვლავ ხენას დაიწყებდნენ. დასტურები თესლს მოიტანდნენ. თესლს
გაუნაწილებდნენ საწყავეთ, რომელშიც ოთხი ნაპამალი, ანუ ოთხი
ლიტრა მარცვალი თავსდებოდა (საწყავე წონით ერთი ფუთი ქერი
გამოდოდა). ხენის დამთავრებისთანავე ხუცეს-დასტურები თესვა-ფა-
რცხვას შეუდგებოდნენ. ხუცესს თესლს ჩაუყრიდნენ გუდაში, რომე-
ლიც ცალ მხარეზე ჰქონდა მოკიდებული. იგი ქულს მოიხდიდა, მიწა-
ზე დადებდა და იტყოდა: „ღმერთო დალოცვილო და დიდო არხოტის
ჯვარო, შენ უშველე ახიელელთ ტახტის ყმათ, მშვიდობით გატანილი
თესლი, მშვიდობით გაასთვლობი, წელ მშვიდობისაიდ ლალიან ბარა-
ქიან დაუყენე, მიეც წყალობა: ხათრიანს, ყამიანსაც შენს საქმეში
ერთგულ მუშას“ და დაიწყებდა თესვას. ბოლოდან დასტურები
ფარცხს მოაყოლებდნენ და დაფარავდნენ. ფარცხვა რომ დამთავრ-

³⁸ გ. ჯალაბაძე, ფშაე-ხევსურეთში 1958 წ. მივლინების დღიური,
რკ. № 1.

დებოდა, ხუცესი ხელით მიწაზე სამჯერ ჯვარს გახაზავდა და წარმო-
თქვამდა: „ღმერთო, დიღო არხოტის ჯვარო, მოსაველ ღალიან-ბარა-
ქიან მოიყვანი“ (ალ. ოჩიაური, 1958)³⁹.

არხოტის ჯვარის ხუცეს-დასტურების გარდა დიასახლისიც ჰყავ-
და. ხატის მიწების ხენის დროს იგი ერთ-ერთი დასტურის ჭერხოში
გულიან ქალებს აცხობდა (ხაქოს, ყველის ან ხორცის გულით), რომ-
ელსაც სასანთლეებს უწოდებდნენ. დიასახლისი იმდენ ქედას აც-
ხობდა, რამდენი „ხთიშვილიც“ არხოტელებს გააჩნდათ, ამზადებდა.
იმდენსავე სანთელს, რამდენ ქადასაც. სასანთლეებს ე. ი. ქალებს დაა-
ლაგებდნენ ფიცარზე, თითოეულ ნამცხვარზე თითო ფეხ (ღერ) სა-
ნთელს დააკრავდნენ და შემდეგ ხუცესი იხუცებდა — თითო სასანთ-
ლეზე თითო ღვთიშვილს ადიდებდა. აქ დასტურებს მოჰქონდათ ერ-
ბო და სასანთლეებს ჰკამდნენ. ხატის მიწების მოხვნა-დათესვის შემ-
დეგ, სოფელს უფლება ეძლეოდა თავის სახნავ-სათესში გასულიყო.

ხატის სახნავიდან წამოსვლის წინ ხუცესი დათესილ მიწაში მარ-
ჯვენა ხელით მიწაზე სამჯერ ჯვარს გამოსახავდა. შემდეგ ჯოხს დაურ-
ქობდა, ზედ ბალახის ძირებს დაკიდებდა და იტყოდა: „არხოტის ჯვა-
რო, დასწერე ჯვარი შენს ხოდაბურსად მაიყვანი ღალიანი, ბარა-
ქიანი“⁴⁰.

ოჯახის დიასახლისი ხენის პირველი დღისათვის აცხობდა ხაი-
წიან ქადას, ე. წ. უღელზე გასაქრელს. მხენელი დილით უღელზე
გასაქრელს სასაგზლე გულაში ჩაიდებდა. ხარს კულზე თიკვით სატ-
ნის ნამცეცს, ტყემლის მძივს და ნახშირს შეაბამდა და თესლს წაი-
ლებდა. სახნაურში როცა ხარებს შეაბამდა სახენელის უღელში,
მხენელი ქუდს მოიხდიდა და ღმერთს შეეხვეწებოდა: „ღმერთო და
ჩემო სალოცავებო, თქვენ გეხვეწებით, თქვენ გვიშველეთ. ხარისად,
სახნავის გამჩენო ღმერთო, შაგვიხმარი მშვიდობის კარის სახნავად,
კაცის ნაშვრალ ნამუშეელი, წელ მშვიდობისაიდ ღალიან ბარაქიან
დაგვიყენი. ნახნავ-ნათესი მშვიდობით მოგვასთვლობი, ნუვის თვალ-
სა — გულს მიგვრევ“. შემდეგ იწყებოდა კვალის გავლება. პირველი
კვალის გავლებაზე გუთნისდედას მწაფავი — მებრე ეხმარებოდა, შემ-
დეგ კი მწაფავის გარეშე მუშაობდა და ამ საქმეს ერთი აუდიოდა.
როდესაც ერთ „სალალს“ (ხარის შესვენებიდან შესვენებამდე მოხ-
ნულის რაოდენობას სალალი ეწოდება) მოხნავდნენ, გუთნისდედა
ხარს დაასვენებდა ისე, რომ ხარებს პირი აღმოსავლეთისაკენ ჰქონო-

³⁹ გ. ჯალაბაძე, ფშავ-ხევსურეთის 1958 წ. მივლინების დღიური...
რ. № 1.

⁴⁰ იქვე.

დათ. უღელზე ქადას გადატეხავდა და ერთ ნაწილს ხარებს შეაკმევდა. აქვე ლოცვას წარმოსთქვამდა და ქადას საგზალთან ერთად შექამდა.

ხევსურეთში მიწის ნაკვეთები მცირე ფართობისაა და თითოეული ნაკვეთის მოხვნას იმავე დღეს დათესვა-დაფარცხვა მოსდევდა. ზემოთ აღწერილი სახვნელებით მიწა 10—15 სმ სიღრმით იხვნოდა. ხვნის დროს ხშირად რჩებოდა ე. წ. „ხაროზები“, რასაც შემდეგ ქარით ან წერაქვით ასწორებდნენ.

მოხვნისთანავე მხვნელი „ხასუნაში“ — სათეს გუდაში თესლს ჩაყრიდა და იწყებდა თესვას.

ხევსურეთში სათესი კულტურებიდან აღმოცენება-დამწიფებას ასწრებს: იფქლი, სვილა, ანუ ჭვავი, დიკა, დოლი, შვრია, ანუ ჭიშქენი, ქერი, ქერშველი, წიწიბურა, სიმინდი, კარტოფილი, ცერკვი, თამბაქო და ნიორი.

იფქლი, რომელსაც ხევსურები „წმინდასაც“ უწოდებდნენ, ითესებოდა შედარებით დაბლა მდებარე სოფლებში ან მას ურჩევდნენ „ბარის“ მამულებს. ანალოგიურად ითესებოდა დიკა და დოლი. რაც შეეხება ჭვავს (სვილი), იგი თითქმის ყველა სოფელში ითესებოდა, როგორც საზაფხულოდ, ისე საშემოდგომოდ. საშემოდგომო თესვა სვილისა და საერთოდ ხორბლეულისა აქ პირობითია. ფაქტიურად ზაფხულის თვეებში — ივლისში ითესებოდა, იმ იმედით, რომ თოვლის ჩამოყრამდე დაჭედილება მოესწრო. ასევე ითესებოდა შემოდგომის ქერი — ჩარათი.

სვილისთვის განკუთვნილი იყო ყველაზე მაღლა მდებარე სახნავეები. სახნავეების ამ ზოლს სასვილეებს უწოდებდნენ. შედარებით შუა სარტყელში ქერი ითესებოდა. ამ ზოლს საქერეების სახელით მოიხსენიებენ.

ქერი, როგორც ზემოთ ითქვა, სამი სხვადასხვა სახის ითესებოდა. ფიცარი, ანუ ბრტყელი ქერი, რომელსაც თავთავზე ორმწკრივად ჩაუდის მარცვლები. ჩარათი, ანუ იგივე ქრთილი, რომელსაც ოთხმწკრივად ჩაუდის მარცვლები და შიშველი ქერი, ანუ ქერშველი. ქერშველი დიდი ხანია აღარ ითესება. 1960 წელს ჩვენ საშუალება გვქონდა დაღესტანში, სახელდობრ აკუშის რაიონში (და მის მეზობლად) ლეკებთან ქერშველის ნათესები დაგვემოწმებინა. იქ ამ კულტურას კვლავ თესენ და საკმაოდ დიდი ფართობებიცა აქვს დაკავებული. ქერშველს ოთხმწკრივად ჩაუდის მარცვალი და ქრთილს წააგავს, ქრთილთან შედარებით თავთავი ნაზია და რბილი. ნ. კეცხოველს აღნიშნული აქვს, რომ შიშველი ქერი საქართველოში გვხვდება იშვიათი.

გამონაკლისის სახით და უთითებს 1921—1927 წლებს⁴¹. ნ. პეტრუშე-
ვსკის გამოკვლევით შიშველი ქერი საკმაოდ გავრცელებული კულ-
ტურა ყოფილა XIII—XIV საუკუნეებში ირანსა და შირვანში⁴².

ფიცარ ქერს უფრო გაზაფხულისათვის თესდნენ, ჩართს კი სა-
შემოდგომოდ. თესლს ფარავდნენ ფარცხით, ფარცხი შედგებოდა კა-
ბლოს ფიცრისაგან, რომლის სიგრძე 1,5 მეტრს არ აღემატებოდა, სი-
განით კი 20 სმ-ს. კაბლოს რამდენიმე ნაჩვრეტი უკეთდებოდა ხელ-
ნების გასაყრელად, რომლითაც ფარცხი უღელს უკავშირდებოდა.
ფარცხს გააჩნდა ორი სწორი ჯოხი, რომელთაც ფარცხის ისრებს უწო-
დებენ. ისარზე ასხმულია და დამაგრებული ფარცხის ფსრე, ანუ ფა-
რცხის ფიჩხი. მეორე ისარი ამ ფიჩხზეა დაწოლილი, რომ ფიჩხი გაას-
წოროს.

თესლის რაოდენობა დამოკიდებული იყო ხორბლეულის სახეო-
ბაზე. მაგ., დღეში ხევსურული სახენელით საშუალოდ 10 წერის მა-
მული იხვნის. წერში 30 სამეულია, ე. ი. 90 ძნა⁴³ სვილისა. მაშასადა-
მე, სახენელს უნდა მოეხსნა სვილის 900 ძნის მოსაყვანი მიწის ოდენ-
ობა. სვილის ძნა მცირე ზომისაა. იკვროდა იმდენი, რამდენიც ერთ
მუჭაში დაგროვდებოდა. ასე რომ 900 მუჭეული ძნა არც ისე დიდი
ოდენობის გამომხატველია. ვ. ბასილაშვილის ცნობით, ხევსურული
დღიური 100-დან 309 კვ. საყენამდე მერყეობს⁴⁴. ერთ დღიურ ნახ-
ნაზე 2—3 საწყაი, ანუ ფუთი ხორბლეული ითესებოდა. თესლის
რაოდენობას აპირობებდა როგორც ნიადაგის სიკეთე და უკეთურობა,
ესე ხორბლეულის სახეობა. სვილი ქერზე ნაკლები ითესებოდა.
უღონო მიწაში მეტი უნდა დაეთესათ იმ ვარაუდით, რომ ნაწილი მო-
ცდებოდა.

როცა თესვას დაამთავრებდნენ და დაფარცხავდნენ, მთესველი
და წინამძღოლი დაფარცხულ ნაკვეთს ჩამოუვლიდნენ. თუ ნათესი მი-
წის ზედაპირზე იყო დარჩენილი, თოხით ან ქარჩით მიწას მიაყრიდ-
ნენ. ამ პროცესს აქ დარუყვას უწოდებდნენ. დაფარცხვა-დარუყვის
შემდეგ მთესველი მიწის ნაკვეთში ჯოხს დაასობდა, მან წვერში გადა-
ტეხდა, ზედ ბალანს დაკიდებდა, მიწაზე კი ხელით სამ ჯვარს გამო-
ჩახავდა.

41 ნ. კეცხოველი, კულტურულ მცენარეთა ზონები საქართველოში,
1957, გვ. 292.

42 Н. Петрушевский, Земледелие в Иране XIII—XIV век, с. 183.

43 აღ. კინკარაული, ხევსურულის თვისებურებანი, 1960, გვ. 203.

44 В. Басиладшвили, В недрах Хевсуретин, Червоный, схід № 6,
1930, с. 160.

სხვა კულტურებიდან ხევისურეთში მოჰყავდათ: წიწიბა, რომელსაც ტრუპკას ეძახიან. ტრუპკა, როგორც საკვები კულტურა, როგორც ჩანს, დიდი პატივისცემით არ სარგებლობდა, მაგრამ მას სხვადასხვა დადებითი მხარეებიც გააჩნდა, რის გამოც მაინც თესავდნენ. ერთი ხალხური ლექსი ასე მოიხსენიებს წიწიბას:

„ჩიოვლ ძოძია ვარ ტრუპკაის პურით გამძლარი,
— რას მიქვებ ტრუპკაის პურსა, ვანა არ ვიცი რაც არი?
მაგის თეთრ ყვავილაც დავსწვი, მაგის სამკუთხა მარცვალიც“.

წიწიბურასთვის არჩევდნენ საქერეების ზოლს. სასვილეების ზოლშივე ითესებოდა შერია, ანუ ჭიშქენი. შერიისათვის განკუთვნილ ადგილებს საჭიშქნეებს უწოდებდნენ. საჭიშქნეები ყველა სოფელს გააჩნდა. კარის მიწებსა და საქერეების ზოლში თესდნენ ცერცეს, რომელსაც საშეჰამადეთ იყენებდნენ. გვიან დაიწყეს სიმინდის თესვა, რომლის მოვლა-მოყვანის გამოცდილება ხევისურებს არა აქვთ. სიმინდს ხშირს თესავდნენ და პირველ და მეორე თოხნის დროს გამოხშირვას არაზომიერად ატარებენ. ამას ემატება კლიმატის მოქმედება, რის შედეგად სიმინდი დაბალი იზრდება და მცირე ტაროს იკეთებს. მოსავლით ზოგან ქერს ჯობნის, მაგრამ საერთოდ მცირე-მოსავლიანია.

მაღალ მოსავალს იძლევა კარტოფილი. თითოეულ ოჯახს თავისი საკარმიდამო ნაკვეთიდან შეუძლია მოიყვანოს იმდენი, რომ ოჯახის მოთხოვნილების გარდა ბაზარზეც გაიტანოს. კარტოფილის კულტურით სრულიად თავისუფლად შეიძლება ათვისებულ იქნეს ხევისურეთის სახნავეების ქვედა და შუა სარტყელი (ბარისა და კარის სახნავეები) და ქერისა და სვილის ნაცვლად, რომელიც ძალზე დაბალ მოსავალს 1—5—3 იძლევა, მოყვანილ იქნეს მაღალმოსავლიანი კულტურა კარტოფილისა. სამწუხაროდ, კარტოფილით ხევისური დიდად არ არის დაინტერესებული, რადგან მისი ადგილიდან გატანა ტრანსპორტის გამო ძნელდება.

რაც შეეხება თამბაქოს, ცნობილია, რომ წარმოშობით იგი ამერიკული მცენარეა. ველურად იგი ცნობილი არაა. მისი გავრცელება ზღვის დონიდან 1500 მეტრამდე აღწევს. ამის ზემოთ მას ცულის წეკო, რომელიც ზღვიდან 2500 მეტრამდე ხარობს⁴⁵. მიუხედავად იმისა, რომ თამბაქოს კულტურა საქართველოსათვის ახალ მოვლენად ითვლება, მისი ისტორია ამ მხრით ნაკლებ შესწავლილია. ჩვენ აქ მაინც გვინდა ამ კულტურას შევებოთ. ხევისურეთში სათამბაქოე ბოსტნის, სა-

⁴⁵ ნ. კეცხოველი, მცენარეთა ზონები საქართველოში, გვ. 208—209.

ბოსტნე მიწის სინონიმია. სათამბაქოე მიწას აპრილში ნიჩბით დაბარავდნენ. დაბარვის შემდეგ მიწის ზედაპირს მოასწორებდნენ. დატკეპნიდნენ და ზედ ნაცარში არეულ თესლს მოაბნევდნენ. მიწა ფხვიერი არ უნდა ყოფილიყო, რომ თესლი ღრმად არ წასულიყო. თამბაქოს მალიმალ უნდოდა მარგელა. მარგელავდნენ ხელით. მორეულ სარეველა ბალახს საპარველას იტყვიან. თამბაქოს ღერი როცა გაიბურქება, მას ზედმეტ ფოთლებსა და ღერებს ჩამოაყლიან, რომ ზრდაში წავიდე. ამას თამბაქოს გაბურჯვა ეწოდება. ხოლო თამბაქოს ზრდის პროცესში, როცა ფოთლებს შეაყლიან, ამაზე თამბაქოს გადაწილვას იტყვიან. როცა ღერი დამსხვილდება და ფოთოლი გაიზრდება, თამბაქოს ძირიანად მოჭრიან და მზებზე გაფენენ. მცირე შექცობის შემდეგ ტოტებს ერთმანეთზე დააწყობენ და ზედ ქეჩის ნაჭერს გადაფარებენ. ამგვარად დალაგებული თამბაქო ჩახურდება. ამის შემდეგ თამბაქოს ოთხ-ოთხ ღერს შეკრავენ და გამოსაშრობად ჩამოკიდებენ. ამ პროცესს თამბაქოს ახურჯინავება ეწოდება. ახურჯინავებული თამბაქო გამოშრობოდა და შემდეგ მცირე სინესტე რომ შერჩებოდა იმ დროისათვის ფოთლებს შეაყლიდნენ და მუშით შეკონავდნენ. ამ კონას წეკვა ეწოდება. ღერებს კი ჯოყარი.

შემდეგში წეკვით „ბურნიოს“ ამზადებდნენ. საამისოდ წეკვას აფიცებდნენ. სიპ ქვაზე გურჩით გაზელდნენ. გაზელილ წეკვის ფხვნილს სიპზე გარიჟვნავდნენ (გარკვევა წმინდად დაფხვნილსა და მსხვილად ღარჩენილი გაუზელავი წეკვისა) და ცალკე დაყრიდნენ. რამდენიმე ღერ ჯოყარს სიპზე დაწვავდნენ, დამწვარ ჯოყარს სიპზე ღანაყავდნენ და დაზელილ წეკვში გაურევდნენ. ამის შემდეგ ბურნუთი მზად იყო. ძველად ბურნუთში ქაფურის გარეცეც სცოდნიათ. ხევსურეთში ქაფური კაცკავიდან მოჰქონდათ. ქაფურიანი ბურნუთი საუკეთესოდ ითვლებოდა, ბურნუთს გასაყიდადაც ამზადებდნენ. თამბაქოსა და ბურნუთის საწონად იყენებდნენ სტილს. ხევსურული სტილი — 1 გირვანქაა. 1 სტილი თამბაქო 1 აბაზად იყიდებოდა.

თამბაქოს წევდნენ ყალიონით, ყალიონი თიხისა, ხისა და ქვისაღ უხმარიათ, ყალიონის თავები არხობში, სოფ. კიძლაში — კლდის ლურჯი ქვისაგან უთლიათ.

თამბაქოს ღეჰავდნენ უფრო შუა ხნის ასაკში. შემჩნეულია, რომ ყალიონის წევაში მამაკაცები ჰარზობდნენ, ხოლო თამბაქოს ღეჰვაში — ქალები.

6. მოხავლის აღება-დაბინავება. როგორც ზემოთ აღვნიშნეთ, ხევსურეთში თესვა წლის ორ პერიოდში ხორციელდებოდა — გაზაფ-

ხელზე და შემოდგომით — სთვლობას. გაზაფხულზე ითვისებოდა ფიცარი ქერი, იფქლი, გაზაფხულის სვილი, რომელსაც ადვილზე ბოლორავსაც უწოდებდნენ და შვრია, ანუ ჭიშქენი. შემოდგომით ითვისებოდა იფქლი, ქრთილი, ანუ როგორც ადრე უწოდებდნენ, ჩარათი ქერი და სთვლის სვილი.

მოსავლის აღმოცენება-დამწიფება ხევსურეთში დაგვიანებით მიმდინარეობს. დამლაშობით გრილა და ზოგჯერ შემოუსვლელი მოსავალი თოვლის ქვეშ ყვება. ხშირია შემთხვევები, როცა თოვლი ნახევრად აღებულ მოსავალს უსწრებს და ძნის სახლამდე მიტანასაც ვეღარ ასწრებენ. 1959 წელს სოფელ ხახმატსა და ბისოში თოვლის ქვეშ მოჰყვა ნახევრად მომკილი ქერის ყანები და ძნები. 1960 წლის მაისში თოვლი აღებულ იყო. ნახამთრი ძნების გადატანა და ლეწვა ჯერ კიდევ არ შეიძლებოდა. მოუქალად ღარჩენილი ქერი კი იძვინად იყო დაზიანებული, რომ აქა იქ ხელით თუ მოიგლიჯებოდა.

ხევსურეთში ხორბლეულის აღება ორი წესით მიმდინარეობს: ხელით გლეჯით და ნამგლით. ნამგლით მუშაობის დროს გამოყენებული იყო ხის სათითებები, რომელსაც იკეთებდნენ მარცხენა ხელის სამ თითზე. ხევსურეთის ზოგიერთ თემში ქერს და იფქლს ხელით გლეჯდნენ, ხოლო სვილს და შვრიას ნამგლით იღებდნენ. ისე, როგორც ხენა, თესვის სეზონი ჯვარის მამულების დამუშავებით იწყებოდა, მოსავლასაც პირველ რიგში ჯვარის ყანებიდან იღებდნენ. ჯვარის ხოდაბუნების აღება სოფ. არხოტის მაგალითის მიხედვით შემდეგი წესით მიმდინარეობდა. სოფელი დაიყოფოდა ადლუმებად. ჩვეულებრივ სოფელს ორ ან სამ ადლუმად ყოფდნენ. ადლუმის წევრად ან მონაწილედ მხოლოდ მასმური მამაკაცები იყვნენ. ქალები და 15 წლის ქვემოთ ბიჭები ადლუმში მონაწილეობას არ ღებულობდნენ. მასმური ნიშნავს ასაკში შესულ მამაკაცს, რომელსაც ხატის კარზე ლუღის თანით დალოცვაც შეუძლია და დაღევაც. ამასთან მასმურად ჩათვლიდნენ ისეთ ახალგაზრდას, რომელსაც შეეძლებოდა ლუღით სავსე ჩხუტის გადატანა სალუდე კოდიდან, რაც არც ისე ადვილი საქმე იყო (ალ. ოჩიაური, 1960)⁴⁶. ჯვარის სამკალ ყანას იმდენ ნაწილად ყოფდნენ, რამდენი ადლუმიც იყო. ადლუმები ძირითადად უბნების მიხედვით იკვროდა. ადლუმის მუშაობას ულაკით მუშაობას უწოდებდნენ. ადლუმი წილის ყრით ღებულობდა სამკალ ნაკვეთს. მოშვილ ყანას ძნებად კრავდნენ და

46 გ. ქალაბაძე, ხევსურეთში მიელინების დღიური, რვ. № 2, 1960.

კალოზე გადაჰქონდათ გასაღეწად. აღწერილი შრომის ორგანიზაცია ჯვარის ყანის მკასთან დაკავშირებით ზევსურეთის რამდენიმე თემში დასტურდება, სახელდობრ, არხოტში და ლიქოკში. გუდანში ჯვარის ყანების მოხვნა-დათესვა და მოსავლის აღებაში ულავი არ იცოდნენ. ამ საქმეს უშუალოდ დასტური წარმართავდა. ზოგ შემთხვევაში თუ დასტურს თავად არ შეეძლო ამ სამუშაოს გაძლოლა, იგი საღალღადო გასცემდა ხატის ყანას, მაგრამ მოსავალს კი ყოველთვის თვითონ ლეწავდა.

აქ აშკარად ჩანს ჯვარის ყანების დამუშავების საქმეში ორი განხვავებული ფორმა. შრომის ორგანიზაციის პირველ და არქაულ ფორმად მისაჩნევია ჯვარის ყანების დამუშავების საქმეში ჯვარის ემბათა კოლექტიური მონაწილეობა. პირველი ფორმა ჯვარის ყანის დამუშავების გარკვეულ სტადიაზე არ გამოყოფს კოლექტივის რომელიმე წევრს. მხოლოდ მოსავლის ლეწვის დროს გამოიყოფა კოლექტივისაგან დასტური, რომელიც ლეწავს და მოსავალს აბინავებს. თუმცა ულავის ორგანიზაციის მაინც ზევისბერთან ერთად დასტური წარმართავდა.

ჯვარის ყანების დამუშავების მეორე ფორმაში აშკარად იგრძნობა ჯვარის ყანების ხელყოფის და ექსპლოატაციის ტენდენცია. ამით, რასაკვირველია, ხორციელდებოდა მეთემეთა საერთო საკუთრების ხელყოფა. ის ფაქტი, რომ დასტური საღალღად გასცემს ჯვარის ყანას და რომ ამის უფლებას თემი ვეღარ ზღუდავს, თვით ჯვარის ყმობის ინსტიტუტის უფლებათა დაკნინების მაჩვენებელია, რაც, რასაკვირველია, თემური საზოგადოების რღვევის შედეგად უნდა აღმოცენებულიყო.

სოფ. არხოტში ჯვარის ყანაში მიღწეული მოსავალი ჯვარის კალოზე ილეწებოდა. საკომლო კალოზე ჯვარის მოსავალს არც დადგამდნენ, არც ვალეწავდნენ. საღეწად ჯვარს რაიმე განსაკუთრებული იარაღი არ გააჩნდა. ჯვარის ყანიდან მიღებული მოსავალი ჯვარის ბელელში იყრებოდა. დასტური ხშირად მოსავლის გარკვეულ ნაწილს თავისთვის იყენებდა და ამის სამაგიეროდ ჯვარს სანთელს ან საკლავს სწირავდა. თუ ჯვარს ბელელი არ გააჩნდა, მაშინ მოსავალი დასტურის ოჯახში ინახებოდა. ამ მოსავლიდან დასტური წელიწადში ორჯერ ლუღს ხარშავდა საათენგენოდ და „წელწადს“ (ახალ წელს) ამდენჯერვე ხდიდნენ არაყს. გუდანის ჯვარის დასტურს საათენგენოდ 12 ჰაწყავის ლუდი უნდა მოეხარშა.

როგორც ზემოთ იყო აღნიშნული, ქერს და იფქლს ხელით გლეჯდნენ. ხელით გლეჯა დასახლებული კულტურებისა იმითაც იყო გამოწვეული, რომ ზევსურები დაინტერესებული იყვნენ საქონლის

ზამთრის საკვების მეტი რაოდენობით მოპოვებაში. ნამგლით მოკრის შემთხვევაში ნაწვერალის სახით გარკვეული რაოდენობით საკვებთა ჩალა იკარგებოდა, რაც ხელით გლეჯვის დროს გამორიცხული იყო. ხელეურები ძნებად იკვროდა. ორ ხელეურს 1 ძნად კრავდნენ. სვილის ძნები მოცულობით ქერის და იფქლის ძნების ნახევარს შეადლენდა. ასე პატარა ძნებს იმ მიზნით კრავდნენ, რომ სვილს კი არ ლეწავდნენ, არამედ ქვის ფილაზე ან ფიცარზე ბერტყავდნენ და ისე აყრევინებდნენ მარცვალს. თუ აღებული მოსავალი ჯერ კიდევ ნელ-ნელი იყო, ძნებს ალაგებდნენ სამეულებად, ერთი ორი დღის შემდეგ მას შვიდეულებად გადააადგილებდნენ, ხოლო შემდეგ წვრილად. ბოლოს დგამდნენ კალოზე წერებად და სერკვებად. წერილაში, როგორც შემოთაც აღვნიშნეთ, შვიდი სამეულია, ე. ი. 21 ძნა. წერი კი სამ წერილას უდრის, ე. ი. 63 ძნას. ორ ხარს კალოში 3 წერილას, ანუ 63 ძნას (ერთ წერს) ჩაუშლიდნენ. არხოტში პატარა ძნები სცოდნიათ და 200-მდე ძნას უშლიდნენ კალოში უღელ ხარზე.

ძნების რაოდენობის გამოსახატავად იტყოდნენ იმდენ ოცეულს, რამდენისაგანაც დადგმა შედგებოდა. მაგ., ხუთოცი, ექვსოცი, შვიდოცი და სხვა.

მკის დროს იცოდნენ „მუშათ შეყრა“; რამდენიმე მშველი ერთიმეორესთან სანაცვლო ანაზღაურებით მუშაობდა, იცოდნენ ერთიმეორეს დახმარებაც ანაზღაურების გარეშე.

კალო ხევსურეთში მცირე რაღიუსიანი მოედანია. მისი სიდიდე 10—16 კვადრატული მეტრია. ხშირად კალო სახლის ბანზე იყო მოწყობილი. თუ ლეწვისათვის კარგი ამინდები შეესწრებოდა, სახლიდან მოშორებითაც იცოდნენ კალოს მოწყობა და ლეწვა. თუ ლეწვას ადრე ვერ მოასწრებდნენ, მაშინ ძნებს სერკვებად დგამდნენ და ზამთარში ლეწავდნენ. საამისოდ კალოს ზედაპირზე წყალს მოასხამდნენ, გაიყინებოდა და ზედ პურს ან ქერს გალეწავდნენ — ხარის ფეხით. ხარებს მოკლე, 7 მტკაველის სიგრძე უღელში აბამდნენ, უღელში შებმის მიჩვევის მიზნით, ხარებს შორის მოზვერის ჩაბმაც იცოდნენ. პირუტყვს რომ ძნა არ ექამა, პირზე ჯარჯებს ამოაკრავდნენ, რომელიც წნელით იყო მოწული. გაბმულ ხარებს ატარებდნენ კალოს ირგვლივ და ძნები მოიჩალებოდა, თავთავები ჩაიფშვებოდა. ჩალას ფიწლით მოხდიდნენ და გამოახვავებდნენ. თუ განიავებას ვერ მოასწრებდნენ, შეხვეტდნენ და შიგ რკინის საგანს შედებდნენ, რომ ავი სული არ მიკარებოდა.

ხვავის განიავებისას მარცვლის გროვას ცოცხს მოუსუროვებდნენ და ჩელხს შემოაცლიდნენ. ხევსურეთში პურს არა რეცხავდნენ.

კალოდან აკრეფილი პური პირდაპირ შესანახ კიღობნებში ან კოდებში იყრებოდა. მოჩიკა-მოჩიკი ასე ეწოდება ხევსურეთში მინდვრის ძირხვენა ბალახს, რომელსაც ქართლში მაჩიტას ეძახიან. მოჩიკი ტბილი საჭმელია, მას საანეულო ხენის დროს ამოყრიდნენ ხოლმე. აგროვებდნენ, მზეზე ახმობდნენ, შემდეგ ფქვავდნენ და პურის ან ქერის ფქვილში ურევდნენ და ჭამდნენ. გარდა ამისა, მოჩიკს ნედლსაც ჭამდნენ. მოსავლის სიმცირეში და შიმშილობისას მოჩიკს აგროვებდნენ დიდი რაოდენობით. ამ დანიშნულებით მოჩიკის გამოყენება სკოლიათ აგრეთვე ფშავსა და თუშეთში.

7. მემინდვრეობასთან დაკავშირებული შრომის ორგანიზაცია. ხევსურეთში, როგორც ზემოთ ითქვა, მიწათმოქმედება დაბალ დონეზე იდგა და მხოლოდ მემინდვრეობით იყო წარმოდგენილი, მაგრამ მემინდვრეობაში გამოყენებული მარტივი სამუშაო იარაღები მეტნაკლებად პასუხობდა იმ პირობებს, სადაც გაშლილი იყო ხევსურის მუშურნობა. ეს რომ ასეა, ანას ხევსურთა დღევანდელი ყოფაც ამტკიცებს. სახელდობრ, აქ ჯერ კიდევ გამოყენებაშია ძველებური იარაღები, რომელთა გამძლეობას, მიუხედავად ყოფაში მომხდარი ძვრებისა, ხელს უწყობს გეოგრაფიული გარემო.

ძველი მარტივი სამეურნეო იარაღებიდან, რომელიც ხევსურთა მიერ გამოიყენებოდა, ცალკე გამოყოფის ღირსია ხელის სამუშაო იარაღები: ბარი, ნიჩაბი, ქარჩი, წერაქვი, თოხი, აღნიშნული იარაღებით წარმოებული მუშაობა ინდივიდუალურია, მაგრამ ამ იარაღებით მუშაობა ხშირად კოლექტიურად მიმდინარეობდა. კოლექტივის ხელი იყო საჭირო ტყის დანაყვისათვის, ქვისაგან სახნავის გარჩევისათვის, ნაეკლის გატანა-მობნევისათვის და მთელი რიგი სამუშაოებისათვის, რომელიც მემინდვრეობის ციკლში იყო მოქცეული. კოლექტიური მუშაობისაგან რამდენიმე გარემოება უბიძგებდა; სახელდობრ ის, რომ მემინდვრეობას სასწრაფოდ სჭირდებოდა მოხვნა-დათესვა და შემდეგ სწრაფადვე უნდა მომხდარიყო მოსავლის აღება. მეორე შემპირობებელი გარემოება იყო ხევსურული ოჯახების მცირე რიცხვიანობა. აქ არ იყო დიდი ოჯახები, რომელნიც სხვა ოჯახების დაუხმარებლად შეძლებდნენ დამოუკიდებლად დაეძლიათ რიგი სამუშაოებისა. შრომითი გაერთიანების ფორმებიდან ყველაზე მარტივი ხევსურული — „მუშანია“, რომელიც ახოს აღების დროს იყრებოდა. მუშანი ნებასურვილით იყრებოდა და შრომა-მიგების პრინციპს არ ემორჩილებოდა. მუშის შემყრელი სამუშაოს დღისათვის სათანადოდ ემზადებოდა საკლავითა და სასმელით. შეყრილი მუშა მხოლოდ ერთ დღეს მუშაობდა. თუ მუშის შემყრელს სამუშაო რჩებოდა, მაშინ სა-

ნაცვლო მუშით განაგრძობდა მის შესრულებას. ასეთი სანაცვლო მუშა ხელნაცვლის (ნაცვალგარდას) სახელს ატარებდა. ნაცვალგარდა სანაცვლო შრომის ანაზღაურებაზე იყო დაპყარებული და მასაც ხელით სამუშაო იარაღებით შესასრულებელ სამუშაოზე აწყობდნენ (ახოს, აღება, თიბვა, მკა).

სახენელით მუშაობის დროს შექმნილი შრომის ორგანიზაცია რამდენიმე სახით წარმოგვიდგება. ერთი ამთავანია საყოველთაოდ გავრცელებული მონღაობა. მონღავე-მანღავე ხენის დროს შექმნილი ისეთი გაერთიანებაა, სადაც ორი წევრია წარმოდგენილი — გუთნის-დედა და მწაფავი. ორივე მხარე ცდილობს, რომ თავისი წეობა ტოლძალოვანი იარაღითა და გამწევი ძალით წარმოადგინოს. ხშირად ერთს ერთი ხარი და რკინის ნაწილები შეაქვს ამ პატარა გაერთიანებაში, მეორეს ხარი და სახენელი. ხენა მოღვაშის წევრებს მორიგეობით მოუღიო. პირველად მთის სახნაურებიდან იწყებენ და შემდეგ თანდათან დაბლა ეშვებიან: კარსა და ბარის მაქულეებისაკენ. მონღავეს წევრების და ხარების დაპურება, ვისი სახნავეც იხენოდა, მას ევალეობდა, ხენის ღლეების რაოდენობას განსაზღვრავს არა მონღავეში შეტანილი ინვენტარი და გამწევი ძალა, არამედ ის, თუ ვის რამდენი აქვს მოსახნავი. რადგან ხეესურეთში მცირე მამულიანობაა მოღვაშის მუშაობაც დიდხანს არ გრძელდებოდა. 1 კვირაში მოღვაში ხენა-თესვის სამუშაოს ამთავრებდა და იშლებოდა.

მეორე ფორმა სახენელთან დაკავშირებული შრომის ორგანიზაციისა, იწოდება „მანნავის“ სახელით. მანნავი წააგავს „მუშათ“. მანნავის ქვეშ იგულისხმებოდა რამდენიმე სახენელი და მხენელი, რომელიც იყრებოდა უხარო მოსახლს დასახმარებლად. სამაგიეროდ უხარო კაცი მანნავთ არაყით უმასპინძლდებოდა. მანნავი ზოგჯერ გამასპინძლებს გარეშეც მუშაობდა და თავისი ღლიური საგზალიც სახლიდან მიჰქონდა. თავისი ბუნებით მანნავი მამითადის წინამორბედ ფორმას მოგვაგონებს, რომელმაც კლასობრივი საზოგადოების გარკვეულ საფეხურზე ფორმა შეიცვალა და შეძლებულთა ხელში-საწვდომ შრომის ორგანიზაციად იქცა.

მესამე სახე ხენასთან დაკავშირებული შრომის ფორმისა „ხარის იხნივად“ იწოდება. ის ოჯახი, ვისაც ხარი არ გააჩნია და ჰქონდა საშუალება პირუტყვის გამოკვებისა, რამდენიმე ხარის პატრონს შეუთანხმდებოდა, რომ მის ხარს იხნივით დაიბამდა, ე. ი. შემოდგომიდან გაზაფხულამდე ხარს გამოუკვებავდა და სამაგიეროდ გამოიყენებდა სამუშაოზე, ლეწვანზე, ხენაზე. ამავე დროს ხარის დამბმელს პატრონისათვის უნდა 1 ცხვარიც მიეცა. იხნივით უფრო სახენელში მუ-

შობაში გაწაფულ ხარს არჩევდნენ. სახენელში გაწვრთნილ ხარს მანძილას უწოდებდნენ⁴⁷. თუ გამკვებავი ორ მანძილას დაიბამდა, ხარების პატრონისათვის ორი ცხვარი უნდა მიეცა.

ისე როგორც ფშავში, ხევსურეთშიც გავრცელებული ყოფილა მიწის იჯარით გაცემის ისეთი ფორმა, რომელიც „თესლადების“ სახელით არის ცნობილი. თესლადების პირობა შემდეგში გამოხატებოდა: მიწის პატრონი, რომელსაც არ შეეძლო მისი გააბატონება და დამუშავება, მეზობელს ამ მიწის ნაკვეთს აძლევდა, ე. წ. თესლადებით, მეზობელი მიწას ნაკელს დააყრიდა, განოყიერებულს მოხნავდა და დათესდა. თუ მიწის პატრონი მოსავლის აღებაში მიეხმარებოდა, მაშინ მიწის დამქირავებელი თესლის ოდენობის გამოკლებით მოსავალს შუაზე გაუყოფდა, როგორც ზორბლეულს, ისე მის ჩალა-ბზეს; თუ არ მოეხმარებოდა, თესლის ოდენობის აღების მერე რაც დარჩებოდა იმას შუაზე გაუყოფდა, ხოლო ჩალა-ბზე დამქირავებელს რჩებოდა. ხევსურეთში ამ სახის ურთიერთობას მიწის საზიარო მოხვნასაც უწოდებენ.

8. მემინდვრობასთან დაკავშირებული ზომა-წონის ერთეულები ხევსურეთში. როგორც ზემოთაც მივუთითეთ, ხევსურეთში თემების მიხედვით მიწის ზომის ერთეულები სხვადასხვა სახელით იყო გავრცელებული. მთელ ხევსურეთში მიწის ძირითადი ზომის ერთეული დლიურია. აქაური დლიური უდრის ხევსურული კავით ერთი დღის ნახნავ ფარაობს. დლიურზე მცირე ერთეულია ნახევარი დლიური და დლოურის მეოთხედი. დლიურზე მცირე ერთეულია დალაღვა. დლიურში ოთხი დალაღვაა. დალაღვის მონაკვეთი გამოითვლება ხვნის დროს ხარის დასვენებიდან დასვენებამდე მონაკვეთებით. მხვენელი ხარი დღეში სამჯერ ისვენებს და შესვენებიდან შესვენებამდე დროში მოხნული ნაკვეთი ოთხი ერთეული გამოდის. თითოეულ ამ პერიოდში მოხნული ნაკვეთი მოცულობით ერთიმეორეს ეტოლება და ერთ დალაღვად იწოდება. მიწის ფართობის ამ მონაკვეთის აღსანიშნავად დალაღვის ხმარება ხარების დალაღვიდან, გარეკვიდან გამოდის.

წერის მამული. ხევსურეთის სხვადასხვა თემის მიხედვით წერის მამული სხვადასხვა მოცულობის მიწის ფართობს გამოხატავდა. ბარისახოში ერთ დლიურში 10 წერის მამული ივარაუდებოდა. არხოტის თემში დლიურში 5 წერის მამულს ვარაუდობენ. წერში 63—70 ძნა მამულის ფართი ამის შესაბამისად იზომებოდა.

მძღვარი — მიწის ფართობის შესადარებელი ზომის გამოხატავად ხევსურეთში ხმარობდნენ ტერმინ მძღვარსაც. ერთი მძღვა-

⁴⁷ ალ. კონკარაული, ხევსურულის თავისებურებანი, 1960, გვ. 197.

რი მიწა მიწის ერთ ნაკვეთს გულისხმობს. მძღვარი დაახლოებით ერთ დღიურს შეადგენდა.

კ ა ლ ო მ ა მ უ ლ ი — ალ. ჰინჭარაულს შატლის თემში დამოწმებული აქვს მიწის ფართობის ზომის ერთეულად კ ა ლ ო⁴⁸, მაგრამ რა ფართობს შეადგენდა, ამის შესახებ არაფერს აღნიშნავს. ჩვენი მასალების მიხედვით, ერთი კალო მიწის ნაკვეთის ქვეშ იგულისხმებოდა 2 წერის მამული. ერთ წერში სამი წერილაა. წერილაში კი 7 სამეული ძნა, ე. ი. გამოდის, რომ კალო მამული 63 ძნის მომცემ მიწის ნაკვეთს ვარაუდობდა.

როგორც მასალებიდან ჩანს, მიწის ზომის ერთეულის განმსაზღვრელად გამოდის ძირითადად სახვნელი იარაღის მუშაობა და მასზე მოწეული მოსავლის რაოდენობა. წონის ერთეულებად ხმარობდნენ კვერცხს. 4 კვერცხი შეადგენდა 1 სტილს⁴⁹. 2 სტილი შეადგენდა 1 გირვანქას, 5 სტილი — 1 ჩარექს. ჩარექი შეადგენდა 2,5 გირვანქას, ანუ 1 კილოგრამს; 5 ჩარექის ზომის ერთეულს საცხვარეს უწოდებდნენ. საცხვარე 5 ჩარექიან ქვაბს ერქვა. ამ ერთეულით ერბოს კასრების წონას ანგარიშობდნენ.

4 ჩარექი ერთი ნასამალია, 2 ნასამალი ერთი გვერდია. ორი გვერდი 1 საწყავია, ანუ 16 კგ.

ხმარებაში იყო აგრეთვე კოდი, რაც 2 ფუთს შეადგენდა.

მ. მემინდვრობასთან დაკავშირებული რწმენა-წარმოდგენები. დათესვის შემდეგ მთესველი ზოგის თქმით, სამ დღეს, ხოლო ზოგ სოფელში ჩაწერილი მასალის მიხედვით, ორი კვირის მანძილზე პირს არ დაიბანდა. მორწმუნეთა აზრით, მთესველს რომ პირი დაებანა, ნათესები ჩამოირეცხებოდა.

ზემოთ ჩვენ შევხებთ ფშავში თესვასთან დაკავშირებულ რწმენა-წარმოდგენებს და აღნიშნული იყო „ნათესების მწყემსისა“ და ქართლს

48 ალ. ჰინჭარაული, ხევსურულის თავისებურებანი, გვ. 204.

49 სტილის შესახებ იხ. გ. ჩიტაიას გამოკვლევა „ხევსურული სტილი“, საქ. სახ. მუზეუმის მოამბე, ტ. IV, გვ. 285—288. საქართველოში სხვადასხვა დროს და სხვადასხვა თემში სტილის წონა სხვადასხვა რაოდენობით ყოფილა წარმოდგენილი. ელუარდ ეიხვალდს 1830-იან წლებში საქართველოში მოგზაურობის დროს ყურადღება მიუქცევია ზომა-წონის ერთეულებისათვის. მისი მონაცემებით ქართული სტილი=160 გრამს. ეს ერთეული უახლოვდება საბას (დაახლ. 170 გრ.), გიულდენშტედტის (დაახლ. 156 გრ) და კლაროთის (156 გრ) მონაცემებს. ეიხვალდის მიხედვით ქართლში კოკა=12 თუნგს, თუნგი=4 ჩარექს, 1 ჩარექი=2 გირვანქას, 4 ჩარექი=1 ლიტრას, 5 სტილი=1 ჩარექს.

Dr. Eduard Eichwald, Reise auf dem Caspischen meere und in dem Kaukasus, Stuttgart, 1837, 119.

კახეთში გავრცელებული ბოსტნის მფარველი „ბოსტნის დედოფალს“ მსგავსებაზე⁵⁰. ნათესების მწყემსს მორწმუნე ხევსურის წარმოდგენით, მოსავლის დაცვა შეეძლო, ასე ანდობდნენ ბოსტნის ნათესების დაცვას ბარელები „ბოსტნის დედოფალს“⁵¹. ნათესებზე ზრუნვა ნათესების მწყემსით არა მთავრდებოდა. გაზაფხულის თესვა-ფარცხვის შემდეგ, ამაღლება დღეს, სოფელი როცა ჯარში შეიყრებოდა, სოფლის მესვეური აპცნობდა „რომ დღეიდან აღკვეთილია საქონლის სათიბებში გაშვება“. ამავე დღეს სოფელი ქარ-სეტყვის დღეს აღკვეთავდა. ამ დანიშნულებით ბარში ჩვეულებრივ კვირაში ორ დღეს უქმობდნენ, ხევსურეთში კი ორ-სამ დღეს. მაგ., არხოტიენები ორშაბათს, პარსკეეს და შაბათ დღეს არ მუშაობდნენ. აღკვეთილი დღის გატეხა არ შეიძლებოდა. გამტეხი სასტიკად ისჯებოდა. და ეს ზოგჯერ სოფლიდან მოკვეთამდეც კი მიდიოდა, მაგ., არხოტში გიგია და გერგეტელი ოჩიაურები სოფელს მოუკვეთია პარასკევის გატეხის თაობაზე (ალ. ოჩიაური, სოფ. შუაფხო, 1958)⁵².

თუ სოფელში საშური საქმეები გაჩნდებოდა და რომელიმე ოჯახს გადაუდებელი სამუშაო შეეწრებოდა, ის სოფელს შეეკითხებოდა, რომ მისთვის ნება დაერთო უქმე დღის გატეხისა. სოფელი სააპისო უფლებას მიანიჭებდა იმ შემთხვევაში, თუ უქმის გამტეხი ოჯახში ამ დღეს „დანათლავდა“. დანათვლა გამოიხატებოდა „უქმის სამტეხლო“ სანათლი ციკნის დაკვლაში. სანათლი ციკანი ხუცესს უნდა დაეკლა; იცოდნენ ცხვრის დაკვლაც. აღსანიშნავია, რომ ჯვარის მსახურთ დღეების აკრძალვა არ ეხებოდათ. ისინი თუ იმუშავენდნენ, სანათლავს არ დაკლავდნენ. თუ რიგითი მეთემე სანათლავად ცხვარს დაკლავდა, ერთ დღეს სამ კომლს შეეძლო ემუშავა. აღკვეთილი დღეების უქმობა გრძელდებოდა მკის დაწყებამდე; მკის დასაქრულს, როცა უკანასკნელ სამკალიდან სოფელში მკის ჯვარი მოვიდოდა, აღკვეთილი დღეების უქმობა წყლებოდა. ხევსურეთში აღკვეთილ დღეებში თავის თემში მუშაობა არ შეიძლებოდა. არ შეიძლებოდა მიწის შეძვრა, არც ტყის სამუშაოებში შესრულება. ასევე ჩეჩეა, რთვა, ქსოვა და სხვ. მორწმუნე ხევსურის აზრით, უქმე დღეს გატეხვა გამოიწვევდა ქარსა და სეტყვას. ხევსურს მკაცრ ბუნებრივ გარემოში უხნდებოდა მეურნეობის წარმოება და ამდენად კლიმატურ მხარეს მოსავლის ბედ-იბაღზე დიდი გავლენა ჰქონდა. პირაქეთელი ხევსურის დაკვი-

⁵⁰ გ. ჯალაბაძე, მიწათმოქმედება ფშავ-ხევსურეთში, 1963, გვ. 38.

⁵¹ იქვე, გვ. 39.

⁵² გ. ჯალაბაძე, ფშავ-ხევსურეთში შივლინების დღიური, რე. № 1, 1958.

რეებით პირიქითი ხევისურეთის მხრიდან პარაქეთში ხშირად გადმო-
დიოდა ცივი ქარები და ზოგჯერ ცივ ღრუბლებს სეტყვაც გადმოჰ-
ქონდა. პირიქითელი ხევისურებიდან გორშედმონებს (ბაცალიგოს
თემი), რომლებიც პირიქითში გადასასვლელთან ახლო ცხოვრობდნენ,
დავალებული ჰქონდათ, რომ ქარსეტყვას პირიქითიდან მომავალი
ღრუბლები სათვალს თვალყური ეღვენებინათ და „შეეჩერებინათ“. სა-
მისოდ იჭერდნენ თურმე მყვარს და გველს. გველს ბალახის დუღუ-
რასში, ე. ი. მილიან ღეროში შეაძვრენდნენ. შემდეგ თიკანს წაიყვან-
დნენ და გადასასვლელ მთაზე აიყვანდნენ. აქ თიკანს დაკლავდნენ,
ტყავს გახდიდნენ, გულად გააკეთებდნენ, რასაც აქ ხასუნას (თიკნის
ვუღას) უწოდებდნენ. შემდეგ გველს და მყვარს ხასუნაში მოათავ-
სებდნენ, თიკნის ხორცს ხელუკუღმა არხოტივენების მხარეზე გადაყ-
რიდნენ და ამ გველმყვარიან გულსაც მათ მხარეზე გადაადგებდნენ.
„ამით თავიდან იქნებოდა აცილებული ქარსეტყვა. ღრუბლები მი-
მართულებას შეიცვლიდნენ და ადგილზევე დარჩებოდა“. ამ გარე-
შობებს არხოტიენები არც თუ ისე სიამოვნებით უყურებდნენ და
გველმყვარის გადამყრელთან მტრულად იყვნენ განწყობილნი. ჩვე-
ნი შეკრებილი მასალის მიხედვით, არხოტიენთ ფიცაც კი დაუდვიათ,
რომ გორშედმონი უატა, ჰადაც კი შეხვდებოდათ, უნდა ექრათ. თე-
მის მიერ გველ-მყვართ გადამყრელი სათანადო გასამრჯელოს ლებუ-
ლობდა — „თითო გასრევა ტყვია-წაშალს“ (ალ. ოჩიაური, 1958)⁵³.

როგორც ზემოთ ვნახეთ, ხევისურებს მცირე რაოდენობით გააჩნ-
დათ სახნავ-სათესი და მათი დოვლათის წყაროს ადგილობრივი მეურ-
ნეობიდან მეტაქონლეობა-მემინდვრეობიდან შექმნილი პროდუქტები
შეადგენდა, რომელიც საკმაოდ ლიმიტირებული სახით იყო წარმოდ-
გენილი. სამუშაო დღეების აკრძალვის რეალური საფუძველი მეურ-
ნეობიდან გამოძინარე ჩანს. ხევისურის მიერ წარმოებული მეურნეო-
ბა აღნიშნულ პერიოდში არ თხოულობდა დიდ მუშახელს. სამაგიეროდ
დამატებითი დოვლათის მოსაპოვებლად იმავე უქმე დღეებში
მას შეეძლო გასულიყო მეზობელ თემში ან მეზობელ რაიონში და იქ
ემუშავა. მიდიოდნენ მეშეშეები ტყის სამუშაოებზე, მონაგლის აღე-
ბაზე, საბარზე, ბაქნის ხევწაზე, კენ-უნაგირის კეთებაზე და სხვ. სა-
მუშაოზე გადიოდნენ როგორც მამაკაცები, ისე ქალები. ქალების სა-
მუშაო რადიუსი ფშავს არ სცილდებოდა, მამაკაცები უფრო შორს
მიდიოდნენ. უქმე დღეები ისეა ერთიპირობაზე გამბული — პარასკევი,
შაბათი, კვირა, ორშაბათი, რომ ეს გარემოებაც ალბათ ხელს უწყო-

⁵³ გ. ქალაბაძე, ფშავ-ხევისურეთში მიკლონების დღიური, რე. № 1,
1958.

ბდა, რომ ორი სამი დღით გასულიყვნენ მეზობელ თემში სამუშაოდ საქმეზე.

ხევსურეთი საერთოდ არ უჩიოდა გვალვებს, მაგრამ ზოგჯერ გვალვა აქაც საფრთხეში აყენებდა წლის სარჩოს. მორწყვას აქ საერთოდ არ მისდევდნენ და თუ გვალვიანი წელი დადგებოდა, მაშინ მორწყუნიები მიმართავდნენ წვიმის გამოწვევის სხვადასხვა საშუალებას. ასე, მაგ.: იცოდნენ მიცვალებულის ძვლის წყალში ჩაგდება. ამ მოქმედებით სჯეროდათ, რომ წვიმა მოვიდოდა. მიცვალებულის ძვლის ამოღება იცოდნენ სავარო საფლავიდან. ხევსურეთში ასეთი საფლავები ყველა სოფელში არ არის. ზოგჯერ მიცვალებული ორი-სამი კილომეტრით დაშორებულ სასაფლაოზე გადაჰქონდათ, სადაც სამამიშვილო საფლავები იყო მოთავსებული, საფლავი ხევსურეთში ჩვეულებრივი ქვაყუთია, რომლის მსგავს ქვაყუთებს ხშირად ვხედავთ არქეოლოგიური ფაქტების დროს, როგორც ქართლის ბარში, ისე მთის ზოლში, სამამიშვილო საფლავი ზემოდან ბრტყელი ქვით იყო გადაფარებული, ახალი მიცვალებულის დასაფლავებისას ქვას გვერდზე გადაიღებდნენ, შიგ ძვლებს აქეთ-იქით მისწევდნენ და ახალ მიცვალებულს ჩაასვენებდნენ. ძველი მიცვალებულის ძვლებს ახალ მიცვალებულს ზემოდან დააყრიდნენ. გვალვის დროს, სწორედ აქედან ძველი მიცვალებულის ძვალს ამოიღებდნენ. მდინარე წყალზე წაიღებდნენ და შიგ ჩააგდებდნენ.

მაგრამ იყო შემთხვევებიც, როცა სეტყვა ან წვიმა შეაწუხებდათ, მაშინ ნაცარს ან სახნის-საკვეთს გამოაგდებდნენ.

ხევსურთა ძველი წარმოდგენით მინდვრის თავისი მფარველი ჰყავს. მინდვრის მფარველ ღვთაებად მინდვრის გიორგია მიჩნეული; რომელიც თავისი უფლებებით ელიაზე მალა დგას. ელია მინდვრის ნათესების მფარველია, მინდვრის გიორგი კი მთელი მინდვრისაა. მინდვრის ფიორგის საკულტო ნიში მოთავსებულია სოფ. ქმოსტში, სადაც გვალვიანობის დროს სოფლეურად შეკრებილი პურით და საკლავით მოდიოდნენ და „მინდვრის თეთრი გიორგის“ კარზე „საღმთოს“ იხდიდნენ. მოხვევებსაც მფარველობდა მინდვრის წმინდა გიორგი, სოფ. სიონელები მინდვრის წ-ა გიორგის თავის მფარველად მიიჩნევდნენ. გაღმოცემის მიხედვით, ქმოსტის თეთრი გიორგი, იგივე მინდვრის გიორგი, სოფელ ბოდავიდან მობრძანებულა. ბოდავიდან თეთრი გიორგის ჭვარიონი მოდენილა. ხევსურეთში მომავალ ჭვარიონს ქმოსტელები მორიგეობით ხვდებოდნენ ორწყალთან ნიშა ხარით. თუ ნიშა ხარი არ ეყოლებოდათ, მაშინ ხარს შუბლზე თეთრ ნაქერს წააკრავდნენ და ისე დახვდებოდნენ. ხარს, როგორც წესი, ორწყალ-

ში კლავდენ და შემდეგ ღამისთევით ქმოსტში მიდიოდნენ. ჯვარონთა მოძრაობა ფშავ-ხევსურეთისათვის საერთოდ დამახასიათებელი მოვლენაა. ჩანს აქაც, ბოდავის წ-ა გიორგის ჯვარიონის მოძრაობა მის ნიშებთან, ერთგვარ კანონზომიერებას ემორჩილება.

მინდვრის კულტურების კეთილდღეობა ხევსურის განუწყვეტელი ზრუნვის საგანს წარმოადგენდა. ამავე სფეროს განეკუთვნება კიდევ ერთი საკითხი, რომელიც „ლიახვის დროშას“ შეეხება. ლიახვის დროშასთან დაკავშირებით სოფ. ჯუთაში გადმოგვცეს, რომ 15 ივლისს (ძვ. სტ.) სოფ. ართხმომში იმართებოდა ხოლმე დასავლურად წ-ა გიორგის დღეობა. ამ დღეობაზე გამაჰქონდათ სამი დროშა, ლიახვის, სახუცო და სახელოსნო. ლიახვის დროშა ეჭირა ხატში ახლად მოსულ დასტურს — ხატის ყმას. „ლიახვის დროშა ქაჯავეთით მოუტანიათ. დროშებში ის მთავარიო“ (არაბული აბრამ თოთიას ძე 54 წლის, 1957, ს. ჯუთა)⁵⁴.

მეორე გადმოცემით „ლიახვის დროშა ხორნაულთაშია და სადაც ეგ დროშა ასვენია, იქ სეტყვა არ მოვაო; „იმ ლიახვის დროშას შუბის წვერი ვერცხლის აქვს, ფაუტყდა ყუნწი, მემრ შეადულა ბათირამ და მაშინვე დაამიზეზა“ (გადუა არაბული 58 წლის, 1960, ს. გუდანი)⁵⁵.

ლიახვის დროშა რამდენიმე მხრით იქცევს ყურადღებას: რომ ის სეტყვისაგან იცავს ნათესებს, სადაურობით, რომ ის მოტანილია ჭაჯავეთიდან და თვით ტერმინი ლიახვი, რომელიც ტაბონიში გვაქვს შემონახული. საყურადღებოა, რომ ლიახვო ძველ ხალხურ მისამღერებშიც არის შემორჩენილი, რაც საერთოდ ამ დროშის სიძველეზე უნდა მეტყველებდეს. იგი კავშირშია წყლის კულტთან.

კუდიან წუხრას იცოდნენ ნახშირის აღება და პურის შესანახ კოდში ან კილობანში ჩაგდება, რომ ავი სული არ გაკარებოდა.

ხევსურეთში მემინდვრეობასთან დაკავშირებული მაგიურ-რელიგიური ხასიათის წეს-ჩვეულებათა სიმრავლე უთუოდ ხაზს უსვამს თვით მეურნეობის როგორც სიძველეზე, აგრეთვე ხევსურისათვის მის მთავარ მნიშვნელობაზე, რომელზედაც დაფუძნებული იყო ხევსურული ოჯახის არსებობა და კეთილდღეობა.

10. ხალხური ასტრობიონიკა: ხალხური დაკვირვებით, ხორბლელის მოსავლიანობა დიდად იყო დამოკიდებული მთვარეზე. თესლის მიწაში მიბარების დღიდან ხევსური მთვარის მიხედვით თვალყურს ადევნებდა მის აღმოცენება-გაზრდა-დამწიფების ეტაპებსა და მის

54 გ. ჯ ა ლ ა ბ ა ძ ე, ხევსურეთში მივლინების მასალები, 1960.

55 ი ქ ე ე.

დროულ აღება-დაბინავებას. იმის გამო, რომ ხევსურეთში ხორბლე-
ულის ნათესები არ ირწყვებოდა და არც შეიძლებოდა მისი მორწყვა,
ისეთ დროს უნდა დაეთესათ, რომ შემდეგ წვიმებს მიწა დაეღობო,
თესლი ჩაეხურებინა და აღმოცენებისათვის ხელი შეეწყო. საგანაფ-
ხულო თესვა ამ მხრივ ერთგვარად უზრუნველყოფილი იყო, რადგან
მიწა ამ დროისათვის ნოტიო იყო, მაგრამ საშემოდგომო ნათესები-
სათვის ნიადაგის სინოტივეს გადაშწყვეტი მნიშვნელობა ჰქონდა. ხე-
სურები წვიმის აღრე თუ გვიან მოსვლას წინასწარ მთვარეზე დაკვი-
რვებით ტყობილობდნენ. დაკვირვებას ახდენდნენ მთვარის მანავზე.
მთვარის მანავი მთვარის გვირგვინია. თუ მანავი მთვარის ახლო იყო,
წვიმა მალე მოვიდოდა, თუ შორს იყო, წვიმას შეაგვიანდებოდა. ამის
შესაბამისად ითვალისწინებდნენ დათესვის ვადებს. ახალი მთვარის
ყვითელი ფერი საავდროდ ითვლებოდა, თუ მთვარე გულაღმა იჭდა,
მაის ასეთი მდებარეობაც საავდროდ იყო მიჩნეული, ხოლო „თუ
მთვარე ქიქზე ზის ეს სადაროდ ითვლებოდა“ (ალ. ოჩიაური, 75
წლის, 1969)⁵⁶.

წლის სამეურნეო ციკლის პერიოდიზაციის განსაზღვრისათვის და-
დღე-ღამის დროის მონაკვეთების დასადგენად იყენებდნენ ვარსკე-
ლავთა მოძრაობაზე დაკვირვებას. არჩევდნენ ცალკეულ ვარსკელა-
ვებს, ვარსკელავთა ჯგუფებს და წლის დროის სხვადასხვა პერიოდში
მათს მოძრაობას. იცოდნენ შემდეგი საორიენტაციო ვარსკელავები:
მრავალა (7 ვარსკელავი), სულთახაი, უღელანი ორი ვარსკელავია,
წიბუ, ბუწო და წინამძღვარი. არხოტში უღელაზე დაკვირვებით გან-
საზღვრავდნენ დღისა და ღამის დროის მონაკვეთს. მაგ., როცა უღე-
ლა არხოტის გორს მიეფარებოდა გათენების უამიცი დგებოდა⁵⁷.

ხევსურეთში ქერი ერთი ძირითადი და წამყვანი სამეურნეო კულ-
ტურაა. ის იმდენად ფართოდ იყო ფეხმოკიდებული, რომ საზომ-
საწყაო ჭურჭელი იმის შესაბამისად იყო დამზადებული. ქერი წარ-
მოადგენდა ნაჭრილობევის საზომ საშუალებას. საბასაც ხომ ქრთი-
ლის — იგივე ქერის მარცვალი აქვს საწყაოთა თუ საწონთა საზომი
ერთეულის სუბსტანციად. დროის მონაკვეთის განსაზღვრაშიც ქე-
რის მარცვალი ითვლებოდა გარკვეულ კომპონენტად. მაგ., „ბუწო
ვარსკელავი წინამძღვარასთან ახლო მავალია, მაგრამ წინამძღვარაზე
უფრო ღიღია. წინამძღვარა პატარაა და არა ჩანს. თუ წინამძღვარა
ვარსკელავი ისეთ დროს გამოჩნდება, რომ ზეზე მდგომი აღაპიანი
მიწაზე ქერის მარცვლის დანახვას შესძლებს, ეს უკვე იმის ნიშნად-

⁵⁶ გ. ქალაბაძე, ხევსურული მასალების ჩანაწერი, 1969.

⁵⁷ იქვე.

იველებოდა, რომ გაზაფხული ძალაში შედიოდა და პირუტყვი, რომელიც ბაგურ კვებაზე იყო ზამთრის პერიოდში, ამიერიდან შეიძლება ბალახზე გაყვანა“ (ალ. ოჩიაური, 75 წლის, 1969)⁵⁸. არჩევდნენ ვარსკვლავთა ერთ ჯგუფს, რომელსაც ავინარიანს უწოდებენ. ავინარიანი რამდენიმე ვარსკვლავით არის შედგენილი. შუაში ერთი ვარსკვლავია, რომელსაც დანარჩენები ვარს უვლიან. როცა ავინარიანი აღაჰიანის სიმაღლეზე მოვიდოდა, მაშინ გათენება იწყებოდა. მეურნე კაცი ამ დროს სამუშაოს თაღარიგისათვის ადგებოდა. ღამის დროს მონაკვეთის განსაზღვრაში იყენებდნენ აგრეთვე ორი ახლომდებარე ვარსკვლავის მოძრაობაზე დაკვირვებას. ამ ვარსკვლავებს ტყუპარქიკათ ეძახდნენ.

იგარდა ციურ სხეულებზე დაკვირვებისა, მოსავლის აღების პერიოდების დადგენის საქმისათვის აკვირდებოდნენ ფრინველების მოძრაობას, მათს გადანაცვლებას ერთი მთიდან მეორეზე. ტყის ნადირის მოქმედებას, მწერების მოძრაობას, თევზებს და სხვ.

ხალხური დაკვირვებით ურნატა ჩიტის მოფრენა გაზაფხულის ხვნა-თესვის დაწყების ნიშნად იყო მიჩნეული. მისი მოფრენის დღიდან მიწაში თესლის ჩაშვება შეიძლებოდა, თესლი არ გალაცდებოდა, მერცხლების აღრე წასვლა აღრე დაზამთრების ნიშნად იყო მიჩნეული. წეროების აღრე გადაფრენაც აჰას მოასწავებდა. აღრე აციებას მოასწავებდა აგრეთვე დათვის მიტევება პირუტყვზე. ზამთრის აღრე დადგომის ნიშნად ითვლებოდა კალიის მოუფრენლობა. 1968 წელს ხევსურები შენიშნავენ, რომ „წელს მკალი (კალია) არ გამოჩნდა, აღრე დაგვიზამთრდება“ (არჩილ გიორგის ძე ოჩიაური, 55 წლის, 1968, ს. შუაფხო)⁵⁹. ეს საუბარი ივლისში იყო, ოქტომბრის ნახევარში კი ფშავ-ხევსურეთის მთები ნაადრევად ჩამოთოვა. 1968 წ. საქართველოში საერთოდ ნაადრევად აცივდა, მთებში აღრე დაზამთრდა, ზამთარი ცივი და ხანგრძლივი იყო.

ჩამოთვლილი მაგალითები ხალხურ ასტრობიონიკას განეკუთვნება. ამ მიმართებით კვლევა-ძიება პერსპექტიულად გვეჩვენება და შემდგომ გაღრმავებულ მუშაობას მოითხოვს, რადგან იგი, როგორც თეორიული, ისე პრაქტიკული მნიშვნელობის საქმედ გვესახება.

58 გ. ქალაბაძე, ხევსურული მასალების დღიური, 1969.

59 გ. ქალაბაძე, ხევსურული მასალების დღიური, 1968.

მემინდვრობა თერბის ხეობაში.

1. ხელით სამუშაო იარაღები. არქეოლოგიური მონაცემების მიხედვით საქართველოს ტერიტორიაზე ენეოლითის ხანიდან დასტურდება როგორც მარტივი სამიწათმოქმედო იარაღები (ტარსაგებიანი რქები, ლულოვანი ძვლები), ისე ხორბლეულის ზოგიერთი სახეობა, უფრო მოგვიანებით მიწათმოქმედებაში ჩნდება სპილენძ-ბრინჯაოსა და რკინის იარაღები, იზრდება ხორბლეულთა ჯიშები¹.

ეთნოგრაფიული მასალების მიხედვით სავარაუდოა, რომ ლითონის იარაღების გვერდით დიდი ადგილი ეჭირა ხის სამეურნეო იარაღებსაც. მიწის სამუშაოებზე ხის იარაღებს საქართველოში გვიან ხანობამდე იყენებდნენ. ასეთ იარაღებს განეკუთვნებოდა: თოხები, ბარები, ჩეკ-სარეკები, მარგილები, სახენელი იარაღის უმარტივესი სახეობა კავწერა და სხვ. ხის იარაღების გამოყენება ქართველთა ეთნოგრაფიულ ყოფაში მეურნეობის დაბალი დონით არ იყო შეპირობებული. მის განმსაზღვრელად არ ფამოღგება არც მხოლოდ საზოგადოებრივი განვითარების დონე. აღნიშნული გარემოებანი, ცხადია, დიდ როლს თამაშობდნენ, მაგრამ ხსენებული მასალით დამზადებული იარაღების ხანგრძლივად შემონახვას არსებითად განსაზღვრავდა სამეურნეო კულტურების რაობა და ნიადაგების ხარისხიანობა. ამ მხრივ სანიმუშო მასალას გვაძლევს დასავლეთ საქართველოს მთიანი რაიონების მიწათმოქმედება, სადაც ხის იარაღების, სახელდობრ ბა-

¹ В. Менабде, Ботанико-систематические данные о хлебных злаках древней Колхиды, Сообщ. Груз. Фил. АН СССР, ч. I, № 9, 1940, с. 683—684; Н. Хоштарни, Ди́ха-Гудзуба, Древнее население Колхидской низменности, Вестник АН ГССР, т. V, 1, 2, 1941, с. 208—210; Н. Киладзе, Многослойный археологический памятник „Сагварджиле“, საქართველოს მეცნიერებათა აკადემიის შობაზე, ტ. XIV, № 9, 1953, გვ. 565.

² В. Менабде, Грузия древняя страна пшеничных, 1950, с. 17; თთ. ჭაფარიძე, მიწათმოქმედების იარაღები დასავლეთ ქართულ კულტურაში, უნივერსიტეტის შრომები, ტ. 49, 1953, გვ. 174—212.

რის და თოხის ხანგრძლივი არსებობა განაპირობა სათოხნმა კულტურებმა და რბილმა ნიადაგებმა. აღმოსავლეთ საქართველოს მთის პირობებში რადიკალურად განსხვავდება დასავლეთ საქართველოს მთის პირობებისაგან. იგი უფრო მწირია, ხრიოკი და ამდენად მიწათმოქმედებისათვის ნაკლებად ზელსაყრელი. აღმოსავლეთ საქართველოს მთის მიწათმოქმედებას თავისი ეკონომიკური წონით მესაქონლეობა ჰკარობს, მხარამ, როგორც ირკვევა, მიწათმოქმედებას, იმავე მთაში საკმაოდ დიდი მნიშვნელობა ენიჭებოდა. ამ ჰრილში საინტერესო სურათს ხევის მიწათმოქმედების შესწავლა იძლევა.

თერგის ხეობა, ანუ დღევანდელი ყაზბეგის რაიონი მდებარეობს კავკასიონის გადაღმა, იქ, სადაც ჩამოდის მდ. თერგის ზედა ნაწილი შორეული ხევებითა და ყინულოვანი შენაკადებით. თერგის ხეობა მაღალმთიანი რაიონია; აქ წლიური საშუალო ტემპერატურა 5° არ აღემატება. სახნავ-სათესი მიწების ძირითადი ფართობები ზღვის დონიდან 1800—2220 მეტრზე მდებარეობს. ნიადაგი მწირია და ხრიოკ-კლდოვანი. სახნავთა უმეტესობა დაფერდებულ ადგილებზე მოდის. ამ ხეობის მთიანი ფერდობების უმრავლესობა მკვეთრი კლდოვანი რელიეფურობის გამო მიწათმოქმედებისათვის უვარგისია. გამოსადეგია წვრილფეხა მესაქონლეობისათვის. როგორც მასული საუკუნისათვის, ისე დღეისათვის თერგის ხეობაში მეურნეობის წამყვან დარგად მესაქონლეობა ითვლება. მიწათმოქმედების ძველმა კულტურამ, როგორც ჩანს, ორი დიდი დარტყმა განიცადა, ერთი XIX საუკუნის II ნახევარში, როცა წვრილფეხა მესაქონლეობას ფართოდ მოყიდა ხელი ადგილობრივმა მოსახლეობამ, რადგან ამ დროს მათ საშუალება მიეცათ გამოეყენებინათ ჩრდილოეთ კავკასიის საზამთრო საძოვრები. ამავე დროს ადგილობრივი მეცხვარეობიდან მიღებულ ნედლეულზე, კაპიტალიზმის თანდათანობით განვითარების შედეგად იზრდებოდა მოთხოვნილება. ამიტომ ხევის მეცხვარეობა ვაწრო შინაშობხარების ჩარჩოებიდან თავისუფლდებოდა და სამრეწველო ორომტრიალში ებმებოდა. ამ გარემოებამ ადგილობრივთა მთელი სამეურნეო ინტერესები მეცხვარეობას დაუმორჩილა და იგი ამ მხარის ეკონომიკის ძირითად და წამყვან დარგად აქცია. თერგის ხეობის მიწათმოქმედების მემინდვრეობის დარგისათვის მეორე დარტყმა XIX საუკუნის მიწურულში დაიწყო; ამჯერად ხევში გაჩნდა კარტოფილის კულტურა, რამაც უკვე XX საუკუნის I მეოთხედში ხორბლეული კულტურებისათვის გამოყენებული სახნავ-სათესი ფართობების ძირითადი ნაწილი დაიკავა.

არქეოლოგიური მონაცემებით ირკვევა, რომ დღევანდელი ყაზბეგის რაიონის ტერიტორიაზე მოსახლეობა უძველესი დროიდან და-

ბინავებულა. ხევის ტერიტორიაზე მდიდრად არის წარმოდგენილ ბრინჯაოს კულტურა. ყაზბეგში აღმოჩენილი ბრინჯაოს კულტურის ნაშთები თავიანთი დანიშნულების გარკვეულ ახსნას ადგილობრივ ეთნოგრაფიულ ყოფაში პოულობენ. ეს გარემოება უთუოდ იმის მაჩვენებელია, რომ პრეისტორიული ხანიდან დღემდე ამ რაიონში მოსახლეობას უწყვეტი ბინადრობა ჰქონდა და საუკუნეებით შემუშავებული კულტურული ტრადიციებიც თაობიდან თაობაზე გადადოდა, რამაც თითქმის დღემდე მოაღწია³.

ყაზბეგის რაიონის არქეოლოგია და ისტორია ჯერ კიდევ შესასწავლია. მრავალი ძველი ციხე და ნაშენობა, რომლებიც განლაგებულია ხეობების კალთებზე, გვაძლევს საბაბს ვიფიქროთ, რომ ადგილობრივი მოსახლეობა ეწეოდა შერწყმული სახის (მიწათმოქმედება-მესაქონლეობა) მეურნეობას, მაგრამ ადგილობრივი ბუნებრივი და სავარეო პირობების გამო მტკიცედ ლიმიტირებულს.

მიწის სივიწროვეს სასოფლო თემი მწვევედ განიცდიდა. ეს გარემოება კარგად არის ასახული XVIII საუკუნის ერთ საჩივრის წიგნში, რომელიც „ერთიან გარბანელთა“ შეუდგენიათ:

„ქ. ღ-თან ბედნიერის ხელმწიფის ძის ვახტანგის ჰირი სულ ერთიან გარბანელთ მოგვეცეს, მერმე ამას მოგახსენებთ ჩვენო მოწყალევე: სნოელი ელიაშვილი შიო აიყარა სნოდამ და აქ გარბანს მოვიდა და სახლს აქ არ ვაგებინებთ, მაგრამ თოფ-იარაღი ხელში ეჭირა. უნდა ავეყარნეთ თორემ იმის მეზობლის თავი არა მაქვს და არც ალაგი გვაქვს იმთენ და ღმერთი გაგიმარჯვებს ერთი წამალი დაგვადევ თორემ მეტი ილაჯ არა გვაქვს. ჩვენ წელს ზენა და თესვა არ შეგვიძლია თუ ის კაცი აქ არის და ეს ერთი კვირა არის შიმშილით დავიხოცენით. ღმერთი გაგიმარჯვებს სამართალი გვიბოძე. ქკს უჰა (481)—1783⁴. ამ საჩივარზე იმდროინდელი ხევის გამგებელს ვახტანგ ბატონიშვილს განკარგულება გაუცია ხევის ნაცვლისადმი, რომ „სნოელს ელაშვილს შიოს რაც გარბანს სახლი გაეკეთებინოს იმაზე მეტს ნულარ გააკეთებინებო“⁵.

თუ რა ხასიათის მეურნეობა ბატონობდა ხევის, ამის შესახებ რაიმე ისტორიული ცნობა არ მოგვეპოვება. XVIII საუკუნის ისტორიკოსის ვახუშტი ბატონიშვილის ცნობით, ხევის მეურნეობა წარმოდგენილი იყო მიწათმოქმედებისა და მეცხოველეობის დარგებით.

3 ს. შაკალათია, ხევი, 1934, გვ. 34.

4 იქვე.

5 იქვე.

„ეკობა ჯევისა არს მოსავლიანი: ხორბლისა, ქრთილისა, სელისა, შვრი-
ვისა, შთასავლით გველეთამდე“⁶.

რაც შეეხება მეცხოველეობას, ვახუშტი ბატონიშვილი ორიოდ
სიტყვით გადმოგვცემს, რომ „პირუტყვი, რაც ოდენ ეტევის, მრ-
ვალნი, ცხვარი უღუმო“. აღნიშნული გარემოება ფრიად საყურად-
ღებოა, მესაქონლეობის საკითხს უკავშირებს ხევის გარემოს, მის ფა-
რთობს, რომ იქ მეცხოველეობა იმ ზომაზე ყოფილა განვითარებული,
როგორც ამას საძოვარი იალაღები და სათიბები აკმაყოფილებდა.
ამასთან საგულისხმოა ვახუშტის ცნობა ხევის პირობებისათვის უღუ-
მო ცხვართან დაკავშირებით, რომელსაც ალბათ ადგილობრივ არა-
მომთაბარე პირობებში უხდებოდა ცხოვრება (ამ საკითხზე უფრო
ვრცლად იხ. ქვემოთ).

აღნიშნული გარემოებანი გვაგვარაუდებინებს, რომ XVIII საუ-
კუნისათვის და ეგების უფრო აღრეც, მიწის მოსავლიანობაზე ბევრად
უნდა ყოფილიყო დამოკიდებული ადგილობრივ მოსახლეთა მდგომ-
არობა. ამიტომ მიწის ყოველი გოჯი ხევში განსაკუთრებული მოვლა-
დაცვის ობიექტს წარმოადგენდა, რაზედაც კარგად მეტყველებს ხე-
ვის ეთნოგრაფიულ ყოფაში შემორჩენილი სამეურნეო იარაღები და
მიწათმოქმედებასთან დაკავშირებული სხვადასხვა წეს-ჩვეულებანი.

მინდვრის კულტურების ის სახეები, რასაც XVIII საუკუნეში
ვახუშტი ბატონიშვილი ხევისათვის ამოწმებდა, თითქმის არ შეცვლი-
ლა გვიანდლამდე, ერთი ესაა, რომ ხევის ეთნოგრაფიულ ყოფაში მო-
წმდება მასალები ცერცვის კულტურის არსებობის შესახებ, ვახუშტი
ბატონიშვილი ამას არ იხსენიებს. XIX საუკუნეში ამ კულტურებს
ემატება კარტოფილი, რომელმაც მძლავრად მოიკიდა ფეხი ადგილობ-
რივ მიწათმოქმედებაში.

სახნავ-სათეს მიწას ხევში ყანა ეწოდება. ეს ტერმინი აქ თავისი
ძველი მნიშვნელობითაა შემონახული. აქაური ყანა ნიადაგის მხრივ
სხვადასხვა თვისებებისაა, მიწების ძირითადი ნაწილი, ადგილობრივთა
დაკვირვებით, მოსავლის მოყვანას ასწრადებს. ამგვარი ყანები ქვი-
შა-რიყიანია და მწირი. მათ ქვიშრობებს უწოდებენ.

მეორე კატეგორიის ნიადაგში შედის ბალყუმი მიწები. ტერმინი
ბალყუმი, თიხნარი მიწების აღმნიშვნელია. ქვიშრობებთან შედარებით
იგი ზომიერი თვისებებით ხასიათდება. შესაძენ კატეგორიას სამყარო
მიწები განეკუთვნება. სამყარო მიწები შეიცავს ძალზე მცირე სახნავ
ფენას. ზოგჯერ სამყარო მიწას სახნავად ვერც კი იყენებდნენ და

⁶ ვახუშტი ბატონიშვილი, აღწერა სამეფოსა საქართველოსა (სა-
ქართველოს გეოგრაფია), თბ., 1941, გვ. 68.

მასზე მხოლოდ დამყარება, ე. ი. დასახლება ზღვება. მოხვევები იცნობენ სხვა ნიადაგებსაც, მაგ., ხირბატს, რომლის ქვეშაც ძალაგამოლუ-ული, გამოფიტული მიწა იგულისხმება.

როგორც აღნიშნული იყო, ხევში მკაცრ გეოგრაფიულ გარემოს-თან გვაქვს საქმე. უტყეობის გამო მთის რელიეფი შიშველი ფერდობების სახით არის წარმოდგენილი. ეს ფერდობები ნალექების წყალობით ჩამორეცხილია და ზედა სახნავი რბილი ნიადაგი კლდის ფენებსა და ქვიშრობებზეა დასული. ყოველივე ამის გამო ჰირნახულის მოსაყვანად საჭირო ფართობებს თავისებური დამუშავება ესაჭიროება. ამ ხასიათის სამუშაოებიდან პირველი რიგის საქმიანობას წარმოადგენდა ნიადაგის გასუფთავება ქვებისაგან, რასაც არჩევას ან გარჩევას უწოდებდნენ. ნიადაგის გარჩევა წარმოებდა, როგორც მიწის მოხვნა-მოწერაქვებამდე, ისე მის შემდეგაც. შეგროვილ ქვებს წინსაფრებში კრეფდნენ და შემდეგ სახნავი მიწის გვერდში აგროვებდნენ. ხშირად სახნავი მიწის ნაპირებში იმდენი ქვა გროვებოდა, რომ მისგან ლობეს ავლებდნენ. ასეთ ლობეს ყორე ეწოდებოდა. სახნავ-სათესი ნიადაგების მოპოვების საქმეში ნიადაგის გარჩევა ერთი ძირითადი პროცესთაგანი იყო. იგი მუშაობის ერთ სეზონში არ მთავრდებოდა და თანდათანობით არჩეული ქვაც ზღუდის ფამაგრებას ხმარდებოდა. ამ მხრივ გარჩევა კარგ საშუალებას წარმოადგენდა ფართობის დაცვისათვის, როგორც ზეავეებისა და ნიაღვრებისაგან, ისე პირუტყვისაგან. საერთოდ ამ დონისძიებას თერგის ხეობაში, როგორც თრუსოს ხეობის, ისე ხევის მიწათმოქმედებაში უდიდესი მნიშვნელობა ჰქონდა ნიადაგების თავდაცვისა და სახნავი ფენის შენარჩუნების საქმეში. ცხადია, მასთან ერთად არსებითი მნიშვნელობა ენიჭებოდა ნიადაგის გაპატივებასაც.

ხევის პირობებში ნიადაგის განოყიერება, ანუ მიწაში ნაგავის გატანა, ჩვეულებრივი წესით იცოდნენ. საინტერესოა ამ შემთხვევაში თვით ტერმინი ნაგავი-ნაგევი, რომლითაც გამოიხატება არა მარტო პირუტყვის ნაკელი, არამედ ყოველგვარი გადანაყარიც. ნაკელის შესატყვისი ნაგევი-ნაგავი ბავური კვების პერიოდში წარმოქმნილი ნაგებია, რომელიც ქართლში გავრცელებულ ტერმინ ნაბაგის მნიშვნელობით უნდა იყოს ხევში შემონახული. როგორც ცნობილია, ხევში ნაკელს საწვავად იყენებდნენ, საწვავს გადარჩენილ ნაკელს კი სასუქად. სასუქის გატანა სახნავ-სათესებში მარხილებით ან გოდრებით იცოდნენ. მარხილი ორგვარი იყო: ერთი ხარისა, რომელშიც უღელ ხარს აბამდნენ, ხოლო მეორე უფრო მცირე ზომისა, ცალი ხარის შესაბმელად, ან თავათ გაათრევდნენ. ამ უკანასკნელს უფრო მეტად

იყენებდნენ, ვიდრე დიდი ზომის მარხილს. მარხილის საშუალებით პატივის გატანა ზამთრის პერიოდში უფრო გაზაფხულის პირზე იცოდნენ. ნაკელს აყრიდნენ, როგორც დაუმუშავებელ, ისე დამუშავებულ დათესილ ნაკვეთებში. ნაკელს მოშლა ხდებოდა ხელით. ამ საქმიანობაში მონაწილეობას ღებულობდა ოჯახის ყოველი წევრი, განსაკუთრებით ქალები. ჩვეულებრივ ერთ დღიურზე 60 ჟინ ნაკელს აყრიდნენ.

მთის მემინდვრეობაში, განსაკუთრებით ხევში, სახნავ-სათესად ვარგისი მიწების სიმცირის გამო, ძნელი იყო ნიადაგების დასვენება. ს. მაკალათიას ნაშრომში ხევის შესახებ, აღნიშნული აქვს, რომ „მიწის დასვენება და თესლის ცვლა აქ არ იცინა“⁷. ხევის მიწათმოქმედების უფრო ახლო გაცნობამ დაგვარწმუნა, რომ აქ ორივე პირობა იყო წარმოდგენილი: მიწის დასვენებაც და თესლის ცვლაც. მაგ., ხევში დასვენებული მიწის გამომხატველია ტერმინი ყამირი (თრუსოს ხეობაში ზარაშტონ), რომლის ქვეშაც ერთი წლის ნასვენე მიწა ივარაუდება. ორი წლით ნასვენე მიწას ყამირის ყამირს უწოდებენ. უფრო დიდი ხნით დასვენებულს კი გაბორტვებულს. მიწის დასვენებას ხევში მიწის გამოცვლასაც უწოდებენ⁸. კლაპროთის ცნობითაც მიწის დასვენება ხევში 4—5 წლით სცოდნიათ⁹.

ანალოგიური მდგომარეობაა თესლმონაცვლეობის მხრივაც. იგი, მართალია, მკრთალი სახითაა წარმოდგენილი, მაგრამ მისი უარყოფა არ შეიძლება. მაგ., სოფ. სიონის 75 წლის მცხოვრები, ალექსი გრიგოლის ძე კვიციანიშვილის ცნობით, „სიონში მშრალი სვილი (ე. ი. მხოლოდ სვილი, სხვა ხორბლეულის გაურევლად) არ მოგვეყავდა, მოგვეყავდა ქერსვილი. აქ ყაზბეგელები მოდიოდნენ და ქერსვილში გვიცვლიდნენ მშრალ სუფთა ქერს“. სოფ. ტყარშეთის 95 წლის მცხოვრები ვანო შიოს ძე მაისურაძის გადმოცემით, ჩვენ (ე. ი. ტყარშეთელებს) სიონიდან მოგვქონდა სვილი, იქაური სვილი აქ კარგი მოდიოდა, აქაური ქერით ისინი იყვნენ დაინტერესებულნი“. ანალოგიური მონაცემები დამოწმებულ იქნა ხევის სხვა სოფლებშიც. ყოველივე ეს საფუძველს გვაძლევს ვიფიქროთ, რომ ხევის მიწათმოქმედებამ იცოდა თესლის ცვლა.


⁷ ს. მაკალათია, ხევი, გვ. 64.

⁸ ვ. ითონიშვილი, ხენა-თესვა ხევში; თბილისის სახელმწიფო უნივერსიტეტის სტუდენტთა სამეცნიერო შრომების კრებული, № VI, 1953, გვ. 194.

⁹ ივ. ჭავჭავაძის შვილი, საქართველოს ეკონომიური ისტორია, ნაწ. I, 1930, გვ. 282.

ხევის მიწათმოქმედების თანამიმდევარი პროცესებიდან აღსანიშნავია ნიადაგის დამუშავება ხელით სამუშაო და გამწევი ძალით მოქმედი იარაღებით. აქედან ჩვენ გამოვყოფთ ხელით სამუშაო იარაღებს, როგორც მეტად თავისებურს თავისი ფორმითა და დანიშნულებით.

ყველაზე მარტივი ფორმის იარაღი, რომელიც აღმოსავლეთ საქართველოს ბარსა და დასავლეთ საქართველოში გავრცელებული



ტაბ. IV ხელით სამუშაო იარაღების ძირითადი ტიპები

ჩეკის, მარგლს, სარეკის და წამის სახით, ხევი არ გვხვდება. ამ იარაღების გამოყენება სათანადო სამეურნეო კულტურებთან და გარკვეული ხასიათის ნიადაგებთან არის დაკავშირებული. მაგ., ჩეკი ქართლსა და კახეთში, ხოლო სარეკი რაჭაში მოხნული ან დაბარული ნიადაგის მსხვილი ნაწილაკების დასაშლელად და ყანის მარგვლს დროს იხმარებოდა. წამი სვანეთში ფეტვის კულტურასთან იყო კავშირში. მარგილს კი ბოლქვნაირთა დასარგავად და ამოსაყრელად იყენებდნენ. სამაგიეროდ ხევი, საქართველოს სხვა კუთხეებთან შედარებით, თავისებური ხელით სამუშაო იარაღებით არის წარმოდგენილი. ამ იარაღებიდან მნიშვნელოვანია წერაქვი, როგორც ადგი-

ლობრივი ნიადაგის პირველადი დამუშავებისათვის აუცილებელი საშუალება.

მოხეური წერაქვი აღნაგობის მიხედვით საქართველოს სხვა რაიონებში გავრცელებული წერაქვებისაგან ნაკლებ განსხვავდება. მისი ორივე სამუშაო პირის სიგრძე ერთნაირი ზომით ხასიათდება, ოღონდ ერთი მათგანი წვერიანია, მეორე კი ფართოპირიანი. წერაქვს შუაში სატარე აქვს. ხევში ამ იარაღის საშუალებით დაწერაქვება ზღებოდა უბირი, ბალყუმი ნიადაგებისა, წერაქვს ადგილობრივად თოხს უწოდებენ, ხოლო წერაქვით შესრულებულ მუშაობას თოხნას.

ხევში გამოყენებული იყო აგრეთვე ბარი. მოხეური ბარი აღნაგობით უფრო ნიჰაბს წააგავს, ვიდრე ბარს. მას სატერფული არ გააჩნია. ბარი საერთოდ სპეციფური იარაღია და იგი უფრო მეტად ღობა-მევენახეობასთან არის დაკავშირებული. მთის პირობებში მას ან ძალზე ვიწრო დანიშნულებით იყენებდნენ, ან თუ გვხვდება გამოყენებაში, მაშინ სწორი ტარს ნაცვლად 90° მოხრილ ტარს უგებდნენ. ასეთ ბარს, როგორც ფორმა, ისე სახელიც ეცვლებოდა და მას ბართოხას უწოდებდნენ. ბარით შესრულებულ მუშაობას ხევში „შაბარვას“ უწოდებენ. ამ იარაღით ხდება კარტოფილის ბუდნისათვის მიწის შემოყრა.

თრუსის ხეობაში დამოწმდა ბარის მეტად თავისებური ტიპის არსებობა (საქ. სახ. მუზეუმი, კოლ. № 43—58/8, სოფ. აგათკაულდან). ბარის აღნიშნული ფორმა წარმოგვიდგება სატარე გახსნილობით ისე, როგორც ეს სახნისებს ახასიათებს. სატარედან ჩასდევს ფართო ფარფლები, რომელიც ორგანულად უკავშირდება სამუშაო პირის მხრებს. სამუშაო პირი მომრგვალებულია. ტარსაგების ყუას შიგნიდან მარჯვენა მხარეზე თევზიფხური ორნამენტი აქვს. ბარის სიგრძე ტარსაგებით 32 სმ-ია, სამუშაო პირის სიგანე (დაზიანებულ-ჩამოშტკრეულია) 17 სმ, ტარსაგების უდიდესი სიგანე 4,5 სმ, სიმაღლე 3 სმ, სატარის სიგრძე 14 სმ, ტარსაგებით ფარფლის სიგანე 6 სმ.

ბარის აღნიშნული სახეობა თერგის ხეობაში შემოსულია ყიზლარის რაიონიდან მეცხვარე მწყემსების მიერ. მათივე გადმოცემით, იგი გამოყენებული ყოფილა თერგის დინების ქვედა რაიონებში ბრინჯაოს პლანტაციების დამუშავებისათვის. აღწერილი ბარის ანალოგიური ჩვენ ჩამოვიტანეთ 1953 წელს ყვარლის რაიონის უდების სოფ. ოქტომბერიდან, სადაც გადმოცემით, ბარის ამ ტიპს იყენებდნენ ბრინჯაოს პლანტაციების დასამუშავებლად. უდინების სოფლიდან ჩა-

მოტანილი ბარის ანალოგიურია აგრეთვე ზაქათალის რაიონში გამო-
ყენებული ბრინჯის ბარიც (საქ. სახ. მუხ. კოლ. № 16—26/64).

ხელით სამუშაო იარაღების შესაძვე სახეობაა მოხვეური თოხი,
თავისი მრავალსახეობებით: მხრებდაშვებული, ფოთლისებრი, რომ-
ბისებრი, ნისკარტიანი და უყუო.

1. მხრებდაშვებული თოხი რკინისაა. შედგება ყუისა და სამუ-
შაო პირისაგან. საშუალო ანაზომებია: სიმაღლე 18 სმ, პირის სიგანე
28 სმ, რომელიც ყუისაკენ თანდათან ვიწროვდება და 8 სმ-მდე დგე-
ბა. ყუთა შიგნითაა წანაზარდი. პირი თხელია და კუნჭულებით ბლავ-
გო. თოხების როგორც ამ სახეობას, ისე სხვას, ადგილობრივი მკედ-
ლები ჰქედდნენ. მკედლების გარდა ადგილობრივი ცივი ჰქედვით აწა-
რმოებდნენ ყუის ნაწილებზე თოხის სამუშაო პირის დარჩილვას.

თოხების ამ სახეობას იყენებდნენ ნაკელის დასახეულად, ბელტე-
ბის დასაფშვენლად და აღმოცენებული კარტოფილის ბუდნებისათ-
ვის პიწის შემოსაყრელად. ამავე თოხს იყენებდნენ კარტოფილის
თესვის დროს ორმოებში ჩაყრილი თესლისათვის მოწის მოსაყრე-
ლად.

2. ფოთლისებრი თოხი აგრეთვე რკინისაა, მტკიცედ ნაქედი ყუ-
ით და თხელი სამუშაო პირით. მისი საშუალო ანაზომებია: ყუის
სიგანე 5,5 სმ, სამუშაო პირის უდიდესი სიგანე, რომელიც ყუის ქე-
დიდან 10—12 სმ დაშორებაზე მოდის—11 სმ, ქვემოთ კი სამუშაო
პირი ვიწროვდება და მახვილკუთხეს ქმნის. თოხის მთლიანი სიმაღ-
ლე ყუის ქედიდან 26,5 სმ-ია. ყოველივე ეს მას წარმოაჩენს ფოთლი-
სებრი ფორმის იარაღად.

თოხების ამ სახეობას ამზადებდნენ ცხელი ჰქედვით. იცოლნენ
ნაცვეთ ყუაზე სამუშაო პირის დარჩილვაც ორი-სამი სამკვალით.

ფოთლისებრ თოხს იყენებდნენ კარტოფილის ბუდნის შემოსა-
ყრელად და ბუდნის ამოსაშლელად, როცა მისი ამოღება ხდებოდა.

3. თოხის შესაძვე სახეობას განეკუთვნება რომბისებრი ფორმის
თოხები, რომელთა უმრავლესობას ორი სამუშაო პირი ახასიათებს,
ან კომბინირებული სახითაა წარმოდგენილი. მაგ., წერაქვისებრი ნის-
კარტით, თოხის სიმაღლე 22—26 სმ. რომბისებური სამუშაო პირი
ყუიდან 4—6 სმ-იანი ბრტყელი ღერითაა დაშორებული და ამის მე-
რე იწყება სამუშაო პირის გაფართოება რომბის ფორმაზე. სამუშაო
პირის უდიდესი სიგანე 8—20 სმ-ს აღწევს. ამგვარი თოხი მზადდე-
ბა ისევე, როგორც წერაქვი ან ცულწერაქვი, იმ განსხვავებით, რომ
მას სატარე ოვალური ფორმის ნაცვლად მრგვალი აქვს. სამუშაო
პირს გაუბრტყელებენ იმ ვარაუდით, რომ თოხკუთხედის ფორმა მიი-

ლოს. ამ ოთხკუთხედს სამუშაო წვერი წაგრძელებული აქვს მცირე ზომაზე. რომბისებრი თოხი სამუშაოდ მარჯვეა და უფრო მკვიდრი, ვიდრე ფოთლისებრი თოხი. საერთოდ თოხების სხვა სახეებთან შედარებით იგი უფრო ჭარბად გამოიყენება როგორც საკარტოფილე ნაკვეთებში, ისე საყანურებში ბელტების დასაფშვინელად ან ყანის დასაწერაქვევლად ყანას გარჩევის დროს. ამ იარაღით სრულდება წერაქვის მომდევნო მუშაობა: ქვა-ლორღის ამოყრა, კარტოფილის ბუღნებს შორის ბალახის გათოხნა და ბუღნაზე მიწის შემოყრა.

4. ნისკარტიანი, ანუ კომბინირებული თოხები აქ მრავალგვარია, რომელთაგან გამოირჩევა ერთ-ერთი ფორმა თოხისა, მხრებდაშვებული ტანით, ბრტყელი სამუშაო პირით, მტკიცედ ნაქელი ყუითა და კონუსისებური წვერით, ანუ ნისკარტით. ამ თოხის გამოყენება ხდება ქვალორღიან ადგილებში ნიადაგის გასაფხვიერებლად.

5. თოხის მეტად თავისებურ ფორმას განეკუთვნება უყუო თოხი, რომელიც წარმოდგენილია რკინის უბრალო ფურცლისაგან. ამ ფურცელს აქვს ზემოთ აღწერილი მხრებდაშვებული თოხის ფორმა. ახასიათებს მოკლე გორდა პირი, ოღონდ შევიწროების ადგილზე ყუის ნაცვლად წარმოდგენილია 3 სმ დიამეტრის მქონე ტარსაგები ნაჩვრეტი. ტარსაგები ნაჩვრეტი კეთდება ზურგიდან ისრის დარტყმით, რის გამოც ჰატარე ნაჩვრეტის ირგვლივ არე შეზნეკილია. თოხის ეს სახეობა თვითნაკეთია, მსუბუქი და სახელდახელოდ სახმარი. იგი ხშირად ენაცვლება ფუნქციებში მხრებდაშვებულ ყუიან თოხს, ოღონდ მასთან შედარებით ნაკლებ საიმედოა, რადგან ტარი მყარად ვერ უმაგრდება.

6. თოხების ჩამოთვლილი სახეობანი გვხვდება აგრეთვე თრუსოს ხეობაში, მაგრამ ხევში გავრცელებული თოხებისაგან განსხვავებით აქ გვხვდება ცელჩებური სატარის მქონე ყუნწიანი თოხი, რომელსაც ძირითადად ჩეჩენ-ინგუშუთში აქვს გავრცელება და მას ოსები ჩვეულებრივ რუვენს (ოსურად თოხს) უწოდებენ. თოხის ამ სახეობას ფშავ-ხევსურეთში მისი წარმომავლობის მიხედვით ქისტური თოხს უწოდებენ. ქისტური თოხი თრუსოს ხეობაში რამდენიმე ერთეული იქნა დამოწმებული. იგი კარტოფილის ნათესების დამუშავებისათვის გამოუყენებიათ.

ქისტურ თოხს (საქ. სახ. მუზეუმის კოლ. № 43—58/10, სოფ. ოქროყანიდან, თერგის ხეობა) ვიწრო წაგრძელებული ტანი აქვს. ტანის ზიგრძე 18 სმ, სიმაღლე — 9 სმ. გამოჰყვლილია თხელი რკინისაგან. ყუის სისქე 0,5 სმ. ტანის ზედა კონკულზე უგრძელდება ყუნწი, რო-

შელოც ჯერ მოხრილია ტანის პარალელურად, შემდეგ კი ყუნწი შვეტად მიიმართება ტარისაკენ.

ყუნწის საერთო სიგრძე 22 სმ-ია. ყუნწი დაკუთხულია და წაწვეტილი ტარში მარჯვე დაგებისათვის. ყუნწი დახრილია ქვემოთ, ისე, რომ ტარზე დაგებისას თოხის ტანი შეიგნით არის სამუშაო პირით მოხრილ მდგომარეობაში. ტარზე დამაგრებისათვის გამოყენებულია სატარე რკინის სალტა.

თერგის ხეობაშივე გვხვდება თვითნაკვეთი თოხების მრავალსახეობა. ყოველ მათგანს აქვს მიღრეკილება წაწვეტებული სამუშაო პირისაკენ. თუ წვეტი არა, აქაურ თოხებს ოვალური ფორმის სამუშაო პირი მინც აქვთ. ეს გარემოება იმითაა შეპირობებული, რომ ყველა ამ თოხის დანიშნულება ძირითადად მიწის აქეკვა, ხრიოკი ჭვიანი ზედაპირის გარღვევის გაიოლებაა. ამ მხრივ განსაკუთრებით გამოირჩევა ფოთლისებრი და რომბისებრი თოხები, რომლებიც თავისი დანიშნულებით ხელსაყრელნი არიან ნიადაგის პირველადი დამუშავებისათვის. რაც შეეხება მხრებდაშვებულ და უყუო თოხებს, მათ უფრო ნიადაგის მეორე რიგის სამუშაოების დროს იყენებდნენ (ნათესების შემოთონნა).

საკვლევი რაიონის პირობებში გამოყენებული თოხების ზოგიერთი ტიპი, სახელდობრ მხრებდაშვებული თოხი, გვხვდება მის ახლო რაიონებში ზევსურეთსა და მთიულეთში. იგივე ტიპები გავრცელებულია აგრეთვე კახეთსა, ქართლსა და იმერეთში. საყურადღებოა, რომ აქაც მათი გავრცელება მთავორიან რაიონებში მდებარე სოფლებზე მოდის.

მხრებდაშვებული თოხი, რომელიც საქართველოს ეთნოგრაფიულ ყოფაში ასე ფართოდ არის გავრცელებული, ფორმით წააგავს და ახლო დგას, როგორც აღმოსავლეთ, ისე დასავლეთ საქართველოს ბრინჯაოს ხანის თოხებთან¹⁰. თოხის ეს ფორმა შეპირობებული იყო, როგორც სამეურნეო კულტურებითა და ნიადაგების ხარისხიანობით, ისე ლითონის რაობითა და რაოდენობით. შეიძლება ვიფიქროთ, რომ ბრინჯაოს ხანაში რადგან ძნელი იყო ლითონის მოპოვება, მოხელე ცდილობდა მის რაციონალურად გამოყენებას. იგი დიდ ყურადღებას სამუშაო პირის გაწყობას უთმობდა, თოხის არასამუშაო ნაწილები კი (მხრები, ყბები) მისთვის მეორეხარისხიანი იყო. ამ გარემოებას

¹⁰ G. Cjtaia, Ha ckvau im Westhichen Georgien (kolchis), Agrarethnografie, Berlin, 1957. გვ. 82—93; ოთ. ჯაფარიძე, დასახ. ნაშრომი, გვ. 174—212. ნ. რეხვიაშვილი ქართულ სამეურნეო იარაღი, საქ. სახ. მუზეუმის შიამბე, ტ. XVIII-B, 1954, გვ. 92—112.

თავისი შემდგომი გაგრძელება მოეპოვება რკინის ხანის ფორმაში და უფრო გვიან კი საქართველოს მთის რაიონებში გავრცელებულ თოხებში¹¹.

რომბისებრი თოხის ანალოგიური თოხები საქართველოში არა გვხვდება. მათი განვითარება ადგილობრივი ხასიათისა ჩანს. იგი უნდა მომდინარეობდეს მოხვეური წერაქვიდან, რომლის სამუშაო პირა მიღებულია წერაქვის სამუშაო პირის გაბრტყელების ნიადაგზე.

როგორც ზემოთაც აღვნიშნეთ, თოხის ამ ტიპს დიდი გამოყენება აქვს კარტოფილის მოყვანა-მოვლის საქმეში. შეიძლება ვივარაუდოთ, რომ მისი შექმნა-ჩამოყალიბება ხევში კარტოფილის კულტურის გამოჩენას მოჰყვა. მთხრობლებიც მიუთითებენ, რომ თოხის ეს სახეობა გვიანდელია.

მეტად თავისებური მოხვეური თოხებიდან მაინც ფოთლისებრა და უყუო თოხებია. ფოთლისებრი თოხი იმით იქცევა ყურადღებას, რომ მისი ანალოგიური დასავლეთ საქართველოს ბრინჯაოს ხანის თოხებშიც მოიძებნება¹². ბრინჯაოს ფოთლისებურ დასავლურ თოხს სატარე გამოყოფილი არა აქვს, მაგრამ შემოწერილობით იგი კარგად ემთხვევა ყუაგამოყოფილ მოხვეურ ფოთლისებრ თოხს. სატარის გამოყოფა თოხის სამუშაო ტანიდან გვიანი შენაძენია. შეიძლება ვივარაუდოთ რკინის ხანის გვიანი პერიოდი. რკინის ხანის ადრეული პერიოდის თოხები კვლავ უყუოდ გვხვდება. მაგ., ისეთი სახით, როგორცაა მოხვეური უყუო თოხი, ე. ი. მას აქვს მოკლე გორდა პირი და ისრიით ზურგიდან გაკეთებული სატარე ნაჩრეტი.

თოხების და საერთოდ თოხის ტიპის ხელით სამუშაო იარაღების ყუის გაწყობა, გამართვა, როგორც ნ. რეხვიაშვილი აღნიშნავს, იარაღის დამზადების საქმეში ერთი მნიშვნელოვანი მომენტთაგანი იყო, რადგან „სატარის აგებულების პრინციპი ითვალისწინებს არა მარტო ტარის მყარად დაგებას, არამედ სიმძიმისა და ძალის წონასწორობის მოწესრიგებას იარაღის მოქმედების პროცესში“¹³.

აქვე უნდა მიუთითოთ მოხვეური თოხებისათვის დამახასიათებელ ერთ საერთო ნიშანზე; სახელდობრ იმაზე, რომ მათ ყუაზე ქეჩო არ გააჩნიათ, რომელიც ახასიათებს კახეთში, ქართლში, რაჭაში, იმერეთ-

11 ნ. რეხვიაშვილი, დასახ. ნაშრომი, გვ. 100—101; ოთ. ჯაფარიძე, დასახ. ნაშრომი, გვ. 189, 192; გ. ჩიტაია, დასახ. ნაშრომი, გვ. 89—92;

Б. А. Куфтин, К вопросу о древнейших корнях грузинской культуры на Кавказе, Вестник Музея Грузии, т. XII-B, 1944, с. 317.

12 Б. А. Куфтин, იქვე, გვ. 317.

13 ნ. რეხვიაშვილი, დასახელებული ნაშრომი, გვ. 93.

ში, სვანეთში, სამეგრელო-აფხაზეთში და ჩერქეზეთში გავრცელებულ თოხებს. თოხზე ქეჩოს საჭიროება ნიადაგების თავისებურებით იყო შეპირობებული. ქეჩოიან თოხებს მარჯველ ხმარობდნენ ნახნავის ან ნაბარას დაჩერკნის დროს ბელტების დასაფშვენელად თესლის მიბარებისას. იგი უფრო თიხნარი ნიადაგების რაიონებშია გავრცელებული.

როგორც ვხედავთ, მოხევური თოხების აქ ჩამოთვლილი ფორმები სავსებით პასუხობდა მთის მეტად თავისებური ზონის მიწათმოქმედებას.

იყო თუ არა აღგილზე საბრძოლო და სამუშაო დანიშნულების იარაღებისათვის საჭირო ლითონის წარმოება, ამის შესახებ რაიმე ცნობა არ მოგვეპოვება. არც ხალხშია შემონახული საამისო მასალა. უფრო გვიანდელი ეთნოგრაფიული ცნობებით, რომელიც ჩვენ მიერ აღგილზე იქნა 1957 წელს მოპოვებული, დგინდება, რომ მოხვეე მკვდლები სამეურნეო იარაღისათვის საჭირო რკინას ძაუჯიკაუდან ეზიდებოდნენ. გამზადებული რკინის სამეურნეო იარაღები (სახნისები, ნამკლები, ცელები, თოხები და სხვ.) დიდი რაოდენობით შემოდირდა მთიულეთ-გუდამაყრიდან და ქართლიდან. საგულისხმოა ისიც, რომ ამავე რაიონებიდან შემოჰქონდათ კერამიკული ჭურჭელი, რომელსაც ხორბლეულზე ცვლიდნენ.

ჩამოთვლილი გარემოებანი იმაზე მიუთითებს, რომ ამ პატარა და თავისებურ მიკრორაიონში, მიუხედავად მიწათმოქმედების არაბელსაყრელი პირობებისა, მემინდვრეობა მაინც სათანადო სიმაღლეზე მდგარა. მოხევური თოხების მსგავსება ბრინჯაოს ხანის თოხებთან ერთი მეტად საინტერესო მოვლენაა. მათი შემდგომი შესწავლა საშუალებას მოგვცემს წარმოვიდგინოთ ბრინჯაოს ხანაში გამოყენებული სხვადასხვა ფორმის თოხების ფუნქცია.

როგორც ზემოთ უკვე ითქვა, სპილენძ-ბრინჯაოს თოხების მრავალსახეობა შეპირობებული იყო, როგორც სამეურნეო კულტურების რაობით, ისე ნიადაგების ხარისხიანობით. თუ ვივარაუდებთ, რომ ბრინჯაოს ხანაში მთაში მეტალურგია დაწინაურებულ მდგომარეობაში იყო¹⁴ და მესაქონლეობაც ამავე დროისათვის წინა პლანზე იდგა, ამასთან ერთად იმასაც თუ მივიღებთ მხედველობაში, რომ იმ პერიოდისათვის მთასა და ბარს შორის ინტენსიური ურთიერთობის დაწყება ძნელ საქმეს შეადგენდა, შეიძლება ვიფიქროთ, რომ ისტორიული ხანისათვის მთას, ზოგჯერ საგარეო თუ საშინაო ავბედი-

¹⁴ Б. Б. Пиотровский, Археология Закавказья, Л., 1949, с. 54.

თი დღეების შედეგად, როცა „სათესავი მთასა შინა იქმნებოდა თოხითა“¹⁵, მაინც თავისი საკუთარი მემინდვრეობიდან მიღებული პროდუქცია აკმაყოფილებდა.

თუ რა ხასიათისა იყო და რა ღონეზე გამოიყურებოდა მიწათმოქმედება თერგის ხეობაში, ამის შესახებ უფრო ფართოდ ქვემოთ გვექნება მასალა წარმოდგენილი.

2. ხვნა-თესვა, მოსავლის აღება. ზემოთ ჩვენ გავეცანით თერგის ხეობაში გავრცელებულ ხელით სამუშაო სამიწათმოქმედო იარაღებს. აქაურ მიწათმოქმედებაზე რომ სრულყოფილი წარმოდგენა გვექონდეს, საჭიროა გავეცნოთ თერგის ხეობაში გავრცელებულ სახნავ-სათეს და მოსავლის აღებასთან დაკავშირებულ სამეურნეო იარაღებსა და სამუშაო ხასიათის წეს-ჩვეულებებს.

1827 წლის ცნობაში, რომელიც შედგენილია ჰილავეის მიერ რუსეთის ფინანსთა მინისტრის კანკრინის სახელზე, ვკითხულობთ, რომ „ხევში სახელმწიფო გლეხები იხდიდნენ კომლზე ერთიდან ორ მანეთამდე, ხოლო საეკლესიო და საბატონო გლეხები, რომლებიც 89 კომლს შეადგენდნენ, იხდიდნენ კომლზე ერთ მანეთს“¹⁶.

ასე, რომ ხევში XIX საუკუნის დასაწყისისათვის გლეხობის სამკატეგორია არსებობდა: სახელმწიფო, საბატონო და საეკლესიო. ხევის სოციალური საკითხები ფართოდ არის გაშუქებული თ. ითონი-შვილის ნაშრომებში. იგი ეყრდნობა რა ქ. შარაშიძის მიერ გამოქვეყნებულ დოკუმენტებს, აღნიშნავს, რომ „თუ უფრო ადრე არა XIV საუკუნიდან მაინც, უფლებრივი უთანასწორობა ხევში ისტორიული სინამდვილეა“¹⁷. XVII საუკუნეში ხევი ებრძვის თანამოქმედთა აღზევებას, რომელთაც ერისთავები უმაგრებდნენ ზურგს, მაგრამ ეს ბრძოლა მაინც თემის სიმტკიცის გამარჯვებით არ დამთავრებულა.

ხევში ბატონყმური ურთიერთობა საკმაოდ ჩამოყალიბებული სახით გამოიყურება. ეს იგრძნობა განსაკუთრებით XIX საუკუნის მთელ მანძილზე. ჩოფიკაშვილები, ყარანგოზოვები ხევის სოფლების გარკვეულ ნაწილზე ავრცელებდნენ რა თავის უფლებებს, საკმაოდ შევიწროებულ მდგომარეობაშიაც ყოლიათ ადგილობრივი გლეხები. სოფ. ართხმოელი არაბულების გაღმოცემით, მათი წინაპარი კობელ მებატონეს ჯერ აჩხოტში დაუსახლებია, ხოლო იმ მიზეზით, რომ რად-

15 გიორგი ხუცეს მონაზონი, ცხოვრება იოვანესი და ეფთვიმესი, XI ს., ილ. აბულაძის რედაქციით, 1946, გვ. 42.

16 Акты, т. VII, 1878, г. Тифлис, с. 351.

17 ვ. ითონიშვილი, ქართველ მთიელთა საოჯახო ურთიერთობის ისტორიიდან, 1960, გვ. 88.

გან „ეს სოფელი ხევის შუა თემშია და ქალს არ მოგვათხოვებენო“ აჩხრტელები აყრილან და ართხმოში გადასახლებულან.

გადმოცემით, უფრო ადრე მიწა სათემო ყოფილა. სოფელი ჟემის მიწას დროუადრო ოჯახების მიხედვით ანაწილებდა. სათემო მიწაზე გლეხი მოხმარების უფლებით სარგებლობდა. ამ მიწის გასხვისება, გაჩუქება, გაყიდვა არ შეეძლო.

ხევშივე მოსახლეობის გარკვეული კატეგორია, როგორც ჩანს, მიწით სარგებლობის გარდა, მიწაზე სხვა ისეთი უფლებებითაც სარგებლობდა, რომელიც სათემო მიწებზე ვერ გავრცელდებოდა. ეს იყო მიწაზე სრული საკუთრება. მიწების ამ კატეგორიას მამული ეწოდებოდა. ოღონდ ჩვენი შეკრებილი ეთნოგრაფიული მასალით ძნელდება იმის დადგენა, თუ რა დროიდან ხდებოდა მიწის ესა თუ ის ნაკვეთი მამული, ან ვის ხელში. გერგეტის მათიანეს შემოუნახავს ჩვენთვის ამ მხრივ მეტად საყურადღებო ცნობა, სადაც აღნიშნულია, რომ ნაცვალ ინდო ზაქაძეს წმინდა სამებისათვის შეუწირია მეფის ნაბოძარი სოფელ ფანშეტში არსებული „ჭიელისეული დღენახეკრის ყანა“. ამგვარი უფლება ძნელი წარმოსადგენია, რომ სათემო მიწაზე გავრცელებულყო¹⁸.

ქ. შარაშიძე ამ გარემოებას დიდ მნიშვნელობას ანიჭებს და ნ. ზინანაშვილის აზრს ეთანხმება. იგი აღნიშნავს, „რომ წარსულში ჰაქართველოს მთიანეთზედაც მიწათმფლობელობის იგივე ფეოდალური წესები ვრცელდებოდა, რაც ბარად იყო დამკვიდრებული, რომ „მამული სახელმწიფოსი იყო“ და რომ მამულის მფლობელობას აქ — (მთაში, — გ. ქ.) „უკავშირდებოდა გარკვეული მოვალეობა-სამსახური „სალაშქრო“ და „საბეგრო“¹⁹.

ხევში და თრუსოს ხეობაში, ეთნოგრაფიული მასალის მიხედვით, გვიანდლამდე სასოფლო მოხმარებაში ყოფილა სახატო ყანები. ყოველ ხატს გააჩნდა ორი დღიურიდან 4 დღიურამდე სახნავ-სათესი ყანა. მაგ., ხურთისში წ-ა გიორგის სახელზე სოფელს 4 დღიური სახნავ-სათესი უმუშავებია, ადგილობრივი სალოცავი ხატების (წ-ა სამების, წ-ა მარიამის, წ-ა გიორგის და სხვ.) სახელზე არსებული სახნავ-სათესების გარდა, ზოგიერთ სოფელს შორეული ხატების სახელზედაც ჰქონია სახნავ-სათესი მამული. მაგ., სოფ. ქოსელში ალავერდის წ-ა გიორგის სახელზე ორი დღიური სახნაური არსებობდა.

¹⁸ ქ. შარაშიძე, საქართველოს ისტორიის მასალები (XV—XVIII სს.) მასალები საქ. ისტორიისათვის, ნაკვ. 30, 1954, გვ. 273.

¹⁹ იქვე, გვ. 255.

სახატო მამულები, ადგილობრივთა გადმოცემით, შეწირულობის გზით ჩნდებოდა და მატულობდა. ისტორიული ხანისათვის (XVI—XVII სს.) ეს ინდო ზაქაძის მაგალითიდანაც კარგად ჩანს.

ხატისათვის შენაწირს მამულს სოფელი აშუშავებდა. ოღონდ აქ ხატის ყანების დამუშავების საქმეში დაცული იყო ისეთი წესრიგი, რომ სოფელში მცხოვრებთ მორიგეობით უწევდათ ამ საქმის კეთება. ერთ წელიწადს ორი ოჯახი მართავდა ხატის ყანის დამუშავებას და სათიბების გამოყენებას. მეორე წელიწადს მეორე ორი ოჯახი იყო ვალდებული. მორიგე ოჯახებს ხატის მიწა უნდა მოეხნათ თავისი გამწევი ძალით, დაეთესათ თავისი თესლი, მოსავალი აეღოთ და ხატის დღეობისათვის მოეშადებინათ არაყი, ლუდი და საკლავი. ეს სამზადისი გათვალისწინებული იყო ხატის „მხვეწართათვის“, ხატში სტუმრად მოსულთათვის და თანასოფელთა სამასპინძლოდ. მასპინძლობა ხატის მამულების დამუშავებელთა ხარჯზე გადადიოდა. ანგარიში არ ეწეოდა მოწყული მოსავლის რაოდენობას. ხატის სათიბები გამოყენებული იყო იმათვე მიერ, ვინც საყანე მიწებს ამუშავებდა.

ხატის ყანები დაცული იყო ყოველგვარი ხელყოფისაგან, აღიარებული იყო წმინდათა წმინდა სახატო საკუთრებად.

ოჯახებს შორის მიწა გამოყოფილი იყო ზღვარით. გამოყოფის ნიშნად იღებოდა სამანი — მიწის საწოლავი, რომელიც მიწაში ჩასმისას დაიწყევლებოდა და მას ადგილიდან ვერავინ ველარ შეძრავდა.

მიწათმფლობელობის თუ მიწის ფლობის წარმოდგენილ ფონზე თერგის ხეობის ბუნებრივად მკაცრ პირობებში, სადაც მხოლოდ მინდვრის კულტურების ერთეული სახეები მოყავდათ, ძნელი იყო მინდვრეობის სრული სახით არსებობა. თერგის ხეობაში გაშლილი მიწათმოქმედება საშუალებას იძლევა თვალი გავადევნოთ მაღალმთიან რაიონებში საერთოდ ადგილობრივთა ეკონომიკის საარსებო დარგებს და ამ დარგების თანაარსებობას საუკუნეების სიღრმეში.

თერგის ხეობაში, ანუ დღევანდელი ყაზბეგის რაიონში ჩვენ დავამოწმეთ სამი ტიპის სახვნელი იარაღი: მოხვეური ხარის სახვნელი, ცხენის სახვნელი და ხევსურული.

მოხვეური ხარის სახვნელი შემდეგი კონსტრუქციით იყო წარმოდგენილი: სახვნელის მხარი, წერწენა, ერქონა, ფიცარი და სახნისი. სახვნელის ფიცარი ოთხკუთხა ფორმის წინ სოლისებურად წათლილი ღეროა, რომელსაც უკან სისქის ნაწილში ვერტიკალური გამჭოლი ნაჩერეტი გააჩნია მხარისა და ერქონას ჩასადგმელად. სახვნელის მხარი

70—75° მოხრილი ხის ტოტია, რომელიც გაკუთხულია და ერთი თავით ფიცარში იდგმის, ხოლო მეორე თავზე წერწენას მისაბმელად ორი ნაჩვრეტი აქვს „ჩაჭვრეთილი“. მხარი ფიცრის წვერისაგან დაბლაა დახრილი. მხარს ებმის 2 მეტრის სიგრძის წერწენა, რომელიც წერწენა მხარის გაგრძელებას წარმოადგენს. იგი მხართან ისეა გადაბმული, რომ გადაბმის ადგილიდან თავაწეული მოიმართება უღლამდე. მხარისა და წერწენას გადაბმის საშუალებად გამოყენებულია ხის ორი სოლი. მოხვეური სახვნელის შემადგენელი ნაწილია აგრეთვე სახნისი რკინისა, რომლის საშუალო ანაზომებია 17×26 სმ; 18×28 სმ.

ხევში, რადგან ტყის ნაკლებობას განიცდიან, სახვნელისათვის საჭირო მასალის მოპოვება შორს, იმ ტყეებში უხდებოდათ, საიდანაც შეშითაც სარგებლობდნენ, სახელდობრ ჭარიახისა და ფასანაურის ტყეებიდან. შერჩეული მასალის გაკოპიტება ადგილზე ხდებოდა და ნახევრად დამუშავებული მიდიოდა სახლში. სახვნელისათვის განკუთვნილი მასალის გამოყვანისათვის გამოყენებული იყო ძირითადად ცული, საჭრეთელი და ხერხი. ყველაზე რთულს სახვნელის ნაწილებიდან ფიცრის გამოყვანა შეადგენდა. სახვნელის ფიცრისათვის მაგარი ხის ჯიში უნდა შერჩეულიყო. საერთოდ კი საამისოდ წიფელს იღებდნენ. წიფელის შერჩევა, მთხრობელთა თქმით, იმითაც იყო შეპირობებული, რომ დამუშავებას კარგად იტანდა, ცულს ემორჩილებოდა და შემდეგში, როცა გამოშრებოდა, მაგარი, გამძლე გამოდიოდა. ფიცრის ფორმა სოლისებური უნდა ყოფილიყო, ძირგამოღებული, ისე რომ მხარის ბოლო როცა ჩაიდგმოდა ფიცრის გვერდები და მრეცად უნდა ყოფილიყო დაშვებული, რაც გათვალისწინებული იყო იმისათვის, რომ ფიცრის წვერიდან აკრილი მიწის ზენა აცურებით ამოყოლოდა და ფიცრის ქუსლთან, სადაც ფიცრის სიმაღლე უმაღლესს წერტილს აღწევდა, აკრილი მიწა გადმოშლილიყო. სახვნელის მეორე ნაწილი მხარია, რომელიც აგრეთვე საგანგებო დამზადებას მოითხოვდა. მხარი თავისი ფორმით ხის ერთიანი მოხრილი ხის ღერია, რომელიც მოხრის ადგილზე მახვილ კუთხეს ქმნის. ბუნებრივად მოხრილი ხე გაითლებოდა ისე, რომ ფიცარში ჩადგმისას ერთი წვერი ფიცრის წვერისაკენ, იქ სადაც სახნისი უნდა წამოცმულიყო, ახლო დგებოდა. მხრის აღნაგობაში ამგვარი ფორმის და მდებარეობის ზაცვას დიდი მნიშვნელობა ენიჭებოდა. ეს მდგომარეობა სახვნელს ხელს უწყობდა ხენის სიღრმის რეგულირებაში. მხრისათვის ძირითადად მაგარი ჯიშის ხეს არჩევდნენ მუხას, იფანს, რცხილას.

ძველად სახენელისათვის განკუთვნილი მასალის გამოწრობა ძირის თავზე სცოდნიათ.

სახენელისათვის განკუთვნილ სახნისს ბოლო ხანებში ადგილობრივი მჭედლები ამზადებდნენ. უფრო ადრე სახნისები სხვა სახის რკინის სამეურნეო იარაღებთან ერთად მთიულეთ-გუდამაყრიდან შემოჰქონდათ, ხოლო ნაწილობრივ იძენდნენ თუშეთში, თბილისში და კავკავში. ჩვენ მიერ ყაზბეგის მხარეთმცოდნეობის მუზეუმში შესწავლილი სახნისები საბაბს გვაძლევს ვიფიქროთ, რომ ყველა ისინი იყვნენ რა დიდი ხნის განმავლობაში გამოყენებული, გარკვეული ცვთის შემდეგ მათი დაპირვა ან აღდგენა მომხდარა ადგილობრივი მჭედლების მიერ. შესწავლილი 7 ეგზემპლარიდან არც ერთი მათგანი პირვანდელი ფორმით არაა წარმოდგენილი. დაკრებულია ცხელი ქედვით (ყაზბეგის მხარეთმცოდნეობის მუზეუმის კოლექცია № 194, № 195, № 145, № 610 და № 308 სახნისები). შედუღება ძველ სახნისზე საკერებლებისა ტლანქია და უხეში, აქ არ იგრძნობა მჭედლობის ცოდნის დახვეწილი ხელი, თუმცა ყოველივე ეს შესრულებულია მჭედლური ხელით.

მოხევეური ხარის სახენელის გვერდით გვიან ხანებში გარკვეული გავრცელება ჰპოვა „ცხენის სახენელმა“. მოხეური ცხენის სახენელი არ შეადგენს სახენელის ახალ ტიპს. იგი ხარის სახენელისაგან შემდგევი განმასხვავებელი ნიშნებით წარმოგვიდგება: გვხვდება ცხენის სახენელი, რომელიც მთლიანად იმეორებს ხარის სახენელს, ოღონდ მხრისა და წერწენის გადაბმის ადგილზე, ცხენის საწევი უღლის მიხაბმელად მოწყობილი აქვს რკინის კაპი. წერწენა სახენელისა დატოვებულია უცვლელად. ცხენის სახენელის მეორე სახეობას წერწენა არ გააჩნია და ცხენის ღვედების ჩასაბმელი უღელი მხარის დაბოლოებაზეა მოთავსებული. ამ უკანასკნელში ერთი ცხენი იბმოდა, პირველში კი ორ ცხენს აბამდნენ. ცხენის სახენელის პირველი სახეობა მოხეური ხარის სახენელის ცხენის სახენელად გარდაქმნის პირველი საფეხურია. სახენელის აგებულებაში დაცულია ის პრინციპიც, რომ იგი გამოყენებულ იქნეს როგორც ხარისათვის, ისე ცხენისათვის, მაგრამ ეს არ ზღუდავს მის შემდგომ გარდაქმნა-განვითარებას. ამ სახის სახენელის შემდგომი განვითარებული სახეობაც ის არის, რომ იგი წერწენის საკმაო სიმძიმეს იზორებს და საპართავად ხელსაყრელი ხდება. ამავე ღროს კონსტრუქციის შემსუბუქება ნაკარნახევია ნაკლები გამწევი ძალის შესაბამისად, რომელშიც ორი ცხენის ნაცვლად ერთი იბმოდა.

გამწევ ძალად ცხენის გამოყენებით მოხეური სახენელის აღნაგობაში სხვა რამ ცვლილება არ მომხდარა. საინტერესოა მოხეურ სახენელში ცხენის გამოყენების საკითხი, რომელიც მოხევეთა მეურნეობის საერთო ხასიათთანაა დაკავშირებული; სახელდობრ, მომთაბარე მეცხვარეობისა და ქირავნობის (მოქარავნეობის) საკითხთან.

XIX საუკუნის მანძილზე, როცა კავკაზ-თბილისის სატრანზიტო გზა აქტიურ მნიშვნელობას ღებულობს, ადგილობრივი მოსახლეობა აქტიურად ებმის ამ საქმიანობაში და იჩენს საქარავნო ტრანსპორტს. მოხევეები და თრუსოს ხეობის ოსები საქარავნო ტრანსპორტისათვის ჯერ ხარ-კამეჩის ურმებს, ხოლო შემდეგ ცხენის ურმებს იყენებენ. ცხენის ურემი ხარის ურემთან შედარებით უფრო ხელსაყრელი და საიმედო საშუალება გახდა სამხედრო გზის სივიწროვის დაძლევის საქმეში. ამავე საუკუნის მეორე ნახევარში, როცა მომთაბარე მეცხვარეობას აქტიური ხასიათი მიეცა, ცხენი მეცხვარის აუცილებელი სატრანსპორტო საშუალება გახდა. ამ გარემოებამ ხარის გამწევ ძალად შენახვას მნიშვნელობა დაუკარგა, ხოლო ცხენის შენახვის ინტერესი გაზარდა. იგივე გარემოება გახდა ბიძგის მიმცემი, რომ ცხენი, როგორც გამწევი ძალა, სახენელ იარაღშიაც გამოყენებულიყო.

ხევის პირობებში ჩვენ დაეამოწმეთ სახენელი იარაღის მესამე ტიპი „ხევსურული სახენელის“ სახით. აღნიშნული სახენელი სნოს ხეობის ზედა სოფლებში დადასტურდა, სახელდობრ ჯუთაში, ართხმოში, კარკუჩაში, ახალციხესა და ქოსელში. დასახლებული სოფლებიდან ორი სოფელი ართხმო და ჯუთა ხევსურებითაა დასახლებული. დანარჩენ სოფლებში მტკვეეები მოსახლეობენ. აღნიშნული სახენელი ტიპური ხევსურული სახენელია, რომელიც საერთოდ გავრცელებულია ხევსურეთში.

სნოს ხეობაში გავრცელებული ხევსურული „სახენელი“ შედგენა ქუსლის, მხრის, ერქონაის, საბეწვეს, სახნისის და საკვეთლისაგან. კონსტრუქციულად იგი შემდეგი სახით წარმოგვიდგება, ქურსლი//ქუსლი სწორად გათლილი ხის წვერწამახული ძელია, რომელსაც წინწვერთან გამოყვანილი აქვს საშვრიე. ქუსლს უკან გამოყვანილი აქვს ყბები, ხოლო ზემოდან ქუსლას ვერტიკალურად ორი გამჭოლი ნაჩვრეტი გააჩნია, რომელშიც იდგმის სახენელის მხარის ერთი თავი და ერქონაი.

სახენელის მხარი ბლაგვეტუხად მოხრილი გაკუთხული ხის ძელია, რომელიც ერთი მსხვილი თავით ქუსლას ნაჩვრეტში ჩაიდგმის, ხოლო მხარის სწორი თავი წაგრძელებული აქვს უღელზე მისაბმელად. მხარს ორი ნაჩვრეტი გააჩნია: ერთში საკვეთელი თავსდება (ვერ-

ტიკალურ ჭრილში), ხოლო მეორეში საბეწვე კორა (მხრის წვერთან პორიზონტალურ ნაჩვრეტში). ერქონაი წარმოადგენს მოკლე გაკუთხულ სახელურიან ჯოხს, რომელიც ხელის მოსაყიდ საშუალებას წარმოადგენს, მას ერთი თავი წათლილი აქვს ქუსლში ჩასადგმელად.

სახენელი შეიარაღებული იყო სახნისით და საკვეთლით. ხევსურული სახენელის სახნისის ანაზომები ოდნავ ჩამოუვარდება მოხეური სახენელის სახნისის ანაზომებს, მაგ., ხევსურული სახენელის სახნისების ანაზომებია საშუალოდ ყბებთან 12 სმ, სამუშაო პირის უღიდესი სიგანე 11, 12 სმ, სიგრძე 21—22 სმ, სამუშაო პირის სიგრძე 10, 11 სმ, მაშინ, როცა მოხეური სახენელის სახნისების სამუშაო პირის უღიდესი სიგანე 18, 19 და 20 სმ აღწევს. ხევსურული სახენელის რკინის ნაწილების ანაზომების შედარება მოხეური სახენელის სახნისთან საბუთს გვაძლევს ვივარაუდოთ, რომ ხევსურული სახნისები განკუთვნილი იყო შედარებით მსუბუქი ტიპის სახენელისათვის, რომლითაც დამუშავება ხდებოდა მთის მკვეთრად დაფერდებული ადგილებისა, აღნიშნული გარემოება, რომ ხევსურული სახენელი სწოს ხეობის მთის სოფლებში შემოგვენახა, მარტო იმით არ უნდა იყოს შეპირობებული, რომ ამ ხეობაში ხევსურული სოფლებია.

ხევის სხვა სოფლების ძველი და ახალი სახნაურების განლაგებაზე დაკვირვება გვარწმუნებს, რომ ხევში მეცხოველეობის წაწყვანი დარგის, მეცხვარეობის განვითარებასთან ერთად და სოფლის მეურნეობის ეკონომიკაში კარტოფილის კულტურის წაწყვანი დარგად ქცევით, მკვეთრად შემცირდა რა სახნავ-სათესად მთის ფერდა ადგილების გამოყენება, ამასთან უნდა შეწყვეტილიყო ხევსურული სახენელის ტიპის გამოყენებაც, რომელიც მოხეური სახენელის პარალელურად მოქმედებდა, ოღონდ მთის ფერდობების სახნავად. მთის ფერდობების სახნაურებზე ხელის აღებამ და მთის ქვედა კალთებზე სახნაურების შემოტოვებამ შემოიტოვა ერთი სახის სახენელი — მოხეური, რომელიც დროთა განმავლობაში ხარის გამწვევი ძალის ცხენებით შეცვლის წყალობით თავისებურ გარდაქმნას განიცდიდა.

ხენა-თესვა ხევში ორ სეზონში წარიმართებოდა: გაზაფხულზე და ზაფხულში, ზაფხულის ხენა, ანუ საგაზაფხულო და ზაფხულის სთელური, ხორბლეულის სხვადასხვა კულტურების თესვასთან იყო დაკავშირებული. პირველი ქერის და საგაზაფხულო სვილის, მეორე საშემოდგომო სვილის დათესვისათვის წარმოებდა. ზემოთ აღნიშნული იყო, რომ ხევის პირობებში ხორბლეულის ისეთი ჯიშები ითესებოდა, რომელიც ასწრებდა დამწიფებას. ასეთთა შორის დამოწმებულია ქერი, დიკა, დოლისპური და სვილი (საგაზაფხულო და საშემოდგო-

მო). დასახელებული კულტურების მოვლა-მოყვანა ხევის მკაცრ ბუნებრივ პირობებშიც გარკვეულ განლაგებაში იყო, მიუხედავად იმისა, რომ ხევის სახნავ-სათესები საერთოდ მთლიანად მაღალმთიან რაიონშია მოქცეული. თვით ხევში ადგილობრივი მღებარეობის მიხედვით არჩევენ სახნავ-სათესების ორ კატეგორიას — მთისა და ბარის სახნავ-სათესებს. აქედან მთის ზოლის სახნავ-სათესები ზღვის დონიდან 2000 მეტრი და ზოგჯერ მეტ სიმაღლეზეა განლაგებული. ბარის სახნავ-სათესი მიწები 1500-დან 1800 მეტრ სიმაღლემდე აღწევს და მდინარე სნოსა და თერგის სანაპირო ზოლს გასდევს. ეს ზოლი ასდევს მცირე მასშტაბით თრუსოს ხეობაშიც. გასაბჭოების შემდეგ, როცა სახნავ-სათესების კონცენტრაცია მოხდა კოლმეურნეობის ხელში, მთის ფერდობ ადგილებზე არსებული სახნავ-სათესები, როგორც მოქმედებისათვის არარენტაბელური, სათიბებად და საძოვრებად იქცა, ხოლო ხენა-თესვა წარმართა უმთავრესად ქვედა ზოლში მოთავსებულ სახნაურებში. ამ გარემოებამ გარკვეული გავლენა იქონია ხევის მთის სახვნელი იარაღის შესატყვის სახეობაზე და ზევსურული სახვნელი მოქმედებიდან გამოვიდა. სამაგიეროდ ხევის „ბარის“ სახნაურებისათვის აღრევე გამოყენებულმა მოხეურმა სახვნელმა დროებით მოქმედება გაიხანგრძლივა, ამასთან მის გამწევე ძალად ხარის ნაცვლად ცხენი გამოიყენეს.

საგაზაფხულო ხენა იწყებოდა მაისში. ხენის დაწყების წინ თუ ოჯახს არ შეეძლო საკუთარი ხარისახნელით მოხენა, მაშინ ხდებოდა შეამხანაგება, რომელსაც ადგილზე „მონდავობა“ ეწოდება. ხევში გავრცელებული მონდავობა ატარებდა მარტივი სახის შეამხანაგების ფორმას, სადაც ამხანაგობაში შესული პირები (მეზობლები, მოგვარეები და ზოგჯერ სხვადასხვა გვარის წარმომადგენელი თანასოფლელები) მონდავში შესული გამწევი ძალისა და იარაღის შემადგენელი ნაწილების ერთ რომელიმესადმი კუთვნილების მიუხედავად, თანაბარ ანაზღაურებას ღებულობდნენ.

ზოგჯერ მონდავის მოზიარენი ხენა-თესვის სამუშაო სეზონის ხანგრძლივობას იმის მიხედვით წარმართავდნენ თუ რომელ წევრს რა რაოდენობის მიწა ჰქონდა დასამუშავებელი. იყო შემთხვევა, როცა ერთი მათგანი მეტს ხნავდა, მეორე ნაკლებს. მაგრამ მთხრობელთა მოწმობით, ეს უთანხმოებას არ იწვევდა, რადგან მისი გათანაბრება შეიძლებოდა სხვა სამუშაოების შესრულების დროს.

ჩვეულებრივ ხენა ერთ კვირას გრძელდებოდა, ხენის პროცესს ერთვოდა თესვა, რომელიც იმავე დღეს სრულდებოდა. ისე, რომ „სახნაურებში“ სახნავად გასულთ თან მიჰქონდათ აგრეთვე მეორე

სამეურნეო იარაღი, რომელიც კაბდო-ფარცხით იყო წარმოდგენილი.

ხვნის დაწყების წინ ხარს შუბლზე ან ბეჭზე გათქვეფილი ფქვილით ჯვარს გამოუსახავდნენ და იტყოდნენ: „ღმერთო დალოცვილო მშვიდობიანი წელიწადი ქენ, მადლიან ბარაქიანიო“. ოჯახში ცხვებოდა „საკვლევი“ — ხმაილი, ანუ „თესლის კვერი“, როგორც ამას აღვიღზე უწოდებენ. აი რას გადმოგვცემს მთხრობელი ამის შესახებ: „ხვნის პირველ დღეს ვიცოდით საკვლევის გატანა; ეს იყო იფქლის პური, მრგვალი. სახვნელით ჯერ კვალს გაატარებდნენ ერთს, მერე მეორეს; მესამე კვალის შუაზე რომ მივიდოდა, გუთნისდღეა თესლის კვერს მოატანინებდა წინამძღოლს, უღელზე დაასვენებდა, ზეღ გადატეხდა შუაზე, ნახევრებს კიდევ გადატეხდა და მეოთხედებს ხარებს შეაჭმევდა, ხოლო მეორე ნახევარს შეჭამდა წინამძღოლთან ერთად (ვ. მაისურაძე, 95 წლისა, 1957, სოფ. ტყარშეთი).

ხვნა ხევის ფერდა ავგილებში მიმდინარეობდა დაბლიდან მაღლა გარდიგარდმო სვლით. დროდადრო ხარს შესვენება სჭირდებოდა. შესვენების დროს ხარსახვნელი ისე უნდა გაეჩერებინათ, რომ პირი აღმოსავლეთისაკენ ჰქონოდა. ხვნის დროს სახვნელს მართავდა „გუთნის დედა“, რომელიც ერქონათ საშუალებით სახნავი ფენის მიხედვით ნახნავს ან აღრმავებდა ან ზედაპირულად წარმართავდა.

სახვნელის გამწევი ძალის უკეთ „მოარშეების“ მიზნით ხარებს წინ მიუძღოდა მეხრე, რომელსაც ხელში სახრის ნაცვლად „უქუსაყრელი“ ეკავა. უქუსაყრელი პირწამახვილებული ჯოხი იყო, რომელსაც ხშირად რკინის პატარა ნიჩაბის დაბოლოება გააჩნდა, რომელსაც მეხრე იყენებდა ნარისა და სხვა ეკლიანი ბალახების ჩააჭრელად და მისი საყანურის გარეთ — ნაპირყურისაკენ გადასადგებად.

ხვნა დღის ისეთ დროს უნდა დაემთავრებინათ, რომ იმავე დღეს მოესწროთ დათესვა-დაფარცხვა, რომელიც, რაჟაკვირველია, სამუშაო დროის გარკვეულ მონაკვეთს მოითხოვდა, ნახნავის ის რაოდენობა კი, რომელიც აღნიშნულ პერიოდში ტარდებოდა, ერთ დღიურად ითვლებოდა. დღიური ნახნავის მიხედვით ისაზღვრებოდა სათესი კულტურის თესლის რაოდენობა, დასათესი მარცვლის რაოდენობა საშუალოდ დღიურზე 2-დან 4 ფუთამდე მერყუობდა. დღიურზე დასათესი მარცვლის ასეთი დიდი სხვაობა, მეურნეთა დაკვირვებით, გამოწვეული იყო ნიადაგების ხარისხით. მკლე მამული თესლის დიდ რაოდენობას თხოულობდა, მსუქანი კი ნაკლებს. დასათესად გათვალისწინებულ და სახნაურში გატანილ თესლს, რომელიც ვაჭონდათ ქიშიალით (თხის, ცხვრის ან ხბოს ტყავისაგან შეკერილი ტომარა), სა-

თესავში გადაიღებდნენ იმდენი რაოდენობით, რასაც მთესავი თავისუფლად ჩამოიკიდებდა მხარზე და მისი ტარება არ გაუჭირდებოდა.

სათესავი წარმოადგენდა ფიცრის ძირიან კალათს, წმინდად მოწულსა და შემდეგ შიგნიდან ნაკელით გაგოზილს, რომელსაც მხარზე ჩამოსაკიდებლად შებმული ჰქონდა შალის ძაფისაგან ნაქსოვი (5—7 სმ სიბრტყის) სამხრე. ასეთ „სათესელაში“ ერთ ფუთამდე ქერი თავსდება.

როდესაც სათესლეში თესლს ჩაყრიდნენ და მხარზე ჩამოიკიდებდნენ პირით აღმოსავლეთის მხარეზე დადგებოდნენ და თესვას იწყებდნენ. თესლის გადაბნევა მარჯვენა ხელის მუჭით ისე მოხერხებულად უნდა ეწარმოებინათ, რომ ხნულის ზედაპირზე იგი თანაბრად მობნეულიყო. საამისოდ თესლით სავსე მუჭიანი ხელი ჯერ უკან გაჰქონდათ, ხოლო შემდეგ უკანიდან წინ მკვეთრი გადაქნევით ხელს მარცხნივ წრიულად შემოიქნევდნენ, ამავე დროს თესლის მარცვალს თითებ შორის ისე გაუშვებდნენ, რომ მთესველის წინ წრიულად შემობნეული ხორბლეული ყოველთვის ერთ ზომაზე ყოფილიყო მიმოფანტული. ხორბლეულის თესვა სათანადო გამოცდილებით დახელოვნებას საჭიროებდა. ყველას არ შეეძლო წესიერი დათესვა, მით უმეტეს თესვის დროს ანგარიში უნდა გაწეოდა ნიადაგების როგორც ხარისხს, ისე თვისებას და სათეს კულტურათა რაობას. თესვის დამთავრებას მაშინვე ფარცხვა მოსდევდა.

ფარცხვა სრულდებოდა კაბდოიანი ფარცხის საშუალებით. ხევში გავრცელებული ფარცხი შედარებით ბარში გავრცელებულ ფარცხებთან მცირე ზომისაა. იგი შედგება ორი სწორი 1,5 მეტრის სიგრძის ლატნებზე დაწნული წნულეებისაგან, რომელიც მიბმული იყო ვიწრო, ამავე ზომის ფიცარზე — კაბდოზე. კაბდოზე მიმაგრებული იყო ორი ხელნა, ხოლო ხელნის თავები ხარის უღელზე მიიბმოდა. როცა ხვნა ცხენით წარმოებდა, ფარცხვაც ცხენის საშუალებით ხორციელდებოდა. მაშინ კაბდოს ხელნების ნაცვლად ცენტრში უკეთდებოდა თოკის გამოსადები ყულფი და ამ ყულფზე გამოდებული თოკი ცხენის მისამებელ ღვედიან მოკლე უღელზე აიბმოდა ხოლმე.

ფარცხვის დროს მფარცხავი ფარცხზე შედგებოდა ან მასზე სიმძიმეს მოათავსებდა, ხოლო წინა ხარებს თავად გაუძღვებოდა. ფარცხვა, ისევე, როგორც ხვნა, იწყებოდა ვაკე ადგილებში, ნაპირებიდან შემოვლით, ხოლო ფერდა ადგილმდებარეობის სახანავეებში ქვემოდან ზემოთ გარდიგარდმო სვლით. დაფარცხვის დამთავრებისას დამფარცხველი მზის ამოსვლის მხარეზე მობრუნდებოდა და იტყოდა: „ღმერთო შენ გებრალბობდეს ჩემი წლის მოსავალიო“ და დაფარცხულ

მიწაზე ხელით ჯვარს გამოსახავდა. შემდეგ დააყოლებდა: „ღარს მოხნულო, ღარს მომკილო, ღარსამც გაილეწებო, ორმოს ჩახვალ, ძველად გახვალ, სამშვიდობოზე დაიხარჯებო“.

როგორც ზემოთაც აღვნიშნეთ, ხევში ადგილობრივი მეურნე ცდილობდა რა უხვი მოსავლის მიღებას, იგი მიმართავდა ნიადაგს როგორც გაპატივებას, ისე შერეული თესლის თესვას და აგრეთვე თესლმონაცვლეობასაც. დათესვიდან რამდენიმე დღის შემდეგ იწყებოდა თესლის გაღივება-აღმოცენების პროცესი, რომელიც ბევრად იყო დამოკიდებული ამინდის აკვარგიანობაზე. საშემოდგომო თესვა ხევის პირობებში მიმდინარეობდა ივლისის თვეში (ივლისის მეორე ნახევრიდან). ამ დროს ითესებოდა სვილი და დოლის პური. თოვლის მოსვლამდე სვილი დაჭევილებოდა და ამის შემდეგ საკმაოდ ხანგრძლივი ზამთრის და მკაცრი სიცივეების პირობებში გამოიზამთრებოდა. მთხრობელის აღწერით „გაზაფხულზე დათესილი თესლი წვიმიან ამინდში 9—10 დღეში ამოდოდა. მარცვალი მიწაში დაღებოდა, კულს იხსნიდა და მიწიდან წვერს ამოყოფდა, ჭეჭილი ამოვიდოდა, ჭეჭილი მერე მუხლს — ნიგრს გაიკეთებდა და ამის მერე ხლებოდა თავთავში შესვლა“.

გაზაფხულზე სოფელი ნათესებისა და სათიბების. მეთვალყურეს „შეაღეს“ მეველეს გამოყოფდა, რომლის მოვალეობას შეადგენდა დაცვა საქონლის წახდენისაგან ნათესები და სათიბები. სოფელი ერთ ან ორ კაცს ირჩევდა ამ მიზნით, რომელთაც კომლობრივად უნაზღაურებდნენ კომლზე ერთ ფუთ ხორბალს. მეველე თავის ფუნქციებს ახორციელებდა, ვიღრე სოფელი საყანურებიდან ძნას შეიტანდა, თუ რქნებოდა ისეთი შემთხვევა, რომ ქვრივ-ობლებს ძნა მინდვრად რჩებოდა, მთხრობელის სიტყვებით რომ ვთქვათ — „მეველე სოფელს დაუკივლებდა და სოფლურად დაეზმარებოდნენ“, ძნას დაუბინავებდნენ და ამის შემდეგ მეველე თავის ფუნქციებს წყვეტდა.

შემოსული ხორბლეულის მოწვევა თითქმის იმ დროს იწყებოდა, როცა თიბვის სეზონიც დგებოდა. აზიტომ ოჯახში მუშახელის სათანადო განაწილება ხდებოდა. ოჯახი იყოფოდა ცელზე მომუშავეებად, რომელთაც უნდა ეთიბათ და ნამგლის მუშებად, ცელით უფრო ჯანღონით სავსე, გამოცდილი, მხოლოდ მამაკაცები მუშაობდნენ, ნამგლით მუშაობაზე კი ძირითადად ქალები ამოდიოდნენ.

საგულისხმოა, რომ თიბვა-ჰკის პერიოდს ემთხვეოდა მთის საბალახოებზე გარეკილი ცხვარ-ძროხის წველის პერიოდი. ეს სამი სახის ჯვარესად საშური საქმიანობა მოითხოვდა ოჯახის სამუშაო ძალის

რაციონალურად დანაწილებას, რასაც ოჯახში ოჯახის უფროსი ხელმძღვანელობდა.

მკის დროს იცოლნენ სანაცვლო მუშაობა, რაც შეპირობებულ იყო საშური საქმიანობის ხასიათითა და მკის პერიოდში ოჯახის ძირითადი მუშახელის სხვა სამუშაოების გადატვირთვით.

მკის დაწყებისთანავე საჭირო იყო საამისო სამეურნეო იარაღების მზადყოფნა. პირველ რიგში მკელი გამჭრელი ნამგლით უნდა ყოფილიყო შეიარაღებული. ამას გარდა, იგი იკეთებდა სამაჯურს — სამკლავეს და მუხლზე იცვამდა სამუხლეებს, სამკლავე და სამუხლეები შალისა იქსოვებოდა.

ადგილზე შესწავლილი ეთნოგრაფიული მასალების მიხედვით, ნამგალთან დაკავშირებით შემდეგი გარემოება იქნა დადგენილი. ნამგალს ამზადებდნენ როგორც ადგილობრივი, ისე მეზობელი რაიონის მკვიდლები. ზემოთ ხელით სამუშაო იარაღებთან დაკავშირებით აღნიშნული გვქონდა, რომ ხევში დიდი რაოდენობით შემოდის მკედლური ნახელავი მთიულეთ-გუდამაყრიდან. ხევში დამზადებული ნამგლები ხასიათდებოდა ტლანქი დამუშავების ტექნიკითა და მცირე დიამეტრით. გუდამაყარ-მთიულეთური ნამგალი კი — მკედლობის ხელობის ცოდნის დახვეწილობითა და დიდი დიამეტრით.

ხევში ძირითადად ხმარებაში ყოფილა დოლასქედური ნამგალი. აღნიშნულის შესახებ მიუთითებდნენ აგრეთვე თრუსოს ხეობაში მოსახლე ოსებიც. ამასთან დაკავშირებით ჩვენ საშუალება გვქონდა 1958 წელს დუშეთის რაიონში მივლინების დროს შეგვეკრიბა საკონტროლო მასალა. მივლინებაში ყოფნისას ვიმუშავეთ რა მთიულეთ-გუდამაყარის სოფლებში, უშუალოდ სოფელ დოლასქედში ავედით და მოვიკითხეთ ძველი ცნობილი მკედლები, რომელთა შორის ხშირად ასახელებდნენ აკა აფციანურს. გამოკითხვამ დაადასტურა, რომ ცნობილი დოლისქედური ნამგლის საუკეთესო ოსტატი ყოფილა აკა აფციანური, რომელიც სოფელ დოლასქედის მკვიდრი იყო და ცხოვრობდა XIX საუკუნის II ნახევარში. აკა აფციანურის ნახელავთაგან ყველაზე მეტად ნამგალს ჰქონია მოწონება. ფშავ-ხევსურეთშიც „აკასეული ნამგალი“ ნამგლის ღირსების სინონიმად იყო ქცეული. აკა აფციანურს მრავალი მკედელი გამოუზრდია, თავად კი უმემკვიდრო დარჩენილა. იგი 1890-იან წლებში გარდაცვლილა და მის საფლავზე მის ქვრივს პატარა ერთნაგვიანი ეკლესია დაუშენებია. ჩვენი იქ ყოფნის დროს ეკლესიაში შესვლა ვერ მოხერხდა; ეკლესიას გარედან კარების მარცხენა მხარეს აქვს წარწერიანი ქვა შემდეგი შინაარსისა: „ეს ეკლესია აღვაშენე ჩემის ზარჯით ჩემისა და ჩემის ქმრის სულს“.

მოსახსენებლად გლუხისა აკა აფციაურის ქერივმა მარიამ ბეჟანის ასულმა 1898 წ. ნოემბრის გ. როგორც ჩანს, მკვდელი აკა აფციაური იმის გარდა, რომ საუკეთესო მკვდელს სახელით იყო ცნობილი, თავისი ხელობის წყალობით საკმაოდ შეძლებულადაც ცხოვრობდა. სხვა შემთხვევაში სოფლელი გლუხი ასე გაბედულ საქმეს, სახელდობრ ეკლესიის აშენებას, ვერ შესძლებდა.

ხევში გავრცელებული სამკალი იარაღები დამზადებულია ფსანაურელი მკვდლების მიერაც, რომლებიც აგრეთვე ამზადებდნენ დიდ დიამეტრიან ნამგლებს.

იმისათვის, რომ სწრაფად წარმართულიყო მოსავლის აღება, ხევში იცოდნენ სამკალ სამუშაოებზე შეამხანაგებით მუშაობა. შეამხანაგებით წარმოებული მკა მკის მუშათა შეყრილობის მიხედვით ატარებდა „მუშანის“ სახელს. მუშანი შრომითი ხასიათის ისეთი ფორმაა, რომელშიც შესული თითოეული წევრი ღებულობდა სამაგიერო ანაზღაურებას. მუშანი, როგორც შრომითი ფორმა, გამოყენებული იყო სხვა სახის სამუშაოების შესასრულებლადაც, მაგ., თიბვაზე და სახლის შენების დროს.

სამკლად გასულ მუშებს მკის მესვეური გაუძღვებოდა ხოლმე წინ, რომელსაც დანარჩენნი მისდევდნენ. ყანის მომკალს მარჯვენა ხელში ნამგალი ეჭირა, ხოლო მარცხენა ხელში ყანის ღეროებს მოკრებდა. ყანის ღეროების მოკრება ზდებოდა არა ისე, როგორც ეს ბარის რაიონებში იყო გავრცელებული წესის სახით, არამედ ხელს კიდებდნენ ცერით დაბლა. აღნიშნული წესის გამოყენება შეპირობებული იყო დაბალი და თხლად აღმოცენებული სამკალი ყანის გამო. იმ შემთხვევაში, თუ ყანა ძალზე თხლად იყო აღმოცენებული, მაშინ მკის ნაცვლად ხელით გლეჯდნენ. ქერს როცა მკიდნენ, მომკილ ხელურს მარცხენა ფეხის ტერფზე ათავსებდნენ. ამას მიემატებოდა მეორე და მესამე ხელური და ამის მერე შეიკვროდა ძნად, ე. ი. ქერის ძნაში სამი ხელური თავსდებოდა. განსაკუთრებული იყო სვილის ძნა. სვილს ძალზე უხეში ღეროები აქვს და პირუტყვისათვის ზამთრის საკვებად ვერ იყენებდნენ, მისი ლეწვა კალოში არ არის მიზანშეწონილი, რადგან სვილის თავთავს, განსაკუთრებით გაზაფხულის სვილის, მარცვალი ადვილად ცვივდება და კალოში მისი ჩაშლა და „ჩეჟევა“ არ არის გამართლებული. „სვილს, როგორც მთხრობელი აღნიშნავს, ქართლურად ვმკიდით კერენცით, ე. ი. ერთ მუჟკას გამოიტან და შეკრავ“.

ქერის ძნის შეკრა ზდებოდა იქვე, იმავე მომკალის მიერ. ქართლ-კახურად აქ მეუღოე არ იყო ცალკე გამოყოფილი.

ქერის ძნებს ხუთ-ხუთად ალაგებდნენ, რომელსაც ხუთეულს უწოდებდნენ. ჩვეულებრივ ქერიც და სვილიც ცოტა ნედლ მღგომარეობაში უნდა მოექრათ, ხუთეულებად დადგმის მიზანი იყო მარცვლის და ჩალის გამოშრობა. გამოშრობალ ხუთეულებს ორი-სამი დღის მერე ან „მარხილის უბებად“ დადგამდნენ, ან ხეთეულებად. მარხილის უბეში შედიოდა 9 ხუთეული, ე. ი. 45 ძნა. ძნა მარხილებით გადაჭონდათ კალოსთან. კალოსთან გადატანილი ძნა აიგებოდა ურმეულეებად. ურმეულში შედიოდა 20—40 მარხილი.

კალო ეწყობოდა, ჩვეულებრივ, სახლთან ახლოს, მაგრამ თუ მოსახერხებელი და ხელსაყრელი იყო, აწყობდნენ მინდვრის კალოსაც. ეა ეწყობოდა სახნაურებში. მინდვრის კალოს მიმართავდნენ უფრო ზშირად სვილების ნათესების გამო, რაც იმით იყო გამოწვეული, რომ სვილის ტრანსპორტირება მარცვლის დაცვენას იწვევდა და ამ დანაკარგებს მეურნე ვაუტროდა. სვილის ღერები პირუტყვის საკვებად გამოუხადებარი იყო, ამიტომ მისი ჩალის დანაკარგებს იოლად ელეოდნენ. რადგან სვილს მხოლოდ დაბერტყვით აცლიან მარცვლეულს. დიდი ზომის კალო არც იყო საჭირო და მისი ველზე სახნაურში მომზადება იოლდებოდა.

კალოს მომზადება შემდეგი წესით წარიმართებოდა: მიწის სწორ ნაწილს წრიულად შემოწერდნენ, მოთონნიდნენ, ზემოდან ბალახეულს მოაცილებდნენ, წყლით მიწას დააღობდნენ, დატყეპნიდნენ და დაუციდნენ გაშრობას. ამის მერე კალო შეიძლებოდა გამოყენებულყო.

სვილის დაბერტყვისას გამოყენებული იყო ლასტი ან ფიცარი, რომელიც მიყუდებული იყო ქვაზე ან კუნძზე. სვილის ძნას შეკალოე ღეროებში მოკიდებდა ორივე ხელს და თავთავებით ურტყამდა ქვაზე ან ლასტზე. ხელით დაბერტყილ ძნას შემდეგ გარას (პატარა ჯოხია) ურტყამდა და საბოლოოდ მარცვალმოცლილი სვილის ძნას ცალკე ათავსებდა.

სვილის ბერტყვა საკმაოდ შრომატევადი სამუშაო ყოფილა, ზშირად ოქახი ამ სამუშაოს შესრულებაზე მეზობლებს მოიშველიებდა, სვილის თავთავის დაბერტყვის მერე რჩებოდა სვილის ღეროები, რასაც ხევში ლაბარს უწოდებდნენ. ლაბარი გამოყენებული იყო გადასახურად. სვილის პატრონს ზოგჯერ ბერტყვას შევლოდნენ ლაბარის გულისათვის. ლაბარს სვილის პატრონი ბერტყვაში მომხმარებელს შრომის საზღაურში შუაზე გაუყოფდა თურმე.

ქერის ლეწვა ადგილობრივი პირუტყვის ფეხით სცოდნიათ. კალოში ჩაშლილ ქერის ძნებს თანაბრად მიმოფანტავდნენ, შემდეგ კა-

ლოს ცენტრში ბოძს ჩასვამდნენ, ბოძს თავთან ახლოს მრგვალი ჰლე გააჩნდა და ამ ჰლეზე მიბმული იყო ტყავის თასმა რამდენიმე რკალით. რკალებში პირუტყვის აბამდნენ ერთი მიმართულებით და კალოს ბოძის ირგვლივ ატარებდნენ. ამ წესით ქერის ღერები აიჩალებოდა, თავთავიდან მარცვლები დაცვივოდა და ჩალის მოხდის შემდეგ მარცვლის გაწმენდას იწყებდნენ ცხავ-ცხრილებს საშუალებით.

ხევის პირობებში პირუტყვის ფეხით ლეწვის გარდა, გამოყენებული იყო აგრეთვე ქვის კანჭებიანი სალენწი მორგვი. სალენწი ქვისათვის იყენებდნენ ადგილობრივი ქვის ჭიშს. ქვის სალენწს აშხადებდნენ ქვის მოხელენი. ისინი იღებდნენ ისეთი ზომის ქვას, რომ გაყოპიტებს და გამოყვანის შემდეგ, მრგვალი, ცილინდრული ფორმის 65—70 სმ სიგრძის ლოდი მიეღოთ 48—50 სმ დიამეტრით. ასეთი ქვის მრგვალ ლოდს ორივე მხრიდან ცენტრში 29 სმ დიამეტრის ზომით 10—15 სმ სიღრმეზე ჩაუჭრიდნენ, რომ მასში რკანის ღერძები გაეხეშათ. ამის მერე იწყებდნენ კანჭებით დასხმას, სულ 6—7 კანჭი უკეთდებოდა, საამისოდ მოხელე წინათვე გამოხაზავდა ქვაზე რეთნაირად, რომ ქვის მორგვისათვის თანატოლი კანჭები, ანუ ნეკნება დაეყოლებინა. სალენწი ქვა, რომელსაც ადგილობრივ „კატოკის“ სახელით იცნობენ, გავრცელებულია ხევის თერგისპირა სოფლებში და თრუხას ხეობის ოსური სოფლებში. ადგილობრივთა გამოკითხვით გაირკვა, რომ „კატოკი“ ახალი სამეურნეო იარაღია, მისი ხმარებაში შესვლა მტკიცედ უნდა იყოს დაკავშირებული სახვენელ იარაღებში ცხენის გამწევე ძალად გამოყენების პერიოდთან, სახელდობრ XIX საუკუნის I მეოთხედიდან.

კატოკში ერთი ცხენი იბმოდა და, გადმოცემით, პირუტყვის ფეხით ლეწვასთან შედარებით რამდენადმე აჩქარებდა ლეწვის პროცესს.

სალენწი ქვები ჩვენ დავამოწმეთ აგრეთვე 1957 წ. ადიღეს ეთნოგრაფიულ ექსპედიციაში მუშაობის დროს ველის შაფსულების სოფლებში. მთა რამდენიმე ეგზემპლარი დატულია კრასნოდარის და მაიკოპის მხარეთმცოდნეობის მუზეუმში. სალენწი ქვის წარმომავლობა ჩრდილოკავკასიურია და ხევიში მისი სამეურნეო დანიშნულებით გამოყენება, ახლად შემოსულობასთან ერთად, მის არაქართულ წარმოშობაზე უნდა მიუთითებდეს.

ორიოდე სიტყვით გვინდა შევჩერდეთ ყაზბეგის რაიონის თრუხას ხეობის ოსური მოსახლეობის სამეურნეო ხასიათის საქმიანობაზე, სახელდობრ მიწათმოქმედებაზე.

ვახუშტი ბატონიშვილი თრუსოს ხეობის შესახებ შემდეგს გვამცნობს: „ზოლო ზახის აღმოსავლეთის მთის იქით არს თრუსო, რომელსა აქუს აღმოსავლით მთა, ზოზილამ და ზევის ყელიდან ჩამოსული მთაში შთასავლამდე და მთანი ესენი განჰყოფენ ხევსა და თრუსოსა; სამხრით კავკასი, მთიულეთსა, მალრან დვალეთსა და თრუსოს შორისი; ჩრდილოეთ მყინვარი და ზოხის კავკასი, დასავლეთ თრუსოსა და ზახას შუათი მთა და არს თრუსო სამ ხეობად. გამოსდის ერთი ზახის მთასა, მეორე მალრან-დვალეთის კავკასსა და მესამე ზოხის კავკასსა. ამ ხეობაზედ, ზოხისაკენ, არს ეკლესია ყოვლად წმინდისა მცირე და არიან ამ ხევთა დაბნებოც არამედ ხეობანი ესენი, რომელნი აღვსწერეთ მალრან-დვალეთითურთ, არიან დვალეზი. და კვალად დიდის — ლიახვისა, პატარა — ლიახვისა, ქსნის ხევის და კუდაროს მოსახლენიცა არიან დვალნივე, ამ დვალეთიდან გარდასულნი, რჭულითა, წესითა და ზნითა ერთნი და დღესაც მონათესავენი ურთიერთთა“²⁰.

ვახუშტი ბატონიშვილი სხვაგანაც იმეორებს, რომ „თრუსო არს დვალეთისაკვე და ეგრეთ საცნობი ესეცო“²¹, „რომ აწინდელისა ამის ოსეთისა საზღვარი არს; აღმოსავლით თრუსოსა და კევის საზღვარი, მესამე მყინვარის კავკასი და ახოტის კავკასია“ და სხვ.²²

თრუსოს ხეობის აღწერისას ვახუშტი აღნიშნავს, რომ „ამ ჩასავალს ზემოთ არს თრუსო სამ გვეად. აღმოსავლეთ აქუს კევი, დასავლეთ ზახა და მალრანდვალეთი, სამკრით მთიულეთი, ჩრდილოთ ქუთათული, და მოზლუდვილ არს კავკასით, თვინიერ გვევიდამ. მოსახლენი არიან ოსნი, დვალნი“²³.

ისტორიული მონაცემები აღნიშნული ხეობის შესახებ საესებით ნათელ სურათს გვაძლევს იმის შესახებ, რომ თრუსოს ხეობაში ადრეული ხანისათვის ძირითად მოსახლეობად დვალეზი მივიჩნით. მოგვიანებით ეს მდგომარეობა შეცვლილა და თრუსოს ხეობაში ვახუშტის ცნობის მიხედვით, მეთვრამეტე საუკუნეში დვალეზთან ერთად ოსებიც სახლობენ. დვალური მოსახლეობა თრუსოს ხეობის ზედა რაიონებიდან თანდათან დაბლა იწევს, ნაწილი დვალური მოსახლეობისა ხევსა და ქართლში, მთიულეთში, გუდამაყარში და ლიახვის ხეობისაკენ ინაცვლებს, ნაწილის ასიმილაცია ხდება ადგილზე ოსურ ფენასთან. თრუსოს ხეობის დვალეზი ბოლო საუკუნეებისათვის ყველაზე უფრო კომპაქტურად წარმოდგენილი იყო მნას ხეობაში, მიუხე-

²⁰ ვახუშტი, დასახ. წიგნი, გვ. 115.

²¹ იქვე, გვ. 107.

²² იქვე.

²³ იქვე, გვ. 64.

დავად იმისა, რომ ქართული კულტურის მკვიდრ საფუძველზე წარმართავდნენ თავის ცხოვრებას, მაინც მოხდა მათი ასიმილაცია მოსულ ელემენტთან, რომელიც ზაქის გადასავლელით არდონის ხეობიდან მძლავრ ნაკადად მოედინებოდა. ეს დენადობა კი ჩრდილო კავკასიაში მონღოლთა ბატონობის ხანიდან იწყება.

თვით თრუსოს ხეობა ამჟერად შემდეგი დასახლებული პუნქტებით წარმოგვიდგება: ქეთრისი, აბანო, ზაქაგორი, გიმარა, ცოცოლდა, რესი, ტები, ზუატისი, ზემო დესი, ქვემო დესი.

XV საუკუნეში, როცა ხევის სოფლების ფეოდალური ურთიერთობის სურათი ყველაზე მკაფიოდ საყდრიშვილობის ინსტიტუტის სახით გამოიხატება, თრუსოს ხეობა „მოკიდებულ“ მდგომარეობაში ყოფილა. ეს გარემოება XV საუკუნის გერგეტის მატინანშია ასახული²⁴. „მოკიდება“ აკად. ბერძენიშვილის აზრით, ფეოდალური მფარველობა-დაქვემდებარების ერთ-ერთი შედარებით თავისუფალი სახე-თაგანია. ხევის პირობებში მოკიდებულების და საყდრისშვილობის ინსტიტუტის არსებობა, როგორც ფეოდალური ურთიერთობის შედარებით რბილი ფორმისა, უნდა ყოფილიყო გამოწვეული ამ ხეობის მოსახლეობის როლით, რომელთაც ევალებოდათ საერთოდ ხეობის დაცვაზე ზრუნვა.

თერგის ხეობაში (როგორც ქართულ, ისე ოსურ სოფლებში) თითოეული სოფლის სალოცავის სახელზე არსებობდა სახატე ყანები და საბალახოებიც კი. სახატე ყანების შესახებ ჩვენ ზემოთაც გვქონდა აღნიშნული. ერთი საინტერესო ფაქტი, რომელიც სოფ. უხათში იქნა დამოწმებული, მიუთითებს იმაზე, თუ როგორ მოხდა შემთხვევით ნაპოვნი არქეოლოგიური ამულეტის გაღვთიურება.

სოფ. უხათის მცხოვრები სოზრო ტუაევს გადმოცემით, დაახლოებით 100 წლის წინ ტუაევების წინაპარს ხენის დროს უპოვინა პატარა ბრინჯაოს ფიგურა. ფიგურის პოვნა ტუაევებს ღვთის მოვლენად ჩაუთვლიათ. მისთვის აუგიათ ქვის პატარა ნიში, თარო დაუტანებიათ და თაროზე ბრინჯაოს ამულეტი დაუსვენებიათ. ტუაევების ოჯახებიდან ამ ნიშთან მარსეგის ოჯახი და მისი მოდგმა დაიარებოდა. ახალ წელიწადს იქ ქადებით მოვიდოდნენ. იგი ოჯახის ბარაქის ხატად იყო აღიარებული. თვით ბრინჯაოს ამულეტი შემდეგი სახით წარმოგვიდგება: სიმაღლე 9 სმ-ია, სიგანე 5 სმ, ტანი მრგვალი ფორმისა აქვს, უფრო კვერცხისებური, რომელსაც თავზე გამოსახული აქვს

24 ქ. შარაშენიძე, საქართველოს ისტორიის მასალები (XV—XVIII სს.), მასალები, ნაკვ. 30, გვ. 247.

წინიდან ადამიანის სახისმაგვარი ფორმა დიდი ცხვირით. შუბლზე გადასდევს ცხვირის გამაგრსებელი ხაზი, რომელიც თავის გვერდებზე ჩაშვებულ კავებს უერთდება, კარგად არის გამოყვანილი თვალები. პროფილში თავს უკანა მხრიდან ყულფი აქვს ჩამოსაკიდი დანიშნულებით. ამულეტის ტანი აყურულია, მხრის და მუცლის არე მოსალტულია, მუცლის არეზე არსებულ სალტას წინა მხრიდან შუაში და გვერდებზე კუწუბები აქვს, სალტა უკანა მხარეზე გრძელდება კოპულიდან კოპულამდე, კლავნილი მხრის სალტის და მუცლის სალტას შორის დარჩენილი არე შევსებულია ორი სპირალური ორნამენტით. წელს ქვემოთ ერთი სპირალური ორნამენტია და აქაც აყურული ქრილები. ბოლო თავდება კვირისტავისებური ფორმით, რომელიც ტანიდან გამოყოფილია მოკლე ყელით. ბრინჯაოს ფიგურა ნატიფად არის დამუშავებული. იგი, შესაძლებელია, იმ კატეგორიის ფიგურათა რიგში მოექცეს, როგორცაა მაგ., ყაზბეგის განძში დაცული ფიგურები, რომელთა ახსნა პროფ. შ. ამირანაშვილმა ამირანის თქმულების ნიჟადაზე სცადა.

ამ შემთხვევაში ჩვენ საქმე არა გვაქვს რომელიმე ღვთაების გამოსახულებასთან. მის აგებულებაში შერწყმული ჩანს როგორც ადამიანური, ისე ცხოველური ფორმები. ამავე ღროს იგი სადმე ერთ ადგილას სამკვიდროდ დასადგმელი არაა, იგი ჩამოსაკიდა, ალბათ გულზე სატარებელი. შესაძლებელია, განმასხვავებელი ნიშანი იყო რომელიმე მოხელე პირისა, მეთაურის თუ რელიგიური ხასიათის დაწესებულების წარმომადგენლისა.

აღნიშნული ბრინჯაოს ნივთი და რიგი სხვა ნივთებისა, რომელიც ხევში იქნა მოპოვებული, ჩვენი აზრით, უნდა მიუთითებდეს იმ გარემოებაზე, რომ ხევში, ბრინჯაოს ხანაში, საკმაოდ ფეხმოკიდებული მეურნეობის მიმდევარი მკვიდრი მოსახლეობა იჯდა. ეს მოსახლეობა, განსაკუთრებით თრუსოს ხეობაში, თავის წარსულს ქართულ წარმომავლობას უკავშირებს. საინტერესო სურათს იძლევა თრუსოს მოსახლეობის გენეალოგიური ცხრილები, მაგ., სოფ. შევარდენში ცხოვრობენ არძინოვები. 80 წლის ლადი გიორგის ძე არძინოვმა მისი ოჯახის გენეალოგიის შესახებ შემდეგი სურათი მოგვცა. მის პაპს ერქვა ნინია, მამას გიორგი, დედას სოფიო, ბიძებს ვასილი, ტატუ და გრიგოლი, მის დებს სონა, მარია, ნატა, ძმას ასლანბეგი. როგორც ვხედავთ აქ ქართული სახელებია; გვიანი ხანისათვის ქართული სახელების ნაცვლად გვხვდება ოსური; სოზრი, ასლანბეგ, ძიფო, პეტრო, სოლთან, დაზო და სხვა.

სოფ. შევარდენის სასაფლაოზე დაცულია საფლავის ქვები ქართული წარწერებით.

ქართული წარწერები გვხვდება აგრეთვე სოფ. მნას წმინდა მარიამის ეკლესიის ეზოში საფლავის ქვებზე და აგრეთვე ერთ-ერთი წარწერიანი ქვა დაყოლებულია ეკლესიის კედელში.

საგულისხმოა შემდეგი გარემოება, რომელიც ოსურ მოსახლეობაში დგინდება თერგის ხეობის სოფლებში — კობში, ავათყუაში, შევარდენში, ოქროყანასა და მნაში. აქაური მოსახლენი, შედარებით ზედა სოფლების მოსახლეობასთან, უფრო მეტად არიან დაკავშირებული ნათესაური ურთიერთობით ქართველებთან და მათი ბიძაშვილების დიდი ნაწილი ცხოვრობენ ხევისა, მთიულეთისა და ქართლის სხვადასხვა სოფლებში. ამ სოფლების საკულტო ადგილებში ადრე წასული მათი ბიძაშვილები უკანასკნელ ხანებაშე დაიარებოდნენ და მსხვერპლსა წირავდნენ. მაგ., მნას წ-ა მარიამის დღესასწაულზე ეგრეთ წოდებულ „მარიამობაზე“ მოდიოდნენ ჭობორტიდან, ძალისიდან და რიგი სხვა სოფლებიდან. მარიამობის საწირავით მოსული მლოცველო ღამეს ათევდა ეკლესიის კარზე, იწვევდა სუფრაზე თავის აქაურ მოგვარე ბიძაშვილ-სახლისკაცებს, მეორე დღეს კი ისინი ბიძაშვილებთან და სახლიკაცებთან რჩებოდნენ, რომელნიც თავისი მხრით მასპინძლობდნენ.

აქაურებივე ქართლის სოფლებში გადასული ბიძაშვილების წყალობით უნათესავდებოდნენ ქართველებს. ეს დანათესავება ხშირად ნათლიაობაში გამოიხატებოდა. აქაურები ცდილობდნენ ბარელებთან ჰქონოდათ ნათესაობა, მათივე წყალობით ისინი ათხოვებდნენ ქალებს ბარელებზე და შედიოდნენ ზედსიძედ უმემკვიდრო ოჯახებში.

ამ ჭრილში ერთი კონკრეტული მაგალითი, ჩაწერილი ველზე სოფ. ქვემო ოქროყანაში, ასეთია: ოქროყანა აქ ორია: ზემო და ქვემო. ზემო ოქროყანაში ცხოვრობენ გუდიელები (9 კომლი) და ბიდოხოვები (5 კომლი). ქვემო ოქროყანაში ზაკაგოვები (6 კომლი) და კოკაელები (4 კომლი). გადმოცემით, ქვემო ოქროყანა უფრო ძველია. ამ სოფლის მკვიდრი მოსახლენი ყოფილან ზაკაგოვები, რომლებიც ადრე ქართველობდნენ, ეწერებოდნენ ზაგაშვილებად. ზაგაშვილების წინაპარი ზაქის ხეობიდან მოსულა თითქოს. ისინი სამი ძმა ყოფილან, თითქოს ხევსურები. ორი ძმა ხევში დარჩენილა, ერთი ძმა სოფ. აბანოში დასახლებულა. იქიდან სოფ. მნაში გადასახლებულა. მნადან ერთი ნაწილი ზაგაშვილებისა ხევის სოფ. ცლოში დასახლებულა, ხოლო მნაში დარჩენილებს აუშენებიათ „მარიამობის“ სალოცავი. ამ სალოცავში ხშირი მსვლელობა ჰქონიათ ზაგაშვილების განაყრებს, რომლებსაც, განაყარი მამის სახელის კობას და მისი მოდგმის კობაითაც მიხედვით, კობაიშვილების გვარი მიუღიათ. „მარიამობის“ დღესასწა-

ულზე მოსული მლოცავი გვარების მიხედვით სუფრის ირგვლივ იკრებიებოდა, რომელთა შორის ზაგაშვილების გვარი სუფრის თავში იკავებდა ადგილს, დანარჩენი მათ ქვემოთ განლაგდებოდნენ თურმე.

ზაგაშვილები მნადან ცოტა ქვემოთ ჩამოსულან, იქ, სადაც ახლანასახლარ ადგილს უწოდებენ (ხაზათა). გადმოცემით აქ მათ აუგიათ ორი ხატი სხრძუარ — წითელი ჯვარი და ურსძუარ — თეთრი ჯვარი — თეთრი ხატი. აქედან კი ჩამოსახლებულან ქვემო ოქროყანაში. ოქროყანაში კარგი სახნავესათესი ადგილები ყოფილა და ხორბლეულის მაღალ მოსავალსაც იღებდნენ, თითქოს ამიტომაც დარქმევია ამ ადგილებს ოქროყანა.

თრუსოს ხეობა რამდენიმე პატარა ხეობისაგან წარმოგვიდგება, რომელთა შორის მნას ხეობა ყველაზე უფრო თავისებურია იმ მხრივ, რომ აქაურებს მეტი ურთიერთობა აქვს ქართველებთან და თავის წინაპრებთანაც ქართველებს მიიჩნევენ; ამ ხეობიდან ხევში დასახლებულნი მონაწილეობენ აქ გამართულ რელიგიურ დღეობებში. აქაურები ხევში ჩასახლებულ ბიძაშვილთათვის როცა საკლავს და ლუდს აღუღებენ, მათ წილს უნახავენ. მათ შორის ქალის თხოვნა არ შეიძლება. ასეთ სახლიკაცობაში არიან ოქროყანელი ზაგაეები და ცდოელი და სიონელი ზაგაშვილები, კობელი ბადაეები და ხურთისელი ტუჩაშვილები.

თრუსოს ხეობაში მოსახლე ოსებში დაცული საქორწინო და მიცვალებულის დაკრძალვის წესები მოხვეურის ანალოგიურია ზოგიერთი მცირე გამონაკლისის გარდა. მაგ., მიცვალებულის დაკრძალვა ოსებს იმავე დღეს სცოდნიათ, როგორც მაჰმადიანებს, სხვა წესებიდან თვის ხარჯი, წლის ხარჯი და დოღის მოწყობა მიცვალებულის სულის მოსაგონრად მოხვეურის ანალოგიურია.

საახალწლოდ იცოდნენ მეკვლის წინასწარი ჯაფრთხილება, რომ მათ ოჯახში მოსულიყო. კლავდნენ ღორს და სააღდგომოდ იცოდნენ გოქის გასუქება დასაკლავად. არის მთელი რიგი წეს-ჩვეულებები, რომელიც მოწმობს თრუსოელთა ერთი ფენის განსხვავებულობას მეორე ფენისაგან. ჩვენ ვვარაუდობთ ძველ დვალურ ფენას და ახალ ოსურ ფენას. ეს უკანასკნელი თრუსოს ხეობაში გადმოსულია ზაქის გადასასვლელით, ძირითადად არდონის ხეობის აღმოსავლეთის აუზიდან. თრუსოს ხეობის ზედა რაიონში ახალი ფენის თანდათანობით მატება იწვევდა ადგილობრივთა ან შერწყმას, ან მის ქვემოთ თერგის დინების მიმართულებით, ან ქართლისაკენ გადანაცვლებას. ამის საუკეთესო საილუსტრაციო მაგალითი ჩვენი ზაგაეების გვარის მოძრაობაში დავინახეთ, რომელნიც ჯერ აბანოში, შემდეგ მნაში, შემდეგ ხანძართაში და ბოლოს ოქროყანაში დასახლებულ-

ლან, საიდანაც ნაწილი მათი სახლიკაცებისა ხევში სოფ. ცდოში, სიონში და ქართლის სხვადასხვა სოფლებში გადასახლებულან, ბოლო ხანებში კი ზაგაეების დიდი ნაწილი ჩრდილო ოსეთში დამკვიდრებულა (დაახლოებით 15 ოჯახი). თრუსოს ხეობის ოქროყანელი ზაგაშვილების ბიძაშვილები თბილისის ახლო ოქროყანაშიც გადმოსახლებულან. გადმოცემით, თითქოს მათვე დაურქმევიათ სოფლისათვის სახელი ოქროყანა.

აღსანიშნავია, რომ XIV საუკუნის გერგეტის მატთანეში გერგეტის საყდრიშვილობის განმტკიცების საბუთში ჩამოთვლილი სახელეზიდან გერგეტისათვის მძევლები რომ უნდა მიეცათ, ნახსენებია არჩიმაგიშვილი ჯოგოლა²⁵. ეს იგივე უნდა იყოს, რაც სოფ. შევარდენში გვიანდლამდე მცხოვრები არჩინოვები, რომლებიც აღრინდელ გვარად არჩინაშვილებს ასახელებენ, ამავე დოკუმენტშია მნაელი ბადაძსძე აღბათ გვიანდელი ბადაშვილები, რომელთა მოგვარენი ლიახვის ხეობაში ქართლის სოფელ ქორდშიც მოსახლეობენ და თავისი წინაპრების აღრინდელ სამყოფელად სოფ. გუდისს ასახელებენ²⁶. გვიანი ხანისათვის ბადაშვილები მოსახლეობენ კოპში ბადაეების გვართ და ხურთისში ბადაშვილებად. ხურთისელი ბადაშვილები კობიდან არიან გადასულნი.

შესაძლებელია გერგეტის მატთანეში მოხსენებული ინდო ზაქაძის გვარის შემდგომი გამგრძელებლებიც გვიანდელი ოქროყანელი ზაგაეები არიან. ამ მოსაზრებას სარწმუნოდ ხდის ზაგაეების ოქროყანაში დასახლების შესახებ შემონახული გადმოცემის შედარება გერგეტის მატთანის ცნობასთან. ზაგაეების გადმოცემით ისინი ქართველები ყოფილან. მათი წინაპარი თრუსოს ხეობაში თავკაცად ითვლებოდა. მათ წინაპარს პირველი საუფროსო აღგილი ჰქონდა დათმობილა ხატი კარზე გაშლილ სუფრაზე. მათი წინაპრებისაგან მთიულეთ-გუდამაყრელნი იღებდნენ ნებას თრუსოს ხეობის საზღვრულ საძოვრების გამოყენებაზე, რაშიც, როგორც გადმოგვცემენ, გარკვეულ საფასურს ზაგაეების წინაპრები ღებულობდნენ. მატთანეს ცნობით, ნაცვალი ინდო ზაქაძე საკმაოდ მოძლიერებული პირია, რომელმაც წა-სამებას შესწირა დღენახევრის ყანა, რომელიც მას მეფეთგან ჰქონდა ნაბოძარი²⁷. როგორც ზემოთ ითქვა, უფრო ადრე ზაგაშვილებს უშუალოდ თრუსოს ხეობაში სოფ. აბანოში უცხოვრიათ და

25 ქ. შარაშიძე, დასახ. ნაშრომი, გვ. 272.

26 საგულსხმოა, რომ ქორდელი ბადაშვილების აღრინდელი სამყოფელი გუდისი ტერიტორიულად შოდის დვალეთის ტერიტორიაზე.

27 ქ. შარაშენიძე, დასახ. ნაშრომი, გვ. 273.

გვიანი ხანისათვის ჯერ მნაში, შემდეგ მის ქვემოთ, ხოლო ბოლოს ოქროყანაში დასახლებულან. შემდეგისათვის ამ გვარის განაყრები სხვადასხვა მიმართულებით წასულან. უფრო ადრე მათი წინაპრები ქართლისა და ხევის მიდამოებში ჩასახლებულან, ხოლო გვიანი ხანისათვის ამ გვარის ნამატი ჩრდილო ოსეთისაკენ დაშვებულა.

გვხვდება ისეთი გარემოებაც, როცა პირიქით, ბარიდან აღიან თრუსოს ხეობაში. მაგ., ქასოევის და სუხიევის გვარების მოსულობას სოფ. მნაში სოფ. კოპორტიდან ასახელებენ, სუხიშვილების და ქასოშვილების გვარებით. ბარიდან მთაში ასვლა მაინც იშვიათ მოვლენას წარმოადგენდა. თრუსოს ხეობაში ამგვარი მოძრაობა (ბარადან მთისკენ რომ მოსახლეობა საცხოვრებლად გადასულიყო) მხოლოდ ორი გვარის შესახებ გვაქვს დამოწმებული.

არდონიდან ჩამოსახლებული ოსური ფენის უმეტესობა გადმოსახლებიდან სამ-ოთხ თაობას მოითვლის. ჩამოსახლებულთა ბოლო თაობას შემოუნახავს წინაპართა გადმოცემა იმის შესახებ, რომ აქ ჩამოსვლისას მათ დახვედრიათ უცხო მოღვმის ხალხი, ესენი ყაბარდოელები ყოფილან, ასეთი ცნობა ჩვენ მოგვაწოდეს როგორც თრუსოს ხეობის ზედა ნაწილში, ისე მის ქვედა წელში და სოფ. უხათშიც, რომელიც ცალკე ხეობის სახითაა წარმოდგენილი. მთხრობელთა მიერ ვინ იგულისხმება თრუსოს ხეობის ყაბარდულ მოსახლეობაში, ეს საკითხი ყურადღების ღირსია.

თრუსოს ხეობაში ჩვენ ყურადღება მივაქციეთ რა ამ ცნობას, შესაძლებლად მივიჩნით, რომ ოსების მიერ ყაბარდოელების ქვეშ დვალური მოსახლეობის ისეთი ფენა უნდა იყოს ნავარაუდები, რომელიც თრუსოს ხეობის ზედა რაიონებში მოსახლეობდა.

რა ხაზითი ჰქონდა თრუსოელთა მეურნეობას? თრუსოს ხეობა მაღალმთიან რაიონს განეკუთვნება. ხევისა და თრუსოს ხეობები ადრეული ხანისათვის ტყის საფარველით ყოფილა წარმოდგენილი, ტყეების არსებობაზე მიუთითებენ როგორც მთხრობლები, ისე აქა-იქ შემორჩენილი ტყის კვალი და ტოპონიმიკაში დაცული სახელები.

მნას ხეობის ოქროყანის მიდამოები ხის ძირკვებით არის მოფენილი, ადგილობრივთა თქმით „აქაურები ტყით ცხოვრობდნენ“, ტყეს ამუშავებდნენ, ხის მასალის დამუშავებით ირჩენდნენ თურმე თავს. გვიანდელი დროისათვის მნას ხეობაში ტყე აღარსადაა შემორჩენილი. მთელი ხეობა სახნავ-სათესად, სათიბებად და საძოვრებადაა გამოყენებული. როგორც მნას, ისე თრუსოს ხეობის მთხრობელთა უმრავლესობა მიუთითებს, რომ ძველად მეურნეობის ძირითად დარგს მიწათმოქმედება, ხვნა-თესვა წარმოადგენდა. საკმაო რაოდენობით ჰყოლი-

ათ მსხვილფეხა პირუტყვი და აქვე მისდევდნენ მცირე მასშტაბის მეცხვარეობას. თრუსოს ხეობაში, ადგილობრივთა გადმოცემით, მისდევდნენ „ოსური ცხვრის“ — „ირონ ფიშთას“ მოვლა-მოშენებას. გარე-ვანი ნიშნების მიხედვით ოსური ცხვარი ყოფილა უღღმო, კუდიანი და კისრიანი. ცხვარს აქ იმ რაოდენობით ინახავდნენ, რომ მისი გამოკვება ზამთრის პირობებში არ გაძნელებულიყო. ჩვენ 1958 წელს მუშაობა მოგვიხდა ფშავეში (ღუშეთის რაიონი), სადაც ყურადღება მივაქციეთ ზამთრის პირობებში პირუტყვის გაკვებისათვის თივის მარაგის შექმნას. გაირკვა, რომ გარდა თივისა, ადგილობრივნი პირუტყვის საკვებად ზამთრისათვის ამზადებდნენ მუხის ფოთოლს, მუხის ფოთლის და საერთოდ, ზამთრის საკვებად ტყის გამოყენების საქმეს დიდი ზიანი მოჰქონდა ტყისათვის. ტყის განადგურების საქმეში ამ გარემოებას ერთი მნიშვნელოვანი როლი უნდა ჰქონოდა. თერგის ხეობაში სოფ. ოქროყანის სამხრეთ რაიონში ადგილობრივთა გვაჩვენეს კლდოვანი დანალექები. ამ დანალექებში კარგად არის დაცული ტყის საფარველი. ამ დალექილი საფარველიდან აშკარად გამოიჩინება მუხის ფოთლის მასიური შრეები. ეს ფაქტი ხაზს უსვამს იმ გარემოებას, რომ აქ მუხის ტყეები ყოფილა, რომელიც ადგილობრივთა ხანგრძლივი ზამთრის პერიოდში პირუტყვის დამატებითი საკვების დანიშნულებითაც უნდა გამოეყენებინათ.

მთხრობელთა გადმოცემით, თერგის ხეობაში თითოეული ოჯახი „ირონ ფიშთას“ შინ მოხმარების მიზნით ინახავდა, უაახლოებით 20—30 სულის რაოდენობით. ოსურ ცხვართან დაკავშირებით საგულისხმოა ერთი გარემოება, რომელზედაც ადგილობრივნი მიუთითებენ. მას შემდეგ, რაც ჩრდილო კავკასიის საზამთრო საძოვრების გამოყენებამ სისტემატური ხასიათი მიიღო, ჯერ მოხვევებმა დაიწყეს საზამთრო საძოვრებზე სიარული და პირველად მათ გაიჩინეს თუშური ცხვარი დიდი რაოდენობით, ხოლო შემდეგ, თრუსოს ხეობელთაც მოკიდეს ამ საქმეს ხელი. როცა თრუსოელნი ამ საქმით დაინტერესდნენ და ოსური ცხვრით ყიზლარის საზამთრო საძოვრებზე წავიდნენ, აღმოჩნდა, რომ ოსურმა ცხვარმა კარგად ვერ გამოიზამთრა, დაავადდა და მეცხვარეებმა დიდი ზარალი ნახეს. ამის მიზეზად ადგილობრივნი ასახელებენ ოსური ცხვრის თხელმატყლიანობას, რის გამოც ცხვარი ცივდებოდა. ამის მერე თრუსოელმა მეცხვარეებმა დაიწყეს ოსური ცხვრის გადაჯიშება და მისი შეცვლა თუშური ცხვრის ჯიშით. ოსური ცხვრის გადაჯიშება ისე სწრაფი ზრუნვის საგანი გამხდარა, რომ თითო თუშურ ცხვარში ზოგჯერ ორ ოსურ ცხვარს აძლევდნენ თურმე. თრუსოელთა მეცხვარეობის პროდუქტების ძირითადი შემს-

ყიდველი პირები შუამავალი ვაჭრის როლში გამოდიოდნენ. თრუსოს ხეობის მეცხვარეებთან ყველაზე უფრო მნიშვნელოვან პროდუქტს თრუსოს ყველი შეადგენდა, რომლის დამზადების წესებში საგანგებო მნიშვნელობა ჰქონდა მინიჭებული ყველის დამზადებას ახალი რძით და მისი დამუშავების პროცესში იმ ტემპერატურის დაცვას, რომელიც რძის მოწველის მომენტში გააჩნდა.

ამავე მეცხოველეობის საფუძველზე მეცხვარეობის თუ მეღორეობის პროდუქტებისაგან მზადდებოდა, როგორც ჩანს დიდი რაოდენობითაც, ლორი, შალი, ქურქები და ტყავი²⁸. ჩვენ ვნახეთ, მაგ., სოფ. აბანოში ძველი სახლის ზედა სართული, სადაც ჩვეულებრივ სანოვაგეს ინახავდნენ და რომელიც ოჯახს გამოყენებული ჰქონდა ლორის გამოსაყვანად. აქ დაახლოებით 10-ზე მეტი ხის კარაჩხა იყო შემორჩენილი ქვის ფიქლის თავსაფრებიანურთ. ოჯახის უფროსის გადმოცემით, მათ ლორი გამოყავდათ ბოლში და დიდხანს ინახავდნენ საკვებად. ლორის გამოყვანა და შალის შინ წარმოება თრუსოს ხეობაში ხევის ანალოგიურია. საყურადღებოა ამ მიმართულებით XVIII საუკუნის ხე-მთიულეთის სალეკო გამოსაღების ნუსხაში ლორის და შალის დასახელება. აღნიშნული ნუსხის მიხედვით თუ ვიმსჯელებთ, გამოდის, რომ XVIII საუკუნის 80-იან წლებში ხევის სოფლების სალეკო გამოსაღების ძირითად სახედ ცხვარი, შალი და ლორია დასახელებული.

სალეკო გამოსაღების სხვა სახეებიდან საბუთში ჩამოთვლილია: ჩოხა, ტილო, ლაინი, შარვალი, ქვაბი, ხმალი, საკიდელი და აგრეთვე ფული. როგორც ჩანს, ხევისათვის ეს გადასახადი მუდმივ მოქმედი არ უნდა ყოფილიყო და იგი სოფლის შეძლებისდაგვარად არის მოკრებილი. ზოგიერთ სოფელში მაგ., ფხელში აღნიშნული გამოსაღებიდან ქვრივობოლნი გაუნთავისუფლებიან²⁹, დოკუმენტის ამ ნაწილს ჩვენ იმიტომ ვაძლევეთ განსაკუთრებულ მნიშვნელობას, რომ ხევის მეურნეობაში შალის წარმოებას გარკვეული ადგილი ეჭირა. შალის დამუშავების გვერდით ტილოს და ლაინის დასახელება სალეკო გამოსაღებად ერთ-ერთი საგულისხმო მომენტია მოხვევთა ცხოვრებისათვის. შესაძლებელია ხევში ტილოს დამზადება ადგილობრივი სელის ნედლეულზე წარმოებდა, ვახუშტი ბატონიშვილიც ხომ ხევის აღწერაში იუწყება, რომ ხორბლეულის გარდა აქ სელიც მოყავდათო. შესაძლებელია სელი სწორედ საბოჭკოე დანიშნულებით ითვისებოდა.

²⁸ Записка Н. С. Чилиева, О горских народах по Военно-Грузинской дороге, АКТЫ, т. VII, 1878, с. 349.

²⁹ მასალები საქართველოს ეკონომიური ისტორიისათვის, წ. III, 1955, გვ. 66.

ჩვენთვის აღნიშნულ საკითხზე შეჩერება მნიშვნელოვანი იყო იმდენად, რამდენადაც მეცხოველეობის დარგმა დასახელებულ ხეობაში ჩაკლა და უმნიშვნელო გახადა ამ ხეობის ძველი და წამყვანი დარგი — მიწათმოქმედება, რომელიც თუნდაც თრუსოს ხეობაში არც თუ ისე უმნიშვნელო მოსავალს იძლეოდა. მაგ., ი. ჭილაშვილის ცნობით, აქაური მოსავალი ერთი ოცდაათად მოდიოდა³⁰.

თრუსოს ხეობაში შეკრებილი ეთნოგრაფიული მასალების მიხედვით მოწმდება, რომ აქ ძველად მიწათმოქმედებას შედარებით აქტიურად მისდევდნენ, ვიდრე უკანასკნელი 10 წლის მანძილზე. ისიც მოწმდება, რომ სახნავე-სათესად უფრო მეტი რაოდენობის მწებები იყო გამოყენებული, ვიდრე გვიანი ხანისათვის. განასხვავებდნენ მიწის თვისებას მოსავლიანობის მოყვანის თვალსაზრისით. უკეთესად ითვლებოდა მზორე ადგილები, რასაც ისურვად „ხუშარს“ უწოდებენ, აქა ჩაჟოჟვარდებოდა ჩრდილო „კაგათა“ ადგილები. დამოწმებული იქნა ხორბლეულის ისეთი კულტურები, რომლებიც კარგად იტანენ მაღალმთიან რაიონებს, ძირითადად ეგრეთ წოდებული „ყაბარ ხორი“ — ბრტყელი ქერი და ჭვავი. იათესებოდა აგრეთვე შერეული თესლი ქერისა და ჭვავისა ერთად.

როგორც ხევში, ისე აქაც, თრუსოს ხეობაში, მიწის ზომის ერთეულად იხმარებოდა დღიური — ზონგონი. საზოგადოდ, დღიური, როგორც მიწის შედარებითი ზომის ერთეული, ნახსენებია გერგეტის მატრიანშიც. მაგ., ინლო ზაქაძეს წ-ა სამებისათვის 1,5 დღიური მიწა შეუწირია³¹. დღიურის ქვეშ იგულისხმება ერთი დღის განმავლობაში კავის საშუალებით მოხსნული მიწის რაოდენობა, თრუსოს ხეობაში დამოწმებულია შეამხანაგება მიწის ხენის დროს. ასეთ შეამხანაგებას გუთნისდება — კავის უფროსი „ძვეერ ზიკაუ“ მეთაურობდა. შეამხანაგება „ძვეერ ამბალად“ საგაზაფხულო ან საშემოდგომო ხენის დროს იკვროდა. აქაც, ხევში გავრცელებული მონდავისებურად, ყურადღება არ ექცეოდა ამხანაგობაში შესულთა მონაწილეობის მდგომარეობას. ვისაც რამდენი უნდოდა, იმდენ დღეს ხნავდა. იცოდნენ მიწის დასვენება ერთი წლით. ერთი წლის ნასვენ მიწას ზარამტონ — ყამირი ეწოდებოდა. აწარმოებდნენ ნიადაგის გააპტივებას.

ნიადაგის მოხვნისათვის გამოყენებული იყო სახვნელი კავი „ძივრის“ სახელწოდებით.

თრუსოს ხეობაში გამოყენებული სახვნელი კავი თითქმის ისეთივე შედგენილობისაა, როგორც მოხეური სახვნელი. ძივირი შედგება

³⁰ Записка И. Чилиева..., Акты, VII, с. 349.

³¹ ქ. შარაშენიძე, დასახ. ნაშრომი, გვ. 273.

ქუსლის, ძეგრ — ფანაგ, მხარის — ძუბ გვინონ, წერწენის — ა.2, ეოქონის — ბინონ და სახნისისაგან — ვშან. წერწენას დაბოლოებაზე ჰქონდა რამდენიმე ნაჩრეტი „კალოზ კაბალთის“ გასაკეთებლად, რომელზედაც მისაბმელი თოკის გამოსადები რიკები იყო ჩასხმული და რომლის საშუალებით ხდებოდა ხენის სიღრმის რეგულირება. რიკის უკან გადმოწევა იწვევდა ზედაპირულ ხენას, წინ გადანაცვლება — ღრმა ხენას.

როგორც ხევში, ისე თრუსოს ხეობაში, სახენელის ერთგვარი ტიპი იყო გავრცელებული. ამ ტიპის სახენელისათვის დამახასიათებელია შემდეგი ანაზომები: ქუსლის სიგრძე 60—65 სმ, ქუსლის უდიდესი სისქე 10—13 სმ, ქუსლის უდიდესი სიგანე 26—42 სმ, მხრის მოხრილობა 70 სმ-ზე ნაკლებია, მხრის სიმაღლე 55—62 სმ, მხარი წაგრძელებულია მოხრილობიდან 70—75 სმ-ით, მხარი პორიზონტალურად ხაზს უახლოვდება 8—10 სმ-ით. აქ ხდება წერწენის მიბმა ქვემოდან ორი რიკის დახმარებით, მხარის წერწენას სიგრძე 2,5 მეტრამდე აღწევდა, თავაწეულაა. ერქონა ცალხელსაკიდიანია და მხრის კუთხეში წნელით მიიბმოდა. ერთი თავით კი ქუსლში იყო ჩადგმული. მისი სიმაღლე მხრის სიმაღლეს უსწორდებოდა. სახნისების ზომები ზემოთ იყო მოცემული და აქ ამას აღარ გავიმეორებთ. როგორც ხევში, ისე თრუსოს ხეობაში ერთგვარი სახნისები იყო გამოყენებული, ტოლფერდა სამუშაო პირით, ოღონდ თრუსოს ხეობაში სახნისის პირს ცოტა უფრო მეტი სიგანე ახასიათებდა, ვიდრე მოხეურ სახენელების სახნისებს.

ტექნიკური მხარეების მიხედვით, მოხეური სახენელი მხარგადაბმულ სახენელთა ტაპოლოგიას განეკუთვნება, რომელიც გავრცელებულია საქართველოში თერგის ხეობაში, თეთრიწყაროს რაიონში (ქართველები, ოსები), ჩრდილო ოსეთში, საჩხინოში, ინგუშეთში, დაღესტანში (რუტულები, ავარები) და ყაბარდოში.

მხარგადაბმულ სახენელთან დაკავშირებით ისმის რამდენიმე კითხვა: თუ რამ განაპირობა სახენელის მხრის გადაბმის აუცილებლობა? ეხმარება თუ არა მხრის გადაბმის წესით შედგენილი სახენელი მეურნეს სახენელის მართვის საქმეში? არის თუ არა იგი სახენელის დაწინაურებული ფორმა? გაუმჯობესებული ტიპი და სხვ.

მეურნეთა დაკვირვებით, სახენელის მხარისა და წერწენას გადაბმის გამოწვეულია მისი მარჯვედ მოხმარების დანიშნულებით. მთის ფერდობი ადგილების დამუშავებისას მეურნეს უხდებოდა მოკლე, ვიწრო, ძლიერ დაფერდებული ადგილების დამუშავება. ასე ადგილებში ხარის მობრუნების გადაადგილებას უღელზე მიბმული, ვერტი-

კალური ხაზისაკენ მიმსწრაფი წერწენა უწყობდა ხელს, განსაკუთრებულთ როცა სახნავი ფართობის თავსა და ბოლოში სახენელის მიწიდან აგლეჯა და მისი ხელახალი აკიდება იყო საჭირო. ამავე ფუნქციას კარგად იყო შეხამებული სახენელის მოკლე ქუსლა, რომელიც შეიძლებოდა მიწიდან იოლად დახსნილიყო და შედარებით დიდი ენერჯის დახარჯვის გარეშე ისევ სახნავ ფენაში ჩაეშვათ. მხრის ხელოვნური გამრუდებისა და მოკლე ქუსლას წყალობით, მზენელს მძიმე შრომა უადვილდებოდა. რადგან სახნავ-სათეს მიწებს ხევში ქვა ერევა და სახნავი ფენები თხელია, ამიტომ სახენელს ქუსლი ოდნავ ბოლოაწეული მუშაობს. ამ საქმეშიც გარკვეულ როლს თამაშობს გადამბმული მხარი, რომელიც გადაბმის ადგილზე საკმაოდ მძიმდება და მკუთნავს აღარ სჭირდება დამხმარე პირი, რომ ხელნას სიმძიმე დააწოლოს, ისე როგორც ეს უწარმოებიათ მთიულ-გუდამაყრელთ, რომელთაც საამისოდ სპეციალური იარაღიც კი ჰქონიათ „ქიბორჯის“ სახელწოდებით³². ამიტომ მოხეური სახენელის ქუსლის წინა ნაწილზე მოდის მთელი მუშაობის სიმძიმე. ყოველივე ეს იწვევდა სახნისების ხშირ ცვეთას სახნისის წვერისა და ზურგის არეში. ეს უკანასკნელი გარემოება კარგად დასტურდება ყაზბეგის მხარეთმცოდნეობის მუზეუმში დაცული სახენელის სახნისების მდგომარეობით. აქ დაცული სახნისები ხმარების შემდეგ დაუკერებიათ ზურგზე წვერისაკენ გადაჭიმული რკინის ნაკრებით. აღნიშნული გარემოებანი მოხეურ სახენელს წარმოაჩენს, როგორც გარემო პირობებთან კარგად მორგებულ და შეგუებული სახენელის ტიპს.

ჩვენ ზემოთ აღვნიშნეთ, რომ მხარგადაბმული სახენელის ტიპი დადასტურებულია აგრეთვე თეთრი წყაროს რაიონის ოსურ სოფლებში³³, სადაც სახენელის აღნიშნული ტიპი თერგის ხეობიდან ჩასახლებული ოსური მოსახლეობის შედეგად გაჩნდა ისე, როგორც ამავე რაიონში ჩამოსახლებულმა რაჭველებმა სცადეს დაენერგათ რაჭული სახენელი იარაღი, თუმცა იგი მალე უკუაგდეს, რადგან ადგილობრივ წიადაგებს ვერ შეუგუენს³⁴.

მხარგადაბმული სახენელი კავკასიური სამყაროს მთის სამიწათმოქმედო ისეთი იარაღია, რომელსაც შორეული და უძველესი ანა-

32 გ. ჩიტაია, მთიულური „ქიბორჯი“, მასალები საქართველოს ეთნოგრაფიისათვის, X, 1957, გვ. 39.

33 გ. ჩიტაია, ეთნოგრაფიული მოგზაურობიდან აღბულაღის რაიონში, საქართველოს სახ. მუზეუმის მოამბე, IV, 1927, გვ. 215.

34 გ. ქალაბაძე, თრიალეთსა და ქიზიყში 1954 წლის ეთნოგრაფიულ მივლინების ანგარიში, ხელნაწერი, გვ. 12.

ლოგი მოეპოვება ძველ ბაბილონში. ძველ ბაბილონურ ერთ-ერთ საბუქდავზე ადამიანის ფიგურებთან ერთად გამოსახულია სახენელი იარაღის ისეთი ტიპი, რომელსაც აქვს მოხრილი და გადაბმული მხარი³⁵. საგულისხმოა, რომ ბაბილონური სახენელის მხარიც მოხრილობის შემდეგ ჰორიზონტალური ხაზისაკენ იხრება. დახრა იმდენად ძლიერია, რომ ჰორიზონტალურ ხაზს და მოხრის კუთხის წერტილებს შორის მცირე მანძილია დარჩენილი. მხრის გადაბმა განხორციელებულია ორი რიკის დახმარებით. მხრის დაბოლოებაზედაც რამდენიმე რიკია მოთავსებული, თითქმის ისე, როგორც ამას ადგილი აქვს მოხეურ და საერთოდ კავკასიურში მხარგადაბმული ტიპის სახენელებში. დაკვირვებით, კავკასიური მხარგადაბმული სახენელი ბევრით არ წასულა წინ ბაბილონური სახენელის შედგენილობისაგან. აშკარაა, რომ კავკასიური მხარგადაბმული სახენელი თავისი კონსტრუქციით მარტივია, თუმცა იგი კარგად პასუხობს მთის ისეთ ზოლში გავრცელებული მეურნეობის ხასიათს, სადაც მიწას მისი სახნავი ფენის ზედაპირულობისა და ქვიშრობების გამო ღრმად დამუშავება არ ესაჩიროება და არც ხერხდება.

კავკასიური მხარგადაბმული სახენელის ტიპს ანალოგები მართლ ძველ ბაბილონში როდი მოეპოვება, მისი ანალოგები იძებნება ძველ სუმერეთში, ძველ საბერძნეთში და ესპანეთში.

სახენელების განვითარების გზაზე მხრის გადაბმა უნდა იყოს ერთი გარკვეული ეტაპი უბრალო კაეის ტიპიდან მისი შემდგომი განვითარებადი ფორმისაკენ. თუ ზემოთ ჩამოთვლილი ქვეყნების მხარგადაბმული სახენელების მიხედვით ვიმსჯელებთ, მხრის გადაბმა უნდა განხორციელებულიყო იმ ეტაპზე, როცა სახენელის ქუსლა ჯერ კიდევ არ იყო გამოყოფილი, როგორც სახენელის ცალკე შემადგენელი ნაწილი. ამას ადასტურებს ესპანური სახენელი, რომელსაც მხარი და ქუსლა ერთიანი ხის ძელისაგან ჰქონია გამოთლილი³⁶. ამგვარივეა აგრეთვე ჩრდილო მესოპოტამიაში გავრცელებული სახენელის ერთ-ერთი ტიპი³⁷. სამაგიეროდ სუმერული მხარგადაბმული სახენელი (IV ათასეულის შუა პერიოდში) შედგენილი სახენელია, რომელსაც ქუსლა ცალკე ხის ნაჭრისაგან უკეთდებოდა³⁸. მხარგადაბმული სახენელის ფორმა შემონახულია შუმერულ დამწერლობაში, რომლის სა-

³⁵ Emil Werthg, Grabstok. Hacke und Pflug, Ludwigsburg, 1954; 203; Reallexikon, ტ. I, გვ. 14, ტაბ. IV.

³⁶ Cecil Cyrrwen, Pflaugs and Fields, London. 1943, გვ. 57.

³⁷ Emil, Werth დასახ. ნაშრომი, გვ. 171.

³⁸ Всемирная история, т. I, с. 220.

წყისად მიჩნეულია IV ათასეულის შუა ხანა³⁹. დამწერლობის ნიშნად აშგვარი სახვნელის ხმარება გვაფიქრებინებს, რომ იგი უნდა ყოფილიყო სახვნელის ტიპიური სახე. მიუხედავად მისი მარტივი აღნაგობისა, შუმერული სახვნელის ტიპს საკმაოდ გამძლეობა გამოუჩენია. იმდენად, რამდენადაც მისი ფორმის თუ შედგენილობის გამოჩენებას ადგილი აქვს კავკასიის ხალხთა: ქართველების, ყარაჩაელების, ჩეჩენ-ინგუშების, რუტულების⁴⁰, ავარების⁴¹ და ოსების სამეურნეო ყოფაში.

ინგლისელ მკვლევარს სესილ კურვენს (Cecil Cyrwen) სახვნელის ის ტიპი, რომელსაც მხარი აქვს გადაბმული და ჭერ კიდევ ქუსლა არა აქვს გამოყოფილი, როგორც ცალკე ნაწილი, მიაჩნია პრიმიტიული სახვნელი კავების ძირითად ტიპად⁴². მისი ცხრილის მიხედვით, მხარგადაბმული სახვნელების განვითარების საფუძველია ეგვიპტური შედგენილი თოხისმაგვარი იარაღები, შემდეგ ამას მოსდევს ეგვიპტური სახვნელი კავი, შემდეგ კი შემურული. იგი ვარაუდობს, რომ თოხის ტარის დაგრძელების შედეგად (თოხის ტარის გადაბმით) საფუძველი დაედო მხარგადაბმული სახვნელის წარმოქმნა-განვითარებას. მართლაც, მხარგადაბმული სახვნელები გენეტიკურად უკავშირდებათ კაკუჩას ტიპის სათოხნ თუ მიწის ასაქექ იარაღებს, მაგრამ სესილ კურვენის სახვნელების გენეალოგიურ ცხრილში არ იძლევა სახვნელის უფრო მარტივი შედგენილობის სხვა ტიპს, სხვა ფორმის სახვნელს, რომელიც უთუოდ წინ უსწრებდა მხარგადაბმული ტიპის სახვნელებს; ამდაგვარ სახვნელებს ადგილი ჰქონდა კავკასიის ხალხთა სამეურნეო ყოფაში, სახელდობრ, ქართველთა მეურნეობაში. მაგ., კავწერა და თრიალეთური ჩუთი, არსებულ მხარგადაბმულ სახვნელებთან შედარებით, ყველაზე უფრო მარტივი ტიპის სახვნელებია, რომელთაც იყენებდნენ საქართველოს შთისა და ზეგანის მიწათმოქმედებაში.

სათოხნი იარაღის განვითარების გზა თუ კი სახვნელი იარაღებისაკენ მიიმართებოდა, პირველ რიგში მისი მხარის გარდაქმნის საკითხი კი არ უნდა დასმულიყო, არამედ მთავარი ყურადღება ქუსლას, როგორც უშუალოდ მიწის ამქექ ნაწილზე უნდა გამახვილებულიყო. ეს გარემოება შეინიშნება პროფ. გ. ჩიტაიას მიერ ჩამოყალიბებული ქართული სახვნელის ტიპების გენეალოგიაში⁴³. აქ სახვნე-

³⁹ Всемирная история, т. I, с. 220.

⁴⁰ Л. И. Лавров, Рутульцы, Сов. Этн., № 4, 1953.

⁴¹ З. А. Никольская, Аварцы, Народы Дагестана, 1955, с. 26.

⁴² Cecil Cyrwen - დასახ. ნაშრომი. გვ. 157.

ლის ქუსლთა ნაირობა ქარბობს სახენელთა მხრის ფორმების ნაირობას. აღნიშნულთან დაკავშირებით ერთი კონკრეტული მაგალითი შეიძლება საქართველოს სახელმწიფო მუზეუმის ეთნოგრაფიის განყოფილების ფონდებში დაცული სახენელების კოლექციებზე დაკვირვებით იქნას წარმოდგენილი, მაგ., აქ დაცულია ორი ეგზემპლარი მხარგადაბმული სახენელისა; ერთს ქუსლა ჩვეულებრივ ქვემოთ განიერი აქვს და ზემოთ უვიწროვდება, მეორეს კი პირიქით, ზემოთ ბრტყელია და ქვემოთ ძირისკენ თანდათან ვიწროვდება. რაც შეეხება ვადაბმულ მხარს, იგი ჩვეულებრივადაა, ისე, როგორც ყველა მოხეურ სახენელში. ასეთ შემთხვევებს ხშირად აქვს ადგილი, როცა ერთნაირ მხარს სხვადასხვანაირი მოყვანილობის ქუსლა გააჩნია, შესაბამისად გარემო (სახნავ-სათესი) პირობებისა, თუ რა სახისა და ხასიათის ნიდაგებთან იყო შეგუებული სახენელის მუშაობა. ამის მიხედვით მუშავდებოდა სახენელის მიწასთან მომქმედი ნაწილი, ამ შემთხვევაში ქუსლა.

როგორია ამ კრილში მოხეური სახენელი, რა ადგილი უნდა დაიკავოს მან ქართულ სახენელთა გენეალოგიურ ცხრილში? ზემოთ წარმოდგენილი მონაცემების მიხედვით, იგი არ წარმოადგენს მარტივი კავის გაყინულ ტიპს. მან სათანადო განვითარება განიცადა, შეეგუა ადგილობრივ ხრიოკ, ქვიშრობი სახნავეების გარემოს და ადგილობრივ წარმოებულ შერწყმული ხასიათის მეურნეობის კრილში, სადაც მესაქონლეობა-მემინდვრეობა დიდი ხნის მანძილზე ტოლძალოვან და ზოგჯერ მიწათმოქმედებასთან წამყვანის როლში გამოდიოდა, მოხეური სახენელი თავის ფუნქციას წარმატებით ასრულებდა. მოხეური სახენელი შემორჩა თერგის ხეობას, მაგრამ მისი შემდგომი განვითარება არ შეჩერებულა. ერთი მხრივ მისი შემდგომი განვითარება წარიმართა გამწევი ძალის სახეობათა და რაოდენობათა შეცვლის ნიდაგზე, ხოლო მეორე მხრივ ეს უნდა მომხდარიყო ამ სახენელის მიწის მოქმედების მწარმოებელთა ბარული მიწათმოქმედების ფარგლებში გადანაცვლების გზითა და შედეგად. ამ უკანასკნელი გარემოებისათვის საყურადღებო მასალას გვაძლევს აღმოსავლეთ საქართველოს მთის სახენელი იარაღები, რომელთაგან გამოირჩევა ქსინისა და ლიახვის ხეობაში გავრცელებული ორხელას ტიპები. მოხეური სახენელის მხარი, როგორც მოვიხსენეთ, მოხრილობის ადგილას ძალზე უახლოვდება ჰორიზონტალურ ხაზს, ხშირად ეს დახრა ისე დიდია,

43 გ. ჩიტიია, რაქული სახენელის ფარფლიანი ქუსლი, თსუ შრომები, ტ. XVIII, 1941, გვ. 193.

რომ მუშაობის პროცესში გადაბმის ადგილი მიწააც კი ეხახუნებოდა.

ქსანური და ლიახვის ხეობაში გავრცელებული ორხელას ტიპის სახვნელებში მხარი, რომელიც კაქუჩათი (საცორავი) ბოლოვდება, მუშაობის პროცესში აგრეთვე ხშირად ეხებოდა მიწას. მხრის წინა ნაწილს წინამავალი — საცორავი გამწვევ ძალას ღვედით ან კვანტით უკავშირდებოდა. ეს წინამავალი საცორავი ორხელა სახვნელში თითქმის იმავე როლს ასრულებს, რასაც გადაბმის ადგილი მოხეურ სახვნელში. ქსანურ და ლიახვის ხეობის ორხელებს წერწენა თავისი განვითარების ადრეულ საფეხურზე უნდა მოეცილებინათ. ამ წერწენას შოცილების ერთი მთავარი მიზეზი გამწვევი ძალა უნდა ყოფილიყო, სახელდობრ, როცა მოხეური ტიპის სახვნელი ნახევრად ბარულ რაიონებში იწყებს მუშაობას, სადაც მიწა მძიმეა მისი თიხნარობის გამო და გამწვევი ძალა მეტი იყო საჭირო, წერწენა ხელისშემშლელ ნაწილად უნდა ქცეულიყო.

მოხეურ სახვნელში მეტი გამწვევი ძალის დაკავშირება წერწენის ჩამოცილების გარეშე გაძნელებოდა. მოხეური სახვნელი ორხელას ტიპის სახვნელის პირდაპირი წინაპორბედია. თვით ის ფაქტი, რომ მოხეური სახვნელის არეალს გასდევს ორხელა სახვნელის გავრცელების არე, საგულისხმო გარემოებაა, იმდენად, რამდენადაც მოხეური სახვნელის გვიანდელ მფლობელებად მოხევეები, ოსები, ყაზარდოელი, ჩეჩენ-ინგუშები გვევლინებიან და მათი განსახლება კი მოდის კავკასიის ცენტრალურ რაიონებში, სადაც შუა საუკუნეებში და უფრო ადრეული ხანისათვის დვალური მოდგმის ხალხი იყო დასახლებული. სავარაუდოა, რომ ამავე დვალური მოდგმის ხალხს გამოყენებაში ექნებოდა მოხეური ტიპის სახვნელი, ხოლო როცა საგარეო ვითარების გართულების შემდეგ ჩრდილოეთიდან მონღოლთა შემოსევებმა კავკასიის ცენტრალურ რაიონში კავკასიის ჩრდილოეთის ველებზე მოსახლე ტომები შემოდევნა, დვალური მოსახლეობა ნაწილობრივ უნდა დაშვებულიყო ქსანისა და ლიახვის ხეობებისაკენ, სადაც ბუნებრივია, თან უნდა გადაეტანათ სახვნელის ის ტიპი, რომელსაც ადრე იყენებდნენ, სახელდობრ, მოხეური ტიპის სახვნელი, რომელსაც შემდეგ ადგილობრივი გარემო პირობების მიხედვით და სათესი კულტურების შესაბამისადაც სათანადო კონსტრუქციული გარდაქმნა უნდა განეცადა, ის უნდა გარდაქმნილიყო ორხელას ტიპის სახვნელ იარაღად.

ამრიგად, თერგის ხეობაში წარმოებული მემინდვრეობა წარმოგვიდგება როგორც საერთოდ განვითარებული მიწათმოქმედებისათვის

დამახასიათებელი კომპლექსების შემცველი მეურნეობა. ცხადია, აქ გამოინაკლის შეადგენს რწყვა, ახოს აღება და სხვ., მაგრამ ზემოთ ჩამოთვლილი რიგი სამეურნეო იარაღებისა დაწყებული ხელით სამუშაო თოხებიდან, სახენელებსა და საფარცხველი იარაღების ჩათვლით, შეადგენდნენ იმ საშუალებებს, რაც ამ მხარეში, მიუხედავად მკაცრი ბუნებრივი პირობებისა, შესაძლებელს ხდიდა მემინდვრობას აქტიური მნიშვნელობა მინიჭებოდა, ვიდრე მესაქონლეობას, რომელიც ადგილობრივი საკვებით კმაყოფილდებოდა.

თერგის ხეობის ქართულ და ოსურ მოსახლეობაში მიწათმოქმედებისათვის გამოყენებული მეტ-ნაკლებად ერთგვაროვანი სამეურნეო იარაღები და ამ იარაღებთან დაკავშირებული სამეურნეო ხასიათის შრომითი პროცესები ისეთივეა, როგორც საერთოდ აღმოსავლეთ საქართველოს მთის სხვა რაიონებისათვის. იმ განსხვავებით, რომ აღნიშნულ მიკრორაიონში თავისებურება მკაცრმა ბუნებრივმა პირობებმა შეზღუდა. მიწათმოქმედების ფართო მასშტაბით გაშლა და მისი სამეურნეო მნიშვნელობა უკანასკნელი დროისათვის მეურნეობის წამყვან დარგად მეცხოველეობის წამოწევამ უმნიშვნელო გახადა.

საკვლევ რაიონში გამოყენებული ხელით სამუშაო იარაღების ნაირსახეობა და არქეოლოგიური ხანის მათი ანალოგები ამ იარაღთა ტრადიციულ გამოყენებაზე მიუთითებს, რომელიც მიწათმოქმედების მარტივ ფორმებთან იყო დაკავშირებული.

თერგის ხეობაში გამოყენებული სახენელი იარაღების ორი ტიპიდან (ხევისურული და მოხეური სახენელები) მნიშვნელოვანია მოხეური სახენელი, რომელსაც განვლილი აქვს განვითარების ვრცელი გზა. მას მოეპოვება როგორც წინაპრები, ისე მისი შემდგომი განვითარებადი ფორმები. ერთი მისი განვითარებადი სახეობა ქსნური ორხელაა.

მემინდვრობა მისხეთ-ჯავახეთში

1. საერთო მიმოხილვა. მესხეთ-ჯავახეთის მემინდვრობის ეთნოგრაფიული თვალსაზრისით შესწავლა საქართველოს ისტორიის კვლევა-ძიების აქტუალური საკითხთაგანია. ამ კუთხისათვის მემინდვრობას, როგორც მეურნეობის მარეგულირებელსა და ძირითად დარგს, ისტორიული ხანიდანვე დიდი მნიშვნელობა ენიჭებოდა. მემინდვრობა და საერთოდ მიწათმოქმედება იყო ის მძლავრი ბერკეტი, რომელიც ამ მხარის ეკონომიკურად და კულტურულად დაწინაურების საქმეს ხელს უწყობდა. შუა საუკუნეების მეორე ნახევარი მესხეთ-ჯავახეთისათვის ძნელბედობის ხანად იქცა. სამხრეთიდან თურქეთის ხშირი თავდასხმები და ქვეყნის აწიოკება მიწათმოქმედებისათვის არახელსაყრელ პირობას ჰქმნიდა.

ღროდადრო მესხეთ-ჯავახეთში საგარეო ვითარების გართულება აუარესებდა შინაგან სოციალურ-ეკონომიკურ პირობებს, რასაც მესხეთ-ჯავახეთის სამეურნეო საქმიანობისათვის უდიდესი ზიანი მოჰქონდა. აკად. ნ. ბერძენიშვილი ჯავახეთის ისტორიას წარმოგვიდგენს ოთხ პერიოდად, იგი აღნიშნავს: „ჯავახეთი — ეთნიკური ქართლს განაპირა ქვეყანაა, სანაფხულო სადგომ-საძოვრებით მდიდარი (მცხეთა-არმაზის ძლიერების ხანა), ეკონომიკურად და პოლიტიკურად დაწინაურებული ცენტრალური ოლქი (საშუალო საუკუნეები IX—XIII სს.), დაცემის გზაზე დამდგარი პროვინცია (XIV—XVI სს.) ოსმალთა მფლობელობა და მიყრუებული ბუნაგი (XIX ს.). აი როგორი სხვადასხვაგვარი მდგომარეობა გვეჩვენება ჩვენს ერთსა და იმავე ფიზიკურ გეოგრაფიულ სინამდვილეში, სხვადასხვა ღროს და ეს მართო იმიტომ კი არა, რომ საზოგადოების ტექნიკური განვითარება ზემოქმედებს, „სცვლის“ და სხვადასხვა ინტენსივობით გამოიყენებს ქვეყნის ფიზიკურ თვისებებს, არამედ იმიტომ; და ეს უმთავრესია, რომ თვით ეს ტექნიკური განვითარება და მით უფრო მისი ასეთი

თუ ისეთი მოხმარება დამოკიდებულია საწარმოო ურთიერთობის სახეობისაგან (კლასთა ბრძოლის სახეობისაგან)¹.

მესხეთ-ჯავახეთში საწარმოო ურთიერთობანი მრავალგზის იცვლებოდა. ეს ცვლილებები უფრო მრავალფეროვანი და უფრო რთული იყო. ამ მრავალფეროვნების მიზეზი, როგორც ზემოთაც აღვნიშნეთ, საგარეო ვითარებაზედაც იყო დამოკიდებული.

ამასვე ართულებდა მხარის გვიანი დროისათვის შექმნილი ეთნიკური ჰიპოტეზა, სადაც წარმოდგენილი იყო განვითარებული შერწყმული მეურნეობის მიმდევარი ადგილობრივი მოსახლეობა და მეურნეობის მხოლოდ ერთი დარგის — მესაქონლეობის მიმდევარი მოსული ელემენტი, რომელიც მიწაზე დამკვიდრებისთანავე იწყებდა ადგილობრივი ხასიათის მეურნეობას.

მესხეთი და ჯავახეთი გეოგრაფიული მდგომარეობით და კლიმატით ერთიმეორისაგან განსხვავდება. მესხეთი თუ თავისი მდებარეობით ხეობებშია განსახლებული, ჯავახეთი მთლიანად ზეგანზეა მოქცეული. მესხეთში თუ სახნავ-სათესი მიწების ნაწილი ირწყვის, ჯავახეთში სახნავ-სათესი მიწები მთლიანად ურწყავია. მესხეთში მემინდვრეობასთან ერთად მევენახეობა, მებაღეობა, მებოსტნეობა მეურნეობის თანმყოფი დარგებია, ჯავახეთში კი მეურნეობის მხოლოდ ორი დარგი იყო წარმოდგენილი მემინდვრეობა და მესაქონლეობა. ნაწილი სოფლებსა მებხილეობაააც მისდევდა.

მესხეთ-ჯავახეთის მემინდვრეობის ეთნოგრაფიული თვალსაზრისით შესწავლას ალ. ხახანაშვილმა დაუდო საფუძველი. მისი ნარკვევი მესხეთზე² მართალია ზოგადი ხასიათისაა, მაგრამ მასში მრავალი საყურადღებო მასალაა დაცული. ალ. ხახანაშვილის ნარკვევიდან ჩვენთვის ყურადსაღებია ცნებები მესხური მოდგამის წესებზე, სადაც ჯერ კიდევ არ შეიმჩნევა იარაღისა და გამწვევი ძალის მიხედვით მოდგაში სამუშაო დღეთა დიფერენცირება.

დიდი მნიშვნელობის მოვლენა იყო მეცხრამეტე საუკუნეში სახელმწიფო გლეხობის ეკონომიკური შესწავლის თვალსაზრისით ჩატარებული მუშაობა. ამ მხრივ საყურადღებოა ბ. ვერმიშევის გამოკვლევა „ახალციხისა და ახალქალაქის მაზრის სახელმწიფო გლეხთა ეკონომიური ყოფის შესახებ“³. ნაშრომში დამწვრილებით არის აღწერილი მესხეთ-ჯავახეთის რაიონების გლეხთა ეკონომიკური მდგომარეობა.

¹ ნ. ბერძენიშვილი, ისტორიული ძიებანი, I, გვ. 167.

² Ал. Хаханов, Месхи, Эо. X., 1891.

³ X. A. Вермишев, Эк. быт гос. кр. Ахалцихского и Ахалкалакского уездов, МИЭКБГКЗК, т. III, ч. II.

რეობა; სადაც დიდი ყურადღება აქვს დათმობილი მემინდვრეობას, მის წარმოებას, სამეურნეო იარაღებს და მათს ეკონომიკურ ეფექტიანობას.

მესხეთ-ჯავახეთის მემინდვრეობის ეთნოგრაფიული თვალსაზრისით შესწავლის საკითხს საბჭოთა ეთნოგრაფთაგან პირველად გ. ჩიტაიამ მიაქცია ყურადღება. 1924 წელს ჯავახეთის ექსპედიციის მასალებზე შეისწავლა მესხეთ-ჯავახეთში გავრცელებული სახვნელი იარაღები და მოგვცა მათი კლასიფიკაცია⁴. შემდეგ პერიოდში ს. მაკალათია ზოგადად შეეხო მესხეთ-ჯავახეთში მემინდვრეობის საკითხებს⁵. უფრო დაწვრილებით განიხილა ეს საკითხები მ. გეგეშიძემ, სახელდობრ მან მესხეთის მემინდვრეობა შეისწავლა მორწყვის სისტემასთან ურთიერთობაში და გამოავლინა ამ დარგის სიძველე და ტრადიციულობა⁶.

მესხეთ-ჯავახეთის მემინდვრეობის ერთი კონკრეტული დარგის — სელის კულტურა და ზეთსახდლეები გამოიკვლია ლ. მოლოდინმა⁷. მის მონოგრაფიაში დაწვრილებით არის აღწერილი მესელეობის კულტურა, მესხეთ-ჯავახეთისათვის ერთი უძველესი სამეურნეო დარგი. ნაშრომში მოცემულია სელის სამეურნეო ადგილი აქაური გლეხის ეკონომიკაში მისი მოვლა-მოყვანისა, მოხმარება-რეალიზაციის პირობა. მესხეთის მემინდვრეობის საკითხებს სპეციალურად იკვლევს ლ. ბერიაშვილი⁸.

ჩვენ შევეცადეთ გვეჩვენებინა მესხეთ-ჯავახეთის მემინდვრეობაში შემონახული ისეთი ეთნოგრაფიული თავისებურებანი, რაც ჩამოთვლილ ავტორებს მსჯელობის საგნად არ უქცევიათ.

მესხეთ-ჯავახეთში ისტორიულ ხანაშივე მიწა კერძო საკუთრებად ითვლებოდა. ბექა-ალბულას სამართლის № 42, 43 და 44 მუხლებში ჩამოთვლილია მიწით სარგებლობის, მიწის დაწინდვის და მისი დროებით განსხვისების საკითხები⁹.

4 გ. ჩიტაია, მასალები საქართველოს სახვნელი იარაღების ისტორიისათვის, საქართველოს სახ. მუზეუმის მოამბე, ტ. V.

5 ს. მაკალათია, მესხეთ-ჯავახეთი, 1938.

6 მ. გეგეშიძე, სარწყავი მიწათმოქმედება საქართველოში, 1961.

7 ლ. მოლოდინი, ქართული ხალხის მატერიალური კულტურის ისტორიად (ხალხური ზეთსახდლეები), 1963.

8 ლ. ბერიაშვილი, მემინდვრეობის ხალხური წესები მესხეთში, სეს. 1964.

9 ქართული სამართლის ძეგლები, I, გვ. 440, 441.

მიწაზე კერძო საკუთრება სამემკვიდრეო უფლების მატარებელი იყო. მემკვიდრეობის უფლება მიწაზე თურქთა კანუნ-ნამეებმაც აღიარეს¹⁰.

მესხეთ-ჯავახეთში მიწა იყო სახელმწიფო, საბატონო და საეკლესიო. ამის შესაბამისად იყო წარმოდგენილი მასზე მიჯაჭვული გლეხთა კატეგორიებიც: სახელმწიფო, საბატონო და საეკლესიო გლეხები. საბატონო გლეხები ბატონს მიწის ღალის მესამედს აძლევდნენ. სახელმწიფო გლეხების მდგომარეობა უფრო სხვანაირად ყოფილა აწყობილი. სახელმწიფოს მიერ სოფელზე გაწერილი გადასახადი კომლექურად ნაწილდებოდა. ასევე კომლექურად ყოფილა განაწილებული მიწის ნაკვეთები, მაგრამ XIX საუკუნის მეორე ნახევარში მიწის ნაკვეთების კომლზე განაწილება შეცვლილა მიწის ჯულზე განაწილებით. ზოგიერთ სოფელში მიწით სარგებლობაში თავისუფლება ყოფილა და ვისაც რამდენი სურდა, იმდენს დაამუშავებდა. ზოგიერთ სოფელში მიწა ნაწილდებოდა კომლზე, ზოგ სოფელში ჯულზე, ხოლო ზოგიერთ სოფელში პრაქტიკაში იყო მისწრების წესით მიწის ნაკვეთის დაკავება, სომხებით დასახლებულ სოფლებში ძირითადად ამფა-ჩარქის წესით ანაწილდნენ სასოფლო მიწას¹¹.

ამფებად მიწის ნაკვეთის განაწილება ქართულ სოფლებშიც სკოდნიათ, ამფების მსგავსი ჩანს ფშავ-ხევსურეთში გავრცელებული სათემო მიწების აღლუმებად დანაწილება და ქიზიყში ოცეულებად სათემო მიწების დანაწილების წესი. სოფელ კათელიაში ამფებად ნაწილდებოდა სათიბები. იმავე კათელიაში გადმოგვცეს რომ ამფაზე ადრე სათიბების ახჩებად დანაწილება სკოდნიათ. მათივე გადმოცემით ამფად და ახჩად დანაწილებას შორის განსხვავება ის იყო, რომ ახჩა გულისხმობდა ჯულზე დანაწილებას, ხოლო ამფობის ღროს მუშა მამაკაცებზე დაიწყეს განაწილება. სოფელ კოთელაში სულ 10 ამფა ყოფილა. თითოეულ ამფაში 25 სული შედიოდა. ამფისათვის გამოყოფილ წილს მამასახლარი ამფაბაშთან ერთად გადაზოპავდა. შემდეგ სათიბს ამფის წევრები ერთიანად მოთიბავდნენ და მოთიბულ ზეონებს წილისყრით ანაწილდნენ. სოფლის სამოვრები საერთო მოხმარებაში იყო.

სოფელს გააჩნდა სხვადასხვა კატეგორიის სახნავე-სათესი მიწები. ყველაზე ძვირფას მიწის ნაკვეთს შეადგენდა სარწყავი ნაფუძარი.

¹⁰ მ. სვანიძე, ახალციხის ლივას „კანუნ-ნამეები“, მესიენ, 1968, გვ. 166.

¹¹ X. A. Вермишев, დასახ. ნაშრომი, გვ. 84.

იქ, სადაც ურწყავი მიწები არსებობდა, ნაფუძრები მაინც მაღალმოსავლიან მიწათა კატეგორიაში იყო მოქცეული. აქ ხლებოდა მორჩენილი ნაკელის გატანა.

ჯავახეთში და, ნაწილობრივ, მესხეთის სოფლებში, შემს ნაცვლად წივას იყენებდნენ, ეს გარემოება სახნავე-სათესში ნაკელის გატანას აბრკოლებდა. როდესაც კი ნაკელი გადარჩებოდათ უახლოეს ნაკვეთში გაჰქონდათ. ეს უახლოესი ნაკვეთი ითვლებოდა ნაფუძვრად. ნაფუძარში უმეტეს შემთხვევაში ქერს თესდნენ, რადგან ქერი ნოყიერ ადგილს კარგად იტანდა და მაღალ მოსავლასაც იძლეოდა. ამავე დროს ქერის მოსავლითაც დიდად იყენენ დაინტერესებულნი (ამაზე ქვემოთ).

ჯავახეთის მემინდვრეობაში არ გვხვდება ახოს სისტემა ტყის გაკაფვის საშუალებით. აქ ეს საფეხური დიდი ხანია გავლილია. თუ სოფელი ღათანხმდებოდა, რომელიმე კომლს შეეძლო საძოვარი მიწის ნაკვეთი სახნავე-სათესად გადაექცია, მაგრამ აქაც ისე, როგორც ფშავში, ეს ახალი შენამატი მიწა შემდეგში სასოფლო მიწების საერთო რაოდენობაში ექცეოდა. საძოვარი მიწის სახნავე-სათესად გადაქცევა ძნელ სამუშაოს შეადგენდა. მიწის ნაკვეთი უნდა გაწმენდილიყო ქვებისაგან. როგორც ადგილობრივ იტყოდნენ, მიწა უნდა «გაკარკლილიყო». ამ საქმეში იყენებდნენ ცალპირა წერაქვს, რასაც ჯავახეთში და მესხეთის მთის სოფლებში თოხს უწოდებენ, ზოგ სოფლებში ყაზმა თოხს.

ახალ ნატებს მიწაში ყოველთვის ქერს თესდნენ. მიწის ნაკვეთებს განასხვავებდნენ მღებარეობის და ნიადაგების ფერით, წებოვნებით, შედგენილობით, სიმშრალით, ნესტიანობით, სიფიცხით, სოფლიდან დაშორებით და სხვ.

მიწის ნაკვეთებს ამფებად დანაწილების დროს ზომავდნენ საბელის საშუალებით, ერთი საბელი 10 მეტრი ყოფილა სიგრძით. სიგრძის საზომ ერთეულად გამოყენებული ყოფილა აგრეთვე უღელი. ერთი უღელი მიწის მოსავალი დაახლოებით 5-დან 10 კოდამდე მერყეობდა და დამოკიდებული იყო ამფის სიღრმეზე. ამფა ერთ შემთხვევაში 10 სომრიანი იყო მეორე სოფელში იგი 20 სომარს აღწევდა.

ამფაზე მცირე ერთეული იყო ახჩა. 4 ახჩა 1 ამფას შეადგენდა. 1 ახჩა კი 8 უღელს, ანუ 8 დანგს უდრიდა. ასე, რომ უღელი 10 სომრიანი ამფის დროს 5 კოდი გამოდიოდა.

უფრო გვიან მიწის საყოველთაო საზომ ერთეულს წარმოადგენდა სომარი, კოდი და რუბი.

სომარი 16 კოლია. კოდში 1 ფუთი ქერი ჩადის, ხოლო კოლიან-საწყაოში ხორბალი 4 კილოგრამით მეტია, ე. ი. 20 კგ. 1 კოლი მიწის ფართობი = 900 კვ. მ. კოდზე მცირეა რუბი, რაც დღიურის მესამედს შეადგენს. სამი რუბი ერთი დღიურია. დღიური ხენა სამ პერიოდად სრულდებოდა: დილიდან სადილობამდე, სადილობიდან სამხრამდე და სამხრიდან ხართაშვებამდე, ე. ი. 1 რუბი უდრიდა 300 კვ. მ.

სოფ. კოთელიაში 1 კოლი 4 რუბს შეადგენდა. რუბი წონაში 10 გირვანქას უდრიდა. სოფ. პტენაში რუბი დღიურის მესამედს შეადგენდა. ზოგ სოფელში კოლი 0,10 ჰას უდრიდა.

უფრო გვიანი დროისათვის მინდვრის ფართობის გამოსახატავად დესეტინას ხმარობდნენ. ერთი დესეტინა უდრიდა 1,20 ჰას. დღეისათვის ფართობის ძველ საზომ ერთეულებად ხმარებაშია კოლი და ჰექტარი, ჰექტარი 10 კოდს გულისხმობს. კოლმეურნეთა პირად საკუთრებაში ორ კოდნახევარი მიწის ნაკვეთია, რაც ჰექტარის ზომაზე გადაყვანილი 0,25 ჰას უდრის.

2. მინდვრის სათესი კულტურები. მესხეთ-ჯავახეთში ითესებოდა: ქერი, დიკა, ფიგი, ბარდა, დოღოსპური, ოსპი, სელი, მუხუდო, ლობიო, ცერცვი, ბაკლა. ზოგიერთი სახეობანი აქედან გურჯისტანის ვილაეთის დავთარშიც გვხვდება. მაგ., სოფ. სვირს გადასახადი ელო ხორბალზე, ქერზე, ქვაზე, ფეტვზე, მუხუდოზე, ოსპზე, ცერცვზე, სელის თესლზე, იონჯაზე და სხვ.

ზოგი ამ კულტურათაგანი დღეისათვის აღარ ითესება, მაგ., სოფ. პტენაში მთხრობელთა გადმოცემით: „თურქებისგან სოფლის აოსრების შემდეგ, ოსპი და ბაკლა აღარ უთესიათ. თესლი ვეღარ იპოვეს“-ო (გვარამაძე ზაქარია მარკოზის ძე 58 წლ., სოფ. პტენა, 1965). ხორბლეულის სახეობიდან დღეისათვის მხოლოდ რამდენიმე სამრეწველო ჯიში ეძლევათ სათესად. ეს არის მესხური დოლი, ჯავახური დიკა, „უკრაინკა“ და ქერი, მესხეთში დამატებით სიმინდი ითესება, ჯავახეთში კარტოფილს კარგი სავეგეტაციო პირობები გააჩნია და მინდვრის კულტურაში ფართოდ მოიკიდა ფეხი. იგი მაღალ მოსავალს იძლევა.

ხორბლეულის ზონებად გავრცელების საკითხში ვ. მენაბდე დიდ მნიშვნელობას ანიჭებს მეტეოროლოგიურ ფაქტორებს, ამის მიხედვით იგი საქართველოს 7 ზონად ყოფს, სადაც მეექვსე ზონა, მისი დაყოფის მიხედვით, იწოდება გრილ მთიან სტეპად, ამ ზონაში მას მოქცეული აქვს ჯავახეთი. ვ. მენაბდეს შეხედულებით, ამ ბიო-კლიმატურ ზონებში ქარის, სინესტის, სიცივის, სიმზურვალის მოქმედება.

იწვევს ხორბლეულის მრავალი სახეობის და შიდა სახეობების ჩამოყალიბების კარგ პირობას¹².

მესხეთ-ჯავახეთი ამ თვალსაზრისით მეტად ორიგინალურ სურათს იძლევა, აქ ხორბლეულის გავრცელებისათვის ზონის შესაფერისი პირობა მოიპოვება, დაწყებული სოფელ აწყურიდან, რომელიც ზღვის დონიდან 800 მეტრზე მდებარეობს, ვიდრე სოფელ ოკამამდე სოფელ აგარის ჩათვლით, რომელიც 2000 მეტრზე უფრო მაღლაა გაშენებული (აგარაში დღეს აღარაეინ ცხოვრობს), სადაც დოლის პურის და დიკის გარდა, ითესებოდა ქერი, ასლი და ქვაკვი. ამ გარემოებამ უთუოდ ხელი შეუწყო იმას, რომ ხორბლეულის სახეობათა შიგნით ქვესახეობებიც მრავლად მოიპოვება.

მესხეთისაგან განსხვავებით, ჯავახეთის ზეგანზე ხორბლეულის გარდა, მინდვრის გარკვეული ფართობი დაკავებული ჰქონდა ბალახებს. განსაკუთრებით დიდი რაოდენობით თესდნენ იონჯას. მინდვრად ცერცვის, ოსპის, მუხუდოხა და იონჯას თესვა სახნავ-სათეს მიწებში მხოლოდ იმით არ იყო გამოწვეული, რომ მისგან ადამიანი საკვები პროდუქტით, ხოლო პირუტყვი საკვებით იქნებოდა უზრუნველყოფილი. აქ, როგორც ჩანს, დიდი ყურადღება ეთმობოდა მიწის ერთგვარ გადახალისებას, მის სამეურნეო სტრუქტურული აგრეგატების და ჰუმუსიანობის გაზრდას, რათა ნაბალახარ თუ ნაცერცვალ მიწაზე მომავალ წელს დათესილი ხორბლეულიდან მაღალი მოსავალი ყოფილიყო მოწეული. შესწავლილი და დადგენილია, რომ ნაბალახარ მიწებში მოსავალი 20—30 %-ით იზრდება¹³. ამ გარემოებას დიდი ყურადღება ექცეოდა, როგორც მესხეთში, ისე ჯავახეთში.

მესხეთში სახნავ-სათესი მიწების გარკვეული ნაწილი ირწყვოდა. მოსავლანობის შენარჩუნებისა და გადიდებისათვის მცდელობის მრავალ საშუალებას უფრო ურწყავი სოფლები მიმართავდნენ, ამ შემთხვევაში ჯავახეთის სოფლები.

ქერი მესხეთ-ჯავახეთში ყველაზე მეტად გავრცელებული კულტურაა. ქერი ითესებოდა ორგვარი, თეთრი და შავი. ბრტყელი და მრგვალთავთაიანი. უფრო მეტად თესდნენ ბრტყელ ქერს. ქერის მოსავალი პურის მოსავალთან შედარებით მეტი ხევით ხასიათდებოდა. თუ დღიურზე დოლისპური 2—3 სომარი მოდიოდა, ქერი დღიურზე 3—4 სომარს აღწევდა (800—1000 კგ).

ქერს ყველა ოჯახი აუცილებლად თესდა. მას დოლისპურთან შედარებით ბევრი სხვადასხვა დანიშნულებისათვის იყენებდნენ. ქერი

¹² Вл. Менабде, Пшеницы Грузии, 1948, с. 29.

¹³ ბ. საბაშვილი, საქართველოს სსრ ნიადაგები, გვ. 249.

არა მარტო აღამიანის საკვებად გამოიყენებოდა, არამედ მას ხმარობდნენ საფურაჟე დანიშნულებისათვისაც და, რაც მთავარია, ქერის ბზე ზამთარში პირუტყვისათვის ერთი აუცილებელი საკვები იყო.

ქერი ითესებოდა როგორც მესხეთის, ისე ჯავახეთის ყველა სოფელში, როგორც სარწყავ, ისე ურწყავ მიწებზე. ამას გვიმოწმებს არა მარტო მთხრობელთა ნაამბობი, არამედ ისტორიული დოკუმენტიც, რომელიც გურჯისტანის დიდ დავთრად იწოდება. ამ დავთრის მიხედვით, ისეთი ურწყავი სოფელი, როგორიც იყო სოფ. პტენა 1000 ქილა ქერით იყო დაბეგრული, მაშინ როდესაც ხორბალი მხოლოდ 500 ქილა ევალეობოდა; მურჯიკანს 500 ქილა ქერი, როკეთს 350, ჩუნჩხას 300, სოფ. აწკუტას 300, გოკიას 600, კოთელიას 500, ბარალეთს 1500 ქილა ქერი და სხე¹⁴. ასე რომ სამეცნიერო ლიტერატურაში დაბეჯითებით გამოთქმული აზრი იმის შესახებ, რომ მესხეთ-ჯავახეთში ქერი მხოლოდ სარწყავ მიწებზე ითესებოდა¹⁵, მართებულად არ უნდა ჩითვალოს. ქერის თესვა როგორც ურწყავ, ისე სარწყავ მიწებზე სკოდნიათ შერევიდაც. ქერს პირისპირ ურევდნენ დიკასთან და ნოწეულ მოსავალს იყენებდნენ საკვებად. ასეთ შერეულ თესვს ქერ-დიკას უწოდებდნენ, ხოლო ქერ-დიკის ნათესით დაკავებულ ნიწას ქერ-დიკის ყანას.

ქერი, როგორც აღინიშნა, უაღრესად საჭირო საფურაჟე მარცვლელულს წარმოადგენდა და ამიტომაც მისი თესვა გადაუდებელ საქმედ იყო მიჩნეული. ქერის მარცვალს აჭმევდნენ, როგორც რქოსან პირუტყვს, ისე შინაურ ფრინველს. ქერი დღიურზე ითესებოდა 150 კგ, ხოლო მოსავალი მოდიოდა 3—4 სომარი, 50—60 ფუთამდე. თუ შევადარებთ საქართველოს სხვა რაიონების მოსავლიანობას, აქ მოსავალი დაახლოებით 1×10-ზე მოდიოდა, რაც ქერის გამოსავლიანობის კვალობაზე მაღალ მოსავლად უნდა ჩითვალოს. სხვათა შორის, აქვე უნდა აღინიშნოს ის გარემოება, რომ ნიწაში ხორბლელის ორმოებიც ძირითადად ქერის შენახვასთან უნდა ყოფილიყო დაკავშირებული. ხორბლელის დანარჩენ სახეობათა ორმოში შენახვას მთხრობლები მაინცდამაინც მაღლიერებით არ აღნიშნავდნენ, ისინი მიუთითებდნენ, რომ დიკა და დოლი ორმოში ფუჭდებოდა, ჩახურება იცოდა და შემდეგ ნოტივდებოდა. ან ცხვირა ჭია უჩნდებოდა და ანადგურებდა. რაც შეეხება ქერს, იგი ორმოში შენახვას კარგად იტანდა.

¹⁴ გურჯისტანის ვილაეთის დიდი დავთარი, წ. I, გვ. 174, 175.

¹⁵ მ. გეგეშიძე, სარწყავი მიწათმოქმედება, გვ. 90, 91.

მესხეთ-ჯავახეთში ხორბლეულის შესანახად საყოველთაოდ იყენებდნენ ორმოებს. ორმოებს გარდა გამოყენებული იყო აგრეთვე პელლები, რომელსაც ისეთ ადგილზე დგამდნენ, რომ სინესტე არ შეჰპარავოდა. ხშირად გაღწეული პურის ხეავს ბანზე მოწყობილ კალოდან ხის ღარებით და მილებით ბელლებში ყრიდნენ თურმე. ბელელს წინ ღიდი კარი უკეთდებოდა. ზემოდან ჰქონდა ასახლევი ფანჯრები, ცალკე განყოფილებების მიხედვით. ბელლებში ქერის შენახვა უფრო მოგვიანებით დაიწყო, ადრე იგი ყოველთვის ორმოში ყოფილა მოთავსებული. ქერი ჯავახეთის მემინდვრეობაში იმდენად ფართოდ იყო კულტივირებული, რომ აქ გარკვეული ჯიშის კი გამოიშვა შავებულა, რომელიც ცნობილია ჯავახური ქერის სახელწოდებით¹⁶.

მ ა ხ ნ ი ა პ უ რ ი ეწოდება მესხეთში პურის ერთ-ერთ ჯიშს, რომელიც მაგარ ხორბალთა რიგს განეკუთვნება. მთხრობელთა გადმოცემით, მახნია ითესებოდა მესხეთის თითქმის ყველა სოფელში. იგი დიკა პურია, ოღონდ ჩვეულებრივი დიკააგან ოღნავ განსხვავდება. მახნია პურის შესახებ სოფ. ზანავში გოკიოდან ჩამოსახლებული ელიზბარ რაუდენის ძე ინასარაძე (88 წლ. 1967), გადმოგვცემს, რომ „მახნია პური“, როგორც დოლის პური ისეთი იყო, თეთრი თავთავი ჰქონდა, ხოლო ცნობაში დოლის პურს ჩამოუვარდებოდა“. თმოგველმა მთხრობელმა, მაქსიმე ილარიონის ძე ზაზაძემ (67 წლისა, 1967), გადმოგვცა, რომ „აქ თმოგვეში დიკის მონაგვარი იყო, მახნიას ვეძახდით; დიკასავით მოდიოდა“. მახნიას სოფ. ტოლოშშიც თესდნენ. აქაც აღნიშნავდნენ, რომ „მახნია დოლის პურს გავს და გაზაფხულის პური იყო“ (მელიქიძე სპირიდონ სოლომონის ძე 70 წლისა, 1967, სოფ. ტოლოში).

როგორც შეკრებილი მასალებიდან ირკვევა, მახნია პური ძირითადად მტკვრისა და ხეობის ზედა სოფლებში ყოფილა გავრცელებული.

სახელწოდება მახნია, პურეულ მახას სახელიდან მომდინარე ფორმა უნდა იყოს. პურეული მახა ძველად ფართოდ უნდა ყოფილიყო გავრცელებული მთელ საქართველოში. მესხეთში მახას გავრცელების მანიშნებლად მიგვაჩნია დიკის ერთ-ერთი სახეობის გამოძახებულად ამ სახელის შემონახვა. აგრეთვე ისტორიულ მესხეთში, სახელდობრ XVI საუკუნეში, ფოცხოვის ლივაში ჩილდრის რაიონის სოფელ საკირეში გვარის მახნიასძის არსებობა. გვარი მახნიას ძე რომ ხორბლეულის სახელიდან ამომდინარე ჩანს ეს სხვა კუთხეების მაგალითებიდანაც დასტურდება. მაგ., პატარა ლიახვის ხეობაში სოფ.

ვანათში დღესაც ცხოვრობენ მახნიაშვილები, ფშავში მახაურები. იტრიის ეკლესიისადმი XVI საუკუნის შეწირულების ნუსხაში მოიხსენიება მახაძე¹⁷. მახაძირიანი გვარების განსახლება მთიანი ხეობების ზოლს ემთხვევა. თვით გარემოება, რომ მახა — ძირიანი გვარების გავრცელება საქართველოს მთიანი და ზეგანის ზოლზე მოდის, ხორბლეული მახას გავრცელების თავისებურებაზე უნდა მოუთხოვებოდეს. ცნობილია, რომ მახა გვიან შემოდგომით ითესებოდა, მას ნახევრად თოვლში თესდნენ¹⁸. ასე, რომ იგი ზეგანისა და მთის ტიპური ხორბალი ჩანს, რომელიც საუკუნეების მანძილზე იყო სათანადოდ გარდაქმნილ-შეგუებული.

საქართველოში ხორბლეულის სახელწოდებიდან მომდინარე ბევრი გვარი მოწმდება, მაგ. ხორბალაძეები, ქერდიკოშვილები, დოლიძეები, ქერაულები, ასლანიშვილები და სხვ. ასე, რომ მახასთან დაკავშირებული ქართული გვარების არსებობა შემთხვევითი მოვლენა არ უნდა იყოს. მახა — ძირიანი გვარების საქართველოს სხვადასხვა კუთხეში გავრცელება კი მიუთითებს თვით ხორბლეულის ამ სახეობის ფართო მასშტაბით გავრცელებაზე. უფრო მეტიც, ტერმინი მახა, როგორც მინდვრის კულტურის გამომხატველი, გავრცელებული ყოფილა ნახურ და დაღესტნურ ენებში. დაღესტნურ ენებში ქერს ნიშნავს¹⁹. ეს უკანასკნელი გარემოება იმ მხრივ არის დამაფიქრებელი, რომ მახა საერთოდ ითვლება საქართველოს ენდემურ ხორბლად. ამ ენდემის სახელის ქვეშ კავკასიის ხალხებში სამი სხვადასხვა ჯიშის ხორბლეული ერთიანდება: საკუთრივ მახა (რაჭა-ლეჩხუმი), დიკის ერთ-ერთი სახეობა (მესხეთი) და ქერი (ჩრდ. კავკასია). ისმის საკითხი: ხომ არ იყო მახა საერთოდ ხორბლეულთა ზოგადი სახელი ჯერ კიდევ მაშინ, როცა კავკასიის ხალხები ენობრივად დაშორებული არ იყვნენ. ხომ არ გაიარა მახას ჯიშმა ბარის სხვა რაიონებში კულტურული განვითარების საფეხურები და ბოლოს, ხომ არ იქცა ამ რაიონებში ენდემი მახას წინაპარი მაგარი ხორბლის რომელიმე ჯიშად? ვფიქრობთ, რომ მახას განვითარებული ფორმა აქ, მესხეთ-ჯავახეთშია საძიებელი.

ჰ ვ ა ვ ი მესხეთ-ჯავახეთში საკმაო რაოდენობით ითესებოდა. მას ხორბლეულ ნათესებში ალბათ მეოთხე ადგილი ჰქონდა დაკავებული

¹⁷ ქართული სამართლის ძეგლები, III, ი. დოლიძის რედაქციის, 1869, გვ. 353.

¹⁸ ნ. ბ რ ე ა ძ ე, მთის მიწათმოქმედება დასავლეთ საქართველოში, 1969, გვ. 109.

¹⁹ Г. А. Климов, Этимологический словарь Картвельских языков.

როგორც მნიშვნელობით, ისე ნათესების რაოდენობის მხრივ. ჰევეის ორი სახეობაა საერთოდ გავრცელებული — საგაზაფხულო და საშემოდგომო. საგაზაფხულო ჰევეი მეჩხეთ-ჯავახეთში ნაკლებად ითესებოდა. უფრო მეტად თესდნენ საშემოდგომოს. საშემოდგომო ჰევეს ჰევეი-დოლსაც უწოდებდნენ ან დოლ-ჰევეს. ჰევე-დოლი, ანუ საშემოდგომო ჰევეი, ასე დაგვიხასიათა ტოლომელმა მთხრობელმა სპირიდონ სოლომონს ძე მელიქიძემ (70 წლისა, 1967), „ჰევეი-დოლი სხვა ჯიშისაა, გრძელი მარცვალი აქვს, მოლურჯოა, ითესებოდა შემოდგომობით. აგვისტოში დავეთავადით მთაში და სოფელშიც, მთაში უფრო გამძლე იყო“. ეთნოგრაფ ლ. ბერიაშვილს ყურადღება მიუქცევია ტერმინ დოლ-ჰევეისათვის, იგი აღნიშნავს რომ: „მესხეთის შოაზნალობა ამ სარეველას (იგულისხმება ჰევეი გ. ჯ.) სრულიად არ გაუჩნდა. მეტიც, საათესლედ შერჩეულ დოლში წინასწარ აურევდა ჰევეს და ისე დათესდა, ეს იყო ე. წ. „დოლ-ჰევეი“²⁰. ისმის რაზმდენიმე კითხვა: „რატომ უნდა აერიათ ჰევეი „სუფთა დოლში“? დოლის პურს რომ ჰევეის წინასწარ შერევა არა სჭორდებოდა, ამის მაგალითი ლ. ბერიაშვილს მოაქვს ი. ლომოურის წიგნიდან, სადაც გარკვევით არის ნათქვამი, რომ „საშუალო ზოლში ჰევეი წარმოდგენს ხორბლის ერთგულ თანმყოფს, მის ნათესებში შერეულ მუდმივ სარეველას, იმდენად ფეხმოკიდებულსა და დამკვიდრებულს, რომ აღაგალაგ ფაქტურად სჭარბობს კიდევ ძირითად კულტურას. ზედა ზოლში ეს პროცესი უფრო მეტად იჭრება ჰევეის სასარგებლოდ და ამრიგად იგი შეუმჩნეველად გადადის წმინდა ნათესის მდგომარეობაში“²¹. ე. ი. გამოდის რომ მესხეთში არ იყო საჭირო ჰევეისა და დოლის ერთიგორეში არევა ადამიანის ჩარევით. რადგან საშუალო ზოლში მდებარე მესხეთში ეს პროცესი ბუნებრივად მიმდინარეობდა. აი რას აღნიშნავს მთხრობელი ამის თაობაზე: „დოლი წითელიც იყო და თეთრიც, მასში ჰევეი შირეული იყო თითქმის ნახევარი. დოლისპური და ჰევეი ერთად არეული იყო თავიდანვე. კარგ მოსავალს იძლეოდა. სუფთა დოლი არ ითესებოდა. ჰევეი ისეთი იყო, რომ მაინც აღმოცენდებოდა, ახლაც მაკრატლით ჭრიან, მაგრამ მაინც ვერა სპობენ, მაინც ამოდის. ჰევეის ცომი ლურჯი გამოდიოდა, რბილი და ნამატიანი იყო. პური დიდხანს რბილად ინახებოდა. ბზეც მეტი იყო და გლეხი ამას ანგარიშობდა“. აი ამიტომ იყო გლეხობა დოლ-ჰევეის თესვით დაინტერესებული.

²⁰ ლ. ბერიაშვილი, მემინდვრობის ხალხური წესები მესხეთში, საქართველოს ეთნოგრაფიის საკითხები, 1965, გვ. 137.

²¹ იქვე, გვ. 137.

სამეცნიერო ლიტერატურაში გამოთქმულია მოსაზრება, რომ ჰეავი კავკასიის გზით შევიდა ევროპაში. თვით კავკასიაში კი იგი როგორც ხორბლეულის დამსარევენიალებელი უნდა განვითარებულიყო სარეველა ბალახიდან. ევროპაში ჰეავის შეჭრას ძველისა და ახალი წელთაღრიცხვის I საუკუნეების მიჯნაზე ვარაუდობენ²². ჰეავი ზეგანის სოფლების ხორბლეულის კეთილშობილი სარეველაა, იგი გამო-მცხვარ პურს ხანგრძლივად და რბილად ინახავდა.

თოფბაში ხორბლეულის ერთ-ერთი ჯიშია, რომელსაც მესხეთ-ჯავახეთში თესდნენ. სამეცნიერო ლიტერატურაში თოფბაში აღნიშნული არ არის. მხოლოდ ვ. კობტონაშვილმა თავის ერთ-ერთ კორესპონდენციაში („ახალციხის მაზრის ქართველთა შესახებ“) მოიხსენია და თოფბას ფრჩხილებში განმარტება მისცა: „მსხვილმარცვლოვანი და თეთრი დიკა“²³. სოფელ ზველში გადმოგვცეს, რომ თოფბაში იყო უფრო მსხვილთავთავე პური. ხიზაბავრაში დაგვიმოწმეს, რომ „თოფბაში დიკა პურია“, თმოგველების ცნობითაც „თოფბაში დიკასავით იყო, გაზაფხულზე ითესებოდა“. მათივე გადმოცემით თმოგვი თოფბაშის გარდა ითესებოდა ყარა ყიღჩილიც ე. ი. შავფხა.

თოფბაშიც თურქული სიტყვაა და ნიშნავს მსხვილთაველიან პურს. მთხრობელთა უმრავლესობა მას გამოყოფს დიკისაგან, მესხურ დიკას სწორი და ფხიანი თავთავი ახასიათებს, თოფბაშის თავთავი კი ოთხკუთხა და მრგვალი, რომელსაც ყოველი მხრიდან სავსე მარცვლები ჰქონდა.

ფასენი პურეულის ერთ-ერთი ჯიშია. გავრცელებული ყოფილა მესხეთ-ჯავახეთში. ფასენი, როგორც მას ახასიათებენ მთხრობლები, მსხვილთაველიანი და მსხვილმარცვლოვანი პურის ჯიშია ყოფილა. აწყურში ჩაწერილი მასალის მიხედვით, ფასენი წითელიც ყოფილა (ვანო გაბრიელის ძე გოგოლაძე, 72 წლ. სოფ. აწყური, 1967) და დოლისპურივით შემოდგომით ითესებოდა. სოფ. გოკიოში გადმოგვცეს, რომ „ფასენის პური გემრიელი იყო, მაგრამ დიდი ხანია რომ აღარ თესავენო“ (ელეზბარ რაუდენის ძე ინასარიძე, 88 წლ., 1967). პურის სახელწოდებად ფასენი დაგვისახელეს წყალთბილაში და რიგ სხვა სოფლებში. მას სხვა ჯიშის პურეულისაგან გამოყოფენ გემოთი და მსხვილმარცვლიანობით.

²² А. В. Кирьянов, Земледелие восточного славянства (VI-IX), Возникновение и развитие земледелия, 1967, с. 179.

²³ ვ. კობტონაშვილი, ახალციხის მაზრის ქართველთა შესახებ, „ივერია“, 1894, № 22.

ფასენი, როგორც პურეულის გამომხატველი ტერმინი, არ მოიხსენიება არც ქართულ, არც სომხურ და არც თურქულ ლექსიკონებში. სომხურში განმარტებულია როგორც ფაზანი²⁴ — ტყის ქათამი, ბერძნულ ენაში მდინარე ფაზისის, ე. ი. რიონის ძველ ბერძნულ სახელთან არის გარეული ფრინველის ეს სახელი დაკავშირებული.

ფასენი — როგორც პურეულის სახელი, ღღემღე სამეცნიერო ლიტერატურაში დამოწმებული არ არის, ჩვენ ვფიქრობთ, რომ ფასენი სადაურობის მაჩვენებელია, იგი უშუალოდ ხორბლის მომყვანთა ვინაობაზე უნდა მიუთითებდეს. ფასენი ფასიანების იგივე სახეცვლილი ფორმაა „სახელწოდება „ბასიანი“ ან „ფასიანი“, წერს კ. კეკელიძე, რომელიც შემონახულია ამ ქვეყნის ბერძნულსა და სომხურ სახელშიც Βασίαισι=Φασιαισι და *Basian*=*Fasian* ქართული წარმოშობისაა, ის შედგება ფუძისაგან ბას-ფას და სუფიქსისაგან, რომელიც აკად. ს. ჭანაშიას გამოკვლევით, ფართოდ ყოფილა გავრცელებული ქართველურ ენებში, როგორც საერთო ფორმა სატომო სახელთა წარმოებისა“²⁵.

თ. მიქელაძის გამოკვლევით, სახელწოდება „ფასიანი“ ეთნიკურ-გეოგრაფიული ტერმინია“²⁶ ქსენოფონტეს „ანაბაზისის“ მიხედვით თ. მიქელაძე ფასიანთა ლოკალიზაციას და პირვანდელ საცხოვრისს არაქსის ზემო წელზე ბასიანის აუზში აქცევს²⁷, პ. ინგოროყვას გამოკვლევითაც „მთელი ისტორიული პერიოდების მანძილზე ბასიანის მხარენი, მესხეთის საზღვრებში იყო მოქცეული“²⁸.

რაკი ფასენი ბასიან-ფასენი ტერმინის, ანუ სატომო სახელიდან მომდინარე პურეულის ჯიშის გამომხატველი უნდა იყოს, სავარაუდებელია, რომ მისი გავრცელების არეალი მტკვარ-არაქსის ენეოლითური კულტურის სამყაროს განეკუთვნება. ეს გარემოება კიდევ ერთი დიდი მოწმობაა იმისა, რომ მტკვარ-არაქსის აუზის სამიწათმოქმედო სამყარო კავკასიის და წინააზიის ძველ ქვეყნებს შორის წარმოადგენდა სამიწათმოქმედო კულტურების განვითარების შესანიშნავ და დაწინაურებულ კუთხეს.

²⁴ Армяно-русский словарь, Ереван, 1960.

²⁵ კ. კეკელიძე, ვინ არიან „ბესები“, ეტიუდები ძველი ქართული ლიტერატურის ისტორიიდან, I, 1966, გვ. 91.

²⁶ თ. მიქელაძე, ფასიანების სადაურობისა და ადგილსამყოფელის გარკვევის საკითხისათვის, მსკი, წ. 32, 1955, გვ. 35.

²⁷ თ. მიქელაძე, ქსენოფონტის ანაბაზისი, 1967, გვ. 41.

²⁸ პ. ინგოროყვა, გიორგი მერჩულე, 1954, გვ. 45.

8. დახულვა — ასე ეწოდება ადრე საგაზაფხულო თესვისათვის ჩატარებულ ღონისძიებას მესხეთ-ჯავახეთში. როგორც ცნობილია, ადრე დათესილი ხორბლეული ადრე შემოსვლას ასწრებდა. ამას კი გლეხის სამეურნეო საქმიანობის სწორი და აქტიური ორგანიზაციისათვის უაღრესად დიდი მნიშვნელობა ენიჭებოდა, ზრუნვა საგაზაფხულო ნათესების ადრე დათესვისათვის ზამთრის პერიოდშივე იწყებოდა. თებერვლიდან იწყებოდა ხარზე ზრუნვა. აღსანიშნავია, რომ მესხეთ-ჯავახეთის მიწათმოქმედებაში უაღრესად მნიშვნელოვანი ადგილი ჰქონდა დაამობილი ბზის მოპოვება-დაუნჯების საკითხს. იმდენად, რამდენადაც ამ რაიონებში ზამთარი საკმაოდ ხანგრძლივია, პირუტყვი დიდხანს იმყოფება ბაგურ კვებაზე. ბაგაზე დაბმული პირუტყვის ერთი ძირითადი საკვები მესხეთსა და ჯავახეთში ბზეა, რომელსაც ხორბლეულის სხედასხვა სახეობის მიხედვით ცალ-ცალკე ინახავდნენ. ცალკე საბძლები ამისათვის მათ არა ჰქონდათ, მაგრამ საბძლის შიგნით ქერის ბზე ცალკე იყო გამოყოფილი, დოლის პურისა ცალკე და ჭვავისა კიდევ ცალკე. თებერვლამდე პირუტყვს საერთოდ ეძლეოდა დოლის პურის ან ჭვავის ბზე. ამ პერიოდს ეწოდებოდა „ცუდაობის“ დრო, რადგან ხარი სამუშაოდ არ გაჰყავდათ. ხოლო თებერვლის პირველი რიცხვებიდან მუშა საქონელს ეძლეოდა ქერის ბზე. ამ საკვებს ცხიმიან საკვებსაც უწოდებდნენ. ხშირად ქერის ბზესთან ერთად ურევდნენ ე. წ. ქვიშას. ხიზაბავრელი მთხრობლის იოსებ კონსტანტინეს ძე ველიჯინიშვილის (87 წლისა, 1967) თქმით „ქვიშას ვეტყვით ბალახია, იმას ჩაუყენებდით. ის უგრეხელივით არის. თუ ქვიშა არა გვქონდა, ქერის ფქვილს ჩაუყენებდით, წყალში გახსნილს“.

ამავე პერიოდში მიმდინარეობდა სახვნელი იარაღის მომზადება, ღვედის გაპოხვა, სახნისის მჭედელთან წაღება, დაპირვა და სხვ. მაგრამ, რაც მთავარია, საჭირო იყო სახნავი მიწის მომზადება. თუ მიწის ნაკვეთზე დიდი თოვლი იდო, მაშინ ტომარაში აკრეფდნენ ცხვრის ხუშკს (ცხვრის ნაკელს), შეკვებოდნენ ცხენზე, ტომრით ხუშკს წაიღებდნენ და მიწის ნაკვეთში გავიდოდნენ. ხუშკს ყანაში მუქით თოვლზე მიმოაბნევდნენ ისე, როგორც ხორბლის თესვის დროს იცოდნენ. ხუშკის მარცვლები თოვლს ჩაჩვრეტავდა და მიწამდე ჩავიდოდა. ამით ჩქარდებოდა თოვლის დნობა. ანალოგიურ მოქმედებას მიმართავდნენ იმ შემთხვევაშიც, როცა შემოდგომაზე დათესილ ყანებს დიდი თოვლი დაედებოდა.

მთხრობელთა დაკვირვებით, დიდხანს ჭეჭილს დაყოვნება თოვლის საფარველის ქვეშ მცენარეს ახრჩობდა, აყვითლებდა და შემდ-

გომი აღმოცენების უნარს უკარგავდა. 70 წლის ტოლოშელი მთხრობლის სპირიტონ მელიქიძის გადმოცემით (1967), „დიდი თოვლების დროს იცოდნენ თოვლის დასულვა“. „ბიჭო თოვლი დიდია, ყანები არ დასულე? არ გააფუქოს. დასულვა ხდებოდა ან თოვლის ალაგ-ალაგ ამოთხრით, ან ცხვრის ნაკელის მობნევით, ხუშკი თოვლს ჩახერტდა და ჩავიდოდა ჰაერი“.

დასულვისათვის იყენებდნენ აგრეთვე ნაცარს. ნაადრევად თოვლის აღება ხელს უწყობდა აღრეულად ხვნა-თესვის დაწყებას და ანეულის ნათესებოს ზრდა-განვითარებას.

აღსანიშნავია, რომ მიწის ნაკვეთებში, ნათესი იქნებოდა თუ მოსახნავი მიწა, თოვლის აღრეულად აღებაზე და ამრობაზე უფრო მეტად ზეგანისა და მთის ზოლის სოფლებში ზრუნავდნენ. ანალოგიური მოვლენა სხვა საშუალებებითა და ხერხებით ჩვენ დავაიმოწმეთ აგრეთვე სევანეთში, სადაც ან ნაკელს მობნევით იცოდნენ თოვლის დნობის დაჩქარება, ან თოვლის ალაგ-ალაგ ჩათხრით და აქედან ამოღებული მიწის თოვლზე მიმობნევით.

თოვლის ადრე დნობის კიდევ ერთ ღონისძიებას წარმოადგენდა თოვლიანი ნაკვეთის დაკანჯვა. დაკანჯვა სრულდებოდა კანჯის — ფოჩხის საშუალებით. კანჯაში ხარებს გაუბამდნენ, მიწის ნაკვეთზე გადაატარებდნენ და დაღარული თოვლი მალე იწყებდა დნობას.

როგორც დასულვის, ისე დაკანჯვის მიზანი იყო თოვლისაგან მოსავლის და ყანების ადრე განთავისუფლება, ნიადაგის ადრე დაშუშავება, რასაც ჯავახეთის რაიონის მემინდვრეობისათვის უაღრესად დიდი მნიშვნელობა ჰქონდა.

4. ხვნის პირობა. მესხეთ-ჯავახეთში ხვნის გარკვეულ პირობას იცავდნენ. ნიადაგები აქ იყოფოდა ორი ძირითადი ნიშნით — სარწყობითა და ურწყობით. თვით ურწყავ ნიადაგებს შორის დიდი სხვაობა შეინიშნება; ჯავახეთის ურწყავი მიწები უფრო მალა მდებარეობენ ზღვის დონიდან ვიდრე მესხეთისა. ამ განსხვავებას მოსდევდა ხვნა-თესვის შესაბამისი წესები, რომელიც მეურნე გლეხის ემპირიული ცოდნის ნიადაგზე მუშავდებოდა. ჯავახეთის კლიმატი მესხეთის კლიმატთან შედარებით განსხვავებულია. იგი ხასიათდება ნაკლებად კონტინენტური და განესტიანებული ჰავით²⁹. ეს გარემოება უთუოდ იყო ამ კუთხის ხვნა-თესვის ერთ-ერთი მარეგულირებელი ფაქტორი. როგორც შემოდგომის, ისე საგაზაფხულო ხორბლეულისათვის მოხვნა-დათესვის გარკვეული პირობების დაცვა იყო საჭირო. ასე მაგ.,

²⁹ ლ. მარუაშვილი, საქართველოს სსრ ფიზიკური გეოგრაფია, გვ. 318.

გაზაფხულის ხორბლეულის ღრმად ჩათესვა ნიადაგში არ შეიძლებოდა, იგი მიწაში ჩაღებოდა, აღრე არ აღმოცენდებოდა. მისი დათესვა არც ზედაპირულად უნდა მომხდარიყო, რადგან ასეთ შემთხვევაში თესლი გამოიფიტებოდა, გახმებოდა და აღმოცენების უნარს დაკარგავდა. საქართველოს პირობებში, მხოლოდ შესხეთ-ჯავახეთში იყო მიწის საანეულო სისტემის ის რთული პირობა, რასაც აქ გათერძვას უწოდებდნენ. გათერძვა — თერძული, ნიადაგის სამგზის და ზოგჯერ ოთხგზის დახვნაში გამოიხატებოდა.

საანეულო მიწის ორჯერადი და სამჯერადი მოხვნა, როგორც ხ. ვერმიშევი შენიშნავს, ჩვეულებრივი მოვლენა იყო, მაგრამ მისივე ცნობით, ყოფილა ჩანდურა და ვაზიანი, სადაც საანეულო მიწას ოთხჯერაც ზნავდნენ³⁰, ჩვენი მასალებითაც დგინდება, რომ სამგზის და ოთხგზის ანეულის ხვნა იშვიათ მოვლენას არ წარმოადგენდა. სოფელ ღრელში ოქრო ნებაძის (82 წლისა) ცნობით ზოგიერთი კარგი მეურნე გლეხი საანეულო მიწას ორჯერად ზნავდა. სოფ. ვალეში საარქისა ჯანაშვილის ცნობით „ძველად კარგი მხენელი ორჯერ და სამჯერ მოხნავდა პურის დათესვამდე. ერთი მეზობელი მყავდა ის მეოთხედაც კი ზნავდა. იმას კარგი პური მოყავდა, ყანა იმდენზე უნდა გამტეიო, რომ მარილივით იყოს“³¹, როგორც ჯავახეთში, ისე მესხეთში ნიადაგის რამდენიმე გზის მოხვნა მიწას საერთოდ ასუფთავებდა, როგორც სარეველა ბალახებისაგან, ისე ქვა-ლორღისაგან.

მეტად თავისებური ჩანს ის გარემოება, რომ მესხეთ-ჯავახეთში ღრმად ზენა არ იყო მიღებული. მთხრობელთა დაკვირვებით გაზაფხულზე ღრმად მოხნულში დათესილი თესლის ჩაღობას იწვევდა ან გვიან აღმოცენდებოდა. ზერელედ დათესილი შრებოდა და ქკნებოდა. ამიტომ გაზაფხულის ზენას აქ დიდი გუთნით არ აწარმოებდნენ. დიდი გუთნით, როგორც აქაური მასალები გვიდასტურებს, მხოლოდ ყამირი მიწის მოხვნა სკოდნიათ. ჯილღა მესხეთ-ჯავახეთის მიწათმოქმედებაში იყო ის უნივერსალური სახვნელი, რომელიც გამოიყენებოდა როგორც საანეულო, ისე საგაზაფხულო ხვნისათვის. მესხეთ-ჯავახეთში და საერთოდ ქვემო ქართლის ნასოფლარებსა (ჭივქავა) თუ თანამედროვე სოფლის მოქმედ სასაფლაოებზე უხვად არის. შემორჩენილი საფლავის ქვებზე გამოსახული ჯილღა სახვნელი. ყოველ მათგანში 4—5 უღელი გამწევი ძალაა შებმული და ტოლგოგრებიანი ფამფალაცი გააჩნია. ეს ფაქტიც ერთგვარად ხაზს უსვამს იმ გარემოე-

30 ხ. ვერმიშევი, დასახ. ნაშრომი, გვ. 149.

31 გ. ჯალაბაძე, მესხეთ-ჯავახეთის ეთნოგრაფიული ექსპედიციის მასალები, 1967, რვ. I, გვ. 12.

ბას, რომ საკვლევ კუთხეში ძირითადი და წამყვანი ფორმა სახენელო-
სა, იყო ჯილა. გ. ჩიტაიამ შეისწავლა რა მესხეთ-ჯავახეთში გავრცე-
ლებული სახენელი იარაღები, მიუთითებდა „რომ ქვაბლიანის ხეო-
ბის უმეტეს მოსახლეობაში ჯილა საყოველთაო სახენელს წარმო-
ადგენდა“³².

თუ რამდენად ძლიერად იყო ფეხმოკიდებული ჯილა სახენელი,
აროგორც საანეულო იარაღი მესხეთ-ჯავახეთსა და ქვემო ქართლში,
ამას კარგად გვიდასტურებს დასახლებულ რაიონებში ძველი საფლა-
ვის ქვებზე გამოხატული ჯილა სახენელები. ერთი ასეთი შესანიშნა-
ვი ძეგლია ნასოფლარი ჭივჭავას სასაფლაოზე შემორჩენილი გუთნის-
დედის საფლავის ქვა. სოფ. ჭივჭავში XVI საუკუნეში შეწყვეტილა
ცხოვრება. შემორჩენილი საფლავის ქვა ამჟამად რომ XVI საუკუნე-
ზე უფრო ადრინდელი უნდა იყოს. მისი ზომა 143×193 სმ სისქით
30 სმ ქვაზე აღამიანის ორი ფიგურაა ამოკვეთილი. აღამიანის ფიგუ-
რებს ხელები ჯვარედინად აქვთ გულზე დაკრეფილი. წელზე ნაოქ-
მოსხმული მოკლე კალთებიანი ჩააცმელი აცვიათ. ქვედა კიდურები
ისეთ შთაბეჭდილებას ტოვებს, თითქოს შიშველ მღვთმარობაშია გა-
მოხატული. საგანგებოდ არის გამოყვანილი მუხლის კვირისტაეები.
მარჯვნივ და მარცხნივ, მოკლე, წელში გახრილი სატევრებია გამო-
სახული, რომელიც თავისი ფორმით სამთავროს IX—X საუკუნის
არქეოლოგიურ სატევრებს წააგავს, მარჯვენა ფიგურის გვერდში სა-
ხენელია გამოხატული, რომელიც გარდაცვალებულის გუთნისდებობა-
ზე მეტყველებს, ჭივჭავას გუთნისდედის ქვაზე გამოხატული სახენე-
ლი იარაღი ფაქტობრივად, რომელსაც ტოლი გოგრები გააჩნია. სა-
ხენელის აგებულებაში არა ჩანს ფრთა და საკვეთელი სახნისა კი კარ-
გად არის გამოყვანილი. მხატვრობის მიხედვით ქვაზე წარმოდგენი-
ლია ჯილა სახენელი. საფლავის ქვებზე სახენელების გამოხატვი-
სას ხელოსნები ხშირად აკლებდნენ ხოლმე რომელიმე დეტალს, მაგ-
რამ ძირითად დეტალებს მაინც ისეთს ტოვებდნენ, რომელთა საშუალებ-
ითაც სახენელის რაობას მნახველი შეიცნობდა. ასეა უსაკვეთლოდ
გამოხატული სახენელი სოფელ ზველს საფლავის ქვაზე (გიორგობის
ეკლესიასთან ცხვრის ქანდაკის მარჯვენა გვერდზე), რომელიც აგრეთ-
ვე ჯილა სახენელს წარმოადგენს. სოფელ ხიზაბავრის საფლავის ქვა-
ზედაც უსაკვეთელო სახენელია წარმოდგენილი, ასევეა ბარალეთის
ზოგიერთ ქვის მხატვრობაში. სოფელ ზემო ნიჩბისში შაქრო კანდე-
ლაკიშვილის საფლავის ქვის (გარდ. 1919 წ.) მხატვრობაში სახენელს

³² გ. ჩიტაია, მასალები საქართველოს სახენელი იარაღების ისტორი-
კათვის, საქართველოს სახ. მუზ. მოამბე, ტ. V, გვ. 270.

ფრთა არ გააჩნია, მაგრამ მის აღნაგობაში მსხლის ფორმით შეერთებული მანჭების გამოხატვით ხელოსანმა ხაზი გაუსვა იმას, რომ ფრთიანი დიდი გუთანნი წარმოადგინა.

ქივჭავას საფლავის ქვაზე რომ ჯილდა სახვნელია წარმოდგენილი, ეს კარგად ჩანს გამწვევი ძალისათვის გამოხატულ უღელთა რაოდენობიდანაც, სახელდობრ მასში ოთხი უღელია გაბმული, რაც ჯილდა სახვნელისათვის საკმარის გამწვევ ძალად ითვლებოდა.

ჯილდა სახვნელი, როგორც შუა საუკუნეების საქართველოში, ისე გვიანი დროისათვის ქვემო ქართლსა და მესხეთ-ჯავახეთში საკმაოდ ფესვმაგარ იარაღს წარმოადგენდა. სახვნელის ეს სახეობა სხვა სახვნელთაგან იმით გამოიყოფა, რომ იგი ზეგანის მიწათმოქმედების საანეულო სისტემასთან არის დაკავშირებული, რომელიც ბარის საანეულო სისტემისაგან მრავალი ნიშნით გამოირჩეოდა. სახელდობრ ნიადაგის მრავალგზის გადახვნა ნიადაგის მსხვრევეით, ნაცვლად ფრთიანი სახვნელით უწყვეტ ლენტად მიწის გადაბრუნებისა, იწვევდა ნიადაგში მზის სხივების უხვად და მრავალგზის შეღწევას, რაც ზეგანის გრილი ნიადაგების მემინდვრობისათვის აუცილებელ პირობას წარმოადგენდა. ჯავახეთში ამბობდნენ: „მიწას ერთხელ მოხნავ — ერთ მოსავალს მოგცემს, ორჯერ მოხნავ — ორ მოსავალსო“. ეს პირობა ქვემო ქართლისა და მესხეთ-ჯავახეთში საუკუნოვანი ტრადიციებით იყო განმტკიცებული. ქვემო ქართლის მემინდვრობაში ფართოდ იყო გამოყენებული ფორჩხი, რომელიც საანეულო სისტემის აუცილებელ იარაღს წარმოადგენდა. ფორჩხის სიკეთე მემინდვრობაში იმდენად დიდი იყო და იმდენად ძველი იარაღი ყოფილა, რომ იგი მეზობელ სომხებსაც გადაუღლიათ და ქართული სახელითვე მიუღიათ. ფორჩხი და ჯილდა სახვნელი ერთი სამინდვრო საანეულო სისტემის განუყრელი იარაღებია და მათი გავრცელება საქართველოს გარდა სომხეთშიც იჭრება. ისე როგორც ფორჩხი, სახელი ჯილდაც სომხურში ქართულიდან არის ამ იარაღთან ერთად შესული. საგულისხმოა ისიც, რომ ამ იარაღებთან დაკავშირებული შრომის ორგანიზაციის სახელიც „მოდგამი“ საქართველოდან გავრცელდა სომხეთსა და აზერბაიჯანის დასავლეთ და ჩრდილო დასავლეთ რაიონებში.

საქართველოში გავრცელებული სახვნელი იარაღი ჯილდა სომხეთში გავრცელებულ ჯილდისაგან იმით განსხვავდება, რომ ქართულ ჯილდას ფრთები არ გააჩნია, სომხურ ჯილდას კი ორივე მხარეზე აქვს ფრთები გაკრული და ხმალაზე არის წინა წვერით ჩაბმული³³.

³³ В. Бдоян, Земледельческая культура в Армении, автореферат, 1968, с. 47.

სახენელ იარაღებში წარმოდგენილი ეს დეტალი არც ისე უმნიშვნელო ნაწილია, რომელზედაც სომეხ მკვლევარს ვ. ბლოიანს ყურადღება არ გაემახვილებინა, მაგრამ იმის გამო, რომ მესხეთ-ჯავახეთში 1830 წლიდან პასკევიჩის მცდელობით ერზერუმელი და ალაშქერტელი სომხები დასახლდნენ და ჩამოსახლებიდან დღემდე ისინი ჯილდა. სახენელს იყენებენ, მას მიაჩნია რომ ეს სახენელი მათ თან უნდა მოეტანათ და დაენერგათ³⁴. მაგრამ, როგორც ზემოთ აღვნიშნეთ, ქართულ და სომხურ ჯილდას შორის გარკვეული ზღვარია, ჯავახელი სომხები ქართულ ჯილდას იყენებდნენ, ვ. ბლოიანი ამოდ აიგივეს ერზერუმის კლიმატურ-გეოგრაფიულ გარემოს მესხეთ-ჯავახეთის კლიმატურ-გეოგრაფიულ გარემოსთან. თვით მესხეთ-ჯავახეთი არა ჰგავს კლიმატურ-გეოგრაფიული გარემოთი ერთიმეორეს და ეს ორივე კუთხე ერზერუმის კლიმატურ-გეოგრაფიულ გარემოს ისე როგორ დაემთხვა, რომ იქაურმა სომხებმა თავისი სამეურნეო იარაღი აქაურ გარემოს მოარგეს. ისტორიულად ცნობილი ფაქტია, რომ სამიწათმოქმედო იარაღების მორგებას ახალ გარემოსათვის და ახალი გარემოს სამიწათმოქმედო დანიშნულებით ათვისებას, საუკუნეების პრაქტიკული ცოდნა სჭირდება. მოსული ხალხი ვერ დაუცდიდა ახალ გარემოში საუკუნოვანი ახალი პრაქტიკის მიღებას მემინდვრობის საქმიანობაში. მას აღვიღზე არც თუ ისე ცუდი გარემო დახვდა; ქვემო ქართლი და მესხეთ-ჯავახეთი საქართველოს პურის ბელელს წარმოადგენდა, აქ მემინდვრობის მაღალი კულტურა იყო დასადგურებული ჯერ კიდევ ენეოლითის ხანიდან.


ჯილდის საშუალებით ნიადაგის დიდ სიღრმეზე ხვნა არ იყო შემადგენელი. მთხრობელთა დაკვირვებით დიდ სიღრმეზე ხვნას ადგილობრივი ნიადაგი არ თხოულობდა. ნიადაგი რომ ღრმად მოხსნულიყო მიწის სამუშაო ფენა აერეოდა უძრავი ფენის შემადგენლობაში და მოსავალს ძალას ვერ მიატანდა. თუ შემოდგომით მოხსნულ მიწას მზრალად დატოვებდნენ, საამისოდ სრულდებოდა საგანგებო ხვნა, რასაც მესხეთ-ჯავახეთში ჩალარვა ეწოდებოდა. ჩალარვა ვათერძილის და აოშილის შემდგომი საფეხური იყო და მას იმ შემთხვევაში მიმართავდნენ, თუ საგაზაფხულო ხორბლეული უნდა დაეთესათ. ჩალარვისათვის არონას იყენებდნენ, ჩალარვა ნიშნავდა აგვისტოში აოშილზე, სექტემბერ-ოქტომბერში კვლავ სახენელის გადატარებას. ოღონდ ამჯერად არონა კვლებს ატარებდა ინტერვალით. ისე რომ გავლებულ კვლებს შორის ფაფარი მანძილით რჩებოდა. ასეთ მდგომარეობაში უნდა დარჩენილიყო მიწა გაზაფხულამდე. მეურნეთა აზ-

რით, ჩადარული მიწა ამოღებული კვლებისა და დატოვებული ფაფრების საშუალებით თოვლს კარგად აკავებდა, მიწაში მეტი სინესტე გადიოდა, საგაზაფხულო ნათესისათვის თოვლის აღრე აღების საქმეს დატოვებული ფაფრები ეხმარებოდა. ამას გარდა ჩანს, რომ ნიადაგის ჩადარვა თოვლით გამოწვეული ეროზიის ერთგვარ საწინააღმდეგო საშუალებასაც წარმოადგენდა.

ჩადარული მიწის ნაკვეთს გაზაფხულზე ჯერ დათესდნენ და არონათი გადახნავდნენ, შემდეგ მასზე ფარცხს მოატარებდნენ და ამით მთავრდებოდა საგაზაფხულო ხვნა-თესვის ციკლი. ასეთ შემთხვევაში ნიადაგს ოთხგზის მოხვნა მოსდიოდა და მოსავლასაც კარგს იძლეოდა.

მოვიყვანთ ერთ კონკრეტულ მაგალითს იმის თაობაზე, თუ რამდენად რთულია მესხეთ-ჯავახეთის ხვნა-თესვის ადგილობრივ კლიმატურ-გეოგრაფიულ გარემოსთან შესატყვისი შრომითი საქმიანობა. ორმოციან წლებში სოფელ ხერთვისში ჩამოასახლეს მთიულები ღუშეთის რაიონიდან (1944 წ.). მათ სახნავ-სათესი მიწები აქვთ სოფლების — პტენასა და ჩუნჩხას მეზობლად, ჯავახეთის ზეგანზე. გაზაფხულზე, მათ მიწა მოხნეს, შემდეგ დათესეს და დაფარცხეს, მაგრამ პურის მოსავალი ვერ მოიყვანეს. ასე ემართებოდათ რამდენიმე წლის მანძილზე, ვიდრე იმავე წესით არ დაიწყეს ხვნა-თესვა, რა წესითაც ადგილობრივი აწარმოებდნენ. ე. ი. ჯერ დათესვა, შემდეგ არონით ჩახვნა, მთხრობელი იროდიონ მაქსიმეს ძე ბადრიძის (69 წლ., სოფ. ჩუნჩხა, 1965) გადმოცემით, „ჩვენი მიწა გაზაფხულზე არონით თუ არ დაიხნა და ისე არ ჩავიდა მიწაში, მარცვალი პირადად რჩება, ხმება და არ იძლევა ნაყოფს“. ამავე მთხრობელის გადმოცემით, ჩუნჩხელებს ხერთვისში ჩამოსახლებული მთიულები გაუფრთხილებიათ, რომ ამ წესით ისინი პურს ვერ მოიყვანდნენ, და „მათაც მერე ხვნა-თესვას ჩვენებურად მოკიდეს ხელიო“³⁵. თუ რამდენად დიდი მნიშვნელობა ჰქონდა მესხეთის მემინდვრობაში ტრადიციულ დიდ სამეურნეო გამოცდილებას, რომელიც საუკუნეების მანძილზე ადგილობრივთა მიერ იყო გამოუმუშავებული, ამის შესახებ მეორე ფაქტიც მეტყველებს. ამ მეორე ფაქტს ყურადღება მიაქცია ხ. ვერმიშევმა, რომელიც მიუთითებდა, რომ სომხების ყანები მეტად იყო დასარევლიანებული. ეს გარემოება მიწის ხვნის თავისებურებებიდან გამომდინარე მითჩნია, რომ ამის შედეგად დაბალი მაჩვენებლებით ხასიათდებოდა სომხების მოყვანილი ხორბლეული, მაგ., საწყაოში ჩაყრილი სომხების მოყვანილი ხორბალი თუ 50 გირვანქას იწონიდა,

35 გ. ქალაბაძე, მესხეთ-ჯავახეთის ეთნოგრაფიული ექსპედიციის მასალები, 1965, ტ. I, გვ. 25.



ტაბ. V. მესხური არუნა და ჩუთი

იგივე საწყაოში ჩაყრილი ქართველების მოყვანილი ხორბალი 52—53 გირვანქას იწონიდაო³⁶, რომ სომხები სამშინდვრიან სისტემას იყენებდნენ, ხოლო ქართველები კი ორმინდვრიანსო და სხვ.

მესხეთ-ჯავახეთში, როგორც აღინიშნა, ნაკელი მხოლოდ ნაფუძრებში გაქონდათ, დანარჩენი მიწის ნაკვეთები ნაკელის გარეშე რჩებოდა. ნაკელს ცვლიდა თესლმონაცვლეობა, თესლბრუნვა, სახნავსათეს ფართობზე ბალახეულის და ცერცვლების თესვა, აგრეთვე შერეული თესლის თესვა, რაც მესხეთ-ჯავახეთში ამირანის გორას ენე-

³⁶ ხ. ვერმიშევი, დასახ. ნაშრომი, გვ. 119.

ოლითურ კულტურაში უკვე კარგად ჩანს³⁷. იმ რთული საანეულო სისტემის შემდეგ მიწაში ნაკელის შეტანა თუ რამდენად არ იყო აუცილებელი, ამაზე მესხეთში ერთი საინტერესო გადმოცემა ჩავიწყობრეთ. ერთი კაცი 600 წელი მიწაში წოლილა. მკვდარი იყო და თურმე წამოდგომა უნდოდა. ერთ ვალელ ბიქს სიზმარში უნახია, რომ ის რო წამოდგება, ქვა მიაწოდე, ხელი არ ჩამოართვაო. მართლაც წამოიწია იმ კაცმა და ხელი მომეციო: მიაწოდეს ქვა. ის ქვა მოფშვნიტა და გადაყარა. გაიხედა მინდორზე და დაინახა რაღაც შავი გროვა. „რა არისო ბიჭო ესაო“? „ესაო არისო ნაკელიო, რომაო მიწამო მოსავალი მოგვეცესო“. იმ კაცს უთქვია: „ეჰ, მიწა რომ მექრთამეობაზე გადასულა ახლა სიცოცხლეც აღარა ღირსო და ახლავე მიწა მომაყარეთო“³⁸.

ნაკელის საშუალებით, როგორც აღვნიშნეთ, მიწის გაპოხიერება მხოლოდ ნაფუძრებისა იცოდნენ, სადაც ქერი ითესებოდა. მას შემდეგ რაც მესხეთ-ჯავახეთში კარტოფილის კულტურამ მოიკიდა ფეხი ჯერ საბოსტნე ადგილებიდან, ხოლო შემდეგ კი ნაფუძრებიდან ქერი განდევნა და მისი ადგილი დაიკავა. უნდა აღინიშნოს, რომ კარტოფილს მესხეთ-ჯავახეთში კარგი ნიადაგი და კლიმატი შეხვდა და მისმა მოსავალმა ერთ ნაკვეთზე აღებული ხორბლეულის გამოსავლიანობა რამდენადმე დაჯახნა.

კარტოფილის თესვის და ამოღების საქმეში კვლავ მოქმედებაშია ძველებური არონა, რომელიც სახმარად მსუბუქი და გამყოლია.

5. საკალოე მიწა, კალოსათვის ადგილი ან სახლის ახლო იყო, ან სახლიდან ცოტა მოშორებით. თუ კალო სახლიდან დაცილებული იყო, მაშინ საკალოე მიწა³⁹ ცალკე მოიხსენიებოდა ხოლმე, თუ სახლ-კარის მიდამოში შედიოდა აქვე იყო მოწყობილი საბძლები; როგორც მესხეთში, ისე ჯავახეთში საბძლები ქვით იყო ნაგები, ოთხკუთხედის ფორმისა და გვერდებმომრგვალებული. იგი დიდი ძელებით იყო გადახურული და ზემოდან მიწით მოტკეპნილი, საბძელზე ხშირად თივის ზვინის დადგმაც იცოდნენ.

ჯავახეთის სოფ. ჩუნჩხაში და მესხეთის სოფ. ზველში შემორჩენილი საბძლის ნანგრევების მიხედვით თუ ვიმსჯელებთ, ზოგი მათ-

37 ტ. ჩუბინაშვილი, მტკვრისა და არაქსის ორმდინარეთის უძველესი კულტურა, გვ. 92.

38 გ. ჯალაბაძე, მესხეთ-ჯავახეთის ეთნოგრაფიული მასალები, 1967, რვ. I, გვ. 11.

39 გურჯისტანის ვილაიეთის დიდი დავთარი, წ. II, 1941, გვ. 318.

განის ფართობი 100 კვ. მეტრს აღემატებოდა, სიმაღლე კი 4—5 მეტრსაც აღწევდა.

კალოს ახლოს მოწყობილი იყო პურის ორმოები. სოფ. ხიზაბაგრაში მცხოვრები იოსებ კონსტანტინეს ძე ველიჯანაშვილის (87 წლ., 1967) სახლის წინ ახლაც არის დაცული კალოს ფართობის ნახევარი, რომლის გვერდებშიც ორი დიდი ზომის ორმოა დაუქმებული. ამ ორმოებს გვერდები ქვითა აქვს ამოშენებული. ძირი განიერი აქვს; წაყვეთილი კონუსისებურად ამოდის დაბლიდან, ხოლო თავზე ადგას საკმაოდ სქელი ქვისაგან გამოთლილი ბადიმი. ბადიმს თავზე ადევს ქვისავე სარქველი, რომელიც შუაში ამოჩვეტილია. სარქველის ნაჩრეტი სულის საბრუნის დანიშნულებას ასრულებდა. აქედან ორმოს ჰაერაციას ჰქონდა ადგილი. ჰაერაციის გარეშე ორმოში მავნე ვაზები გროვდებოდა და ხშირი ყოფილა შემთხვევები, რომ ორმოში პურის ამოსაღებად ჩასული ადამიანი შიგ მომხრჩვალა⁴⁰. ორმოს ამ უსიამოვნო მოვლენის თავიდან აცილების მიზნით, როცა მას სარქველს მოხდიდნენ, ორი-სამი საათი ღიად ტოვებდნენ, თუ უნდოდათ, რომ ორმოდან გაზის ამოსვლა შეემორწყებინათ, ორმოში ქათამს ჩასვამდნენ, და თუ ცოცხალი დარჩებოდა, მაშინ ორმოში ჩასვლა საშიში აღარ იყო.

ორმოში პურის და ქერის ხანგრძლივად შენახვა დამოკიდებული იყო როგორც სოფლის ადგილმდებარეობაზე, ისე ხორბლეულის ჯიშებზე. გადმოცემით მესხეთში ხორბალს მეტი წებოვანობა — წილიანობა ახასიათებდა, ვიდრე ჯაეახეთის ხორბლეულს, ჯაეახური ხორბლეული უფრო ფატარი იყო, ამიტომ ორმოში ათ წლამდე შეიძლებოდა შენახულიყო. მესხური კი უფრო ნაკლები დროის მანძილზე ინახებოდა.

კალო თავისი ორმოებით და ბევრგან ორმოების გარეშე მესხური კარმიდამოს განუყრელ ნაწილს შეადგენდა. ხშირად კალოზე სრულდებოდა საქორწინო ცეკვა, თამაში და გართობანი. კალო არაიშვიათად იმართებოდა ხოლმე აგრეთვე სახლის ბანზედაც.

0. მემინდვრეობასთან დაკავშირებული რწმენა-წარმოდგენები მესხეთ-ჯაეახეთში. მემინდვრეობის კეთილდღეობაზე ზრუნვა აქტიურ მცდელობასა და შრომით საქმიანობაში გამოიხატება. მაგრამ ხშირად ამ მცდელობას წინ ეღობებოდა ბუნების მოვლენები გვალვის ან ხშირი წვიმების სახით. ურწყავი სოფლებისათვის გვალვა წარმოადგენდა ყველაზე მძიმე შედეგების მომტანს. ამიტომ, სადაც კი ოდნავ ამის

⁴⁰ ი. დ. ლ. ი. ძე, ქართული სამართლის ძეგლები, I, 1963, გვ. 291; ლ. მე-ლიქსედ-ბეგი, სამართალი სომხური, 1927, გვ. 63.

წესადლებლობა არსებობდა, დიდის გულმოდგინებით იყო გამოყენებული სარწყავად ხევის წყლები. ხერთვისში, თმოგვში, ნაქალაქევში, ტლომში ხევის ნაკადულები მიმარჯვებული იყო ბაქნებზე, რომელთა დასაფეხურება ზოგან 50-საც კი აღწევდა. მაგრამ სარწყავი წყლები ძირითადად მაინც ხეხილის ბაღებისათვის იყო გამოყენებული, გვალვა მაინც რჩებოდა იმ ფაქტორად, რომელიც საფრთხეში აყენებდა წლის მოსავალს. მესხეთ-ჯავახეთის რელიეფის თავისებურებამ უთუოდ დიდი გავლენა იქონია ამა თუ იმ სოფლის მოსახლეობის დამოკიდებულებაზე გვალვასთან. ზოგიერთი ხეობის მოსახლენი სარწყავ წყლებს იყენებდნენ და ამდენად მათ მიწის მოსავალს გვალვა ნაკლებად აღონებდა, სხვანი კი ურწყავობის გამო მძიმე მდგომარეობაში ვარდებოდნენ.

ამის შესაბამისად ტაროსის ღვთაებისადმი დამოკიდებულებაც სხვადასხვანაირი იყო ძველად.

სოფ. ღრელში ჩაწერილი მასალის მიხედვით, სოფელი გვალვიანობის დროს დიდებაზე შემოვლას აწყობდა. ამ საქმეს მოხუცი ქალები თაობდნენ. ახალგაზრდა გოგონებს შეკრებდნენ და ისე წავიდოდნენ კარდაკარ დასავლელად. ამასთან, დიდებაზე მოსიარულეთ თან დაყავდათ „გვალვის პატარძალი“. გვალვის პატარძალს საგანგებო მორთულობა ჰქონდა. თავზე ჩიხტას დაადგამდნენ, ჩიხტაში სპილენძის ჯამს ჩადგამდნენ (ამ ჯამს ადგილობრივ ფახირ თასს უწოდებდნენ) და ისე დაამაგრებდნენ, რომ მოძრაობაში თავიდან არ ჩამოვარდნილიყო. შემდეგ სახეზე ფერად ლეჩაქისებურად ქსოვილს ან თხელ ნაქერს ჩამოაფარებდნენ და ხელჩაკიდებულს დაატარებდნენ კარიკარ. რომელიმე მეკომურის ეზოში მისვლისას სიმღერას იტყოდნენ. სიმღერის ტექსტი საქართველოში საყოველთაოდ გავრცელებული ლაზარეს სადიდებელია:

„ლაზარ მოდგა კარსაო,
აბრიალებს თვალსაო,
ადარ გვინდა გორახიო
ღმერთო მოგვე ტალახიო.
ცხრილი აგორებულაო
წვიმა გაჩქარებულაო“.

სიმღერის დამთავრებისთანავე, ოჯახის დიასახლისს დიდებაზე მოსიარულეთათვის სახლიდან გამოჰქონდათ სანთელი, ყველი ან ფქვილი, ან კვერცხი და აძლევდა. თანვე მოჰქონდა წყალი, რომელსაც გვალვის პატარძლის თავზე დადგმულ ჯამში ასხამდა. ამის შემდეგ პროცესია სხვა მეკომურის კარზე გადადიოდა. შეკრებილი სანოვაგით

ეკლესიის კარზე პურობა იმართებოდა, ზოგჯერ მინდვრად გადიოდნენ. და რომელიმე ყანაში მართავდნენ პურობას, სოფლის მოხუცთა ინიციატივით ეკლესიაც ერეოდა ამ საქმეში, დიდებიდან დაბრუნებული პროცესია ეკლესიას მიაღებოდა, აქ მღვდელი პარაკლისს იხდიდა და ყანაში ხატს გამოაბრძანებდა.

ამავე სოფელში სცოდნიათ წვიმის მოყვანის სხვა წესიც, მაგ., ყარბის საფლავიდან ძვლის ამოღება და წყალში ჩაგდება. ანალოგიური წესები მეტ-ნაკლები განსხვავებით დამოწმებულია სხვა სოფლებშიც.

სოფ. ანდრიაწმინდაში, სულიკო ბესარიონის ძე ინასარიძის (63 წლ., 1965) გადმოცემით, „აგვისტოს მოდიოდა ელიობა. ელია ხალხს წვიმის ღვთაებად მიაჩნდათ. თითქოს ელია ბრმა არისო, მარცხენა მხრიდან ამიტომ ვერა ხედავს. მარცხენა მხრიდან სეტყვა ეპარება და ვერ იპერს, მარჯვენა მხრიდან კი როცა სეტყვა წამოვა, იპერს და უშვებსო. ახლა რომ გაიგებენ სეტყვა წამოვაო დაიძახებდნენ: „წმინდა ელია, მთა მთა იარეო. ტაფაზე მარილს მოაბნევდნენ და გადმოპირქვევებულს გარეთ გადგამენ გადაიღებსო. პირველ შვილს სეტყვის მარცხლებს ჩაუყრიდნენ ზურგში, გადაიღებსო. ზარსაც დარეკდნენ, შეიბრაღე წვრილფეხი და ბალებიო“.

გვალვის დროს შავ ვირზე ორ ბავშვს პირისპირ შესვამდნენ. თავზე გადააფარებდნენ საერთო საფენს, ისეთს რომ ორივე დაფარულიყო. მერე კარიკარ დივილიდნენ სიმღერით. სიმღერის ტექსტი იგივე იყო რაც ლაზარეს სადიდებელშია. შემდეგ ოჯახის რომელიმე წევრი სახედარზე მსხდარ ბავშვებს წყალს გადაასხამდა და გამოუტანდა ღქვილს, კვარცხს ან სანთელს. ყიდულობდნენ თხას, მიყავდათ ელიას კარზე, იქ დაკლავდნენ და შეექცეოდნენ. ანალოგიურ ქმედებას ეწეოდნენ მესხეთში მცხოვრები მაჰმადიანი ქართველებიც.

ამავე სოფელში ჭვარიხევთან ქვის ჭვარი ყოფილა, ქალები და კაცები გვალვიანობის დროს ქვის ჭვარს ხევის წყალში ჩაღებდნენ, რომ წვიმა მოსულიყო. თუ წვიმები შეაწუხებდათ მაშინ ქვას ისევ უკან ამოიღებდნენ.

წვიმის გამოწვევისათვის აფხაზები სახედარზე თეთრ საფენს აფენდნენ, ზედ გოგონას შესვამდნენ, კარიკარ დაჰყავდათ და წყლით წუწავდნენ, მესხეთში შავი სახედრის შეგდება იცოდნენ წყალში, რომ წვიმა მოვაო.

კათოლიკე ქართველებს გვალვის დროს სცოდნიათ ღვდელთან ერთად ეკლესიიდან ხატის გამოტანა და მინდვრად გასვლა. წმინდა ხატის გატანა ეკლესიიდან სცოდნიათ აგრეთვე მესხეთ-ჯავახეთში მო-

სახლე სომხებსაც. ისინი ეკლესიაში სიმღერით მიდიოდნენ, ხატი სასაფლაოზე გააქონდათ ხოლო აქედან კვლავ ეკლესიაში. გვალვის დროსვე იკრიბებოდნენ ქალები და ბავშვები, დადიოდნენ კარიკარ და მღეროდნენ:

„ბარბალიკ ეკელე,
შალე შაპიკ ჰაქელე“ და სხვ.

ბარბოლიკა-ბარბალიკა იგივე ბარბალეა, რომელსაც სირიელებიც ქართველებისა და სომხების ანალოგიურად მოსავლის მფარველობას შესთხოვდნენ⁴¹. ქართველებთან ბარბალეს ბუნება სხვადასხვა ფუნქციის მატარებელია, სვანეთში ნაყოფიერების მფარველად გვევლინება (ვ. ბარდაველიძე), ქართლში ბავშვთა მფარველის ფუნქციების შემსრულებლად, ბატონების მამიდაა. ქართლში ბარბალეს ფუნქციები უფრო გაფართოებულია. მას ნაყოფიერებასა და ბავშვების მფარველობას შესთხოვდნენ. ბარბალის სახელზე აყენებდნენ „ზვარას“ მამლის და ცხვრის სახით. ბარბალის სახელზე იცოდნენ აგრეთვე კაკლის დათქმა. ასეთი კაკლის მოჭრა არ შეიძლებოდა, ვიდრე იგი თავისით არ განშებოდა. ვადარებთ რა სვანეთის ეთნოგრაფიულ მასალას, ქართლში ბარბალეს, როგორც ნაყოფიერების მფარველის ფუნქციის დავიწროვება, გამოწვეული უნდა იყოს ქართლის მემინდვრეობაში ქალის სამეურნეო როლის შემცირებით.

მიწათმოქმედ მამაკაცს მინდვრის მფარველად უნდა შეექმნა მამაკაცური ბუნების ღვთაება. ამ რიგის ღვთაებად გვეჩვენება გონჯა, ბასილა, მინდვრის წ-ა გიორგი, ელია, ლაზარე და სხვ.

მესხეთ-ჯავახეთში შემორჩენილია: ძიქვები, ქვაკაცები, ქვაჯვარეზი, რომელთაც დღეისათვის დაკარგული აქვთ თავისი პირვანდელი ფუნქცია. ამ ქვებთან მიდიოდნენ უძუძური დედები და შესთხოვდნენ რძის მომატებას. იგივე ძიქვები უშვილო ქალებისათვის ნაყოფიერების მომნიჭებლად ითვლებოდა: ნაწილი ამ ქვებისა ფალოსის კულტს უკავშირდება, რომელიც ნაყოფიერება-გამრავლებას შველოდა. მაგრამ იგივე ქვებთან გარკვეული რიტუალის შესრულებით წვიმის გამოწვევაც შეიძლებოდა. შესაძლებელია მესხეთ-ჯავახეთში დადასტურებული ლაზარობის სახელი კოტი — კოტი ფალოსის კულტს უკავშირდებოდეს.

ჯავახეთში და მესხეთის მთისძირა სოფლებში ნიადაგების ურწყავობა მძიმე პირობებში აყენებდა როგორც მინდვრის, ისე ბაღ-ბოსტნის მოსავალს.

⁴¹ В. Гордлевский, Материалы для народного Сирийского календаря, ЭО, 1908, № 2—3, с. 179.

გლექაცობას მძიმე პრობლემად აწვა მორწყვის საკითხი. ამიტომ „ცის ნამს“ დიდი მნიშვნელობა ჰქონდა. ცის ნამის გამოწვევისათვის მრავალი საშუალება ყოფილა გამოყენებული.

ერთი ამათგანია წვიმის გამოწვევის ჰობარეთული წესი, რომელსაც ჰობარელი მთხრობელი კოსტა ანდრიას ძე ზედგინიძე (78 წლ., 1965) ასე გადმოგვცემს: „იყვნენ ხოლმე მოხუცი სამი ქალი, ისინი ჩაჯდებოდნენ ხოლმე ქვის ქურუნებში, იქ ისინი ზურგიზურგს მიაყუდებდნენ ხოლმე, თან მღეროდნენ. მერე მივიდოდნენ ხოლმე და წყალს გადაასხამდნენ ვითომ „გაავდარდაო“. როგორც ვხედავთ, ამ შემთხვევაშიც ქალია მოსავლის ბედზე მზრუნველი. ქალები ცდილობდნენ გამოიწვიონ წვიმა. სამწუხაროდ წვიმის გამოწვევის ჰობარეთული წესი ძალზე ფრაგმენტული სახით შემოგვენახა. ჩვენ ბევრი ვეცადეთ, მაგრამ მეტი მასალა ამასთან დაკავშირებით ვერ მოვიძიეთ.

საყურადღებოა წვიმის გამოწვევის ჰობარეთულ წესში სამი მოხუცი ქალის მონაწილეობა. საქმე იმაშია, რომ საერთოდ ლაზარობის რიტუალს უკავშირდება ეს სამი „ბებერა ქალი“. ლაზარობის რიტუალი კი, როგორც ლ. გვარამიძე და დ. ჯანელიძე ირკვევენ, ძველად სრულდებოდა სიმღერითა და ცეკვით. გვიანი დროისათვის, როგორც ეთნოგრაფიული მასალებიდან ირკვევა, ლაზარობის რიტუალს საქართველოს ფარგლებში ცეკვის ელემენტი ჩამოცილებული აქვს. საქართველოს მეზობლად ადიღელთა ეთნოგრაფიულ ყოფაში შემონახული წვიმის გამოწვევის სარიტუალო ცეკვა ფერხულის სახით იმართებოდა მეხდაკრულის საფლავთან, სადაც მამაკაცები მიდიოდნენ, რომ საფლავიდან ქვა წაეღოთ და წყალში ჩაესვენებინათ. ამ დროს საფლავის ირგვლივ ეწყობოდა ფერხული. მამაკაცთა გუნდი, საფერხულო სიმღერის შესრულების დროს, საფლავს ხან უახლოვდებოდა, ხან სცილდებოდა. სიმღერის შემდეგ აქედან ერთ-ერთ ქვას წაიღებდნენ და წყალში ჩადებდნენ. აღსანიშნავია, რომ საქართველოში წვიმის გამოწვევის რიტუალი ძირითადად ქალებისაგან სრულდებოდა. ზოგიერთი რიტუალი, რომელშიც მამაკაცები გამოდიოდნენ შემსრულებლად, გვიანი დროისა უნდა იყოს. ასეთებად მიგვაჩნია, მაგ., ხატის გამოსვენება და მინდვრად გატანა, ან ხატის წყალში დაბანება, ზარკობის რეკვა, ყარბის საფლავიდან ძვლის წაღება და წყალში ჩაგდება და სხვ. ასე, რომ ძირითადი რიტუალი წვიმის გამოწვევისა ქალების მიერ სრულდებოდა. „ლაზარობის“ წეს-ჩვეულებას, აღნიშნავს ლ. გვარამიძე, თან ახლდა ძალიან ძველი წარმოშობის სიმღერა „ლაზარე“, მაგრამ რადგან ძველ დროში სიმღერა და ცეკვა განუყოფელი იყო, ეს გვაძლევს უფლებას ვიფიქროთ, რომ „ლაზარეს“ სიმღერის დროს

ასრულებდნენ რიტუალურ საწესჩვეულებო ცეკვას, ნელსა და ნარ-
ნარს თავისი რიტმული მონახაზით“⁴². დ. არაყიშვილის აზრით; „ლა-
ზარ მოდგა კარსა“ ორხმიანი სიმღერაა, რომელიც მოცულობით და
მუსიკალური აზრით მცირეა და მარტივი, რაც მისი სიძველის დამამ-
ტკიცებელია⁴³. გონჯაობა და კოტი-კოტი დ. ჯანელიძეს წარმართული
რიტუალის ნაშთად მიაჩნია⁴⁴. ამ რიტუალის გარკვეულ ნაწილს უნდა
შეადგენდეს წვიმის გამოწვევის ჭობარული წესი. იმდენად, რამდე-
ნადაც საერთოდ წვიმის გამოწვევის რიტუალებს ხშირად ახლავს სიბ-
ღერა-ცეკვის ელემენტები, ხომ არ უნდა ჩაგვეთვალა ჭობარული რი-
ტუალი რომელიმე ცეკვის, თუნდაც სამას წინაპრად?

მესხეთ-ჯავახეთის სამიწათმოქმედო ათვისებას მესხური ლეგენ-
და, მსგავსად თუშური და ხევსურული გადმოცემებისა, მონადირეებს
მიაწერს. ლეგენდის მიხედვით ვინმე ნადირაძეს, ვალეს მიდამოში უნა-
დირია და მსუქანი ირემი მოუკლავსო. ისე, როგორც ხევსურულ ლე-
გენდაში, აქაც პირველად ქერს დათესს და დასახლების ინტერესი
უჩნდება.

მესხეთ-ჯავახეთის სამეურნეო ათვისებას დიდი ხნის ისტორია გაა-
ჩნია. ამას ამტკიცებს ხორბლეული კულტურების მრავალსახეობა და
საკვლევი კუთხისათვის გამომუშავებული ჯიშები.

მესხეთ-ჯავახეთში მემინდვრობის კულტურის მაღალი დონის გა-
მონატულებას წარმოადგენს ორიგინალური სამეურნეო იარაღები და
ამ იარაღებით შესრულებული მუშაობა.

განსაკუთრებული მნიშვნელობის სამეურნეო იარაღია მესხური
ჯილა, რომელიც ქვემო ქართლისა და მესხეთ-ჯავახეთის ზეგანის მე-
მინდვრობაში დიდი ხნიდან დამკვიდრებულ სახვნელ იარაღს წარმო-
ადგენს. მესხური ჯილა ამავე დროს წარმოადგენს ქართულ სახვნე-
ლთა გენეალოგიაში იმ საშუალებდო რგოლს, რომელიც მიიმართება
ფშაური სახვნელიდან გუთნისაკენ. ჯილა სახვნელის კონსტრუქციუ-
ლი თავისებურებანი საუკუნეების მანძილზე იცვლებოდა და ხდებო-
და მისი გარდაქმნა. შუა საუკუნეებისა და XIX საუკუნის საფლავის
ქვების მხატვრობაში ჯილა სახვნელის გარდაქმნის გზები იკითხება.

42 ლ. გვარამიძე, ქართული ხალხური ქორეოგრაფია, გვ. 50.

43 დ. არაყიშვილი, ქართული მუსიკა, 1925, გვ. 7.

44 დ. ჯანელიძე, ქართული თეატრის ხალხური საწყისები, გვ. 91.

მემინდვრეობა კახეთში

1. საერთო მიმოხილვა. კახეთი მინდვრის კულტურებით საკმაოდ მდიდარი კუთხეა. კახეთის ბუნებრივი გარემო მინდვრის ყველა კულტურისათვის ერთნაირად ხელშემწყობ პირობას არა ქმნის. სახელდობრ კახეთის ზოგ რაიონში ურწყავობის გამო პურეულის გარკვეულ სახეობას თესდნენ. ნიადაგების ერთი ნაწილი ურწყავობისა და ხშირი ქარების შედეგად გააღატებულა. მაგრამ ასეთი მიწები მაინც მუშავდება. აღქატი და ურწყავი მიწების მემინდვრეობა რიგი თავისებურებებით გამოირჩეოდა. მაგალითად, გარე კახეთში სადაც მიწის ბევრი ფართობი ეროზირებული და გააღატებული იყო, ითესებოდა ისეთი კულტურები, რომელიც გვალვებს უძლებდა და ასწრებდა შემოსვლას ზაფხულის მკაცრი სიცხეების დაწყებამდე. ამის შესაბამისად აღქატებს გაზაფხულზე ხნავდნენ და ძირითადად საგაზაფხულო ხორბლეულს თესდნენ.

შესაბამისად კლიმატურ-გეოგრაფიული პირობებისა და ეთნიკური ერთეულების თავისებურებებისა, კახეთის მემინდვრეობა შეიძლება რამდენიმე ზონად დავყოთ, მაგ., გარე კახეთის, ივრის ხეობის დავაკების, ქიზიყის (შირაქის ჩათვლით), შიგნით კახეთისა და გაღმა მხარის მემინდვრეობა¹. დასახელებულ კუთხეებში წარმოებული მემინდვრეობა მეტ-ნაკლები განსხვავებების შემცველია. ეს ვლინდება მინდვრის კულტურების რაოდენობაში, ხელით სამუშაო იარაღების ფორმებში, გამწვევი ძალით მომუშავე იარაღის სახეობებში, შრომის ორგანიზაციის ფორმებში და მემინდვრეობასთან დაკავშირებულ რწმენა-წარმოდგენაში. საბოლოო ჯამში, ყველა ზონაში აღებული ნიშნები მემინდვრეობის კახურ წეს-ჩვეულებებზე ერთ მთლიან სურათს გვაძლევს.

¹ აღსანიშნავია, რომ მემინდვრეობის ჩვენ მიერ დაყოფილი ზონები ძირითადად ემთხვევა მ. საბაშვილის მიერ კახეთის ნიადაგური დარაიონების სქემას (მ. საბაშვილი, საქართველოს სსრ ნიადაგები, 1965, გვ. 229).

საერთო კახური მემინდვრობისაგან პირველ რიგში მკვეთრად გამოიყოფა ქიზიყური მემინდვრობა. მასთან მსგავსებას იჩენს გარეკახური მემინდვრობა. საერთო კახურისაგან აქ წარმოდგენილი განსხვავებული ნიშნები ძირითადად ორმა ვითარებამ განაპირობა. ერთი იმან, რომ აქ ორივე შემთხვევაში ურწყავ მიწათმოქმედებასთან გვეკონდა საქმე. მეორე, რომლითაც ქიზიყი გამოირჩევა, საზოგადოებრივე-ეკონომიკური გარემოებაა, სადაც მიწის თემური სარგებლობა სხვა კუთხეებთან შედარებით აქ უფრო მეტად იყო ძალაში.

პირველ ვითარებას ემატებოდა სახნავ-სათესი მიწების სოფლიდან სიშორე. მიწის თემური სარგებლობა და მისი სოფლიდან სიშორე იყო აქტიური მემინდვრობის შემზღუდველი პირობა. თემი ერთგვარ ლიმიტს უწყესებდა მეთემებს. შედარებით პურეულის მრავალსახეობას თესდნენ გაღმამხარის და შიდაკახეთის ველებზე. აქ სახნავ-სათესი მიწების ერთი ნაწილი ირწყვოდა, რაც მემინდვრობის საიმედო ბაზას შეადგენდა.

კახეთის ნიადაგები სამეურნეო ვარგისიანების თვალსაზრისით დაწვრილებით არის შესწავლილი სხვადასხვა ავტორების მიერ². გამაერთიანებელი ნაშრომი ამ საგანზე აკად. მ. საბაშვილს ეკუთვნის³. ჩვენს ნაშრომს პრეტენზია არა აქვს ვრცლად იკვლიოს, ანდა საერთოდ იკვლიოს ნიადაგები. კახეთის ნიადაგების შესახებ ჩვენ მხოლოდ ხალხური მასალის ზოგად სურათს ვიძლევი. ამ მასალის მიხედვით კახეთში გავრცელებული ნიადაგებია: შავმიწა, წაბლა, რუხი და ქროლა. სამგორ-ვაზიანის ველებზე წაბლა, ბიცი ნიადაგები სჭარბობს. საგარეჯო-თელავის, გურჯაანისა და ვალმა კახეთის ველებზე შავმიწა და ქროლა ნიადაგებია, შირაქის ველებზე რუხი და წაბლა, ხოლო ქიზიყის უკანა მხარის ნიადაგები ძირითადად წაბლაა.

კახეთის მთისძირა ზოლში რუხი და ქროლა ფერის ნიადაგები სჭარბობს (სახელდობრ სამგორის ზეგანი, ლილო-მარტყოფის ველი და სხვ.).

ნიადაგები ერთმანეთისაგან სხვადასხვა თვისებებით გამოირჩევიან. რუხი ფერის ნიადაგები ფიცხია და მოსავლის მოყვანას აჩქარებს. შავმიწა ნიადაგი ზომიერია. ბიცი, მლაშობის მიწები ალქატებად

2 გ. ახვლედიანი, სამგორის ვაკის ნიადაგები და მათი აგროსაწარმოო თვისებები, ნიადაგმცოდნ. ინსტ. შრომ., ტ. VI, 1951; Г. А. Клопоатовский, Почвенный очерк Восточной части Гареджийской степи, 1930; გ. ტალახაძე საქართველოს სსრ ნიადაგები, 1962.

3 მ. საბაშვილი, საქართველოს სსრ ნიადაგები, 1965.

თვლება, დაბალ მოსავალს იძლევა და ხშირად საძოვარ-სათივეებად იყენებდნენ.

გლეხობა ნიადაგების თვისებებს აკვირდება და ნიადაგების ერთი სახის შიგნითაც კი ადგენს მრავალ განსხვავებულ ნიშანს. ასე, მაგ., სამგორის მიწები წაბლა ნიადაგებია, მაგრამ აქ ნიადაგების ნაწილი მძიმეა და ალიზი მიწაა, ნაწილი მსუბუქია. მიწის თვისება — მსუბუქი და მძიმე, მოსავლის მოყვანის შედეგად გამოყვადათ. ნიადაგების ვარგისიანობის შესაბამისად ძველადვე გამოყენებული იყო შესაფერი-სი სახენელი იარაღი.

XIX საუკუნის ქურნალისტის ნ. სიტოვსკის დაკვირვებით, ალაზნის როგორც მარცხენა, ისე მარჯვენა სანაპიროებზე ერთნაირი მძიმე გუთნით ხნავდნენ, მიუხედავად იმისა, რომ აქ მიწა ქვიშრობია. მტკვრის ვაკობზე კი თინხარ მიწებს აჩაჩით ამუშავებდნენ. იქ, ე. ი. ალაზნის სანაპიროებზე ღრმად უნდა მოეხნათ რომ სინესტე შეენარჩუნებინათ აქეთ კი მტკვრის ვაკობზე სარწყავებია და ღრმა ხვნას არ საჭიროებდა⁴.

2. მიწით სარგებლობის საკითხი. კახეთის რაიონებში მიწით სარგებლობის სხვადასხვა ფორმებს ჰქონდა ადგილი, რაც გამოწვეული იყო მიწის მფლობელობის შესაბამისად. მაგ., იყო სახელმწიფო, საბატონო, საეკლესიო და სათემო მიწები. კახეთში მიწის სათემო წესით მფლობელობა-გამოყენების შესახებ საინტერესო მასალები გამოაქვეყნა გაზეთ „ღროებაში“ ზაქარია გულისაშვილმა⁵, მას გამოთქმული აქვს მოსაზრება იმის თაობაზე, რომ თითქოს დიდი ოჯახები, საერო (სათემო) მიწისმფლობელობის შედეგს წარმოადგენდეს. იგი აღნიშნავს, რომ ზოგი დიდი ოჯახი სამოცი სულისაგან შედგება, რომელნიც ოჯახური საქმიანობის კარგი ორგანიზაციის წყალობით, დიდ სიმდიდრეს ფლობენო, ასახელებს რამდენიმე ასეთ ოჯახს, მაგ., ილია შანშიაშვილის, დარეჯანაშვილის, ლაფიაშვილის, გოგრა ქევხას ოჯახობას და სხვებს⁶.

ზაქარია გულისაშვილი აღწერს ორი სოფლის მიწით სარგებლობის სურათს. პირველ რიგში იხილავს ბოდბეს მაგალითს. სოფელ ბოდბეს სახნავ-სათესი მიწები სამ კატეგორიად ჰქონია დაყოფილი. პირველი კატეგორიის მიწები ყოფილა ვაკის მიწები „ელიას ზევით“, რო-

4 Н. Ситовский, По поводу отчета... г. Петцольда, ЗКОСХ, № 2, 1864, გვ. 68.

5 ზაქარია გულისაშვილის კორესპონდენციები და მოთხრობები ცალკე წიგნად გამოიცა 1953 წელს გიორგი ლეონიძის წინასიტყვაობითა და რედაქციით. ჩვენ ამ გამოცემით ვსარგებლობთ.

6 ზ. გულისაშვილი, მოთხრობები და ნარკვევები, გვ. 281.

მელსაც საბლის მიწებს უწოდებდნენ. შემდეგ ელიას ქვემოთ „ოლემდე“ მეორე კატეგორიის მიწებად ყოფილა მიჩნეული, ხოლო ოლეს ქვემოთ ე. წ. „ნეეშარი“ — მესამე კატეგორიის მიწებად. ანალოგიური სურათს იძლევა სოფ. მალაროს სახნავ-სათესი მიწების განლაგებაც.

ყველაზე მეტი პატივით სარგებლობდა ე. წ. საბლის მიწები. მთხრობლები საბლის მიწების კალოს მიწებსაც უწოდებდნენ და კარის მიწებსაც. ახლო მდებარე მიწები ათ-ხუთმეტ წელიწადში ერთხელ ისაბლებოდა. ე. ი. თოკით გადაზომავდნენ იმის შესაბამისად, რამდენი კომლიც მიემატებოდა სოფელს დროის მონაკვეთში. მეორე კატეგორიის მიწებს ნახევარს სათიბად ტოვებდნენ, ნახევარს ხნავდნენ. მესამე კატეგორიის მიწებში ძირითადად ძლიერი ოჯახები აწარმოებდნენ ხვნა-თესვას. ეს უკანასკნელი გარემოება იმით იყო შეპირობებული, რომ სიშორის გამო ღარიბი გლეხობა ვერ უძღვებოდა მძიმე შრომას⁷. ზ. გულისაშვილს გაკვრით აქვს ნათქვამი აგრეთვე მიწის დაჩემების თაობაზე⁸, მაგრამ რა გზით ხდებოდა დაჩემება, ამის შესახებ არაფერს წერს. თუმცა საინტერესო მასალას გვაწვდის თემის წევრის მიერ ახოს აღებაზე და მოახლოებული მიწით სარგებლობის წესზე; სახელდობრ, ახოს გამტეხს შეეძლო ახოთი ესარგებლა მანამ, სანამ დახარჯულ შრომას ამოიღებდა, ამის შემდეგ ახო სათემო მფლობელობაში გადადიოდა⁹. ანალოგიური სურათს ჰქონდა ადგილი ფშავშიც¹⁰. ზ. გულისაშვილმა შენიშნა რომ კახეთის სხვადასხვა კუთხეში მიწის თემურად სარგებლობის წესებში იყო სათანადო განსხვავებანი, რომ ზოგიერთ სოფელში (სოფ. მალარანი, ბაბანეური და სხვ.) სათემო მიწით სარგებლობა გვარების შესაბამისად იყო წარმოდგენილი, სათემო მიწას გვარებზე ანაწილებდნენ, თუმცა გვარებს შიგნით მიწის თანადარლობას ადგილი არა ჰქონდა. იყო ისედაც, რომ სოფელი არ უსაზღვრავდა კომლურად მიწის რაოდენობას ამა თუ იმ კომლს (მაგ., საინგილოში), აქ მიწის დაჩემების წესი მოქმედებდა და სხვ.¹¹. ზ. გულისაშვილს ისე, როგორც ილია ჭავჭავაძეს, მიაჩნდა, რომ სათემო მიწისმფლობელობა მიწით სარგებლობის ისეთი ფორმაა, რომელიც დიდი ხნიდან მომდინარეა და იგი საქართველოსათვის ახალ მოვლენას არ წარმოადგენს. მიწის თემური სარგებლობა მოქმედებამო

7 იქვე, გვ. 283.

8 იქვე, გვ. 292.

9 იქვე.

10 გ. ჯალაბაძე, მიწათმოქმედება ფშავ-ხევსურეთში, 1963, გვ. 7.

11 ზ. გულისაშვილი, დასახ. ნაშრომი, გვ. 296.

ყოფილა მთელ კახეთში¹². ერთ დოკუმენტში, რომელიც 1700 წელს არის შედგენილი და იწოდება კაკაბელთა და შიბლიანელთა მიწაწყლის სარჩელის სამართლის წიგნად, აღნიშნულია, რომ „კაკაბელი და შიბლიანელი მიწაწყალზე უშულოდნენო. ამბა ალავერდელის, ნიკოლოზ ჩოლოყაშვილის, ენისელთ მოურავის, ქიზიყის მოურავის, სალთხუტის შვილის ედიშერის და სხვათა ჩარევით ამ ორ სოფელს „მთა და ბარი გაუსინჯეთ და ასე გაუყავითო“ ქვემოთ ჩამოთვლილია თითოეულ სოფელს რა საზღვრებში უნდა ემუშაებინა მიწა და ესარგებლა საწყლისპიროთი და მთით და საძოვრით. საბუთში აღნიშნულია რომ „ტყე სწორად ჭამონ, საერთოდ იყოს. ყანდაურიანი წყლითვე კაკაბელთ დარჩა, თუ შიბლიანელთ ბოლოს საძოვარი ბალახი კაკაბელთ არ დაუშალონ, კაკაბელთ შიბლიანელთ წყალი არ დაუქირონ. თუ კარგგვარათ მეზობლურად შერიგდნენ, ერთმანეთში ჯნეა არ დაუშალონ და თუ ვერ შერიგდნენ მეზობლურად, თავთავისი სამძღვარი ამ წიგნში როგორც სწერია, იმგვარათ თავისას ჯელი მოჰკიდონ და იმ წვერის იქით მთა ერთად ჭამონ“. (ხაზი ჩვენია გ.ჯ.)¹³.

ამ საბუთის მიხედვით ჩანს, რომ დავა მიმდინარეობდა სახნავ-სათესი მიწით სარგებლობის თაობაზე, რომ ერთი სოფელი მეორის ახლო მდებარე სახნავ-სათეს მიწებში იჭრებოდა და იმდენად ერთი რომელიღაც იჩაგრებოდა. მიუხედავად იმისა, რომ ამ სოფლებს შორის სახნავ-სათესი, საძოვრები, საწყლისპიროები გამოიჯნეს, დოკუმენტი საბოლოოდ მაინც არ მიჯნავს ერთი სოფლისათვის მიწერილ მიწის ფართობში მეორის შესვლას ხენა-თესვის მიზნით. აღნიშნული გარემოება უთუოდ იმაზე უნდა მეტყველებდეს, რომ ამ სოფლებშიც XVII საუკუნეში მოქმედებაში უნდა ყოფილიყო მიწის თემური სარგებლობის წესი.

უფრო ადრინდელი ერთი საბუთი, რომელიც 1665 წლით არის დათარიღებული, ეხება არჩილ მეფის მიერ ჩოლოყაშვილისადმი მამულის წყალობას. აქ ჩამოთვლილია: „გიბოძეთ წინა უბანს მახო და ხუტა ბალთური თუში; შილდას: ცეცხლასშვილის, ტურიკას-შვილი, გოგიას-შვილი; ხაშმს: სასახლე, კოშკი, ზვარი, შაშიას-შვილი, ბედიანას-შვილი, გოგია და ბერიკა, ესენი მისის მთითა, ველითა, ვენახითა,

12 ნ. ასათიანი, გლეხობა XVI—XVII. საუკუნეების კახეთში, საქანდი-დატო დისერტაცია, გვ. 150.

13 დოკუმენტები, საქართველოს სოც. ისტ. I, გვ. 374.

წყლითა, წისკვილითა, შესავლითა და გასავლითა რისაც მქონებელნი დღეს იყუნენ ყველაფრითა“¹⁴.

ამავე პერიოდის სხვა საბუთებში სახნავე-სათესი ყოველთვის მოიხსენიება. ამ საბუთში კი მისი არმოხსენება, გამოწვეული უნდა იყოს იმით, რომ იგი სათემო სარგებლობაში უნდა ყოფილიყო.

სახელმწიფო ხელისუფლება, როგორც საბუთებიდან ირკვევა, საკმაოდ ხელმოჭერილად ეკიდება სათემო-სასოფლო სარგებლობაში არსებული მიწების სამამულედ გადაქცევას. ნ. ასათიანის დაკვირვებითაც „ვენახი და სავენახე ადგილი (ე. ი. სადაც ვენახის გაშენებაა დაწყებული) მემკვიდრეობით-ინდივიდუალურ მფლობელობაშია და მასზე თემი თავის უფლებას ვერ ავრცელებს“¹⁵. ფეოდალური ხელისუფლება შესაძლებელია გლეხთა სამამულე მფლობელობის გაზრდაში ხედავდა ფეოდალური ეკონომიკის დაცვის საშიშროებას.

კახეთში, როგორც აღვნიშნეთ, მამული გამოხატავდა ვენახს. მამულის გაზრდა გლეხთა მიერ, რომ სოციალურად საშიშ მოვლენად ყოფილა მიჩნეული, ამაზე მეტყველებს დარეჯან დედოფლის 1790 წლის ბრძანება გიორგი სახლთუხუცესისა და ველისციხის მოურავისადმი.

აი რას ვკითხულობთ ამ ბრძანებაში: „მემრე ჩვენ ასე გვესმის, რომ ველის-ციხეს მამულზედ მოსახლე კაცნი ზოგნი ვინმე თავის გამიჯნულს მამულზედ კიდევ სხვა ადგილს უმატებენ და ჩვენს შეუტყობლად და უოქმოდ და თქვენს დაუკითხავათ სავენახეს ღობენ სადმე და უმატებენ თავიანთ მამულებსა და კალო საბძელს აკეთებენ და უმატებენ. ახლავ თქვენ მოიკითხეთ და გაშინჯეთ, რომელსაც ჩვენს უოქმოდ და ან თქვენს დაუკითხავად, ან მამულებისათვის შეემატებინოსთ, ან სამამულეთ შეეღობოსთ და კალო საბძლის ადგილი თავის მიჯნის გარდა გაემატებინოსთ, ყ ვ ე ლ ა ს ა ხ ლ ა ვ ს ა ს ო ფ ლ ო თ დ ა ს დ ე ვ ი თ, და ჭარიმათაც გარდაახდევინეთ“¹⁶. ე. ი. პამულად ქცეული სასოფლო-სათემო მიწა, რომელიც სახელმწიფო ნებაართვის გარეშე იყო ათვისებული კვლავ სასოფლო-სათემოდ უნდა ექციათ. ასე რომ კახეთში მიწებზე არც ისეთი თავისუფლება ყოფილა, რომ გლეხს მიწის ნაკვეთი როგორც უნდოდა ისე მოეხნა, ან სავენახედ გადაექცია.

¹⁴ დოკუმენტები, I, გვ. 369.

¹⁵ ნ. ასათიანი, გლეხობა XVI—XVII საუკუნეების კახეთში, სადისერტაციო ნაშრომი, გვ. 160.

¹⁶ დოკუმენტები, II, გვ. 270.

ვენახი, ანუ მამული თუ რამდენად დიდი მნიშვნელობის ქონებას. წარმოადგენდა, ეს კარგად ჩანს აგრეთვე ვახტანგ VI კანონთა კრებულ-ლიდან, სადაც აღნიშნულია, რომ „ვენახის მქონეს გლეხს ბოგანო არა ჰქუიან, რაგინდ სხვა მამული ნაკლებად ქონდესო“¹⁷. ვენახის მქონე „ზეითის გლეხებში“ ითვლებოდა. ბოგანოსაგან განსხვავებით „ზეითა გლეხი“ მეტი შეუვალობით სარგებლობდა და, როგორც ჩანს, სახელმწიფო ამ გარემოებას გარკვეულ ანგარიშს უწევდა. ამიტომ სათემო სარგებლობის მიწები სახელმწიფო კონტროლის ქვეშ იყო მოქცეული. არავის არ ეძლეოდა უფლება ხელეყო სასოფლო მიწისათვის, რომლის მფლობელი მეფე იყო, ხოლო მომხმარებელი სახელმწიფო გლეხი, სოფლის თემის კაცი.

საყურადღებოა ის გარემოება, რომ მიუხედავად იმისა, რომ სახელმწიფო მიწა სათემო ან სასოფლო მოხმარების ობიექტს შეადგენდა, სოფლებს შორის მიწები მაინც იყო სათანადოდ გამოყნული. სხვა სოფლის წარმომადგენელი მეორე სოფლის სახნავ-სათესზე უფლებამოსილი არ იყო. ისტორიული დოკუმენტებიდან ჩანს, რომ ამ გარემოებას სახელმწიფო გარკვეულ ყურადღებას უთმობს. XVII საუკუნეში არჩილ მეფე ბოდბელ მთავარ ეპისკოპოსს მათეოზს აძლევს წიგნს, სადაც აღნიშნულია, რომ „ჩუენის ვეზირის რუჲს კაცები ჩამოსულიყვენ და თქუენს მამულში ჩელთუქი დაეთესათო“, იგი პირობას აძლევს, რომ მომავალში ასეთი რამ არ გამეორდებო¹⁸.

ნ. ასათიანი ყურადღებას აქცევს რა გ. ბოქორიძის მონაცემებს, აღნიშნავს, რომ კახეთში 83% სახნავ-სათესი მიწებისა საერთო-სასოფლო მფლობელობაში იყო, 17% კი ინდივიდუალურში¹⁹. ჩვენ ვფიქრობთ, რომ „სასოფლო მფლობელობა“ ფაქტიურ მდგომარეობას არ შეესაბამება. უმჯობესია ვიხმაროთ გამოთქმა „სასოფლო სარგებლობა“, რადგან ნ. ასათიანს თავის ნაშრომის 105-ე გვერდზე საგნებით სამართლიანად აქვს აღნიშნული, რომ „ყველაზე დიდი მიწის მფლობელი კახეთის სამეფოში — მეფეა. კახეთის მეფეს უშუალოდ ექვემდებარება თითქმის მთლიანად კახეთის მთიანეთი (თუშ-ფშავ-ხეც-სურეთი), ქიზიყი და გაღმა მხარის კახეთის დიდი ნაწილი²⁰. სახელმწიფო მიწას ამ შემთხვევაში ერთი მფლობელი ჰყავს მეფის სახით. გლეხობა ამ მიწით სარგებლობს, რისთვისაც მეფეს სათანადო გადა-

17 ი. დ. ლ. ი. ძე, ქართული სამართლის ძეგლები, I, გვ. 508.

18 დოკუმენტები, I, გვ. 370.

19 ნ. ასათიანი, დასახ. ნაშრომი, გვ. 150.

20 ი. ძე, გვ. 105.

ზახადს აძლევს. ამდენად სახელმწიფო გლეხი მიწის მფლობელი კი არ არის, არამედ მიწით მოსარგებლეს.

სახელმწიფო-სათემო მიწით სარგებლობა საქართველოს სხვადასხვა კუთხეში მეტ-ნაკლები განსხვავებით წარმოგვიდგება; მაგ., ქიზიყის სოფლებში სახნავ-სათესი მიწების სასოფლო კომლექტურად დაყოფის წესიც ჰქონიათ გამოყენებული და მისწრების წესიც. პირველი წესის მიხედვით სათემო მიწას სოფელი უბნეულად ანაწილებდა. უბნეში ზოგჯერ კომლები ოცეულებად იყოფოდნენ. უბანზე, ოცეულზე სოფელი საერთო დიდ ნაკვეთს გასცემდა, ხოლო ოცეულის შიგნით უბნის სამი კაცი აწარმოებდა დაყოფას. მიწის საზომ ერთეულად აღებული იყო საბელი — თოკი, რომელიც სიგრძით 10 საყენი უნდა ყოფილიყო.

სახელმწიფო გლეხთა მიერ მიწის ამგვარ, ე. ი. სათემო სარგებლობის წესში ილია ჭავჭავაძე ხედავდა იგივე უსამართლობას, რასაც ადგილი ჰქონდა კერძო მიწისმფლობელობაში.

„რაკი ამ სათემო მიწებში, — წერს ილია, — ყველა მკვიდრს სოფლისას ნება აქვს, საცა უნდა და რამდენიც უნდა ჰხნას, რა თქმა უნდა — მდიდარი და შეძლებელი გლეხი შეუძლებელსა სჩაგრავს, იმიტომ რომ შეძლებული ყოველთვის შეუძლებელსა დაასწრობს ხოლმე გუთანსაც და ფარცხსაც. გარდა ამისა, ვიწროობამ აიძულა ბევრი მკვიდრი, რომ მამული სხვებსავით დაისაკუთროს, დაიჩემოს. აქაც რასაკვირველია, ყოველი გარემოება შეძლებულს აძლევს უპირატესობას შეუძლებელის წინაშე. იშვიათი ამბავი არ არის, რომ შეძლებულ გლეხს სათემო მამულში უკეთესი და კარგი ბლომა ადგილები დაეჭიროს და დაეჩემოს საშვილიშვილოდ. ამ სახით, სხვანი ხელცარიელნი დარჩენილან და იმა შეძლებულისაგან თავისავე სათემო მამულს დალით იღებენ, რომ როგორმე თავი ირჩინონ“²¹.

ილიას აზრით, ეს საკითხი მოუგვარებელია და ჩვენი „სოფლის ტყვიის“ უწოდებს, რადგანო, — წერს იგი, — „მიწათ-მფლობელობის საქმეს ერთის მხრით ძლევამოსილად კერძოსაკუთრებისაქენ მიეზიდება, და მეორეს მხრით შესანიშნავის მარცხით სათემოსაქენ“²². ეს იყო ილიას მიერ იმდროინდელი სათემო მიწათმფლობელობის მდგომარეობის გენიალური განსაზღვრა, რომ ორივე შემთხვევაში სათემო მიწათმფლობელობა საითაც არ უნდა გადახრილიყო, კერძოსკენ თუ საზოგადო მფლობელობისაკენ, მაინც არ იყო ჩვენი სოფლის მიწათ-

21 ილია ჭავჭავაძე, თხზულებანი, ტ. III, 1952, გვ. 338.

22 იქვე.

შემდეგების ინტენსიფიკაციისათვის ხელსაყრელი პირობა. ილია ეძებდა გამოსავალს და მას სათემო მიწების განაწილების ამოსავალ პუნქტად სოფლისათვის, როგორც ეკონომიკური თვითმყოფადი ცალისათვის, კომლი მიაჩნდა. რადგან კომლი, როგორც საზოგადოებრივი, ისე ეკონომიკური სხეულია, რომელიც შეზღუდული არ არის სოფლისაგან. რუსეთში კომლის ნაცვლად გამოდის მუშა მამაკაცი, რომელიც სოფლიდან ისე ვერ გავიდოდა თუ სოფელი საამისო უფლებას არ მისცემდა. ილიას აზრით, მიწა კომლზე უნდა განაწილდეს მიწების მდგომარეობის დიფერენცირებული მიდგომით. თუ სოფელს ბევრი მიწა გააჩნია, იქ შესაძლებლად მიიჩნევა ვისაც რამდენის დამუშავება შეეძლო იმდენი აეღო. ხოლო მცირემიწიან სოფლებში განაწილება მომხდარიყო მტკიცე რეგლამენტით, რომ ყველას თანაბრად მისცემოდა²³. ილიას თავისი რჩევით ერთგვარი კორექტივის შეტანა სურდა სათემო მიწათსარგებლობის გაუმჯობესების საქმეში, მაგრამ კაპიტალიზმის განვითარებამ სოფლად მიწათმომქმედება თავისი გზით წაიყვანა. რაც სოფლად მსხვილი მიწათმფლობელური მეურნეობის წარმოქმნა-აღმავლობაში გამოიხატებოდა.

3. მიწის ზომის ერთეულები. კახეთში მიწის საზომად სხვადასხვა ერთეულს იყენებდნენ, მათ შორის ყველაზე მცირე ერთეულია ადლი. ადლი 4 მტკაველს უდრიდა, ანუ დაახლოებით 1 მეტრს, ადლის საშუალებით ძირითადად იზომებოდა საკარმიდამო მიწის ნაკვეთები და ვენახები. ადლი როგორც ზომის ერთეული, გავრცელებული იყო კახეთის ყველა რაიონში.

მიწის ნაკვეთების თუ ვენახების აზომვას აწარმოებდნენ საყენითაც, რაც სამ არშინს უდრის ე. ი. ერთი საყენი — 213 სმ.

გამოყენებული იყო აგრეთვე მხრის გაშლა, რაც საშუალო კაცის ორივე გაშლილი ხელის სიგრძეს უდრიდა და ზომაში მოდიოდა დაახლოებით 170 სმ.

აღმოსავლეთ საქართველოში მიწის შედარებით ზომის ერთეულად გამოყენებული ყოფილა აგრეთვე კაბლო²⁴.

კაბლო მიწის ზომის საშუალებებიდან ყველაზე უფრო ძველ ერთეულად მიგვაჩნია, კაბლოს ქვეშ, როგორც ჩანს, კახეთის სხვადასხვა კუთხეში სხვადასხვა ზომის ერთეული ივარაუდებოდა. დ. ცხაკაიამ გამოკვლევაში: „მათემატიკური მეცნიერების ისტორია საქართველოში“, — კაბალოს ზომის ერთეულის დადგენა სცადა. იგი ამისათვის და-

23 ილია ქავეკავეძე, დასახ. ნაშრომი, გვ. 345.

24 ა. რობაქიძე, მოდგამი როგორც ექსპლოატაციის ერთი ფორმა რევოლუციამდელ საქართველოში, მიმოხილველი, II, გვ. 415.

ეყრდნო ა. ნატროშვილის მიერ გასული საუკუნის ბოლოსათვის შედგენილ არითმეტიკის ამოცანათა კრებულში წარმოდგენილ ზომებს²⁵, რაც, როგორც ჩანს, ქიზიყის ყოფიდან უნდა იყოს აღებული (ა. ნატროშვილი ქიზიყელია).

ამის მიხედვით კაბლოს ქვეშ 13 მეტრად, კაცის 10 ფეხის სიგრძის მონაკვეთი იგულისხმება, ანუ როგორც ა. ნატროშვილის კრებულშია აღნიშნული, კაბლო ეტოლება 1 რუსულ საყენს, 1 არშინს და 3 1/2 ვერშოკს²⁶.

დ. ცხაკაიას აღნიშნული ზომები გადაყავს სანტიმეტრებში და აღგენს, რომ კაბლოს სიგრძე 3 მეტრს აღწევს²⁷, ეთნოგრაფიული მონაცემებით სამუშაო კაბლოს მეტრიცედ დადგენილი ზომა არსად არ დასტურდება. ამას ვერ ამოწმებს ვერც სხვადასხვა მუზეუმებში დაცული საფარცხო აღკურვილობანი, ფარცხი და კაბლო ყველგან თითქმის სხვადასხვა ზომებით არის წარმოდგენილი. იმავე ქიზიყში კაბლოს ზომა მერყეობდა 4 მეტრიდან 1,5 მეტრამდე. ეს უკანასკნელი სახედართი ფარცხვისათვის იყო განკუთვნილი. დიდი ზომის კაბლო კი გამოყენებაში იყო თითქმის ქიზიყის ყველა სოფლის სახნავ-სათესში.

მიუხედავად ამისა, როგორც ჩანს, კაბლო მაინც იყო განსაზღვრული ზომისა. სახელდობრ ქიზიყისათვის საფარცხი კაბლოს საშუალო ზომა 3 მეტრი შეიძლება ვივარაუდოთ, რაც შეეხება ზომის ერთეულ კაბლოს, ეტოლებოდა თუ არა იგი საფარცხ კაბლოს, ან მის შესაბამისად იყო თუ არა დადგენილი მისი ფართი, ჭერჭერობით ამის თქმა ძნელია.

კაბლოსთან დაკავშირებით სათანადო მასალა მოიპოვა ჯ. რუხაძემ და იგი გამოაქვეყნა კიდეც. ნაშრომში დაიმოწმა კავკასიის კალენდარში დაცული ცნობა, სიღნაღის რაიონში კაბლოს, როგორც ზომის ერთეულის, არსებობის შესახებ, სადაც მითითებულია, რომ კაბლო უდრის 12 მეტრად, ანუ 1 საყენს, 1 არშინს და 3 ვერშოკს. იმავე კალენდარის მიხედვით ერთი დღიური ყოფილა 72×6 კაბლოზე²⁸. ამის მიხედვით სიღნაღის კაბლოს დღიური უდრის 1296 კვ. მეტრს.

კაბლო, როგორც ზომის გამომხატველი ერთეული, გაღმა მხარის სოფლებშიც იყო გამოყენებული; სახელდობრ ახალსოფელში, გავაზსა და ჭიკაანში. აქაური მასალების მიხედვით, კაბლოში 200 კვადრატუ-

25 Д. Ц х а к а я, История математических наук в Грузии, Тб., 1959, стр. 35.

26 ი ქ ვ ე.

27 ი ქ ვ ე.

28 ჯ. რუხაძე და სხვები, სოფ. აკურა, გვ. 127.

ლი საეენა, დესეტინაში 12 კაბდოა. რაკი დესეტინაში 2 კახური დლიურია, მაშინ დლიური გამოდის 6 კაბდო, რაც 1200 კვადრატულ საეენს ეტოლება, ამდენად იგი სიღნაღის დლიურის მოცულობას ბევრით აღემატება. ყოველივე ზემოთქმულიდან გამომდინარე, კაბდო, როგორც მიწის ზომის ერთეული, ძალზე პირობითი ცნებაა და მეტად მერყევი ერთეული ჩანს.

გარდა ამისა, როგორც ზემოთაც აღვნიშნეთ, მიწის ზომის ერთეულად კახეთში მოქმედებდა თოკი.

თოკი, როგორც მიწის საზომი საშუალება, ქართლშიც იყო გამოყენებული. შიდა ქართლის ზოგიერთ სოფელში თოკის შესაბამისად ტერმინ ჯაჭვსაც ხმარობდნენ. ამ ტერმინის ხმარება გარე კახეთის ზოგიერთ სოფლებშიაც გვხვდებოდა; თოკის, როგორც ზომის ერთეულის შესახებ ისტორიულ წყაროებში მასალა არ ჩანს, მით უფრო არა ჩანს მასალა ჯაჭვის შესახებ. ყოფაში, როგორც ჩანს, თოკს როგორც ზომის ერთეულს, იყენებდნენ კავკასიის ხალხები. ამასვე იყენებდნენ რუსებიც, რუსეთში თოკით ზომიდან დაჩენილია ტერმინი „верваление“ და „веревка“, რის ქვეშაც მიწების დაზომვა გადაზომვა ან 1850 კვ. საეენი მიწის ზომა ივარაუდებოდა²⁹.

კახეთში მიწის ზომის შედარებით ერთეულად გამოყენებული იყო დლიური. დლიურის ქვეშ ივარაუდებოდა იმდენი, რაც ერთ დღეში ერთი გუთნით მოიხვნებოდა. ნიადაგის ღრმა ხენის აუცილებლობას აყენებდა კახეთის მთელი რიგი რაიონები; განსაკუთრებით ქიზიყის, გარე კახეთის და შიდა კახეთის ურწყავი მიწები. ამავ რაიონების სახნავ-სათესი მიწების უმრავლესობა მძიმე სახნავი ფენების შემცველად ითვლებოდა, რაც ხენის პროცესს ახანგრძლივებდა. გუთან იხნავდა დლიურად დაახლოებით 0,5 ჰექტარზე ცოტა ნაკლებს. ორი დლიური ერთ დესეტინას შეეფარდება. დლიურის და საერთოდ მიწის ზომის ერთეულად აღებული იყო საბელი. საბლით დაზომილ მიწებს საბლის მიწების სახელით ასახელებდნენ, რომელიც სათემო გადანაწილების ქვეშ იყო მოქცეული და რომელთა გადაზომვა საბლის ან თოკის საშუალებით ხდებოდა. ქიზიყის ზოგიერთ სოფელში საბლის მიწების ქვეშ კალოების ახლომახლო მდებარე მიწებს ვარაუდობდნენ, რომელსაც სტ. მენტეშაშვილის ცნობით 3—5 წელიწადში ერთხელ არევიდნენ და ხელახლა ანაწილებდნენ ხოლმე³⁰.

კახეთში ერთ დლიურზე მცირე ზომის სახნავ ფართობს საბლის სახელით გამოხატავდნენ ან თოკსაც იტყოდნენ. თოკის ქვეშ იგუ-

²⁹ Владимир Дал, Толковый словарь.

³⁰ სტ. მენტეშაშვილი, ქიზიყური ლექსიკონი, იხ. საბლის მწა.

ლისხმებოდა მიწის ის რაოდენობა, რომელიც 100 კვ. საეენს შეადგენდა.

საბლით როდესაც ზომავდნენ, ორ კაცს თოკის თავი და ბოლო ეკირა. ერთი წინ წავიდოდა, ერთი კი მიწის ზომის საწყისზე დადგებოდა. როცა თოკი დაიჭიმებოდა, წინა კაცი მიწაზე ნიშანს დადებდა ან თუ მიწა რბილი იყო მიწას ფეხს გამოკრავდა და ნიშანს აძლევდა. ერთნაირი ზომის მიწებზე წილი იყრებოდა, ვისაც რა ნაკვეთი შეხვდებოდა, იმას დაამუშავებდა. გაღმოცემით, ასეთ გადანაწილებას 10—15 წელიწადში ერთხელ მიმართავდნენ. საქართველოს მთის რაიონებში მიწის გადანაწილების რეგლამენტი უფრო მოკლე დროში თავსდებოდა. მიწის ხელახლა გადანაწილების მიზეზად მთაში ოჯახების გაყრილობას ასახელებდნენ. ამავე მიზეზს ასახელებდნენ ბარშიც, მაგრამ, როგორც ჩანს, ბარში დიდი ოჯახების დაშლა ხშირ მოვლენას არ წარმოადგენდა ისე, როგორც ეს მთის მოსახლეობაში ხდებოდა. ამასთან, ბარში მიწის ფართობი ძნელი მოსაპოვებელი არ იყო როგორც მთაში. განაყარ ოჯახს სახნავ-სათესი მიწის წილს სოფელი აძლევდა. უბანს სოფლიდან უნდა მიეღო შემატებული ოჯახის წილი, ამიტომ სოფელი იძულებული ხდებოდა მიწები ხელახლა გადაენაწილებინა.

კახეთის ზოგ რაიონში, როგორც ზემოთ აღვნიშნეთ, მიწის თემურ მფლობელობაში სახნავ-სათესის კომლექტურად დანაწილების გარდა, გამოყენებული იყო მისწრების წესით მიწის აღება. ამ წესს იყენებდნენ ქიზიყის ზოგიერთ სოფელში და ივრის ხეობაში.

მისწრების წესს უფრო იქ ჰქონდა გამოყენება, სადაც მიწა სათემო საკუთრებას წარმოადგენდა და სადაც მიწაზე ნაკლებობა საერთოდ არ იგრძნობოდა. თუმცა რასაკვირველია, ამ წესით სარგებლობა ძალმომრეობის მომენტს არ გამოირიცხავდა.

XIX საუკუნის პერიოდიკაში ამ წესის შესახებ ნათქვამია, რომ მხენელ-მთესველნი ერთ დღეს მიდიან სახენელი მოწყობილობითა და როცა მამულებთან მივლენ, იქიდან გაიქცეოდნენ. ვინც საღ მისწრებს, იქ ეუფლება მიწას და იმას ხნავსო. აქვე მიუთითებენ, რომ ამან ძალმომრეობითი ხასიათი მიიღო³¹. ზოგ სოფლებში ძალმომრეობას ისეთი ხასიათი მიუღია, რომ იძულებული გამხდარა ეს წესი შეეცვალათ სასოფლო მიწის კომლობრივად გადანაწილების წესით.

1884 წლის გაზ. „კავკაზში“³² აღწერილია მიწით სარგებლობის წესები კახეთში. აქ მოთხრობილია, რომ ივრის ხეობაში კარის მიწები

³¹ И в-о в, Землевладение в Иорском ущелье, К. 1894, № 63.

³² Кавказ, 1884, № 62.

არ ნაწილდება. მიწების ეს კატეგორია ოჯახების საკუთრებაშია მოქცეული. სოფელს გააჩნია სათემო მიწები, რომელიც კომლებზეა განაწილებული. მიწების გადაწილებიდან გადაწილებამდე კუთვნილი მიწა, თუ ოჯახს არ შეუძლიან მისი დამუშავება, შეიძლება გააქიროს და გაყიდოს.

მიწით სარგებლობის შესახებ საინტერესო სურათია დამოწმებული საგარეჯოსა და ნინოწმინდაში. აქ მიწა სათემო გამოყენებაშია, მაგრამ მიწის ნაკვეთი რომელიმე ოჯახზე არც მოზომილი და არც მიკუთვნებული ყოფილა. სოფელი სახნავედ ერთ დანიშნულ სამუშაოდღეს გადიოდა. როცა მიწის საზღვრებთან მივიდოდნენ, ყველანი აქედან გაიქცეოდნენ, მიწა საქცევებად იყო დანაწილებული წინასწარ და ვინც სად მოასწრებდა, საქცევის შუაში გაჩერდებოდა, მიწის დაკავების ნიშნად იმ მიწის ნაკვეთს დაიჭერდა და მოხნავდა³³. მაგრამ ამ წესით სარგებლობისას, ზოგიერთი ცხენზე მჯდომელისათვის გასაქცევი ადგილი მიწის ნაკვეთების საზღვრიდან გარკვეული მანძილით დაუშორებით, რომ ქვეითები ძალზე არ დაჩაგრულიყვნენ³⁴. არღუთინსკის ცნობით, მისწრებით მიწის სარგებლობის დროს გაქცევაში ქალები არ მონაწილეობდნენ.

მიწების სათემო დანაწილებაში გარკვეულად მოქმედებდა გლეხობის კატეგორიებად დიფერენცირება. ასე მაგ., სართიქალაში მიწები ნაწილდებოდა სოციალური მდგომარეობის მიხედვით. ლიტრის ნახევარი, ლიტრის და მესამედი ლიტრის შექლების გლეხობის შესაბამისობაზე.

მიწის სართიქალური დანაწილების წესში აშკარად ჩანს მიწის თემური სარგებლობის ადრინდელი სახის დაკარგვა, დაკნინება, რომლის შემდგომი სტადია უკვე მიწის საბოლოო კერძო საკუთრებაში მოქცევით აღინიშნება.

ჩვენ მიერ ველზე დაფიქსირებული მასალიდან ცხადად ჩანს, რომ სათემო მიწების გადაწილების საქმეში დიდი მნიშვნელობა ენიჭებოდა გლეხთა კატეგორიებს, გლეხთა შესაძლებლობას. მაგალითად, ბოდბისხეველი გიგა ჭაბაშვილის (76 წლისა, 1953) ცნობით „ბოდბისხევეს სათემო მიწები ჰქონდა, სოფელი ექვსად ვიყავით დანაწილებული, ექვს უბნად, სათემო მიწებს ექვსად გაყოფდნენ. მერე ამ მეექვსედს უბანი კომლობრივად გაიყოფდა. ვისაც საქონელი ყავდა, იმას

³³ А. М. Аргутинский, Экон. быт гос. крестьян Сигнахского уезда, МИЭКБГКЗК, т. IV, ч. 2, с. 213.

³⁴ იქვე.

მეტი ეძლეოდა, ვისაც არა იმათ თითო დღიური ეძლეოდათ. ვისაც საქონელი არა ყავდა, ვერა თესავდა, ის სამკალად გადიოდა ან მეკალოდ“.

სოფ. ქვემო მაღაროშიც ანალოგიურ გარემოებას ჰქონდა ადგილი. ამ სოფელში, როგორც მთხრობელი გადმოგვცემს, „უხარო და ხარიანი გაიყარნენ, ე. ი. საქონლის პატრონნი და უსაქონლონი. უსაქონლო მეტი იყო, ამათ თქვეს ჩვენ მინდორს მაგათ არ მივცემთო, უნდა მივიცილოთ და მიაყიდებდნენ ხოლმე“ (ვასილ გიორგის ძე აბულაშვილი, 65 წლისა, 1959, სოფ. ქვემო მაღარო).

ი. სეგალის ცნობით, თელავისა და სიღნაღის მაზრებში პრაქტიკაში იყო მიწის დაკავება, იმ მიწისა, რომელიც არავისაგან არა მუშავდებოდა ერთი დესეტინის ფარგლებში³⁵. მიწის ეს ნაწილი ე. წ. „არავისაგან რომ არა მუშავდებოდა“ — წარმოადგენდა სათემო მიწის გარეშე ოჯახის ნამატს, რომელსაც თემი ვერ შეუდიოდა და რომელიც საერთოდ ოჯახის სამემკვიდრეო ნაკვეთად მემკვიდრეობით გადადიოდა. ქიზიყში მიწის ამგვარ კატეგორიას „მამული“ ეწოდებოდა, ამავე მამულს პაპეულ მამულსაც უწოდებდნენ.

ვიდრე მიწის ესა თუ ის ნაკვეთი მამულად იქცეოდა ე. ი. მეურნე გლეხის დამკვიდრებულ საკუთრებად, მას „დაჩემებულის“ სტატუსი უნდა გაეცლო. დაჩემებულ მიწაზე აშენებდნენ ბალ-ვენახს. აქვე ხდებოდა დასახლება, ფუძის ჩაყრა, ხოლო მამულზე ფუძის მოშლა მიწას ნაფუძრის სახელით ნათლავდა. ისე როგორც მამული, ნაფუძარიც საშვილიშვილო მემკვიდრეობაში გადადიოდა და თემი მას ვერ შეუდიოდა.

თუ რა ჭრილში გამოიყურება გლეხის მიწის ფართობი, რომელსაც იგი საკალოე დანიშნულებით იყენებს ან ეგრეთ წოდებული მამული, ამასთან დაკავშირებით ურიგო არ იქნება გავეცნოთ სიღნაღის მხარეთმცოდნეობის მუზეუმში დაცულ გაყრილობის განაჩენს (საბ. სამ. № 7801).

„გაიყარნენ სიღნაღის უეზდის სოფ. ჭუგაანში მცხოვრებნი ილიკო და გორა სოსიას ძე ალადაშვილები და მიგვიწვიეს თავიანთ იმენის გასანაწილებლად და მოგვცეს ხელშეკრულების წერილიც, როგორითაც ჩვენ გავანაწილებდით ისინი ყაბულნი იყვნენ, თავიანთისაგან მოცემულის წერილის ძალით, ზაქარია გრიგორის ძე ალადაშვილი და ივანე ნოდარის ძე კიკილაშვილი შეუდექით გარჩევას და მოვთხოვეთ პირველად ვისაც ვალები ემართათ. თავიანთ დისა მაიკოსი ემართათ ექვსი თუმანი, მატრიანთ ფილოსი ემართათ ოთხი თუმანი,

³⁵ И. Сегаль, Крестьянское земледелие в Закавказье, с. 35.

ალადანთ ჭუნიასი ემართათ სამი თუმანი, ფიდოს სიდედრისა ემართათ ორი თუმანი. ეს ვალები უნდა უმეტნაკლებოდ გაიყონ.

სახლი თავის ავეჯით წილისყრით გორას ერგო. სახლი და ამბარი დავაფასეთ 27 თუმნათ. გორას ერგო, მარანი დავაფასეთ ორი თუმანი ესეც გორას ერგო. კალოს ნაშენობა დავაფასეთ 23 თუმნათ. ხუთშეტ თუმნათ დიდი გომი საბძელი და ჩარდახი, ხუთ თუმნათ ქოხი, სამ თუმნათ პატარა გომი. ესენი სულ ილიკოს ერგო. ნავიც დავაფასეთ სამ თუმნათ ნავიც ილიკოს ერგო. ამათ ყავდათ დედა და გასათხოვარი და. დედა და ქალი ცალკე გავიდნენ. დედას მივეციით საძმით ორი ხარი. სახელდობრ ერთი ჭონგა ხარი და ერთი ნოლა ხარი. ერთი სამი წლის დეკეული, ორი ცხვარი, ერთიც ქვევრი მივეციით ივანესეული ოცდაექვსი ჩაფიანი. მაროს მივეციით ერთი საცხვრე ყურიანი ქვაბი, ერთი დიდი სინი, ერთი ფარდაგი, ერთი ხალიჩა, ერთი ნაბადი და ხუთმეტი თუმანი ფული. ნახევარი ილიკომ უნდა მისცეს, ნახევარი გორამ უნდა მისცეს და დაწერეს ორთავე ვალად.

ურმები გაუყავით წილის დაყრით. ილიკოს ერგო ერთი ძველი საბარე უბე და ერთი ახალი საძნე. გორას ერგო ერთი ახალი საბარე და ერთი ძველი საძნე უბე.

კვიციები გავყავით წილის დაყრით. ბაცი კვიცი ილიკოს, შავი კვიცი გორას ერგო. გორას კიდევ ერგო წილის დაყრით ხარზაქი და ფანჯა ხარი, შამილა ხარი შავი დიდი ცხენის მაგივრად და ერთი საგორავი ნაბადიც სართათ დავადეთ. ლირებული ხუთმანეთიანი ციკანა ფურიც გორას ერგო. ჭერანა ფურის დეკეული, ციკანა ფურის მოხვერი გაიანესეული ტანა ესენი გორას ერგო.

ილიკოს კარგი სანთელა ხარი, ფურზაქი, თოქმა დეკეული თავისი ხბოთი და შავი ცხენი, ერთი ვირი, ჭერანა ფური ილიკოს მივეციით სათაოში. ერთი გუთანი თავისი გაწყობილობით, ერთი ბოსელი, ერთი ლაგამი. სასახლე გაიყვეს შუაზე. გორას მამულს სიგანე აქვს თავში 14 ადლი, სახლს უკან შუა ადგილს აქვს სიგანე 9 ადლი. საუბნო გზასთან ბოლოში აქვს სიგანე 9 ადლი, ბოლოში ჭუნია ალადაშვილის მიჯნამდინ.

გეგენას მხარეზე სასახლე ილიკოს ერგო. ილიკოს ადგილს აქვს თავში სიგანე 9 ადლი, შუაზედ 8 ადლი და ორი მტკაველი, ბოლოში 8 ადლი. თავში ზაქროს მიჯნამდინ ბოლოში გზამდინ ვიწრო ბახჩაც ილიკოს ერგო, რადგან ილიკოს სასახლე ვიწრო იყო გორამ ილიკოს მამულზე უნდა იაროს ვენახში. ვენახები, ცარიელი ადგილი და საკალუები ადგილი დავყავით. დიდი მიწა ორად გავყავით. წილის დაყრით თავში ილიკოს ერგო, ბოლოში გორას ერგო. ბოლოში საუფრო-

სოს დავადეთ ოთხი ქართული ადლი, გორამ უნდა ილიკოს ვენახზედ იაროს.

შინა ვენახი დავყავით, ბასიკოს მხარეზედ ილიკოს ერგო. დასავლეთით მიხას მხარეზე გორას ერგო. თავში შაშალაკი ლეღვი რო დგას, ორ თავისა არის. ილიკოს მხარეზე რომ გადაწვდილი ტოტი არის და ერთი მაღალი კენწერო ესენი ილიკოს ერგო. დანარჩენი გორას ერგო.

კალოზედ არხი ბასილაურში გავყავით წილის დაყრით. ბოლოში — ილიკოს ერგო, თავში გორას, შუაზედ დედას მივეცი. ზემოთა მხარე გავყავით წილის დაყრით.

სამხრეთით გეგენას მხარეზე ილიკოს ერგო, ჩრდილოეთით მიხას მხარეზე გორას ერგო. შიგ რომ არხი არის ეს არხი ორთავ უნდა გადაწვინონ(?).

ახალი ნაყიდი საკალოე გავყავით წილის დაყრით, რომელიცა იყიდეს ქიტიადამ და ფიდოდამ. ილიკოს მივეცი ორ წილი, რადგან ლევანას წილი ჩაუდეთ და ერთი წილი გორას მივეცი სამხრეთით მხარეზედ. ილიკოს ერგო ჩრდილოეთით. საბას მხარეზედ გორას ერგო. ილიკომ უნდა შალობოს ქიტის მხარეზედ, გორამ უნდა შალობოს შუაზედ.

საკალუე გავყავით წილის ყრით. ილიკოს ერგო სამხრეთით გეგენას მხარეზედ და გორას ერგო ჩრდილოეთით მიხას მხარეზედ.

ქვევრები გავყავით, ილიკოს მივეცი ორ საპნიანი ქვევრი. ერთი ექვს ჩაფიანი. გორას ერგო ოთხი ზედაშე და ერთი გატეხილი ქვევრი. ილიკოს ზედაშესთან დავი აღარ აქვს. ილიკოს შენობა გამოვიდა ოცდაექვსი თუმნისა. გორას ნაშენობა გამოვიდა ოცდაცხრა თუმნისა. გორასაგან ილიკოს კიდევ ერგებოდა ხუთმეტი მანეთი, რადგან ლევანს წილი დაუდეთ მამულში. ილიკოს ერთი მანეთი გორასათვის უნდა მიეცა. ექვსი მანეთიც ლევანსავე მივეცი. კიდევ ილიკოს ერგება გორასაგან რვა მანეთი. ამას გარდა რაც ვალი აღმოუჩნდებათ ანუ ფული ერთობისა ისიც შუაზე უნდა გაიყოს.

ათას რვაას ორმოცდა ოთხსა წელსა გიორგობის თვის ოცდა ორსა დღესა ამა განაჩენსა ვამოწმებ სოფლის მამასახლისი.

ილიკო და გორას თხოვნით მალხაზ ზიდა...“

საბუთს ამოწმებს ბეჭედი.

წარმოდგენილი საბუთი მრავალმხრივ არის საყურადღებო: პირველი რაზედაც ყურადღებას ვამახვილებთ, ეს არის ის, რომ ჩვენ საქმე გვაქვს საშუალო შეძლების ოჯახთან. ამ ოჯახს გააჩნია საკალოე ადგილები, აქვს მამულები, ბაღჩა და ურმის ოთხი უბე. ცხენე-

ბი, სამი ძროხა და მისი ნამატი და სხვ. მაგრამ ამ ოჯახის გაყრილობის წიგნში არ მოიხსენიება სახნავ-სათესი მიწები, რომელიც რომ ჰქონოდათ, შეუძლებელია, რომ არ გაენაწილებინათ. მამულს ადლით ზომავდნენ და ისე ინაწილებდნენ. ეს მამულიც, ეს საკალოეც ოჯახის კერძო საკუთრებას წარმოადგენდა, ხოლო სახნავ-სათესი ოჯახთაგან შეუვალი იყო, ის სათემო საკუთრებას წარმოადგენდა. ასეთი სათემო მიწების დაკავება სახნავ-სათესი ოჯახთაგან შეუვალი იყო, ის სათემოსაკუთრებას წარმოადგენდა. ასეთი სათემო მიწების დაკავება სახნავ-სათესად ან მისწრების წესით წარმოებდა, ან პერიოდული გადაწელების წესით. ქიზიყისათვის ძირითადად მაინც მისწრების წესთანა გვაქვს საქმე.

მისწრებით მიწით სარგებლობის საინტერესო მაგალითი აქვს აღწერილი არლუთინსკის ქიზიყის სოფლებში. იგი აღნიშნავს, რომ ქიზიყის ქართულ სოფლებში მისწრებით „მიწის მფლობელობა“ (ასე უწოდებს იგი — გ. ჯ.) დიდი ხანია რაც არსებობს, ხოლო 30—40 წლის წინ შემოიღეს სათემო მიწების დროდადრო გადაწელება. მისი მონაცემების მიხედვით სათემო მიწების მოხვნის დღე როცა დადგებოდა, სოფლიდან მისწრებაში მონაწილეობის მიღების უფლება მარტო გუთნისდებებს ჰქონდათ. გუთნისდებები მამასახლისის მიერ დანიშნული ადგილიდან გაიქცეოდნენ და სადაც მოასწრებდნენ იმ ნაკვეთში გაჩერდებოდნენ. გუთნისდებები შემდეგ მიწის ნაკვეთს მოღგამის წევრებს უნაწილებდნენ იმ რაოდენობით, რამდენი ხვნადლეც ერგებოდა მოღგამიდან³⁶. თუ როგორ უნდა წარმოვიდგინოთ მიწის მისწრებითი დაკავება იმ შემთხვევაში, როცა დიდი გუთნის გვერდით მსუბუქი სახვნელებიც მოქმედებდა, როგორც სახვნელი იარაღი, ან რა მდგომარეობაში იყო უხარო კაცი, რომელიც მოღგამში ვერ შედიოდა, ამის შესახებ არლუთინსკი არაფერს გვაუწყებს. მიუხედავად ამისა, აღწერილი ფორმა მიწის დაკავებისა, საყურადღებოა იმიტომ, რომ გუთნისდელა აქ მოღგამის წარმომადგენლად გვევლინება.

ისმის კითხვა, ხომ არ არის ეს წესი ძველი ე. ი. მისწრებით სათემო მიწის აღება დასაძუშავებლად. მასთან ერთად, გუთნისდებები ხომ არ იყვნენ გვარის შემდგომი სეგმენტაციის ნიადაგზე მიღებული მოღგამების — მეკომეების წარმომადგენელი და აქედან ხომ არ წარმოიქმნა სახვნელის ირგვლივ შედგენილი სამეურნეო გაერთიანების ზოგადი სახელი მოღგამი-მონდავი-მანდავი-მეკომე, რომელი სახელე-

36 არლუთინსკი, დასახელებული გამოკვლევა, გვ. 212, 213.

ზიც უნდა წარმოქმნილიყო ტერმინების: მოდგმის, მონაგარისა და მეკომურის ძირებზე.

სათემო მიწებით სარგებლობის კიდევ ერთი წესი დავამოწმეთ კახეთში. ეს არის მიწის განაწილება მკლავზე. ამ წესთან დაკავშირებით მასალა ჩაეწერეთ სოფ. ქვემო მალაროში. მთხრობლის გადმოცემით „ქვემო მალაროს სახნავ-სათესი მიწები შორსაც ჰქონდა და ახლოსაც. შორს მდებარე მიწებს არ ანაწილებდნენ (იგულისხმება სათემო მიწები), ახლო რომ მიწები იყო, იმას მკლავზე ანაწილებდნენ ე. ი. მამაკაცზე. ვაჟი 16 წლის მერე მკლავად ითვლებოდა. მასზე გადასახადიც გაიწერებოდა და მიწის განაწილებაშიც მიიღებდა მონაწილეობას. ქალებზე მიწა არ ნაწილდებოდა“. სოფლად უსაქონლო მეტი იყო, ვიდრე საქონლიანი. ამიტომ უსაქონლო ვერც მიწას ამუშავებდა. უსაქონლო გლეხი წილში ნარგებ მიწის ნაპერს ვიდრე განაწილება გამეორდებოდა, მიაყიდებდა საქონლიანს“ (ვასილ გიორგის ძე აბულაშვილი, 65 წლ., სოფ. ქვემო მალარო). ან იყო შემთხვევები, როცა უსაქონლო მიდიოდა მოდგამის წევრად სხვის ხარჯზე. სოფლის თემის საუბნო მიწების შიგნით დანაწილების შემდეგ მიწის ნაკვეთების მკვეთრი ზღვარის დადება, გამიჯვნა იშვიათად ხდებოდა.

ის გარემოება რომ ნათესი მიწები მკვეთრად არ იყო გამიჯნული თვით უბნის შიგნით, ხშირად იწვევდა მთელ რიგ გაუგებრობას. ზოგჯერ სავარაუდო მიჯნები ერეოდათ და სხვისას ხნავდნენ. ან წინასწარ განზრახვითაც ხნავდნენ სხვისას. ეს ხდებოდა იმ შემთხვევაში, როცა სხვას უკეთესი მიწის ნაკვეთი შეხვდებოდა. მაგ., სიღნაღის რაიონულ არქივში დაცულია ხირსის საზოგადოების საკანცელარიო დავთარი, რომელშიც № 6, 1912 წლის საბუთიდან ჩანს, რომ ხშირად ერეოდათ სახნავი მიწები. პრასიანელი ილა ფიფოს ძე მამისაშვილი უჩივის თანასოფლელ იოსებ ხაჩიშვილს, რომ მან მოუხნა წილში ნარგები მიწა. მოპასუხე შეცდომას იმით ხსნის, რომ ვერ მიაგნო თავის კუთვნილ ნაკვეთს. ამიტომ დათესილი მიწა უბრუნდება მომჩივანს, ხოლო მომჩივანმა უნდა მისცეს იოსებ ხაჩიშვილს 15 ლიტრა ქერი, რაც დათესა ერთ დღიურში, სამი მანეთი და ათი შაურიც ჯერისა.

იმავე საკანცელარიო დავთარში დაცულია 1909 წლის № 50 საბუთი. ამ საბუთიდან ჩანს, რომ სხვისი მიწა შეცდომით კი არ მოუხნავთ, არამედ წინასწარ განზრახვით. გადაწყვეტილებაში ნათქვამია რომ “1909 წელსა გიორგობის თვის 15 დღესა ოზაანში მცხოვრებმა ვანო მიხეილის ძე მეხრიშვილმა შემოიტანა საჩივარი და წარმოადგინა ოქმი დაწერილი 1909 წელსა თიბათვის 28 დღესა საიდანაც ჩანს, რომ ოზაანელს მალაქო ილიას ძე მეხრიშვილს ჰუეთში მოუხნავს მა-

წიგრის მიწა და გუთანიც მოუტყდენია, დავიბარეთ მოპასუხე, გამოცხადდა და არ იკისრა. ვკითხეთ მოწმეებს ოზაანში მცხოვრებთ მოსე დავითის ძე მეხრიშვილი და ილია მიხეილის ძე მეხრიშვილი. ამათ დაამტკიცეს, რომ მართალია მიწა მოუხნა და გუთანიც მოუტყდინაო და ამ მიწაში ფეტვიც მოუვიდოდა ექვისი კოდი და სხვა“.

აქვე, ამ დავთარში დაცულია სხვა ანალოგიური ხასიათის საბუთებიც, ყოველივე ეს იმაზე მიუთითებს, რომ თემის შიგნით მიწა ოცეულებად იყო თუ უბნეულებად დანაწილებული, ძალმომრეობა მაინც მოქმედებდა. ძლიერი მეურნე სუსტს ჩაგრავედა.

მისწრებითი წესით მიწის დამუშავება იმასაც ვარაუდობს, რომ მიწა არ იყო ნორმირებული, მიწის დამუშავებას სოფელი კონტროლს არ უწყევდა, ვისაც რამდენი შეეძლო, იმდენს მოხნავდა და იმდენს დათესდა.

სოფლის შიგნით მიწაზე თავისუფალი მოქმედება, როგორც აღვნიშნეთ, ძალმომრეობას არ გამორიცხავდა. იგივე გარემოება ხელს უწყობდა გლეხობის შემდგომ დიფერენცირებას. ძლიერი დიდი ოჯახები მეტს ხნავდნენ და თესავდნენ, რაც XIX საუკუნეში, როცა ხორბლეული აქტიური ვაჭრობის საგანი გახდა, კარგი შემოსავლის წყაროს წარმოადგენდა. ქალაქების სიახლოვეს განლაგებულმა ზოგიერთმა სოფელმა საამისო ორიენტაცია ადრიდანვე აიღო.

მიწათმოქმედებიდან მიღებულმა შემოსავალმა ეპოქის შესაბამისი სოფლის სოციალური სტრუქტურა შექმნა. კახეთის წვრილი აზნაურობა ეკონომიურად იქამდე დაეცა, რომ მათ გლეხების ვალები ჰქონდათ და მათთან იდგნენ მოჯამაგირებად. აი რა გადმოგვცა ქვემო მაჩხანელმა 85 წლის მოხუცმა დიმიტრი ნიკოლოზის ძე ჯალიაშვილმა (1960): „ქვემო მაჩხანელებს არც თავადები ჰყოლიათ, არც აზნაურები. ზემო მაჩხანში იყვნენ აზნაური ბოსტვიშვილები და პრასიანში ნაცვლიშვილები, ისინი ისე ღარიბები იყვნენ, რომ გლეხებთან იდგნენ მოჯამაგირებთ“.

სოფელ საბუეში თავად ჯორჯაძეებს უამრავი ვალი ჰქონდათ თავისივე ყმა გლეხებისაგან აღებული.

ქალაქური ცხოვრების შემდგომმა აღმავლობამ, რაც კაპიტალიზმის განვითარებას მოჰყვა, სოფლად შესაბამისი ცვლილებები გამოიწვია. სამიწათმოქმედო რაიონის მოსახლე გლეხობამ კურსი აიღო ისეთ სათეს კულტურებზე, რომელიც გარდა შინაგანი საოჯახო მოთხოვნებისა, საბაზრო მოთხოვნილებას პასუხობდა. ერთბაშად დაეცა ფეტვის მოყვანა და იგი სიმინდის კულტურამ შეცვალა. მიუხედავად ამისა, კახეთის ურწყავ რაიონებში ფეტვის კულტურა მაინც რჩებოდა მარცვლეულის წამყვან სახეობად.

ფეტვის თესვას გარკვეულ ანგარიშს უწევდნენ მიწის სათემო გადანაწილების საქმის რეგულირებაში. როგორც გლეხები აღნიშნავენ „ფეტვი მიწას ალაღებს და ქიზიყში იტყვიან, „ნაფეტვარი ისე არ წაერთმევა კაცსა, როგორც ცოლიო“. ნაქერალსა და ნაყანარზე ვინც გუთანს მიასწრებდა ის მოხნავდა, ნაფეტვარზე კი ეგრერიგათვერ შევიდოდნენ“.

ეს გარემოება მაინც წარმოადგენდა ისეთ პირობას, რომელიც მიწის მითვისება-დაჩემების ტენდენციას ქმნიდა.

აღსანიშნავია, რომ სახნავ მიწაზე შედარებით თავისუფალმა დამოკიდებულებამ საქართველოს ზოგიერთ კუთხეში შესაბამისი შრომის ორგანიზაციის ფორმის გამომუშავებას მისცა საფუძველი. ასე, მაგ., საინგილოში მოდგამად შესულს ქართლ-კახური მოდგამობის მსგავსად ნორმირებული არ ჰქონდა მოდგამში ხვნის დღეების რაოდენობა. მოდგამის წევრს შეეძლო იმდენი დღით ემუშავებინა გუთნეული, რამდენიც მისი ოჯახის მოთხოვნილებას დააკმაყოფილებდა. ერთი მხრივ სახნავი მიწების ასეთი თავისუფლად დამუშავება იმით უნდა ყოფილიყო გამოწვეული, რომ იმ რაიონებში სადაც აღნიშნულ წესებს იყენებდნენ, მეურნეობის ერთ-ერთ წამყვანს მსხვილფეხა მესაქონლეობა შეადგენდა. გარდა ამისა, იყო რიგი გარემოებები, რომელიც აგრეთვე აპირობებდა თვით მიწის თემური წესით სარგებლობის წესებს და დასახელებულ რაიონებში მსხვილფეხა მესაქონლეობაზე ორიენტაციას, პირველ რიგში აქ შეიძლებოდა მძიმე საგარეო ვითარება დაგვესახელებინა, რამაც მოშალა და დაქვეითების გზაზე დააყენა სარწყავი სისტემები, რომელზედაც დაფუძნებული იყო განვითარებული ფეოდალური მიწათმოქმედება.

მონღოლთა შემოსევების შედეგად, როცა ქვეყნის გარკვეულ რაიონებში (სახელდობრ ქიზიყი და გარე კახეთი) განვითარებული მიწათმოქმედებისათვის საგარეო ვითარების შედეგად ბაზისი მოშლილი იყო, იგივე გარემოება მეცხოველეობის განვითარებას ხელს ნაკლებად უშლიდა, იმდენად რამდენადაც მეცხოველეობა მეურნეობის მოძრავი ფორმაა, რომელიც შეიძლება სწრაფად გადაადგილო, მტრის შემოსევას მოარიდო და ამდენად განადგურებას გადაარჩინო. ჩანს რომ მონღოლთა ბატონობის ხანაში და შემდეგაც ზემოთ დასახელებულ რაიონებში მემინდვრობას მსხვილფეხა მესაქონლეობა გაეტოლლა; მიუხედავად ამისა, მემინდვრობა მაინც მაღალ დონეზე იდგამას აპირობებდა როგორც მყარი საფუძველი ამ მეურნეობისა, ისე გარემო პირობები, და თვით ამ მეურნეობის წარმოების აუცილებლობა.

4. სამეურნეო კულტურები. კახეთში გავრცელებული მინდვრის კულტურები იყო: დოლი წითელი და თეთრი, თავთუხი, შავფხა, პოშოლა, ხულუგო, დიკა, გაზაფხულის ქერი, ასლი, ქვაკვი, შემოდგომის ქერი, შავი ქერი, სიმინდი, ლობიო, მუხუდო, ცერცვი, უგრეხელი, ფეტვი და ბრინჯი. დასახელებული კულტურებიდან დიდი გავრცელება ჰქონდა დოლის პურს, თავთუხს, ქერებს და ფეტვეულს. ბევრი ითვისებოდა უგრეხელი და მუხუდო. ტექნიკური კულტურებიდან უთესიათ ბამბა და ენდრო. შუა საუკუნეებში დიდი ყურადღება ექცეოდა ბრინჯის მოყვანას. ბრინჯი კახეთის ისტორიულ საბუთებში ჩელთუქის სახელით მოიხსენიება, ხოლო ნაკვეთი, რაზედაც ბრინჯი მოჰყავდათ საჩელთუქე ალაგად³⁷.

კახეთში რომ საერთოდ ბრინჯი დიდი რაოდენობით მოჰყავდათ, ამაზე მიუთითებს ვახუშტი ბატონიშვილი, იგი კახეთიდან განსაკუთრებით გამოყოფს გაღმა მხარის მეურნეობას, რომელსაც შემდეგ დახასიათებას აძლევს: „და არს ქვეყანა ესე შემკული ყოვლითა და, უმეტეს კახეთის ადგილთა წყლითა, წყართა, მდინარითა, ტყითა, ხილითა, რამეთუ ტყენიცა ხილნარითა სავსენი არიან... არამედ უფროს გაღმაქვარს შინა და უმეტეს ელისენში; აგრეთვე ბამბასა და ბრინჯსა სთესენ, გარნა იორის პირსაცა ზედა მრავალსა სთესვენ ბრინჯ-ბამბასა“³⁸.

დასახელებულ რაიონებში რომ ბრინჯი მოჰყავდათ, ამ ცნობას ვახუშტიზე ცოტა მოგვიანებით იმეორებს XVIII საუკუნის მოგზაური გიულდენშტედტი³⁹.

1960 წელს კახეთის ეთნოგრაფიულ ექსპედიციაში მუშაობის დროს შესაძლებლობა გვქონდა გავცნობოდით სოფ. სიღნაღის მხარეთმცოდნეობის მუზეუმში დაცულ სამეურნეო იარაღებს, რომელთაგან ჩვენი ყურადღება მიიქცია რკინის სახნისის ფორმის ბარებმა, რომლებიც არც ბარებს წარმოადგენდნენ, არც სახნისებს (სიღნაღის მუზ. კოლ. № 79, 80 ან 81); ისინი ბრინჯის დასამუშავებელი ბარებია. აღნიშნული ნივთების საყუფე სახნისივით არის პირგახსნილი, ფორმით კი ბარს წააგავს, ანალოგიური ბრინჯის ბარები ოდნავი განსხვავებით 1953 წ. ჩამოვიტანეთ ყვარლის რაიონის უღების სოფელ ზინობიანიდან. მათში სამუშაო პირი უფრო ბლაგვია და ოვალური. მათი ფორმების თავისებურებანი ადვილი შესაძლებელია, რომ ნიადაგების თავისებურებებით იყო შეპირობებული.

37 დოკუმენტები, I, გვ. 368—370.

38 ვახუშტი, აღწერა სამეფოსა საქართველოსა, 1941, გვ. 103.

39 გიულდენშტედი, მოგზაურობა საქართველოში, 1962, გვ. 17, 67.

გარეკახეთის ველებზე, განსაკუთრებით სამგორ-ვაზიანის მინდორში ითესებოდა დოლისპური, თავთუხი, ქერი და ფეტვი, გლეხთა დაკვირვებით, თავთუხს გადაგვარება სცოდნია. იგი ყოველ მესამე წელს სათესლედ ისე უნდა აეღოთ, რომ კვლავ სუფთა თავთუხი მიეღოთ. უკიდურეს შემთხვევაში იგი დადოლდებოდა, ანუ, როგორც ადგილობრივ უწოდებენ, დადოლმიშდებოდა. დადოლება-დადოლმიშების საწინააღმდეგო ღონისძიებას ასე ახორციელებდნენ: მესამე ან მეოთხე წლის თავთუხის მოსავლიდან იღებდნენ სრულ თავთავებს, წვერს წაატეხავდნენ და ქვედა ნაწილს გადადებდნენ სათესლედ, ამ წესით მიღებული თავთუხის თესლი კვლავ სამ წელიწადს თავთუხობდა, მეოთხე წლისათვის კი თუ — დადოლება არ უნდოდათ, იგივე ღონისძიება უნდა ჩაეტარებინათ, ამ წესს სამგორში პურის ან თავთავის დაკოდვას უწოდებენ.

ელდარის ველებზე ძირითადად ორი კულტურა ითესებოდა: დოლის პური და ქერი. აღსანიშნავია, რომ გაღმა მხარეში დიდი რაოდენობით ითესებოდა შავი ქერი, რომელსაც, როგორც ადგილობრივი იუწყებიან, დიდი მაწივრობა გააჩნდა და ძირითადად საფურაჟედ იყო გამოყენებული. უნდა აქვე შევნიშნოთ, რომ შავ ქერს ბოლო ხანებში უმნიშვნელო რაოდენობით თესდნენ და შემდეგ სულაც აღეს ხელი მასზე. მთხრობელთა დაკვირვებით შავი ქერი მხურვალეა და ზამთრის პერიოდში ცხენებისათვის საუკეთესო საკვებად იყო მიჩნეული. როგორც ჩანს, მეცხენეობის მოშლას ამ კულტურაზე ორიენტაციის დაკარგვა მოჰყვა.

კახეთის თითქმის ყველა კუთხეში დიდი რაოდენობით ითესებოდა ფეტვი საფურაჟე დანიშნულებით. იგი სიმინდთან შედარებით უფრო მეტ მოსავალს იძლეოდა, მაგ., ერთ დესეტინაზე თუ პური 60 ფუთი მოდიოდა, ქერი 66, ხოლო სიმინდი 72 ფუთი, ფეტვი 78 ფუთი დგებოდა⁴⁰.

აღნიშნული ცნობა ფეტვის მოსავლის შესახებ არლუთინსკის ეკუთვნის, ჩვენი მთხრობლის ცნობითაც ერთ დღიურზე 10 კოდის ე. ი. 30 ფუთის მიღება შეიძლებოდა ე. ი. დესეტინაზე 60-ზე მეტისა (მოძღვრიშვილი მიხეილ საბას ძე, 64 წლ., 1960, შილდა).

თუ ერთი დესეტინა პურის ნათესს 7 ფუთი თესლი სჭირდებოდა, ერთი დესეტინა მიწის ნაკვეთში ნახევარი ფუთი ფეტვიც მეტი იყო.

⁴⁰ არლუთინსკი, გვ. 276.

გარდა აღნიშნულისა, კახეთში ფეტვის თესვას გლეხობა მიწის დასარეველიანების წინააღმდეგ ბრძოლის საუკეთესო საშუალებად მიიჩნევა.

გარე კახური ეთნოგრაფიული მასალების მიხედვით, ფეტვი ორგვარი ითესებოდა. ძურწა ფეტვრ, რომელსაც ძურწა ბალახის თავთავის მსგავსად მოშავო ფერის, გრძელი და მრგვალი თავთავი გააჩნდა და ქვრიმა ფეტვი, რომელსაც საცოცხესავით გაშლილი თაველი ჰქონდა.

სამეცნიერო ლიტერატურაში გამოთქმულია მოსაზრება, რომ ქვრიმა ფეტვი ფეტვთა შორის ყველაზე დაბალხარისხოვანი მარცვლეულის მომცემი ყოფილა.

აკად. ივ. ჯავახიშვილი, ეყრდნობა რა „ვეფხისტყაოსანში“ მოცემულ დაპირისპირებას ქვრიმასა და მარგალიტს შორის, მიაჩნია, რომ ქვრიმა უხარისხო მარცვლეულის მომცემი უნდა ყოფილიყო⁴¹. აკად. ვლ. დეკაპრელევიჩი, ეყრდნობა რა შოთა რუსთაველის აღნიშნულ შედარებას, ქვრიმას მიიჩნევს ფეტვის დამსარეველიანებლად⁴².

დასახელებულ მოსაზრებებს ეთნოგრაფიული მასალა მხარს არ უჭერს. მაგ., როგორც სამგორის ისე არაგვის ხეობაში დაგვიმოწმეს, რომ ამ ორი ჯიშიდან უპირატესობა, ხვრიმას ანუ ქვრიმა ფეტვს ჰქონდა. არაგვის ხეობაში ძურწა ფეტვს უწოდებენ კუდიან ფეტვს, ხოლო ქვრიმა ფეტვს — ტოტიან ფეტვს. არაგველების დახასიათებით „კუდიანმა ფეტვმა არც ხვავი იცის არც გემო უვარგა. ტოტიანმა ფეტვმა ხვავიც მეტი იცის და გემოთაც კუდიან ფეტვსა ჯობიანო“.

კახეთის პირობებში ფეტვის მაღალმოსავლიანობით გლეხობა დიდად ყოფილა დაინტერესებული. განსაკუთრებით მათ იყენებდნენ წვრილფეხისა და ქოსმენის სასუქად. ფქვავდნენ და აცხობდნენ ფეტვის მკვადს, ურევდნენ პურთან ერთად და სხვ.

ფეტვი გაზაფხულზე ითესებოდა. საგაზაფხულო ხენას საფეტვეების ხენასაც უწოდებდნენ. ფეტვი ჩვეულებრივ მარტსა და აპრილში უნდა დაეთესათ რომ აგვისტოს დასაწყისისათვის შემოსულიყო.

კახეთის პირობებში დიდი მნიშვნელობა ჰქონდა თესვის ვადების დაცვას, რადგან მეტი წილი სახნავ-სათესისა ურწყავზე მოდიოდა. ურწყავ მიწებში კი თესვის ვადების დაცვას თესლის დროზე აღმოცენებისათვის და განსაკუთრებით საანეულო ნათესებისათვის, დიდი მნიშვნელობა ენიჭებოდა.

41 ივ. ჯავახიშვილი, საქ. ეკონომ. ისტორ., წ. I, გვ. 365.

42 შოთა რუსთაველის დროინდელი მატ. კულტურა, 1938, გვ. 17, 18.

კახეთის მიწების კულტურებს ფეოდალური საქართველოსათვის დიდი სახელმწიფოებრივი მნიშვნელობა ჰქონდა. XIX საუკუნის დამდეგსაც კახეთის სოფლები პურის დიდი რაოდენობით იბეგრებოდნენ. მართო ვალმა მხარეზე, მატანიდან გავაზებამდე, 2500 კოდი პური და 475 კოდი ქერი იყო გადასახადის სახით გაწერილი. ამავე სიის მიხედვით შიგნით კახეთს 1600 კოდი ქერი და პური ჰქონდა შეწერილი⁴³.

როგორც ჩანს, კახეთის სარწყავი რაიონის სოფლებს XIX საუკუნის მეორე ნახევრისათვის კურსი აუღია სიმინდის მოყვანაზე. განსაკუთრებით ვალმა მხარის სოფლებს მიუქცევიათ ყურადღება სიმინდის კულტურისათვის, შეხაძლებელია ეს საქმე დასახელებულ რაიონში დასავლეთ საქართველოდან საცხოვრებლად ჩამოსახლებულმა გლეხობამ წამოიწყო. მათ დასავლეთში ორიოდ საუკუნის გამოცდილება გააჩნდათ სიმინდის მოვლა-მოყვანის ხელოვნებაში. კახელები კი სიმინდს ეგრერიგად პატივს არ სცემდნენ. საკმაოდ გვიანდლამდე კახეთში სიმინდის ტაროს შენახვის საშუალება არ შექმნილა; ტაროს ფუჩეჩით კიდებდნენ ხის ტოტებზე, სახლის ან ბეღლის საჩეხში. მხოლოდ მოგვიანებით და ისიც ისევ ვალმა მხარის სოფლებში გამოჩნდა წნელით მოწული, ბოძებზე შედგმული სასიმინდე გოდრები, რაც შემდეგ მეზობელ რაიონებშიც თანდათანობით გავრცელდა.

სიმინდი, ისე როგორც ფეტვი, გაზაფხულზე ითესებოდა და აღმოცენებიდან ორი კვირის შემდეგ პირველი თოხნა სჭირდებოდა. სიმინდის მეორე თოხნა პირველი თოხნიდან 3 კვირის გავლის შემდეგ იყო საჭირო. თოხნის დროს მიმდინარეობდა სარეველა ბალახების გამოთოხნა და ზედმეტი სიმინდის მოცილება. მეორე თოხნის დროს პროცესი მეორედებოდა იმ განსხვავებით, რომ თუ ადგილი ფიცხი იყო, იქ სიმინდს ძირზე მიწას არ შემოაყრიდნენ. მთხრობელთა დაკვირვებით, რაც მეტი მიწა ექნება სიმინდს შემოყრილი ძირზე, მით უფრო მეტ სიმხურვალეს აიღებს მიწა, სიმინდის ძირს მეტად შეაწუხებს და დასწვავს.

სიმინდის ძირებზე მიწის შემოკოკოლავენას მიმართავდნენ ნოტიო და სარწყავ რაიონებში, ქარის დროს სიმინდი მიწაზე რომ არ დაეცემულიყო და ფესვი მაგრად მოედგა⁴⁴.

43 შ. ხანთაძე, სახელმწიფო პურის გადასახადი (სურსათი) ქართლ-კახეთში მე-19 საუკუნის დამდეგს, მასალები საქართველოს და კავკ. ისტორ., ნაკვ. 32, 1965, გვ. 175.

44 ჯ. რუხაძის ცნობით, სოფ. აკურაში სიმინდის სამჭერადი თოხნაც სცოდნიათ, რაც საერთოდ იშვიათ მოვლენას წარმოადგენს აღმოსავლეთ საქართველოში მე-19 საუკუნის დამდეგს, მასალები საქართველოს და კავკ. ისტორ., ნაკვ. 32, 1964, გვ. 88.

სიმიინდის მოსავლის აღება კახეთში იმერული წესით წარიმართა, ე. ი. ჯერ ტაროს მორჩევა და შემდეგ ჩალის მოჭრა მიმდინარეობდა. სიმიინდის მოსავლის აღების ეს ხერხიც ერთგვარად ხაზს უსვამს ჩვენ მიერ ზემოთ გამოთქმულ მოსაზრებას იმის თაობაზე, რომ კახეთში სიმიინდის კულტურა დასავლეთ საქართველოდან გადმოსახლებულთა მიერ იქნა დანერგილი. ქართლში კი სიმიინდი იჭრებოდა მოურჩევლად. იგი გადაჰქონდათ სახლთან და იქ არჩევდნენ. შესაბამისადვე მარტივი აღჭურვილობა გააჩნდათ მარცვლის გამოსაცეხავად. სიმიინდის ცეხვა, როგორც ტერმინი, კახეთში არ დაგვიდასტურებია. ხმარობენ სიმიინდის დაფშენას, ფშენას რაც სიმიინდის ტაროს ხელით ფშენიდან მომდინარე ჩანს. გვიანი დროისათვის, როცა იქ სიმიინდის საცეხვი კეტების საშუალებით დაიწყეს მოკლე ჭინებში ტაროს გამორჩევა, ამ პროცესსაც ფშენას უწოდებენ.

5. კახური კავი. კახეთის რაიონებში ეთნოგრაფიული მასალების შეკრებისას, დიდ გუთანზე უფრო მარტივი სახენელის შესახებ მასალა ვეღარ დავაფიქსირეთ. როგორც ჩანს, მარტივი სახენელები აქ XIX საუკუნის მეორე ნახევარში კიდევ ყოფილა ზოგიერთ სოფლებში გამოყენებული, მაგ., უკანა მხარის მთის სოფლებში.

დღეისათვის ჩვენ მხოლოდ ის ვიცით, რომ სახენელის ეს მარტივი სახეობა აჩაჩისა და კავის სახელით არის შემონახული; რაც შეეხება მის ფორმას, მისი აღდგენა XIX საუკუნის პირველი ნახევრის გერმანელი მოგზაურის ფრ. პარროტის ჩანახატის მიხედვით შეიძლება⁴⁵. მისი ჩანახატის მიხედვით კახური აჩაჩი წარმოადგენს ორხელას ტიპის სახენელ იარაღს, რომელიც საყოველთაოდ იყო გავრცელებული ქართლში, კერძოდ მთისძირა ზოლში. მაგ., ანალოგიური სახენელი გამოყენებული იყო მთიულეთ-გუდამაყარში.

კახური აჩაჩი შედგება: მხარის, ერქვანის ქუსლის, წერწენას, საკვეთელისა და სახნისისაგან. სახენელის უღელზე მისაბმელად წერწენაზე გამობმულია ტყავის სამალდე.

აჩაჩის მხარი ერთიანი ხის ღეროა, რომელიც ერთი თავით ჩადგმულია ქუსლში, ხოლო ერთი მოგრძო მისი ღერი ბოლოვდება ძირიდან მიმაგრებული წერწენა-საცორავით. მხარში გამაგრებულია საკმაოდ დიდი ზომის საკვეთელი.

ქუსლი აჩაჩისა სწორად გათლილი ხის ნაჭერია, რომელიც სახნისის დასამაგრებლად ზემოდან სოლისებურ ფორმაზეა წათლილი. ქუსლში ჩამაგრებული იყო მხარის მსხვილი თავი და ერქვანი, სოლით მაგრდებოდა ამავე ნაჩვრეტში.

⁴⁵ Fz. Parrot, Reise zum Ararat, Brl. 1834, გვ. 58.

ერქვანი სახელურიანი სწორი ღერია, სიმალლით მხარს ეთანაბრება, ზოგჯერ მასზე მაღალია.

აჩაჩის სახნისი დაახლოებით ისეთივე ფორმისა და ზომისა უნდა ვივარაუდოთ, როგორც მთიულურ ორხელა სახვნელებშია დამოწმებული: სიგრძით 30—32 სმ, ფრთების სიგანით 20—22 სმ და ყურის სიგანე 12—14 სმ.

საკვეთელი საკმაოდ მაღალია და მისი ზომა უნდა ეთანაბრებოდეს მთიულური ორხელას საკვეთლის ზომას, დაახლოებით 55 სმ.

თავის აგებულებით სახვნელის აქ აღწერილი ტიპი განეკუთვნება მხარგადაბმული სახვნელების მომდევნო საფეხურს, როცა მხარის გადაბმის ნაცვლად, მოკლე მხარს ერთგვარი საცოცი კავი ემაგრება, რომელსაც სამალდეს გამოაბამდნენ და უღელს სახვნელის მხართან აკავშირებდნენ.

სახვნელის აღნიშნულ ტიპს უფრო ვრცლად შეეხებთ სტატიაში: „მიწათმოქმედება თერგის ხეობაში“⁴⁶. სადაც ქსნური და მთიულეთ-გუდამაყარში გავრცელებული ორხელა სახვნელები მივიჩინეთ მხარგადაბმული სახვნელის განვითარებად ფორმად.

ფრ. პარროტი არ ასახელებს კონკრეტულად რომელ სოფელში დამოწმა მან აღნიშნული სახვნელი, სავარაუდოა, რომ ამ ტიპის სახვნელი კახეთის მთისძირა ზოლში, სახელდობრ, უკანა მხარეში დაემოწმებინა. ამ კუთხეში საერთოდ დიდხანს შემორჩა აჩაჩის ტიპის იარაღი.


ჩვენი ვარაუდით, კახეთის იმ რაიონებში, სადაც მასიურად ხდებოდა მთის მოსახლეობის ჩამოსახლება (ეს არის დღევანდელი ყვარლის და ახმეტის რაიონები) ყვარელთ და ფშაველთ თან უნდა ჩამოეტანათ თავისი კუთხიდან ის სახვნელი იარაღი, რომლითაც მათი წინაპრები მუშაობდნენ. მაგ., ახმეტის რაიონის სოფ. საბეროში ჩამოსახლებულმა ფშაველებმა აქ დიდხანს ამუშავეს ფშაური კავი. მაგრამ საბრუნჩი რკინის გუთანა როცა გაჩნდა, ფშაურ კავს აღარავინ ხმარობდა. ფშაური კავით სოფ. საბეროს ფერდა ადგილებში განლაგებულ სახნავეებს ამუშავებდნენ, ვაკე ადგილებში კი ქართული გუთნით ხნავდნენ.

6. დიდი გუთანი. კახეთში გავრცელებული დიდი გუთანი ჩვეულებრივი ქართული დიდი გუთნის ის ჩამოყალიბებული ტიპია, რომელიც სამეცნიერო ლიტერატურაში არაერთგზის ყოფილა შესწავლის ობიექტი, ჩვენ ამ საგანზე არ შევჩერდებით იმიტომ, რომ უკანასკნელად ჩვენს მონოგრაფიაში იგი საკმაოდ ვრცლად აღვწერეთ და

⁴⁶ გ. ჯ ა ლ ბ ა ძ ე, მიწათმოქმედება თერგის ხეობაში, საქართველოს სახ. მუზეუმის მოამბე, ტ. XXII—B, 1961, გვ. 135.

იქვე აღვნიშნეთ დიდი გუთნის გარეკახური ვარიანტის შესახებ, რომელიც ქართლში გავრცელებული გუთნის მანჭების ბოთლისებური ფორმით შეერთებისაგან განსხვავებით ხასიათდება ე. წ. „ლოინჯიანი“ მანჭით.

ჩვენ ხელთ არსებული მასალები კვლავ იმეორებს და ადასტურებს ადრე მოპოვებულ ეთნოგრაფიულ მონაცემებს იმ დიდი გუთ-



ტაბ. VI. ქართული დიდი გუთანი

ნის შესახებ, რომელიც კახეთში შეიქმნა XIX საუკუნის 70—80-იანი წლებისათვის. ეს იყო ე. წ. „კაკაბური გუთანი“. კაკაბური გუთანი ქარბად შეიცავდა რკინის მასალისაგან დამზადებულ ნაწილებს⁴⁷.

XIX საუკუნის მეორე ნახევარში კახეთში დიდი რაოდენობით შემოდის უცხოური და რუსული სახენელი იარაღები.

1875 წელს გაზ. „დროება“ იუწყებოდა, რომ თელავის მაზრაში იყენებდნენ ახალი სახეობის დიდ გუთანს, დამუშავებულს ქართულ-რუსულ და თათრული გუთნის ბაზაზე, რომელიც თურმე ჭიმითელმა გლეხმა გამოიგონა⁴⁸.

ჭიმითელი გლეხის გამოგონებას 1875 წელს „სასოფლო გაზეთიც“ გამოეხმაურა. ერთ-ერთ ნომერში წერდნენ: „ჩვენ შევიტყვეთ ახალ შემოდებულ გუთნის თაობაზე და ეს ამბავი, რო ეს გუთანი ქიზიყში შემოუღიათ და სამი უღელი უნდებაო. გუთანი გლეხს გაუკეთებია, ისე რო ქართული გუთნისათვის რუსული და თათრული გუთნის ზოგიერთი მოწყობილობა მიუცია. ამ გუთანს ხმარობენ მელაანში, ვაჩნაძიანში და ჭიმითში. შემოუღია პირველად ჭიმითელ გლეხსა და არა

47 გ. ჯ ა ლ ბ ა ძ ე, აღმოსავლეთ საქართველოს სამიწათმოქმედო იარაღების ისტორიიდან, გვ. 73.

48 გაზ. „დროება“, 1875, № 120.

თავად ჯანდიერი შვილსაო, როგორც ამას წინათ „დროებაში“ სწერდნენ: დიდი ხანია ვიხვეწებით ამ გუთნის შემომღების გვარი შეგვატყობონ და გუთანაც დაწვრილებით აგვიწერონ, მაგრამ აქამდინ ვერას გავხდითო“⁴⁹. ჯიმითელი გლეხის გამოგონებული გუთანი დიდხანს არ შერჩა კახეთის მემინდვრობას, უფრო ფართო მასშტაბით გავრცელდა ე. წ. „კაკაბური“ გუთანი. თუ რას წარმოადგენდა კაკაბური გუთანი, ამის შესახებ სოფ. ვარდისუბანში (თელავის რ-ნი) გადმოგვცეს, რომ მას ჰქონდა რვილი ხისა, რკინის სალტებით და რკინის საცვეთით, რკინის საკვეთელი, რკინის ფრთა და სახნისი დაკრული რკინის საღამზე, რომელიც მანქებილას და ხმალას მაგივრობას ეწეოდა.

კაკაბური გუთნის ერთი ეგზემპლარი დაცულია საგარეჯოს მხარეთმცოდნეობის მუზეუმში. გუთანი შემოუწირია სოფელ კაკაბეთელ ილია დავითის ძე მჭედლიძეს 1959 წ. (კოლექციის № 147), მისი კონსტრუქცია შემდეგი სახით წარმოგვიდგება. შედგება მუხის ხის საკმაოდ მსხვილი რვილისაგან, რომლის სიმაღლე 10×8 სმ-ია, რვილის სიგრძე 195 სმ. ერთი თავი რკინის მაგარი ჰანჯიკით მიმაგრებულია ველის მანქაზე ველის მხრიდან. მანქიდან 50 სანტიმეტრის დაშორებით რვილზე მაგარი ჰანჯიკით მიმაგრებულია რკინის ხმალა მასზე გაკრული რკინისავე ფრთით. ამავე მონაკვეთზე რვილს აქვს რკინის სალტა. ხმალადან 25 სმ-ით წინ რვილზე, შიგნითა მხრიდან, მიდგმულია რკინის საკვეთელი, რომელიც რკინის ალმაცერი, უღლიანი სალტით არის დამაგრებული. საკვეთელის მიმაგრების ადგილას რვილი ყველაზე უფრო მეტად არის შესქელებული, აქ იგი 13 სმ-ია. საკვეთლიდან 60 სმ დაშორებით ზემოდან დამაგრებულია საღვედე კაკაბა. კაკაბადან წვერამდე 53 სმ-ია. კაკაბურ გუთანს ორი მანქი აქვს; მანქები ხისაა. ველის მანქის სიმაღლე 85 სმ-ია, კვალისა 75 სმ. ველისა და კვლის მანქები ერთიმეორეზე მიმაგრებულია ზედა და ქვედა სავარცხლით. ზედა სავარცხლის სიგრძე 40 სმ-ია, ქვედასი 36 სმ. სავარცხლები რკინისაა და მანქებთან რკინის ჰანჯიკებით არის მიმაგრებული. მანქებს გააჩნია სახელურები.

ფრთა რკინისაა, რომლის განი 36 სმ-ია, ხოლო სიგრძე 1.10 სმ. ფრთაზე და ხმალაზე დარჩილულია ტრაპეციის ფორმის სახნისი. სახნისის სიგანე 16 სმ-ია, სიგრძე 40 სმ. საკვეთელი რკინისაა, დანის ფორმისა, გრძელი და მსხვილი ტარით. იგი სიგრძით 62 სმ-ია, საშუალო პირს სიგრძე 27 სმ აქვს, სიგანე 8 სმ, ტარის სისქე 5×3 სმ.

კაკაბური სახვნელის ეს ერთადერთი ნიმუში შესანიშნავად არის დაცული. სამწუხაროა, მაგრამ ფაქტია, რომ საქართველოში ქართულბ

⁴⁹ სასოფლო გაზეთი, 1875, № 11.

სახენელები ჯერ კიდევ არ არის შესწავლილი იმ თვალსაზრისით, თუ ძალის რა ერთეული სჭირდებოდა მათ მუშაობას, როგორი იყო მიღებული ეფექტი, რა დანაკარგები გააჩნდა ხის გუთანს კაკაბურ და მუხრანულ გუთნებთან შედარებით, და რიგი სხვა საკითხები.

კაკაბური გუთნის გამოჩენა კახეთის მემინდვრებობაში იყო ის ტექნიკური სიახლე, რისთვისაც დიდი ხანია იბრძოდნენ ადგილობრივი მიწათმოქმედნი. აღსანიშნავი კაკაბური გუთნის დანერგვაში, ჩვენნი აზრით ის გარემოებაა, რომ იგი ადგილობრივი სახენელის გარდაქმნა-გადაკეთების ნიადაგზე დაუპირისპირდება, როგორც მცირე გამწვევის საშუალებით მოქმედი სახენელი, ერთი მხრით მამაპაპურ დიდ გუთანს, ხოლო მეორე მხრით, როგორც იაფი და ადვილად დასამზადებელ, უცხოურ ძვირადღირებულ სახენელებს.

კაკაბურმა სახენელმა დიდხანს ვერ გაუწია კონკურენცია უცხოურ სახენელებს. იგი, მართალია, კახეთის რამდენიმე რაიონში გავრცელდა (საგარეჯოს, გურჯაანის, თელავის), მაგრამ მას ადგილზე შემდგომი გარდაქმნა-განვითარება აღარ განუცდია.

1900-იანი წლები საქართველოში კაპიტალიზმის აღმავლობის ხანაა. სოფელი მკვეთრად აყენებს სამეურნეო იარაღების გაუმჯობესების საკითხს. ლ. ხან-აგოვი წერდა, რომ „ჩვენებურ გუთანს, რომელიც საკმაოდ დიდი ზომისაა და 10—12 უღელი ხარი ესაჭიროება, ახალი გუთნები ვერ ცვლიან. კიდევ დიდი დროა იმისათვის საჭირო, რომ ამიერკავკასიის ყველა კუთხიდან ევროპულმა რაციონალურმა სახენელებმა შეავიწროვონ აზიური უნივერსალური გუთანი“⁵⁰. იმ ხანად ეს არც ისე იოლი საქმე იყო. პირველ რიგში მას ხელს უშლიდა ის გარემოება, რომ როგორც საქართველოს, ისე აზერბაიჯანისა და სომხეთის სამიწათმოქმედო რაიონები თავისებურ მძიმე სახენელს თხოვლობდა. აქ ძირითადად საანეულო სისტემა იყო გაბატონებული და ანეულობისათვის კი მსუბუქი ევროპული სახენელები გამოუსადეგარი იყო. განსაკუთრებით მას ვერ იყენებდნენ გარე კახეთში, შიდა ქართლის ზოგიერთ რაიონებში და ივრის ხეობის სოფლებში. რაკი საუბარი ივრის ხეობასაც შეეხო, იმასთან დაკავშირებით თუ რამდენად საჭირო იარაღს წარმოადგენდა დიდი გუთანი ქართლ-კახეთის საანეულო სისტემისათვის, ერთი ასეთი შემთხვევა გვახსენდება. 1952 წელს მოსკოვის სახელმწიფო ისტორიული მუზეუმიდან საქართველოში სამუშაოდ ჩამოვიდა ექსპედიცია 4 კაცის შემადგენლობით. ექსპედიციას ხელმძღვანელობდა ისტორიულ მეცნიერებათა კანდიდატი ზ. ოგრიცკო. მათი მიზანი იყო კაპიტალისტური ხანის საქართველოს ისტო-

50 Л. Хан-Агов, плаг, КСХ, 1900, № 313, с. 6—7.

ჩიის ამსახველი ნივთიერი მასალის მოძებნა და შექმნა მოსკოვის სახელმწიფო ისტორიული მუზეუმისათვის. საქართველოს სახელმწიფო მუზეუმმა, როგორც ასპირანტს, პრაქტიკული მუშაობის გამოცდილების მიღების მიზნით, დამავალა დავხმარებოდი და მონაწილეობა მიმელო დასახელებული ექსპედიციის მუშაობაში. მუშაობა თიანეთის რაიონებიდან დავიწყეთ, სადაც სოფ. ეებოტაში შევიძინეთ ქართული დიდი გუთანის, რომელიც ჭერ კიდევ მოქმედებაში იყო. ამავე ექსპედიციაში მუშაობის დროს დავამოწმეთ, რომ თიანეთის მანქანა-ტრაქტორების სადგურის ერთ-ერთი ტრაქტორით ქართულ ხის გუთანს ამუშავებდნენ, რომელიც მოკლე შოლტით იყო ტრაქტორზე მიბმული, მამაპაპური ღირღიტის თანხლებით. ტრაქტორისტის გადმოცემით, თიანეთში იმ დროს მიწები გამოგვალული იყო და საანეულო ხვნას მხოლოდ ქართული ხის დიდი გუთანი უმკლავდებოდა. — მიწაში ღრმად ჯდებოდა და არ ვარდებოდა.

აღვილი მისახვედრია თუ ლ. ხან-აგოვი რისთვის უწოდებს ქართულ დიდ გუთანს უნივერსალურს. XIX საუკუნის მთელ მანძილზე ქართული დიდი გუთანი ვერც ერთი სისტემის სახვნელმა საფუძვლიანად ვერ შეცვალა. ამას ჩვენ არა მარტო კახეთის, არამედ ქართლის მემინდვრეობის მაგალითიდანაც დავინახავთ. იქაც, გარდა უცხოურისა, რუსული გუთანიც დიდი რაოდენობით დაინერგა, მაგრამ ქართულ დიდ გუთანს სულ სხვა ტექნიკური და მასთან დაკავშირებული სამეურნეო მორალი გააჩნდა, რომლის უკუგდება მემინდვრეობიდან არც ისე ადვილი საქმე იყო.

როგორც ზემოთ აღვნიშნეთ, კაკაბური სახვნელი შედარებით მცირე გაბარიტიანი იყო, იმდენად რამდენადაც მას სამულლიანი ძალა ყოფნიდა. მაშინ როცა გარე კახეთის ურწყავ ველებზე ქართული დიდი გუთნით ხვნისათვის ჩვეულებრივ 10—12 უღელი გამწვევი ძალა იყო საჭირო.

ის გარემოება, რომ გარე კახეთში ასეთი დიდი ზომის გუთნები იყო საჭირო, მოითხოვდა პირუტყვის გარდა აღამიანთა შრომითი გაერთიანების დიდ ორგანიზაციასაც, სადაც ოთხი-ხუთი ოჯახი ერთიანდებოდა. ეს გაერთიანება არ იყო უბრალო, მხოლოდ შრომისათვის შეყრილი. თუ მოდგამის შემადგენლობა ახლო ბიძაშვილებით არ შესრულდებოდა, მხოლოდ ამის მერე იწყებდა გუთნისდედა კარგი მეზობლის ძებნას, რომ მოდგამში შეეყვანა ან რომელიმე მისი ნათლიმამა, თუნდაც იგი სხვა შორეული უბნის მცხოვრებიც ყოფილიყო.

კახეთის იმ სოფლებში, სადაც მიწა სარწყავი იყო, შედარებით მცირე გაბარიტიანი დიდი გუთნები ყოფილა ხმარებაში. მაგ., ყვარ-

ლის რაიონის სოფლებში აქაური დიდი გუთანა 4—8 ულამდე გამწევ ძალას კმარობდა.

კახური მოდგამობიდან ყურადღებას იქცევს სახნავ-სათესის სიშორე და მასთან დაკავშირებული სიძნელები. მაგალითად, ქიზიყურ მოდგამს მთელი ერთი კვირის საკვები მარაგი მიჰქონდა, ადგილზე იცხოვდნენ პურს ისე, როგორც მეცხვარე მწყემსები. იქვე ველზე ათევდნენ ღამეს, იმარაგებდნენ წყალს და სხვ. საამისოდ გუთნისდედას წყლისა და ჭერის მოსატანად ჰყავდა ცხენი და წყლის ჭურჭელი ჰქონდა, რომელშიც აგრეთვე მოდგამიდან ხენის დღეებს ღებულობდა.

ანალოგიურ მდგომარეობას ჰქონდა ადგილი ვარკეთილის მემინდვრეობაშიც. ხაშმელების გადმოცემით, საანულო სახნავები სოფლიდან 18 კილომეტრზე ყოფილა დაცილებული. ასევე შორს ჰქონიათ სახნავ-სათესი მინდვრები ნორიოელებსა და მარტყოფელებს. აქაურთა მოდგამის გუთნისდედას ცხენი აუცილებლად უნდა ჰყოლოდა. გუთნისდედა ყოველ საღამოს ბრუნდებოდა სახლში ცხენით და მოდგამისათვის ჭერი მიჰქონდა. მოდგამის წევრები კი ღამეს მინდორში ათევდნენ. მოდგამის ალოთა რიცხვში შედიოდა აგრეთვე მჭედლის ალოც. დიდი გუთნით მუშაობასთან დაკავშირებით საინტერესოა ყვარლისა და სიღნაღის რაიონებში შეკრებილი მასალა, რომელიც ღამით ხენას შეეხება. ღამით ხენა საქართველოს სხვა რომელიმე კუთხეში ჩვენ არ დაგვიმოწმებია და არც სამეცნიერო ლიტერატურაშია აღწერილი.

სიღნაღის რაიონის სოფელ ქვემო მაჩხაანში, მირზაანში და ანაგაში, ყვარლის რაიონის სოფ. ჭიკაანში, გავაზში, თვით ყვარელში და შილდაში ჩავიწერეთ, რომ ანაულობის დროს იცოდნენ საღამოს გახანგრძლივებული ხენა და შუაღამის ეამს შესვენება, მერე ისევ დილით ადრე ხენა და დღისით საერთოდ შესვენება. ამას მთხრობელნი ხსნიან დიდი სიციხეებით, რომელიც ანულობის პერიოდს ემთხვეოდა და მუშა საქონელს სიციხეში უქირდა, ხარს, გარდა სიციხისა, აწუხებდა აგრეთვე ბუზი.

ხენის დროს, როგორც ქიზიყში იტყოდნენ, მთელი დღის მანძილზე ოთხი სვე უნდა მოხულიყო. სვე გუთნეულის შესვენებიდან შესვენებამდე დროის მონაკვეთში შესრულებული შრომის (ამ შემთხვევაში ხენის) შედეგია. რადგან ხენა მთელი დღის მანძილზე ოთხ მონაკვეთად ხორციელდება, სვე დღიური ნახნავის 1/4 შეადგენდა. პირველი სვე დილიდან სადილობამდე (დილის საუზმე) დროის მონაკვეთს შეადგენდა. მეორე სვე სადილობიდან სამხრამდე, მესამე სამხრიდან

სამხრის კუდამდე, მეოთხე სამხრის კუდიდან ხართაშეგებად, სვედ იწოდებოდა აგრეთვე თოხნის დროს შესვენებამდე გათოხნილი ნაკვეთი და აგრეთვე ყანის მკის დროს მომკალის მიერ გატანილი პირველი ნამკალი. იმ სოფლებში, სადაც სახელმწიფო გლეხები ჰარბობდნენ და სახნავ-სათესი სათემო-სასოფლო სარგებლობაში იყო, ძალიან დიდი ყურადღება ექცეოდა სახნავ-სათესი მინდვრის დროულად ათვისებას. შესაძლებელია ამ მიზნით ეწყობოდა კიდევაც ხვნის წინა სასოფლო სამხთობები. ხვნის წინა სასოფლო სამხთობები ეწყობოდა სამგორის სოფლებში 7 მაისისათვის. სამგორული მოდგამი დიდ ალოს იწყებდა, რომელიც ანეულის ალოს სახელითაც იყო ცნობილი. დიდი ალო 30—40 დღემდე გრძელდებოდა. თუ მოდგამის წვევებს არ დააკმაყოფილებდა დიდ ალოში მორიგებული ხვნა-დღეები, მაშინ იწყებოდა მოკლე ალოს განხორციელება, რასაც სამგორის სოფლებში (ნორიო, ლილო, მარტყოფი, ახალსოფელი, საცხენისი) ოთხსაც უწოდებენ და ჩაბრუნებულ ალოსაც⁵¹.

ძალიან საინტერესოა მოკლე ალოს გამოსახატავად ხმარებული ტერმინი „ოთხი“. საქმე იმაშია, რომ სომხეთშიც ოთხიანი („ჩოროც“) და ექვსიანი („ვეცკი“) სახელები გამოხატავენ 4 და 6 უღებმულ სახელებს⁵². ვ. ბლოიანი სამართლიანად დაეკვდა იმაში, რომ შეიძლება უღელთა რაოდენობა არ ედოს საფუძვლად ამ სახელების მატარებელ სახელებს და ოთხიანი და ექვსიანი სხვა გარემოებიდან მომდინარე იყოს. თუმცა იგი ბოლოს მაინც ვერ ხსნის ამ სახელის წარმომავლობას⁵³. ოთხთან დაკავშირებით სამგორის ეთნოგრაფიული მასალის შესწავლამ შემდეგი გვაფიქრებინა: რადგან დიდი ალო 40—41 დღეს გრძელდებოდა, ხოლო მიბრუნება მისი მეოთხედი დროის მონაკვეთში თავსდებოდა (10 დღე), ეგების აქედან შეიქმნა ჩაბრუნებული გუთნის მეტად ათვისებული სახელწოდება ოთხი⁵⁴. ამ შემთხვევაში ჩვენი და სომხური მასალის თანხვედრა, ვფიქრობ, შემთხვევითი არ უნდა იყოს.

საყურადღებოა, რომ დიდი გუთნით მუშაობის დროს მეხრეები უღელზე სხდებოდნენ. უღელზე მხოლოდ ველის მხარეზე შეიძლება

51 გ. ჭალაბაძე, აღმოსავლეთ საქართველოს სამიწათმოქმედო იარაღების ისტორიისათვის, გვ. 84.


52 В. С. Бдоян, Земледельческая культура в Армении, автореферат, 1968, с. 72, 73.

53 იქვე, გვ. 47.

54 გ. ჭალაბაძე, აღმოსავლეთ საქართველოს სამიწათმოქმედო იარაღების ისტორიიდან, 1960, გვ. 85.

და ჯდომა. ველის მხარეზე მავალი ხარი 15—25 სანტიმეტრით მაღლა მოდიოდა, ვიდრე კვალში მავალი; ამიტომ ველის მხარის დატვირთვით გამწვევ ძალას ერთგვარად უწონასწორდებოდა საერთო მძიმე ტვირთი. საჯდომი უღლები წასაკრავი უღლებისაგან განსხვავებით ფართო უკეთებიან. განსაკუთრებით ფართო უღელი კეთდებოდა „გუთნითათვისათვის“, სადაც „გუთნითათვის“ მეხრეს უხდებოდა ჯდომა.

გუთნის მუშის (გუთნისდელის და მეხრეების) დაპურების საკითხი საქართველოს პირობებში სხვადასხვა ხასიათის მატარებელია. ბარ-



ტაბ. VII. უღლის ძირითადი ტიპები

ში, იქ სადაც სოფელი სახნავ მიწებთან ახლოს იყო, „გუთნის დედმეხრე“ ორ ჯერს ღებულობდა — სადილს და სამხარს (სადილი დილის 8—9 საათზე და სამხარი 12—13 საათისათვის); სადილ-სამხარი ჩვეულებრივ ვისი ხენაც იყო, იმას უნდა ეკმია, მაგრამ, როგორც ფშა-

ჟური მოდგამის მაგალითიდან გავეცანით, ადრეული ხანის მოდგამობაში ყველა მეხრეს თავისი სადილ-სამხარი თვითონ მიჰქონებია. თუ სახნავ-სათესი იმდენად შორს იყო, რომ მოდგამის წევრებს მინდვრად უხვდებოდათ დარჩენა, მაშინ ვისი მიწაც იხვროდა, მას უნდა გაეწვია მასპინძლობა, როგორც სადილ-სამხრით, ისე ვახშამითაც. შორ მანძილზე სახნავ-სათესად წასული მოდგამი, სამხრის შემდეგ სამხრის კუდსაც ჰამდა (ყველი, პური ნიორი). ძირითადი საკვები ანეულობაში გარე კახეთის სოფლებში მაწონი ყოფილა.

საინტერესოა ერთი გადმოცემა, რომელიც საანეულო თუ საერთოდ ხვნის მენიუს თავისებურებაში გამოიხატებოდა სოფლების მიხედვით. ხაშმელების საყვარელი საჭმელი ხვნაზე, მთხლის შექამანდი ყოფილა. ხაშმელების მეზობელი სოფლებისა კი მაწონი და დომეჭმანდი. ხაშმელების მთხლის შექამანდი იმდენად პოპულარული ყოფილა, რომ გადმოცემით, მეზობელი სოფლის მოდგამები „ამის გულისათვის ხაშმში სამუშაოდ სიამოვნებით მოდიოდნენ ხოლმე“. აღსანიშნავია, რომ ხვნა-თესვის დროს სასმელი მცირე ოდენობით მიჰქონდათ; დილით თითო ჭიქა არაყი გუთნიდელისა და უფროსი მეხრეებისათვის, სამხრად კი სასმელი საერთოდ არ ჰქონდათ.

7. მოდგამი. კახეთში გუთნით მუშაობასთან დაკავშირებულ შრომით გაერთიანებას მოდგამიც ეწოდებოდა, მონდავიც და მეკომეც. მეკომეს უფრო თელავის რაიონში ხმარობენ, სხვაგან მონდავი და მოდგამის სახელით გამოხატავენ ამ ორგანიზაციას. გუთნეულს კი მხოლოდ ხარ-სახვნელს უწოდებენ მეხრეების გარეშე...

საბას მიხედვით, მეკომე ჯილდას მოზიარეა ხართ-მოდგამიო. მოდგამთან კი მითითებულია მეკომე ჯილდის მოზიარეო. როგორც აღვნიშნეთ კახეთში ტერმინ მეკომეს გარდა ხმარებაში იყო ტერმინი კომი. კომლი-კომი ნიშნავდა მეკომეს მეკომურს-მოსახლეს, კომლის ქვეშ ხშირ შემთხვევაში რამდენიმე ოჯახიშვილი თავსდებოდა⁵⁵. ერთი ოჯახიშვილობა მეკომურებია-მეკომეები არიან. მეკომეობა, მოდგამზე, ანუ მოდგამაზე მცირე მასშტაბის გაერთიანებაა. თუმცა ისიც პატრონიშვილი ბუნების მატარებელია, სადაც ერთი ოჯახიშვილობიდან განაყარი კომეები ჯერ კიდევ ისე არ არიან დაშლილი, რომ ცალკე დამოუკიდებელი ერთეული — კომლი შექმნან. ამიტომ ისინი ოჯახიშვილობენ სახლიეცობენ — მეკომურობენ და ერთ კომლად გვევლინებიან. მეკომურები ზოგ შემთხვევაში ცალკე დამოუკიდებელ მეურ-

⁵⁵ С. Мачабели, Эконом. быт гос. кр. Тифлисского уезда, Тифлиской губернии, МИЭКБГКЗК, т. V, ч. I, 1844, с. 203.

ნეობას ეწევიან და სახვნელ იარაღთან შრომით გაერთიანებაში მე-
კომედ — მოდგამად ითვლებიან.

3. გუგუშვილი ეხება რა მოდგამის ორგანიზაციულ მხარეს, აღ-
წინავეს რომ „გუთნეული ოდესღაც, სახელდობრ მისი ინსტიტუტის
წარმოქმნისა და ჩამოყალიბების პერიოდში, ე. ი. შუასაუკუნეებში
წარმოადგენდა ერთი ოჯახის („დიდი ოჯახის“) ან თანამოგვართა,
ან კიდევ სოფლის ერთი უბნის მეზობელთა გაერთიანების (ამხანაგო-
ბის) საფუძველზე წარმომდგარ თავისებურ კოოპერაციას“⁵⁶.

რაკი მეკომე ჯილდის მოზიარება და ჯილდას კი შედარებით მცი-
რე კოოპერაციული გაერთიანება ყოფნიდა, მოდგამი მეკომესთან შე-
დარებით უფრო ფართო მასშტაბის გაერთიანებაა და რამდენიმე მე-
კომურის შეამხანაგებას გულისხმობს. ამდენად მოდგამში, აღრეულ
საფეხურზე, პატრონომიული ოჯახების ერთი მოდგმის წარმომადგე-
ნელთა შრომით გაერთიანებას უნდა ჰქონოდა ადგილი. შემდგომ სა-
ფეხურზე ეს პირობა ირღვევა, მოდგამში მეკომეთა გარდა მეზობლე-
ბი და შორეული მეზობლებიც შედიოდნენ. ვახტანგ VI კანონთა კრე-
ბულის შესავალში აღნიშნულია, რომ მტრისაგან შევიწროვებულ და
იავარქმნილ ქართლს როცა დაუღბინდა, „მოსცა პირველივე მეფე,
მლ-თის მიერ რჩეული და მის მიერ ძლევამოსით მტკიცედ მპყრობე-
ლი, ტახტოსან-გვირგვინოსანი, ძირმტკიცობითა და გვარმოდგამობი-
თა დიდისა წინასწარ მეტყუელისა იესესა“⁵⁷ და სხვა. აქ ნახსენები
გვარმოდგამობა მოდგმის გაგებით არის ნახმარი. მოდგმა და მოდგა-
მობა თუ ერთ შინაარსს გამოხატავს, მაშინ მოდგამი, როგორც სახე-
ნელთან დაკავშირებული შრომითი გაერთიანება, ერთი პატრონიმიუ-
ლი ოჯახის ან მოდგამის გაერთიანებაა, რომელიც გვიანი დროისათ-
ვის, შეიძლება უკვე ფეოდალური საზოგადოების წილშივე, კარგავს
თავის ადრინდელ სახეს და მისი მოდგამის წევრებად ხდებიან სხვა
გვარის წარმომადგენლები მეკომეების სახით. ამ შემთხვევაშიც მოდ-
გამობა, როგორც კოლექტიური შრომითი გაერთიანების სახელი, ზო-
გან ტერმინად იქცევა და მისი აღრეული ვითარების თუ შინაარსის
გამომხატველად აღარ გვევლინება. მოდგამი, როგორც ძველისძველ
კოოპერაციული შრომის გამომხატველი ტერმინი, ამავე სახელწოდე-
ბით შევიდა მეზობელ ხალხთა შესაბამისი სამეურნეო საქმიანობის
აღსანიშნავად. იგი გვხვდება სომხეთში, აზერბაიჯანში და ოსეთში.

56 3. გუგუშვილი, საქართველოსა და ამიერკავკასიის ეკონომიური გა-
ნითარება XIX—XX სს., ტ. III, 1959, გვ. 51.

57 ი. დოლიძე, ქართული სამართლის ძეგლები, I, გვ. 99.

მიწის შრომაში ჩაბმა-გამოყენების აღსანიშნავად კახეთში გვხვდება ტერმინები: ანეული, ნარბილი, ნაჩხატი, ყამირი, ალქატი, მძრალობა, ახალნატეხი, ახო, ნატუსი, ნაოში, ნაბარი, ნაჩერკნი, ნათოხნი და სხვ. ანეულს უწოდებენ ნაყანობ მიწას, ზაფხულში გადახნულს. ნარბილს — ყოველწლიურად ნამუშევარ მიწას, ნატუსს ძირითადად გაღმა მხარის სოფლებში ეძახიან ნამჯა გადამწვარ მიწას, ალქატს, თითქმის ყველა რაიონში უღონო, გამოღალული მიწის სინონიმად ხმარობენ.

ანეულად მოხნულ მიწის ნაკვეთებში თესვა მიმდინარეობდა ნიადაგების აკვარგიანობის შესაბამისად. ასე მაგალითად, სამგორის ველზე მიწა ღრმად უნდა მოხნულიყო და აგვისტოში დათესილიყო, რომ შემოდგომის ქარებისათვის ჭეჯილი შესწრებოდა და სამგორ-ვაზიანის ქარებს გადაფხვიერებული მიწა არ გაეტაცა. ამას გარდა, ურწყავ რაიონებში მიწის ღრმად მოხვნას და ისიც საანეულო სისტემით მუშაობას ის მნიშვნელობა ჰქონდა, რომ მორწყვა, რომელსაც ხორბალი თხოულობს, ნალექების საშუალებით იყო უზრუნველყოფილი. პირვერ რიგში მარცვლის დალივება-აღმოცენებისათვის შემოდგომის წვიმები ესწრებოდა, ხოლო ზამთრის ნალექები და გაზაფხულის წვიმები ხორბლეულს ხელს უწყობდა ჭეჯილის მუხლში შესვლასა და დაორსულების კეთილად მიმდინარეობაში. იგივე გარემოება აპირობებდა მოსავლის ადრეულად შემოსვლას. სამგორ-ვაზიანის და ქიზიყის სამიწათმოქმედო რაიონები ადრეულად ასწრებდნენ მემინდვრეობის სამუშაოებს და მოგებულ დროს ახმარებდნენ მევენახეობასა და მეცხოველეობას. ერთი წილი მუშახელისა კი დასახელებული რაიონებიდან გარე სამუშაოზე გადიოდა მეზობელ რაიონებში. XIX საუკუნეში გარე სამუშაოებზე კახელები აზერბაიჯანშიც კი მიდნენ. სახელობრ ბევრი კახელი მუშაობდა თურმე განჯაში, გერმანელი კოლონისტების ვენახებში, სეზონურ სამუშაოებზე.

კახეთის საანეულო სისტემაში მსგავსად შიდა და ქვემო ქართლისა თუ მესხეთ-ჯავახეთისა, თესვას, სათეს ალჭურვილობას, სათეს იარაღებს უღარესად დიდი მნიშვნელობა ენიჭებოდა. ღრმად დამუშავებული და მზებზე დამწვარი ანეულის ხელახლა გადახვნა აღარ შეიძლებოდა. საანეულო ხნულზე თესლს მოაბნევდნენ და ამის შემდეგ გაატარებდნენ ფორჩხსა და ფარცხს. სამგორის ველზე ფეტვის და ფარცხვა წესად არ ყოფილა. ფეტვის თესლში თითქმის ნახევარს მიწას აურევდნენ და შემდეგ ისე დათესდნენ. ფეტვის თესლი ძალზე წვრილი იყო და მობნევის დროს მიწას თუ არ გაურევდნენ, სქლად მოვიდოდა. ეს რომ არ მომხდარიყო, გარდა თესლში მიწის არევისა,

მობნეულ ნაკვეთზე კაბდო-ფარცხის ნაცვლად, პირუტყვის გადატარება სცოდნიათ. საქმეს თუ ესეც არ უშველიდა, მაშინ ამოჯიჯილებულ ფეტვში პირუტყვს შეიყვანდნენ, რომ ცოტა გადაეძოვა და შეეთხელებინა. ამ უკანასკნელ მეთოდს მიმართავენ აგრეთვე პურის ყანების შეთხელების მიზნითაც.

შემოსულ პურეულს მთელ კახეთში ნამგლით მკიდნენ. კახეთში მოსავლის აღების საკითხთან დაკავშირებით მრავალი საინტერესო მასალა მოვიპოვეთ რაც ნაწილობრივ გამოქვეყნდა მონოგრაფიაში: „აღმოსავლეთ საქართველოს სამიწათმოქმედო იარაღების ისტორიისათვის“ (1960). ამიტომ ამ მასალას აღარ მოვიტანთ. შეეჩერდებით მხოლოდ მკასთან დაკავშირებულ შრომის ორგანიზაციის ერთ ფორმაზე, რომელსაც კახეთში, განსაკუთრებით ქიზიყში, მუყა ეწოდება. მუყა, როგორც მკის დროს შეყრილი მუშა, სამაგიერო შრომით ანაზღაურებას გამოირიცხავდა. მუყას ვინც აწყობდა, იგი მონაწილეთ კარგი ქეიფით უნდა გამასპინძლებოდა. მამითადივით მუყაც დიდ ხარჯებს თხოულობდა, ამიტომ ყველა გლეხი ვერ მოიწვევდა მას. მუყას, როგორც შრომით დროებით გაერთიანების სახეს, სხვა სამუშაოების შესრულების დროსაც ჰქონია გამოყენება, მაგ., ისეთი სამუშაოების შესრულების დროს, როგორც იყო სახლის საძირკვლის ჩაყრა და მშენებლობა, ვენახის კრეფა და სხვ.

სულხან-საბა მუყას განმარტავს, როგორც ოჩხრობას, რადგან მუყა გვიანი დროისათვის მაინც თავისი ბუნებით დაძახილის ანალოგიურია, ხომ არ ახსნიდა მუყას ეტიმოლოგიას სვანური სიტყვა „მუყა“, რაც მოციქულს — მომყვანს ნიშნავს⁵⁸. ხომ არა გვაქვს შემონახული ნამდვილი შინაარსი კახური მუყისა სვანურ „მუყაში“, ოჩხარსა და კახურ მუყაში ხომ სწორედ მოყვანას, თავშეყრასა აქვს ადგილი. თუ ეს მოსაზრება სწორია, მაშინ მკის და საერთოდ სხვა სახის საშურ სამუშაოთა გაერთიანების გამომხატველი ტერმინი მუყა უნდა ჩავთვალოთ დაძახილზე, მამითადზე და სეფეზე უფრო ადრეულ ტერმინად.

8. ძნის გადატანა. სახნავ-სათესი მიწებიდან, როგორც ზემოთ აღვნიშნეთ, საკმაოდ დაშორებული იყო ზოგიერთი სოფელი, განსაკუთრებით გარე კახეთისა და ქიზიყის სოფლები. შედარებით ახლომდებარე მამულებიდან ძნა სახლთან გამართულ კალოზე გადაჰქონდათ და იქ ლეწავდნენ. ძნის გადასატანად გამოყენებული იყო საძნე ურმები და სახედრები. სახედრებს, ისე როგორც შემის გადატანისას, ქოჭებს დაადგამდნენ ხოლმე კეხზე. ქოჭების საშუალებით შეიძლებო-

⁵⁸ ბ. ნიქარაძე, ისტორიულ-ეთნოგრაფიული წერილები, I, თბ., 1962, გვ. 80.

და სახედრით 10-მდე ძნის გადატანა. ამ მიზნით იცოდნენ სანაცვლოდ სახედრების თხოვება და ძნები კალოზე მოკლე დროში გადაჰქონდათ.

ძნის გადასატანად უფრო ეფექტური ურემი იყო. განსაკუთრებით დიდი ზომის ურემი იცოდნენ ქიზიყში. ადგილობრივთა თქმით, განთქმული იყო ურემზე ძნის ქიზიყური დადება ისე, რომ ურემში შებმულ კამეჩებს მარტო თავებილა უჩანდათ თურმე⁵⁸.

ქიზიყში ჩვეულებრივ ურემს ძნების გადატანის დროს უბეს უცვლიდნენ და საძნე უბეს ადგამდნენ. ქ. სიღნაღის მხარეთმცოდნეობის მუზეუმში დაცულია საბუთი № 780. საბუთი წარმოადგენს გაყრილობის განაჩენს შედგენილს 1884 წელს. აქ აღნიშნულია:

„ურემები გაუყავით წილის დაყრით, ილიკოს ერგო ერთი ძველი საბარე უბე და ერთი ახალი საძნე. გორას ერგო ერთი ახალი საბარე უბე და ერთი ძველი საძნე უბე.“ განაყრობის წიგნი ეხება მოძლიერებულ ოჯახს და ამდენი ურემის უბეების დასახელება ჩვეულებრივია.

საძნე უბეს რომ მეტი ძნა მოეთავსებინა, მაღალ ჰალეებს უკეთებდნენ. საძნე უბე საბარე უბესთან შედარებით სიგრძითაც განსხვავდებოდა.

საძნე ურემზე 200-მდე ძნას ათავსებდნენ. ზოგი გამოცდილი მეურნე მეტის დაწყობასაც ახერხებდა.

შირაქის მხრიდან ძნის გადმოტანა ქიზიყელთათვის ძნელ საქმეს წარმოადგენდა, რადგან სიცხეში იქ ხარს ბობოლა ბუზი ესეოდა და თუ კი ვინმე გაბედავდა წასვლას, ეს ბუზი ორ საათში ხარს სისხლისაგან დასცლიდა და დააგდებდა. ამიტომ თუ გამოცდილი მეურნე იყო, მან იცოდა რა დროს წამოეღო ძნა და ხარი სად დაესვენებინა. ძნა ღამე უნდა წამოეღო, ხოლო გათენების ჟამს ურემს აჩერებდა, ხარს გამოუშვებდა და საღამომდე იცდიდა. ასე რომ ზოგიერთი სოფელი ერთი ურემი ძნის სახლამდე გადატანას ორი დღე უნდებოდა. ამიტომ ყველა ამჯობინებდა, რომ ადგილზე გაეღწათ, ლეწავდნენ ცხენის საშუალებით.

კალოსთან გამოტანილი ძნა თაიებად იდგმოდა. თუ იმავე წელს ვერ მოასწრებდნენ გაღწევას, ლეწვა მეორე წლისათვის გადაიდებოდა. თაიებად დადგმული ძნა არ ფუჭდებოდა.

გუთნის გაუმჯობესების ცდების მსგავსად, კახეთში გარკვეული მცდელობა ჩაუტარებიათ, რომ ადგილობრივი სხვა სამეურნეო იარაღებიც გაეუმჯობესებინათ. ასე მაგალითად, დიდი მცდელობა უწარ-

⁵⁸ სტ. მენთეშაშვილი, ქიზიყური ლექსიკონი.

მოებით სალენი მოწყობილობის გასაუმჯობესებლად. ამ საქმის ინო-
ციატორად ერასტი ჩოლოყაშვილი გვევლინება, რომელსაც 1875 წლის
10 ოქტომბერს მოუწყვია თავისი გამოგონებული სალენის გამოც-
და⁶⁰. ჩვეულებრივი კალოს შუაში მოთავსებული ყოფილა მაგარი
ბოძი. ბოძზე დაუმარებიათ წრიულად მოძრავი გრძელი ლატანი, ლა-
ტნის ორივე ფრთაზე აბმული ყოფილა 14 კევრი, ლატნის ბოლო-
ებზე კი სამ-სამი ცხენი მიუბიათ. ჩაუშლიათ 300 ძნა. თითო ძნის
წონა ყოფილა 14 გირვანქა, 300 ძნის ვალეწვას მონდომებია სამი
საათი. მოწყობილობას 6 ცხენის გარდა ემსახურებოდა 4 კაცი.

აღსანიშნავია, რომ სამასი ძნის ვალეწვას ჩვეულებრივ კალოზე
დასჭირვებია კაცის 42 საათიანი შრომა და ცხენის 52 საათიანი
მუშაობა⁶¹. ე. ჩოლოყაშვილის სალენი მოწყობილობა თუმცა სამ-
ჯერ მაინც აჩქარებდა მუშაობას, მაგრამ იმდენად რთული იყო, რომ
ყველას მისი გამოყენება არ შეეძლო. კევრით ლეწვის გაუმჯობესე-
ბის ცდებს შემდეგშიც ჰქონდა ადგილი, მაგრამ არც იმ ცდებს მოყო-
ლია დადებითი შედეგები⁶².

უფრო მოგვიანებით ე. ი. გასაბჭოებამდელ პერიოდში სოფლად
გამოჩნდა სამკალ-სალენი მანქანები, რომელიც იმხანად უცხოეთიდან
იქნა შემოტანილი, მაგრამ კახეთის გლეხობის ძირითადი მასა მაინც
მამაკაპური კევრით ლეწავდა.

8. ხორბლეულის გადაწიდვა და შენახვა. მინდვრად კალოებზე გა-
ლეწილი ხორბალი ნაწილი ადგილზე, ისე როგორც ქიზიყში იცოდ-
ნენ, კალოებზე გათხრილ ორმოებში ინახებოდა, ნაწილი სოფელში
მიჰქონდათ და იქ ინახავდნენ.

ხორბლეულის გადასაზიდი საშუალებებიდან აღსანიშნავია ე. წ.-
ჯვალოს ტომრები, რომელიც ხშირ შემთხვევაში სახლში იყო მოქსო-
ვილ-შეკერილი და ჯინი.

ჯინს ჩვეულებრივ წნელისაგან ან ხის ფიცრებისაგან ისევე კრავ-
დნენ, როგორც ხის კასრებს.

ჯინი ურემზე იღებოდა, ამიტომ მას ფორმაც ურმის შესატყვისი
ჰქონდა. ჯინის სიმაღლე 79 სმ-მდე აღწევდა. ჯინის დასაწნავად წმინ-
და წნელს იყენებდნენ, ძირითადად თხილს, რცხილას და იელს. გამშ-
რალ ჯინს შიგნიდან გაზაფხულის ახალი ნაკელით გოზავდნენ. ნაკელ-
ში მცირე ნაცარს შეურევდნენ, რომ მეტი სიმაგრე მისცემოდა. უნდა

60 „დროება“, 1875, № 121.

61 „სასოფლო გაზეთი“, 1875, № 13.

62 გ. ჯალაბაძე, აღმოსავლეთ საქართველოს საბჭოთაოქმედო იარაღ-
ბის ისტორიიდან, გვ. 74.

აღენიშნოთ, რომ ურმით პურის გადასაზიდი ჯინი კახეთში მხოლოდ ყვარლის რაიონში იქნა შემონახული. გოდრის მსგავსი ხელსაწყოს გამოსახატავად, სახელწოდება ჯინი საქართველოს სხვა კუთხეებშიც გვხვდება, მაგ., ხევსურეთში, სადაც, ჯინი მცირე მოცულობის ფართობიანი და დაბალი ზომის გოდორს ეწოდება. ანალოგიურია ფშაური ჯინიც.

ქართლში შედარებით დიდი ზომის ჯინს იყენებდნენ სიმინდის ტაროების დაცევის მიზნით. ქართლური ჯინი ოთხ ისარზე იწვნის. თითოეული ისარის სიგრძე 1,30 სმ-ია, ისარები ერთიმეორესაგან 10 სმ-ით არის დაცილებული. მას მსხვილი მანები უკეთდება, წნელით ჩაიწვნის და პირგადაშლილი ჯინი იქსოვება. მასში სიმინდს ჩაყრიან და საცეხვი კეტების ცემით მარცვალს აკლიან ტაროებიდან.

კახური ურმის ჯინში 30 ფუთამდე ხორბლის მოთავსება შეიძლებოდა. ზოგჯერ რომ ხორბლის დაცლა იოლი ყოფილიყო, ჯინს უკან ძირისაკენ მცირე ფანჯარა ჰქონდა. მისი ვალებით ხორბალი ორმოებში შეიძლებოდა პირდაპირ ჩაყრილიყო. ფანჯრის კარი ასევე მოწნული იყო და ძირიდან წნელის საშუალებით იყო ამობმული.

ლეწვის დამთავრებისთანავე დღის წესრიგში დგებოდა ხორბლის შენახვის საკითხი, კახეთის პირობებში ხორბალს ინახავდნენ როგორც მიწაში, ისე მიწის ზემოთ.

ხორბლის შესანახი ორმო მიწაში 2 მეტრის სიღრმეზე იყო ამოთხრილი. ფორმა წაკვეთილი კონუსის მავჯარი ჰქონდა. ძირის ფართი 1,5—2 მეტრიან რადიუსს შეადგენდა, პირისა კი 50—70 სანტიმეტრს არ აღემატებოდა. ანალოგიური ფორმისა იყო ხარო, იმ განსხვავებით, რომ ხარო ქვითკირით იყო ნაგები და ამდენად უფრო საიმედო ნაგებობას წარმოადგენდა, ვიდრე ორმო. ორმო ისე, როგორც ხარო, გავრცელებული იყო მშრალი ნიადაგების რაიონებში კახეთში, გაღმამხრის ზოგიერთი სოფლისა და ქართლში, ზოგი სარწყავი სოფლების გამოკლებით.

ხორბლის შესანახი ორმო და ხარო აღმოსავლეთ საქართველოს ძველი დასახლების კომპლექსისათვის ერთი აუცილებელი შემადგენელი ელემენტია. ამ ორ, ერთი და იგივე დანიშნულების ობიექტს ქვემო ქართლისა და მესხეთ-ჯავახეთის სამეურნეო ყოფაში დღეს ახალი დანიშნულების შესრულება უხდება, მასში ახლა კარტოფილს ინახავენ.

ხორბლეულის შესანახად გამოყენებული იყო აგრეთვე ბეღელი. ბეღელი ფიცრულ ნაგებობას წარმოადგენს, რომელიც ორიგინალური კონსტრუქციით და დაგეგმარებით ხასიათდება. ჩვეულებრივ საშუალო ზომის საჩხიანი ბეღელი 10—30 კვადრატული მეტრია.

ბელელს გეგმაში მოგრძო ოთხკუთხედის ფორმა ჰქონდა. გააჩნდა საჩეხი და გადახურული იყო ორფერდა სახურავით. ბელელი ჩვეულებრივ მიწიდან შემალლებულ ბოძებზე იყო შემდგარი ან მაღალ ქვებზე იყო დადგმული. ისე რომ იგი თავისი აგებულებით ხიმიწიან სახლს წააგავდა. ბელელს წინიდან დაბალი და განიერი კარი ჰქონდა. ფიცრის ტიხრების საშუალებით ბელელი შიგნიდან რამდენიმე განყოფილებად იყო დანაწილებული. თითოეულ ამ განყოფილებას, კახეთის გაღმა მხრის სოფლებში ორმოც უწოდებენ. ორმოცი სხვადასხვა ზომისაა და ხორბლეულის სახეობათა მოსაეღიანობის სიდიდის მიხედვითაა ნავარაუდევო. მაგ., სოფელ საბუეში ჩვენ მიერ აღწერილი, ვანო ყანჩაველის ბელელში მეტ ფართიანი ორმო პურისათვის იყო განკუთვნილი, მომდევნო ორმო ქერის ჩასაყრელად ჰქონიათ, მესამე ფეტვისათვის ყოფილა განკუთვნილი და ასე შემდეგ. ბელელის სხვენი ღია საბძლორი გადახურვით ხასიათდება, რომელიც გამოიყენებოდა ზამთრის სანოვავე ხმელი ხილისა და სანელებელი ზოსტნეულის შესანახად (ჩურჩხელა, ჩირეული, ნიორი, ხახვი, ღოღოს ვალები, კაკალი, გოგრები). მთხრობლის გადმოცემით: „კარგი ბელლის აშენება სახლისოდენა ამაგსა და მასალას თხოულობდა“, ამ სიძნელის გამო ბელელი ყველა ოჯახს არ გააჩნდა. თუმცა ქიზიყში აბანოზის ხის ფიცრისაგან აშენებული ბელლებიც კი ჰქონიათ. ქ. სიღნაღის რაიონული არქივის მასალებში დაცულ გაყრილობის წიგნებში არაერთხელ არის მოხსენებული „ამბარი (ბელელი) აბანოზის ხისა და აბანოზის მასალა ამბრისათვის“⁶³.

ოჯახებს, რომელთაც ბელლები არ ჰქონდათ, ხორბლის შესანახად იყენებდნენ კოდებს. პურის კოდი, როგორც ამას კახეთის გაღმა მხარის სოფლებში უწოდებენ, ბელლის შემდეგ ყველაზე მეტად გავრცელებული სათავსო ავეჯია. კოდი წარმოადგენს მრავალი ფორმის გულგამოღებული ხის დიდ მორს, რომელსაც ძირი აქვს ჩადგმული. კოდები ძირითადად ვერხვისაგან და ცაცხვისაგან მზადდებოდა, სკოდნით აგრეთვე კოდების დამზადება თხილის ხისაგანაც. თხილის ხისაგან დამზადებული ერთი დიდი ზომის კოდი ამჟერად გელათის მონასტერშია დაცული და მას XVI საუკუნის ძეგლად მიიჩნევენ. ძველად კახეთის გაღმა მხარეში თხილის მოზრდილი ხეებისაგან ხის ავეჯის მრავალსახეობა უმზადდებიათ. ასე მაგალითად: სოფელ შილდაში აღნიაშვილების ოჯახში (ლადო აღნიაშვილის მემკვიდრეების ბინაზე) დაცულია თხილის ხისაგან დამზადებული მოზრდილი საწნახელი, კო-

⁶³ ხირსის სასოფლო საზოგადოების სასამართლო განჩინებათა დავთარი, საბ. № 59, 1911 წლისა.

დები და სხვადასხვა დანიშნულების საგნები. თხილის ხისაგან დამზადებული მოზრდილი. საწნახელი აგრეთვე შემონახულია სოფელ ჭიკაძეში, რომლის დიამეტრი მეტრს აღემატება, სიგრძე კი 6 მეტრია. სხვადასხვა სიდიდის პურის კოდები ზშირად გვხვდება ყვარელის და ახმეტის რაიონებში. ერთი მათგანი 1960 წელს საქართველოს სახელმწიფო მუზეუმის ეთნოგრაფიულმა ექსპედიციამ შეიძინა სოფ. საბუეში (ფ. ნ. ავგაროზიშვილისაგან № 60—60/1). აღნიშნული კოდის სიმაღლე 190 სმ-ია, ძირის გარშემოწერილობა 390 სმ, პირის გარშემოწერილობა კი 470 სმ. კოდი დაახლოებით 25 კოდ პურს იტევდა, ე. ი. 75 ფუთამდე. იგი აივანზე იდგმოდა და მასში მოთავსებული ხორბლელი საიმედოდ იყო დაცული.

კოდის დამზადება მეტად შრომატევად საქმეს შეადგენდა. ამ სამუშაოს ადგილობრივი კახელი ხელოსნები არ ასრულებდნენ. მთხრობელთა გადმოცემით: „კოდებს უფრო მეტად ფშაველი მხვეწლები ამზადებდნენ. ისინი თურქე შემოდგომით ჩამოდიოდნენ ბარში და კახეთის ტყეებში მებატონეებისაგან ნებართვის მიღების შემდეგ ჭრიდნენ სათანადო ჯიშისა და შესაფერი დანიშნულების ხეებს და ტყეშივე აწარმოებდნენ მის დამზადებას. ძირითადი იარაღი ამ საქმისათვის ჩულუხი, სატეხი, ხვედა, ხერხი და ცული ყოფილა. დიდი ზომის კოდის ამოთხრას ზემოდან იწყებდნენ და თანდათან ძირისაკენ ჩადიოდნენ.

ფშაველ ხის მხვეწლებს, რომელნიც სამუშაოდ ჯგუფებად მოედინებოდნენ, დიდი ზომის კოდების დამზადება შეკვეთით უწარმოებდათ, ხოლო მცირე ზომის კოდებისა დაკვეთის გარეშე, საერთო ბაზრისათვის. მცირე ზომის კოდები ფშაველებს მთის მოსახლეობის სამეურნეო დანიშნულებისათვის უმზადებდათ, ბარში თუ თავის ნამზადს ხორბლეულზე ცვლიდნენ, მთიდან ხის კასრებით ერბო და ყველი მოჰქონდათ. კოდი, როგორც საქართველოს ბარის, ისე მთის ყოფისათვის ერთ აუცილებელ მულამ და ზშირად საჭირო სახმარ-სათავსო ჭურჭელს წარმოადგენდა. მცირე ზომის კოდები მრავალი დანიშნულებისათვის გამოიყენებოდა (რძის პროდუქტების, მარილის, ლობიოს, მუხუდოსა და სხვათა შესანახად).

კოდების დამზადების ხელოვნება აღმოსავლეთ საქართველოში, როგორც ჩანს, ფშაველ მოხელეთა მონოპოლიას შეადგენდა. ბელებს კი, გარდა ადგილობრივი ხუროებისა, რაჭიდან ჩამოსული ხელოსნებიც აშენებდნენ. ისინი ხელოსნობის ამ დარგით გარკვეულ ეკონომიურ ურთიერთობაში იყვნენ, როგორც სამიწათმოქმედო, ისე მე-

საქონლეობის რაიონებთან. ამ ურთიერთობას საკმაოდ დიდი ხნის ისტორია აქვს.

კოდისა და ბედელის ეტიმოლოგიური შესწავლა ნათელყოფს, რომ ქართველთა წინაპრებს სამეურნეო დანიშნულებით მისი გამოყენება ტომობრივ გათიშვამდე ხმარებაში ჰქონიათ⁶⁴.

ტერმინი კოდი გვიანი შუასაუკუნეების ხანაში ხორბლეულის საწყაო ერთეულის გამომხატველი იყო. კოდის ქვეშ საქართველოს სხვადასხვა კუთხეში ერთეული მერყეობდა 1 ფუთიდან (მესხეთი) 4 ფუთამდე (ქართლი).

10. რწმენა-წარმოდგენები. ორმოში, ბელელში ან კოდში, ე. ი. რომელ ოჯახსაც რომელი სახის პურის შესანახი საშუალება გააჩნდა, ინახავდნენ „ორმოს ბედისკვერს“, მკის ჭვარს, რომელიც საახალწლო ბედისკვერთან ერთად უნდა გამოეცხათ. კოდზე იცოდნენ აგრეთვე ნახშირით ჭვრის გამოსახვა, რომ ავი ფუზი* არ მიკარებოდა. ორმოში კი როცა მას პირამდე შეავსებდნენ, რამდენიმე მარცვალ ნახშირს ჩააგდებდნენ, რომ ავ თვალს არ გაეთვალა.

საქართველოს როგორც ბარის, ისე მთის რაიონებში უხვად არის შემონახული მიწათმოქმედებასთან დაკავშირებული რელიგიური რწმენა-წარმოდგენები. შემონახვა რასაკვირველია პირობითია, აქ იგულისხმება ის გადმონაშთური ელემენტები, რომელიც ხალხს ახსოვს, და მათი ფიქსირება. კიდევ შეიძლება, როგორც ზეპირი გადმოცემების, ისე ამა თუ იმ წესის შესრულების დროს. კახეთის მემინდვრეობაში მნიშვნელოვანია მაგიური ხასიათის რწმენა-წარმოდგენები. რწმენა-წარმოდგენებიდან, პირველ რიგში ჩვენ შევეხებით ქართლ-კახეთში გავრცელებულ ქალქეებს, რომელიც კახეთში ძირითადად „მამიდა ქვების“, „ქალქეების“ და „ამყე-მამიდას“ სახელებით არის შემონახული:

ჩვენ მიერ ფიქსირებულ იქნა ქალქვა სოფ. ნორიოში, რომლის შესახებ მასალა ჩავიწერეთ 1949 წელს. „მამიდა ქვა“ არის აგრეთვე ქვემო ბოდბეში და ენისელში. ერთი „მამიდა ქვა“ ყოფილა გურჯაანის ახლოს იქ, სადაც ახლა ახტალის აბანოა.

გარდა კახეთის რაიონებისა, მოპოვებული გვაქვს მასალები: ქართლში გავრცელებული ქალქეების შესახებ. მაგ., „დმენისის მოზვერა ქვაზე“⁶⁵, ენაგეთის მამიდა ქვაზე, გომარეთის ქალქვაზე“ და სხვ.

64 Г. Климов, Этимологический словарь грузинского языка, М., 1968.

* ავი ფუზი ავი ძალა.

65 დმენისის მოზვერა ქვის შესახებ საკმაოდ კარგი მასალა შეკრიბა 1939 წელს დოქტორმა შ. გოზალიშვილმა, რომელმაც უფლება მოგვცა მის მიერ მოზ-

თითოეულ ამ ქვასთან დაკავშირებით სხვადასხვა ლეგენდა არსებობს, მაგ., გადმოცემით ქრისტე-ღმერთის ბრძანებით ფერისცვალების დღეს (6 აგვისტო ძვ. სტილით) კალო არავის არ უნდა გაელეწა. ერთ გურჯაანელ მღვდელს დაურღვევია ეს წესი, ღმერთს მღვდელი სასტიკად დაუსჯია, ოჯახით მიწაში ჩაუფლია, ხოლო ქალიშვილი და შვილიშვილი, როცა აღნიშნული სურათი უხილავთ გაქვავებულან⁶⁶.

ნორიოში ქალქვა სამი ქვის ნატეხისაგან შედგება; ერთი მოზრდილია, ორი მცირე. ამ ქვებს რაიმე ფორმა არ აქვს. ხალხის გადმოცემით ქალი თავის ბავშვებით, თავისი სურვილით გაქვავებულა, რადგან მოძალადეთა ხელში ჩავარდნისათვის სიკვდილი ურჩევია. ანალოგიურ გადმოცემას გვაწვდიან ენისლის ახლოს მდებარე ქალქვისა და ქვემო ბოდბეში მდებარე „მამიდა ქვის“ შესახებ.

ენისელში ჩვენ მიერ ფიქსირებული ქალქვა საკმაოდ მოზრდილი სამი თეთრი ქვისაგან არის შედგენილი; მათ შორის ერთი დიდია, ორი პატარა, როგორც ენისლის, ისე სხვა აქ. დასახელებულ ქალქვებთან მოსახლეობა მიდიოდა გვალვიანობის ან ხშირი წვიმების დროს.

ენისელის ქალქვის წინაპარი საბუელი გოგილაშვილების ოჯახიდან ყოფილა, რომელიც მინდვრიდან მოდიოდა ბავშვებით, გზად აბრაგი ლეკები დახვედრიან. მოძალადეებს ხელში რომ არ ჩავარდნოდა, ქალს ღმერთისათვის შეუთხოვია რომ იგი გაექვავებია. ღმერთს მისი თხოვნა შეუსმენია და გაუქვავებია. აღნიშნულ ქალქვას (ე. ი. დედას, შვილსა და აკვანს) გვალვის დროს ქალები წყალში აგდებდნენ, თუ წვიმები იყო, ამოჰქონდათ მშრალზე. მაგრამ ამ პროცესს ისინი ისე არ ასრულებდნენ, თუ ამ ცერემონიალის მონაწილე არ იქნებოდა საბუელი გოგილაშვილების სახლიდან რომელიმე ქალი. გოგილაშვილების წარმომადგენელი, ისე, როგორც ქვემო ბოდბეში ბარნაბიშვილების წარმომადგენელი, ქვასთან მივიდოდა და ჩასძახოდა „ამყე, ამყე მამიდა, ბარნაბიანთი ვარო“.

გადმოცემით, თუ ქალქვასთან შილდელეები მივიდოდნენ, მათაც ასევე გოგილაშვილების ოჯახიდან გამოსული ქალი უნდა წაეყვანათ და მას უნდა ჩაეძახა ქვისათვის „ამყე, ამყე მამიდა, გოგილაანთი ვარო“.

1939 წელს საინტერესო მასალა ჩაუწერია შ. გოზალიშვილს დმენისის მოზვერა ქვასთან დაკავშირებით. მოზვერა ქვასთან გვალვის

ვერა ქვასთან დაკავშირებით შეკრებილი მასალები გამოკვეყნებინა. 1956 წელს მოზვერა ქვასთან დაკავშირებით სოფ. დმენისში ჩვენც შეკვრიბეთ დამატებითი მასალა.

⁶⁶ სტ. მენთეშაშვილი, ქიზიურის ლექსიკონი, გვ. 192.

დროს მოდიოდნენ ქალები კეტებითა და სანთლებით. აქ მოჰყავდათ ქალიშვილებიც, რომელნიც ქვის გადაბრუნებაში დახმარებას უწევდნენ ხანში შესულებს. შემდეგ ქალიშვილებს ქვა შარდით უნდა დაესველებინათ, ხოლო ამის მერე მას სანთლებს უნთებდნენ და წვიმის მოსვლას შესთხოვდნენ.

მოზვერა ქვასთან დაკავშირებულ რიტუალებში რამდენიმე დაფენება იგრძნობა. მაგიური წესი, რომელიც ქალიშვილების მიერ სრულდებოდა და ქრისტიანული სარწმუნოების დანაშაუტი, რაც სანთლის დანთებითა და პირჯვარის გამოსახვის ვედრებაში მდგომარეობდა. ეს უკანასკნელი უშუალოდ მოზვერა ქვის კი არა, ქრისტიანული ღმერთის მიმართ იყო განკუთვნილი.

აღნიშნული გარემოება ცხადყოფს, რომ მიწათმოქმედების დარგი კახეთში ძველი ტრადიციული მეურნეობაა.

„ჯ ვ ა რ ი მ ა მ ლ ო ბ ა“. ყანის მკის დამთავრებისას ქართლში ძველად წესად ჰქონდათ, რომ მკის მესვეურს აძლევდნენ იმ საკლავის თავსა და ტყავს, რაც მომკელი მუშებისათვის იკვებოდა. თითქმის ანალოგიურ მოვლენას ჰქონდა ადგილი კახეთშიც, გამონაკლისს წარმოადგენდა მხოლოდ ვაღმა მხრის ის სოფლები, რომლებიც ადგილობრივი მოსახლეობით იყო დასახლებული. მაგ., შილდა, საბუე, გრემი, ენისელი, ჭიკაანი, გავაზი და ახალსოფელი. აღნიშნულ სოფლებში წესად ჰქონდათ, რომ როცა მკა დამთავრდებოდა, მომკელი მუშები აწყობდნენ საერთო ტრაპეზს, სადაც თითოეული მონაწილე მიდიოდა — ქათმით. ვაღმაცემით ქათამი უთუოდ მამალი უნდა ყოფილიყო, რომელსაც მომკელი ოჯახის დიასახლისისაგან მაშინ ღებულობდა, როცა მკიდან დაბრუნებისას ყანის ჭვარს გადასცემდა. ამ ქათამს „ჯვრის მამალი“ ერქვა, ხოლო მამლის ხორციით მოწყობილ საერთო სუფრას „ჯვარიმამლობა“.

„ჯვარიმამლობაში“ მონაწილეობას ძირითადად მაინც მკის დროს მოწყობილი შრომის ორგანიზაცია განსაზღვრავდა, სახელდობრ შილდელი მთხრობელი მიხ. მოძღვარიშვილის (64 წლის, 1959) ვაღმაცემით „ჯვარიმამლობაში“ ისინი მონაწილეობდნენ, ვინც ერთიმეორეს მიუდგებოდა. ეს იყო ნაცვალგარდა. ნაცვალგარდაში ზოგჯერ თავს იყრიდა 20 მომკელი. ნაცვალგარდაში მონაწილენი, როცა საერთოდ მორიგებდნენ მუშაობის დღეებს და მკას მორჩებოდნენ, სახლიდან წაიღებდნენ თითო ქათამსა და ზოგჯერ ცხვარსაც იყიდნენ საერთო ფულით და მართავდნენ ქეიფს“.

მისივე ვაღმაცემით „ჯვარიმამლობა“ ახლაც იციან. კოლმეურნეობა როცა პურის მოსავალს აიღებს, მომკელებს აძლევს სასმელსა

და საკლავს, სახლიდან კი მიაქვთ პური, თითო ქათამი და ქეიფობენ.
„ჯვარიმამლობაში“ ენისელი და საბუეც გვბაძავდა“.

როგორც ცნობილია, მამალთან დაკავშირებული მრავალი საინტერესო ეთნოგრაფიული მასალა არსებობს, რომელიც ჩანს როგორც მემინდვრეობაში, ისე მეურნეობის სხვა დარგში. მამლის კულტი დაკავშირებულია ძველ წარმართულ რელიგიურ რწმენა-წარმოდგენებთან.

ჩვენ ამ საკითხზე შემდგომი მსჯელობიდან თავს ვიკავებთ, რადგან საკითხი საკმაოდ არის შესწავლილი. ერთი კი ნათელია, რომ ჯვარიც და მამალიც, ისე როგორც მამიდაქეები, დაკავშირებულია იმ სტადიასთან, როცა მიწის მოქმედებაში ქალის შრომა იყო წამყვანი, როცა მინდვრის მოსავალზე ზრუნვა ქალის საქმეს შეადგენდა და სარწყავი სისტემები ჯერ კიდევ არ იყო გამოყენებული მემინდვრეობაში.

კახეთში ძველად გვალვიანობის დროს სცოდნიათ აგრეთვე გუთნით წყლის მოხვნა. ამ წესის შემსრულებლებად, ისე როგორც საქართველოს სხვა კუთხეებში, ქალები გამოდიოდნენ, გუთანს უღელს აუბამდნენ, უღლებში გაებმოდნენ და მდინარეში გაათრევენ. ეს მომენტი კარგად არის გადმოცემული ერთ ხალხურ ლექსში, რომელიც მთქმელ დ. ბოძაშვილს ეკუთვნის და ეწოდება „მარაულთ ღედაკაცები“.

მარაულთ ღედაკაცები
გუთნითა ხნადნენ წყალშია,
მსხვილ-მსხვილებ წამაერჩია,
წაება გუთნის თავშია.
ერთ კი ბორჯაის ქალ იყო,
ჯანი ჰქონია მხარჩია,
ორ-სამი გამოუცვალეს,
არვის აყენებს კვალშია.
ერთს რასამ გუთან ეკირა,
გამოცდილ იყო ხვნაშია.
ორ-სამი მეხრეცა ჰყავდა,
სახრესა სცემდენ თავშია.
მითხრეს მოალის ავდარი,
ელ საქმე ქვეყნის ფასია,
მიბრუნდნენ დალალულები,
შეჭუნდნენ ბეჭის თავშია.
დეკანოზმ ქადა დაუჭრა,
ზეღვინემ არაყ ასშია.
სამი ჩამოწვეს სანთელი,
უფლისად ვედრებაშია.

ეხვეწებოდნენ უფალსა
გაგვხვიე წვიმის წყალშია და სხვ.67.

აღსანიშნავია, რომ წყლის მოხვნის წესი ძირითადად ბარისა და ზეგანის სოფლებისათვის იყო დამახასიათებელი.

კახეთში დამოწმებულ იქნა ყანის მკასთავ დაკავშირებული ერთი მაგიური ქმედება. სოფ. ჭუგაანელი მთხრობლის გადმოცემით, „ყანის მომკალი სამუშაოდ ისე უნდა წასულიყო, რომ ორსულ ქალს არ დაენახა, თუ ორსული ქალი სამკლად მიმავალ კაცს ნახავდა, მომკალს ხელი გაუსივდებოდა, თუ მომკალს ხელი გაუსივდებოდა, იგი ამავე ორსულ ქალთან უნდა მისულიყო, გასივებულ ხელზე სამჭერ ფეხს დაადგმევინებდა და ხელი დაუცხრებოდა“ (ელაშვილი ნიკა აბრამის ძე, სოფ. ჭუგაანი, 72 წლისა, 1960). ამ შემთხვევაშიც მაგიური ქმედების გადმონაშთთან გვაქვს საქმე, რომელიც მიწათმოქმედების ადრეული ხანიდან მიმდინარედ უნდა ვივარაუდოთ.

ამრიგად, მემინდვრობა კახეთის რაიონებისათვის ერთი ძირითადი სამეურნეო დარგია.

მემინდვრობის წინსვლა-განვითარებას ხელს უწყობდა მაღალნაყოფიერი ნიადაგები. იორ-ალაზნის აუზი და გაღმა კახეთი მემინდვრობის განვითარების მაღალ დონეს აღწევენ შუა საუკუნეებში. კუთხის ეკონომიური გაძლიერება განსაკუთრებით შესამჩნევი გახდა ალაზნის არხის გაყვანის შემდეგ. მონღოლთა შემოსევების შედეგად სარწყავი არხების მოშლამ ქვეყნის ეკონომიურად დაუძლურება გამოიწვია. მაგრამ მიწათმოქმედების მაღალი კულტურა ხელს უწყობდა გარეშე მტერთაგან მოყენებული მძიმე ჭრილობების ადვილად მოშუშებას.

კახეთის მემინდვრობის წინსვლას, გარდა საგარეო რთული ვითარებისა, ხელს უშლიდა აგრეთვე სათემო მიწათსარგებლობის წესი, რომელიც ცალკეულ მოწინავე მეურნეთა ინიციატივას თემის ფარგლებში ამუხრუჭებდა. სამწუხაროდ, ამ წესმა კახეთში საკმაოდ გვიანდლამდე იარსება.

კახეთის სათემო მიწათსარგებლობის წესებში დამოწმებულმა ეთნოგრაფიულმა მასალამ, რომელიც მიწის დაჩემებასა და მითვისებაში მდგომარეობდა, წარმოაჩინა მიწის კერძო საკუთრების ფორმის ჩასახვა-განვითარების საინტერესო გზა. ეს გზა მიიმართებოდა დაჩემებიდან მამულამდე. მამული თემისაგან გლეხის პირადი საკუთრების

შეუვალი ქონების ნაწილი იყო, რომელიც ამავე დროს წარმოადგენდა გლეხის წოდებრივი მდგომარეობის განმსაზღვრელს.

კახეთის მინდვრის ძირითადი სამეურნეო იარაღი დიდი გუთანი იყო, რომელმაც XIX საუკუნის II ნახევარში საქართველოში კაპიტალიზმის განვითარების ხანისათვის გარკვეული გარდაქმნა განიცადა. კახეთში ამ პერიოდისათვის გაჩნდა ადგილზე შემუშავებული შერეული კონსტრუქციის სახვნელი კაკაბური გუთნის სახელით.

კახეთის მემინდვრეობაში დამოწმებული შრომის ორგანიზაციის ფორმების სიუხვე (ხენის დროს, მოსავლის აღებაზე, ლეწვაზე და სხვ.) და მარცვლეული კულტურების ჯიშობრივი თვისების შენარჩუნებისათვის ხალხური წესების არსებობა კახური მემინდვრეობის თავისებურებაზე და მის სიძველეზე მეტყველებს.

მემინდვრეობა ქართლში

1. სახოლადუნო მემინდვრეობა. ქართლი მოიცავს საქართველოს ცენტრალურ ნაწილს, რომელსაც დასავლეთით ესაზღვრება იმერეთი, ჩრდილოეთით — ოსეთი, ხევი, ფშავ-ხევისურეთი; აღმოსავლეთით — ფშავი, კახეთი; სამხრეთით — სომხეთი, თურქეთი, მესხეთ-ჭავჭავეთი. ქართლის „ფიზიკურ-გეოგრაფიული რაიონი, — როგორც აღნიშნავს ლ. მარუაშვილი, — ამ ისტორიულ-ეთნოგრაფიულ პროვინციას მხოლოდ ზოგადად ემთხვევა“¹. ქართლის ფიზიკური გეოგრაფია მეტად თავისებურია, იგი მოიცავს რამდენიმე ხეობას, რომელთაგან ყველაზე მნიშვნელოვანია მტკვრისა, ლიახვი-ქსნისა და არაგვის აუზებს შორის მდებარე ვაკობი. ქართლის ტერიტორიის დიდი ნაწილი მოდის მთაზე და ზეგანზე. მთის ხეობების დავალება და გარდამავალი ზოლი ყველაზე უფრო მკიდრო დასახლებით ხასიათდება.

სამეურნეო თვალსაზრისით მთისძირა ზოლი მოხერხებულ საცხოვრის სასოფლო ადგილად ყოფილა იმ თავითვე არჩეული.

ქართლში მთის წინა კალთებზე განსახლებას ხელს უწყობდა მდინარეთა გამოყენების თვალსაზრისით მდინარეთა მოხერხებული მდებარეობა, რომელთა უმეტესობა კავკასიონის მთის კალთებიდან მოედინება: ქსანი, არაგვი, მეჯუღა, ლიახვი, ლეხურა, ქარებულა, ფრონე და სხვ. მდინარეებმა ხელი შეუწყო მოსახლეობის მის სიახლოვეს განლაგებას. მდინარის პირას ცხოვრება ადამიანს აძლევდა საშუალებას, რომ ჯერ კიდევ შემკრებლობითი და მონადირული ცხოვრების სტადიაზე უხვად მიეღო ბუნების ნაბოძარი საკვები თევზეულისა და წყლის ახლოს მობინადრე ფრინველთა თუ ცხოველთა სახით. საქართველოს მდინარეების აუზების სიახლოვეში უხვად იპოვებოდა ტყის ხილი, რაც აგრეთვე ადამიანს იზიდავდა, რომ მის სიახლოვეს გაეჩინა ბინადრობა.

¹ ლ. მარუაშვილი, საქართველოს ფიზიკური გეოგრაფია, 1964, გვ. 252.

ქართლის ტერიტორიაზე ჩატარებულმა არქეოლოგიურმა გათხრებმა (ბედენი, თრიალეთის ყორღანები, ურბნისი, შულავერი, დილომი, ხოვლეგორა, გუდაბერტყა, ფლავისმანი და სხვ.) დაადასტურა, რომ ძველი წელთაღრიცხვის მეხუთე და მეოთხე ათასეულში მემინდვრეობის კულტურა საკმაოდ მაღალ დონეზე იდგა. ამ პერიოდშივე ვითარდება საქართველოში ლითონის მეტალურგია. როგორც უკანასკნელი ხანის მეცნიერულმა კვლევა-ძიებამ ცხადყო, ქართველ მეტალურგებს III ათასეულში უფრო მაღალი სიმტკიცის შენადნობი ბრინჯაოს იარაღები გააჩნდათ ვიდრე მათ მეზობელ სახელმწიფოებს, მათ შორის წინა აზიის ძველ ქვეყნებს². ეს გარემოება უთუოდ ხელს უწყობდა სამეურნეო საქმიანობის აღმავლობას. გამჭრელი და ხელმარჯვე იარაღები, რომელიც მტკვარ-არაქსის აუზის მოსახლეობის ნამოსახლარებზეა დაცული, იმ გარემოებაზე უნდა მიუთითებდეს, რომ სამიწათმოქმედო მეურნეობა მესამე ათასეულისათვის დასახელებული რაიონის მოსახლეობის ძირითად საარსებო წყაროს შეადგენდა. მართალია, ამავ პერიოდში ბარის მოსახლეობა ხშირად იცვლის საცხოვრის ადგილს, მაგრამ თვით ეს გარემოება მჭიდროდ არის მიწათმოქმედებასთან დაკავშირებული. მთაში თუ ახოს სისტემა ბოლო დრომდე დარჩა ძალაში, ბარში იგი ადრე მიეცა დავიწყებას. თუმცა ბარის ტოპონიმიაში ახლ თითქმის ყველა სოფლის მიდამოს სახელის აუცილებელი ატრიბუტია. ამასთან საინტერესოა ხოდაბუნის სისტემაც, რომელიც მდინარის სანაპირო ჰალის გატეხვის გზით მიიღებოდა. ხოდაბუნები ხევსურეთში ხატის მამულების იმ კატეგორიას ერქვა, რომელიც ხატს ოდითგანვე ეკუთვნოდა³. ე. ი. იგი იყო მიწის ის ნაკვეთი, რომელიც ხატმა ყველაზე ადრე დაიჩიემა. ქართლში ხმარებაშია გამოთქმა „მიწის მოხობაბუნება“, რომელიც გამოხატავს სამეშაოდ გათვალისწინებული მიწის ნაკვეთის მოსწორება-მოშანდაკებას.

ურბნისის არქეოლოგიურმა მასალამ, რომელიც V—IV ათასეულს განეკუთვნება⁴ ნათელყო, რომ ადგილობრივი მოსახლეობა იცნობდა რამდენიმე სახის ხორბლეულს და სამეურნეო საქმეში იყენებდა გამწვევ ძალას. ამ დროისათვის ნიადაგის ღალის ძიება საახოო და სახობაბუნო სისტემას უნდა გადაეწყვიტა. გამჭრელი იარაღი ცეცხლთან ერთად ამ სისტემის აუცილებელ პირობას შეადგენდა. საახოო სის-

² უ. ა. ბეგაძე, ლითონის წარმოება ამიერკავკასიაში, ძვ. წ. III ათასწლეულში, 1969, გვ. 98.

³ В. В. Бардавелидзе, Земельные владения древнегрузинских святылищ, СЭ, 1949, № 1, с. 96.

⁴ აღ. ჯავახიშვილი, ლ. დლონტი, ურბნისი, გვ. 18.

ტემა როგორც ბარის, ისე მთისათვის მესამე ათასეულში გავრცელებული მოვლენა უნდა ყოფილიყო.

როგორც ახოს, ისე ხოდაბუნს დიდი სამეურნეო მაჩვენებლები გააჩნდა. ამას საგანგებოდ აღნიშნავს მეჭურჭლეთუხუცესი კახა თორელი რკონის მონასტრისადმი შეწირულების (1259) წიგნში. იგი პურეული მოსავლის სამ წყაროს ასახელებს: „რაც მოსავალი იყოს: ზუართაი, ხოდაბუნთაი და კულუხისაი“⁵. ქვემოთ იმავე საბუთში აღნიშნულია „ოდესცა ზუარანი და ხოდაბუნნი კეთდენ და კარგა მოვიდეს (ლაპარაკია პურეულ მოსავალზე — გ. ჯ.), რაიც მას წელიწადსა მოპარჩეს“⁶ და სხვა. ამ კონტექსტში ხოდაბუნის კეთება უნდა გულისხმობდეს სახოდაბუნედ მიწის გატეხას, ტყეებუჩქნარის ამოძირკვას და ხამი მიწის სახნავად ათვისებას.

ხოდაბუნი, როგორც ივ. ჭავჭავიძის აღნიშნავს, თავ-მიწის გამოსახატავად უხმარიათ. მას მოყავს ამონაწერი დავით აღმაშენებლის ანდერძიდან (1123 წ.), სადაც ნახსენებია ხოდაბუნი. ივ. ჭავჭავიძის გამოკვლევით, ხოდაბუნი სპარსული სიტყვა ყოფილა და საუფლო-საბატონო მიწას ნიშნავდა⁷.

საბას ლექსიკონში აღნიშნულია, რომ ხოდაბუნი საბატონო დიდი ყანააო, იქვე ბლისტის განმარტებაში წერს „საკუთარი აგარაკიაო“, საბა აქვე ფრჩხილებში „საკუთარ აგარაკს“ უკეთებს კომენტარს და განმარტავს „სათავისთაო ხოდაბუნიო“⁸. საბას მიხედვით ორი სახის ხოდაბუნი ყოფილა: „საბატონო“ დიდი ყანა და „სათავისთაო“.

ხოდაბუნი წარმოადგენდა ამავე დროს საბატონო საუკეთესო ადგილს, რომელსაც სოფელი იოლად ვერ შეუდიოდა. სამაგიეროდ გლეხობას შეეძლო მცირე ხოდაბუნზე დაჩემებულის უფლება მოეპოვებინა. ვახტანგის კანონების მიხედვით ხოდაბუნზე გლეხს დასახლება შეეძლო ბატონის ნებართვით⁹.

ხოდაბუნი განსაკუთრებული კატეგორიის სახნავ-სათესი მიწაა, რომელსაც არც ბატონი და არც მისი მფლობელი გლეხი გასასყიდად თუ გასაცემად იოლად ვერ გაიმეტებდა. ამასთან დაკავშირებით ერთი საინტერესო გარემოებაა კიდევ ქართლში შენიშნული, რომელსაც

5 ი. დოლიძე, ქსძ, II, გვ. 61.

6 იქვე.

7 ივ. ჭავჭავიძის, საქართველოს ეკონომიური ისტორია, I, გვ. 152.

8 საბა, ქართული ლექსიკონი, 1928, სიტყვა ხოდაბუნი.

9 ქართული სამართლის ძეგლები, ტ. I, ი. დოლიძის გადმოცემა, 1963, გვ.

ვახტანგ მეექვსემ კანონთა კრებულში ცალკე მუხლი გამოუყო. ოჯახის გაყრილობის დროს ხოდაბუნიდან და ზერიდან საუფროსოს აღების უფლება წესად არა ყოფილა. ერთადერთი გამონაკლისი ციციშვილები ყოფილან „იმთაც ძველობით, ფიციით გაუტანიათ. და მისთვის დარჩომილა“¹⁰. როგორც ჩანს, ციციშვილებს ადრევე დაურღვევიათ ზერისა და ხოდაბუნის ერთგვარი შეუვალობა.

იტრიის ეკლესიისადმი შეწირულობის XVI საუკუნის სიგელში, რომელიც დოროთეოზ კათალიკოზს შეუდგენია, მოხსენებულია „სამი ხოდაბუნი მიწანი ოსიაურს გასამზღვრული არის ნატბევშია“¹¹. სამი ხოდაბუნი ნიშნავს სამ სხვადასხვა ადგილს განლაგებულ მიწის ნაკვეთს მოპოვებულს „სათავისთაოდ“, როგორც ე. ი. პირადი მონაპოვარი, სათემოსაგან განსხვავებული ნაკვეთი. ხოდაბუნი მოიხსენიება აგრეთვე 1565 წლის ყმისა და მამულის ნასყიდობის წიგნში, რომელიც მიუცია ელისბარ სოლოლაშვილს პაპუნა მაღალაშვილისათვის. ამ საბუთშიც აღნიშნულია „ორი ხვადაბუნი, ერთი დამპალაში, ერთი თვალთ უბნის ბოლოს, ორივე ოცდაათის დღისა“¹². აქაც ხოდაბუნის კატეგორიის მიწა სხვადასხვა ადგილს ჰქონია ერთსა და იგივე პირს.

ისე როგორც ახო, ხოდაბუნიც ტოპონიმიკაში გავრცელებული ტერმინია, მისი ასე ფართოდ გავრცელება სწორედ იმის მანიშნებელია, რომ ხოდაბუნი ახოს მაგვარი ხასიათის სამინდვრო სისტემაა. ეს მონაცემები უთუოდ გარკვეულ ახსნას უნდა აძლევდეს ხევსურეთის ჭვარ-ხატების სახნავ-სათესი მიწების გარკვეულ კატეგორიას, რომელსაც ხოდაბუნი ეწოდებოდა და ხატის ადრეულ ხელდებულ მიწებად ითვლებოდა.

ახო და ხოდაბუნი ქართლის მთასა და ბარში გავრცელებული სისტემებია, რომელთა საშუალებითაც ხდებოდა სახნავ-სათესი ნიადაგების მოპოვება.

ქართლში სახნავ-სათესი ფართის მოპოვების საქმეში, გარდა ტყის გაკაფვისა (ახო) ან ბუჩქნარების გაკაფვა-გაჭრისა (ხოდაბუნი), ფართოდ იყო გამოყენებული ფერდა ადგილების მოვაკება, ხელოვნური ბაქნებისა და ოროკების სახით. ფერდა ადგილების ათვისება ხეების სანაპიროებზე ძველ სამეურნეო საქმიანობას უნდა წარმოადგენდეს წყლის სიახლოვე ადამიანს ყოველთვის აძლევდა მისი აქტიურად გამოყენების იდეას. შიდა ქართლის ცალკეულ ხეობებში ამის შესაძ-

¹⁰ იქვე.

¹¹ იქვე, ტ. III, ი. დოლიძის რედაქციით.

¹² დსსი, I, გვ. 7, 1970, გვ. 355.

ლებლობა იყო, კერძოდ მდინარეების — ხეკორძულას, ნიჩბურას, დიღმურას, კავთურას, ატენურას, ალგეთის, ბორჯომულას, ფრონეს, თეძამის, ლიახვის, მეჭულას, და ქსნის ხეობაში, სადაც უხვად არის შემორჩენილი ძველი ნარუალი ადგილები, ტერასული ნაგებობების ნაშთები, მცირე ბაქნები და ზოგჯერ საინჟინრო ხასიათის ნაგებობანი. საგუბრებისა და კედლებზე გადაყვანილი არხების სახით (დიღმურას ხეობა, ქსნის ხეობა, ნიჩბურას ხეობა და სხვ.). შიდა ქართლშივე შემჩნეულია რომ მიწათმოქმედება ძველი დროიდანვე ინტენსიური ხასიათის მატარებელია. როგორც ისტორიული ხანისათვის, რომლის მასალას უხვად იძლევა არქეოლოგიური მონაცემები, ისე ეთნოგრაფიულ ყოფაში მრავალი მაგალითი მოგვეპოვება, რომელიც შიდა ქართლის მემინდვრეობის კულტურის მაღალი დონის გამომხატველია.

პურის მოსავალი შიდა ქართლის მოსახლეობის სამეურნეო ყოფაში ყველაზე მეტი ზრუნვის ობიექტს შეადგენდა. ამის გამოხატულებას წარმოადგენდა ჯერ კიდევ ძველი დროიდან მოყოლებული მცირე და დიდი სარწყავი არხების მშენებლობა და მათი შენარჩუნება.

ხორბლეულისათვის საჭირო მინდვრის უკმარისობის შემთხვევაში, ხორბლის სათესი დანიშნულებით იყენებდნენ ნასახლარებს, ნავენახრებს და ვენახებსაც კი. 1730 წლის ერთ საბუთში, რომელშიც ხელთუბნელთა ღალაზეა საუბარი, აღნიშნულია ქერის და ახალთესლის თესვის შემთხვევაში. ეს საბუთი სხვა მხრივაც არის საყურადღებო. ამ საბუთიდან ჩანს, რომ ხელთუბანში მრავალი კომლი ამოწყვეტილა და გადაშენებულა, მათ დარჩენიათ ზოგს ვენახი, ზოგს ნასახლარი, ზოგს „ნავენახრობი“ და მიწები, რომელთაც დაპატრონებიან სხვები, შესაძლებელია არა ამ სოფლის მოსახლენი. გავეცნოთ ამ საბუთის ერთ ფრაგმენტს: „ქ. როსეფას მიწაში სვიმონას შვილისა ყანა ურემი და მისი ღალა კოდი ვ. ქ. ავაქას-შვილის ნასახლარში სობელი მამასახლისის ქერი და ურემი ი, ამის ღალა კოდი ა“. „ქ. ედილას-შვილის ნავენახრობაში დოვლათის-შვილისა და კომბლეს-შვილისა ქერი ურემი ბ, ამის ღალა კოდი დ“. ქ. ყრუ-ნადირას ვენახში ნინიკას-შვილის ქერი ურემი ა, ამის ღალა კოდი ზ“¹³. უნდა აღინიშნოს, რომ როცა ეს საბუთია შედგენილი, ამ დროს ქართლს საკმაოდ მძიმე პირობებში უხდებოდა ცხოვრება. შესაძლებელია ქერის თესვაც ვენახებში და ნავენახრებში ამ გარემოებით იყო შეპირობებული. ქართლში რომ ქერის და ახალთესლის თესვა გაჭირვების დამს ვენახებშიც სცოდნიათ, ეს სხვათა შორის უფრო გვიანი ხანი-

¹³ ნ. ბერძენიშვილი, მასალები საქართველოს ეკონ. ისტორიისათვის, გვ. 158.

სათვისაც ეთნოგრაფიულ ყოფაში დადასტურებულ ფაქტად შეიძლება ჩაითვალოს. დიდი სამამულო ომის წლებში გორის რაიონის სოფელ ქორდში ვენახში და ხილის ბაღებში რამდენიმე გლებს მოყავდა ქერი. ამასთან, ვენახში ქერს ბუდნად თესდნენ და მის გვერდითვე თესდნენ აგრეთვე კუტ ლობიოს. ქერი ადრე შემოდლიოდა, მისი აღების შემდეგ ლობიოს თავისუფალი არე რჩებოდა, ვაზი, ცხადია, იჩაგრებოდა, მაგრამ ვენახში სამი მოსავლის მოწევას მაინც ახერხებდნენ.

ვენახში და ხილის ბაღებში ქერის თესვის ფაქტი ქვეყნის შიგნით სიკეთის ჟამს არ მიეწერება, მაგრამ იგივე ფაქტი იმაზე მიუთითებს, თუ რამდენად აქტიურად ერევა ადამიანი მიწის ღალის გამოყენების საქმეში. შიდა ქართლის ხეობებში სადაც მეხილეობა, მევენახეობა და შემინდვრეობა თანწყობილი დარგებია, დღესაც მეურნეობის ეს ცალკეული სახე მიწის ამა თუ იმ ნაკვეთზე შერწყმულ მდგომარეობაშია წარმოდგენილი. შიდა ქართლში ვენახში თესენ სიმინდს, ლობიოს, კიტრს, გოგრას, აქვე შეხვდებით ნივრის და პომიდორის ნათესებს და ვაზებთან ერთად ატმის, ვაშლის და ჭერმის ნარგავებს. ანალოგიურ სურათს ადგილი არა აქვს არც არაგვის ხეობაში და არც კახეთში. ქართლში მიწის ინტენსიურად ათვისების საქმე, როგორც ზემოთაც აღვნიშნეთ, ძველი დროიდანვე მიმდინარეობდა. განსაკუთრებით საყურადღებოა სოფლების განსახლების სურათი, რომელიც ხეობების სისტემებს ემორჩილება. ძველი სოფლები მდინარეთა მარჯვენა და მარცხენა სანაპიროებს გაუყვება. ამასთან, დასახლებისა და კარმიდამოსათვის მდინარის სიახლოვეა შერჩეული, ვენახებისა და ხილის ბაღებისათვის სოფლის დასახლების ახლო შემოგარენი, ხოლო სახნავ-სათესი მინდორი სოფლიდან მოცილებულ მანძილზეა, ე. ი. ბოსტნების და ბაღ-ვენახების შემდეგ. გვიანი დროის ეს სურათი ძველი იერის მატარებელია.

სოფლების სახელები ხშირად კარგად გამოხატავენ მათს ისტორიულ წარსულს. სოფელთა სახელწოდებები მომდინარეობენ ან მდინარეების სახელებიდან (ინწობა, თორტიზა, ქსანი), ან უკავშირდებიან მცენარეულ საფარს, რელიეფს, ნიადაგის თვისებებს, ისტორიულ მოვლენებს, ან ადამიანთა სახელებსა და გვარებს (თამარიანი, თამარაშენი, გოგაშენი, თედოწმინდა, გოგიანთ კარი, ინაური, იაკობაძეები, ზარდიანთკარი და სხვ.), მცენარეულ საფარს (ცხინვალი, მუხრანი, თხმელარი, თხილიანი და სხვ.), რელიეფს (ორხევი, ხეობა, მთისძირი, ბარეული, ვაკე), ნიადაგის თვისებებს (ეწერი, ქორდი, ლაშე, ქვათეთრი), ისტორიულ მოვლენებს (ნაომარი, უფლისციხე, ნადარბაზევი), ეთნო-

ნიმიკას (ნასომხარი, იმერლიანთკარი, ნაცხავატევი) და სხვ. ასო ე-ზე 1960 წლისთვის საქართველოში 53 სოფელი იყო აღრიცხული, აქედან 5 სოფლის — სახელი და გვარებიდან გამომდინარეა (ელოიანი, ედილაანი, ედილაძეები, ელბაქითა და ეფრემოვკა). მარტო 11 სოფლის სახელი მიწის სახელ ეწერთან არის დაკავშირებული, დანარჩენი კი სხვადასხვა წარმომავლობისაა. ასო ზ-ზე მოდის 230 სოფლის სახელი, ხოლო ქ-ზე 186. ამასთან აღსანიშნავია, რომ 200-მდე სოფელს განმსაზღვრელად აქვს ადგილმდებარეობის გამომხატველი ზენა, ზედა და ზემო. ამის საპირისპიროდ განმსაზღვრელად გვევლინება: ქვენა, ქვედა და ქვემო, რომელთა ქვეშ 140-ზე მეტი სოფელია დასახლებული¹⁴. ზენა, ზედა და ზემო სოფლები ქვენა სოფლებთან შედარებით უფრო აღრინდელია. ზენა სოფლების დაშლა ქვენა სოფლებად ან ზენადან აყრა და მისი ქვენა სოფლად ქცევა, ისეთივე ხასიათის მოვლენად გვეჩვენება, როგორც ძველ სამოსახლო გორებიდან მოსახლეობის გადასვლა ახალ სამეურნეო მიდამოზე¹⁵.

ზენა სოფლები, ისე როგორც სამოსახლო გორები, ერთბაშად არ დაცლილა და ნაწილი სოფლებისა არც წაშლილა. ხდებოდა სოფლიდან გაცლა და ახალი ქვედა ან ქვენა სოფლის შექმნა.

ანალოგიურად ზენა სოფლებისა, რომელთაც ჩვენ ძველი დასახლების სოფლებად მივიჩნევთ, ძველია აგრეთვე გვარებიდან მომდინარე სოფლის სახელები. აქ აშკარად იგრძნობა სოფლის როგორც პატრონომიული ერთეულის სახე. პატრონომიული დიდი ოჯახის დაშლის ნიადაგზე ახალი ოჯახიშვილობა იქმნება, რომელიც ან სოფლის დასახლებიდან გადის და ახალ პატრონიულ დასახლების ერთეულს ქმნის, ან სოფლის შიგნით რჩება ახალი გვარის გამოყოფით. ამის მაგალითები მრავლადაა გვაქვს შემონახული ფშავში, ხევსურეთში და ქსნის ხეობაში. ყაზბეგის რაიონის სოფ. ჭუთაში არაბულები ერთიმეორის ბიძაშვილებად ითვლებიან. გვარი გაიზარდა, ბიძაშვილები ერთიმეორეს დაშორდნენ, სოფლის თავკაცებმა იმსჯელეს და ახალგაზრდობას ნება დართეს ახალ გვარებზე გასვლისა, ფშავში ქისტაურების გვარი დაიშალა რამდენიმე გვარად, ქსნის ხეობის სოფელ პავლიანთკარში პავლიაშვილების გვარი დაიშალა: ელოშვილებად, თინიკაშვილებად და დოჩიაშვილებად.

პავლიაშვილებისაგან განაყარი და მამიშვილობის მიხედვით შექმნილი გვარებიდან ახალი მონოგენური დასახლებები, ძველი ტრადიციის

14 საქართველოს სსრ ადმინისტრაციულ-ტერიტორიული დაყოფა, 1966.

15 ნ. ბერძენიშვილი, ერთი ფურცელი ისტორიულ-გეოგრაფიული დღიურიდან, სიგა, I, 1960, გვ. 154—155.

შიხედვით კვლავ კარის სახელით მოიხსენიება. ასე, მაგ., დოჩიაში-ლებით დასახლებულ სოფელს დოჩიანთ კარს უწოდებენ, თინიკაში-ლებისას თინიკიანთ კარს და სხვ. ჩანს, რომ პატრონომიული დიდი ერთეულის ადრეულ ეპოქაში დიდი ოჯახების დაშლა კარულ დასახ-ლებებს აჩენდა.

სოფელთა სახელები, რომელთა წარმომავლობა გეოგრაფიული გარემოს: მთის, ვაკის, მერეს, ვანის, ველის, რუის, ჭანჭახოვანს, ტბას, სევს, შშრალს, ხმელს, ლილოსა და მისთანათ უკავშირდება, უნდა წარ-მოქმნილიყო მიწათმოქმედების განვითარების იმ სტადიაზე, როცა მიწის ფართო მასშტაბით დამუშავების შესაძლებლობანი შეიქმნა. როცა სარწყავმა თუ ურწყავმა მემინდვრებამ გზა გაიკაფა მთის ძი-რიდან ველისაკენ, როცა საახოო სისტემამ მოიპოვა სამუშაო და სა-სოფლო საცხოვრისი ველი მუხრანში, თხილნარში, წიფლნარში, რცხილ-ნარში, ფიქვნარებში, ვაშლოვანში, სხილნარში, იფნარში და სხვ.

სპილენძ-ბრინჯაოს იარაღმა ადამიანს სამეურნეო საქმიანობა გაუ-ადვილა. ამიტომ „ენეოლითური ხანის ნამოსახლარები გვხვდება დაბ-ლობში, დიდი მდინარეების მახლობლად, აგრეთვე საკმაოდ მაღლობ ადგილებზე, პლატოებზე, სადაც სამიწათმოქმედოდ კარგი პირობები უნდა ყოფილიყო.

ამ პერიოდის ნასოფლარებს ძირითადად იმ ადგილებში ვხვდე-ბით. სადაც მიწათმოქმედებისათვის ახლაც კარგი პირობები ჩანს¹⁶. აღსანიშნავია, რომ ენეოლითის დროის ნამოსახლარებზე არსად არ იგრძნობა ხანგრძლივი ცხოვრება. ჩანს, რომ ამ პერიოდის საახოო მიწათმოქმედება ადამიანთა ერთ ადგილზე ხანგრძლივ სახლობას ხელს არ უწყობდა. საახოო მიწათმოქმედება ენეოლითის ხანისათვის, მისი განვითარების გარკვეულ ეტაპზე დიდი ოჯახის თანდათანობით დაშ-ლის ეტაპიც არის. საახოო მიწათმოქმედებამ მოგვიანებით აითვისა გამწვევი ძალა. ოჯახში წარმოიქმნა შრომის დანაწილება; ქალი მებო-სტნე მიწათმოქმედი, მქსოველი, კერის მეპატრონე დარჩა. მამაკა-ცი მემინდვრე-მიწათმოქმედი, მწყემსი, მებრძოლი, მონადირე და მე-თევზეა. მაგრამ მიწა — სამკვიდრებელი ადგილი, ბარში უფრო არა-მდგრადი უნდა ყოფილიყო, ვიდრე მთაში. მთამ მესაქონლეობის და მემინდვრეობის გარდა აქაურ მოსახლეობას საშუალება მისცა დაემუ-შავებინა ლითონი, ამ საქმიანობის შედეგად გაჩნდა სამოსახლო ად-გილები წედისების, სარკინების, მალაროების, ჭკალუაშების და სხვ. სახით, რომელთა მდებარეობა მხოლოდ მთის ზოლზე მოდის.

¹⁶ საქართველოს არქეოლოგია, გვ. 79.

მთის ზოლში განლაგებული სოფლების სახელწოდებათა უმეტესობა გვარებთან არის დაკავშირებული ან სოფლის უბნები გვარების მიხედვით გამოიხატებოდა. ანალოგიური სურათი იყო ბარშიც. სოფლის დაყოფა საგვარო უბნებად, ანუ გვარის მიხედვით ნათესაურ სახლისკაცურ-პატრონიმიულ ჯგუფებად იყო წარმოდგენილი. შემდეგში ასეთი განკერძოებანი თანდათან მოიშალა. სოფელში გვარის მიმატებამ ტრადიციული, გვარეული განკერძოება შეარყია. კონკრეტული მაგალითი იმისა, თუ ბარის სოფელს გვარებად დაჯგუფების სახე როგორა აქვს დაკარგული, რამდენიმე სოფლის მიხედვით შეიძლება მოგვეტანა. სოფელი ქორდი (გორის რაიონი) ბარის სოფელია, მდებარეობს მდ. პატარა ლიახვის პირას. ძველად სოფელი სამ დიდ უბნად იყო დაყოფილი: ჯალაბანთ უბნად, რომელსაც დღეს ზემო უბანი ეწოდება, ლომაურინთ უბნად, დღევანდელი შუა უბანი და არჩუანთ უბნად, დღევანდელი ქვემო უბანი.

ბოლო დროისათვის ქვემო უბანს არჩუანთ უბნად აღარ იხსენიებენ. უბანში ადრევე მომრავლდა ხაჩიურების გვარი და უბნის მოსახლეობის მესამედი დაიკავა. აქვე ზესიძეებად ჩამოსახლდნენ ინაურები და უბნის მეოთხედი უჭირავთ. ზესიძეობის გზითვე მოვიდნენ აგრეთვე საღირაშვილები, ჯალაბაძეები, რაზმაძეები და სხვანი. მათზე შემოსვლამ არჩუაძეების ძველი პატრონომიული უბანი, რომელიც ორი დიდი ოჯახის დიდ არჩუანის და პატარა არჩუანთ ძირით იყო წარმოდგენილი, დაშალა. ანალოგიურ გარემოებას ჰქონდა ადგილი სხვა უბნებშიც, რამაც სოფლის ე. წ. მონოგამიურ-ეგზოგამიურ უბანს სახე შეუტევალა.

ანალოგიური სურათი ჩანს სოფ. ძეგვის მიხედვითაც. ძეგვი ხუთ უბნად არის წარმოდგენილი: ზეით უბანი, ქვეით უბანი, საყდრის უბანი, კოშკის უბანი და დარბაზის უბანი. ზეით უბანში 6 გვარი ცხოვრობს: მირეშაშვილები, სოლოლაშვილები. გაბინაშვილები, გორგაძეები, ჭილაძეები და როსტიაშვილები. ქვეით უბანში: ფირანაშვილები, რთველიაშვილები, როსტიაშვილები და ამანათიძეები. კოშკის უბანში: სურამელაშვილები, როსტიაშვილები და ფირანაშვილები. დარბაზის უბანში: მირეშაშვილები, სოლოლაშვილები, ხიზანაშვილები და ჩოფიკაშვილები. საყდრის უბანში: ფირანაშვილები, რთველიაშვილები, სისაურები, მჭედლიძეები, აქაც ადრინდელი გვარების მიხედვით განკერძოებული უბნები მრავალი გვარის, მათ შორის, გარედან მოსული გვარების მომატებით უბანს ადრინდელ სახელებს უუქმებდა.

დაბა ყვარელი 12 უბნად იყო დაყოფილი: რუსიანთ უბანი, ყაშტაანთი, თუქოლაანთი, გიორგიანთი (სეფაშვილების), ტოლიანთი,

ბუჯიანთი, ავაზაანთი, ზურიანთი, ქვემო სეფაანთი, დენტუაანთი, კოკორაანთი და ნაყმევები. ამ უბანთა სახელები, გარდა მეთორმეტე უბნისა, ყველა დაკავშირებულია გვარებთან. მეთორმეტე უბანი ჰავჭავაძიანთ ყმებისაგან შედგებოდა და რამდენიმე გვარით იყო წარმოდგენილი. ამ უბნებს ძველი სახელები გვიანდლამდე შერჩათ, მაგრამ დღეისათვის თითოეულ უბანში ახლა რამდენიმე სხვადასხვა გვარის კაცი ცხოვრობს, სადაც ძველი მონოგამიური უბნის სახელი თანდათან კარგავს თავის ფუნქციას. მთის სოფლებში გვარების მიხედვით უბნური განსახლება საიქიო „ცხოვრებაშიც“ იყო გამოხატული. ყაზბეგში გვიანდლამდე შემორჩა გვარების მიხედვით სასაფლაოების შემოზღუდვა. ერთი გვარის მიერ მოზღუდულ სასაფლაოზე „ცხო გორის კაცი“ არ დაიმარხებოდა. მთამ შედარებით დიდხანს შემოინახა ძველის გადმონაშთები და ზოგიერთი ტრადიციები, რასაც ხელს უწყობდა საწარმოო ძალთა განვითარების დაბალი დონე, მეურნეობის გეოგრაფიული გარემოთი შეზღუდულობა. ა. ამაღრიკისა და ა. მონგაიტის აზრით: გეოგრაფიული გარემო ან აჩქარებს, ან ანელებს და განსაზღვრავს მის თავისებურებას. სირთულე ამ შემთხვევაში იმაში მდგომარეობს, რომ გეოგრაფიული გარემო საზოგადოების განვითარებაზე უშუალოდ კი არ მოქმედებს, არამედ საზოგადოებრივი წარმოების საშუალებით¹⁷.

გეოგრაფიული გარემო საქართველოს მთის სოფლების სამეურნეო საქმიანობის განვითარებაზე უაღრესად დიდ გავლენას ახდენდა. ეს გავლენა გამოიხატებოდა აგრეთვე სოფლების როგორც განსახლების სურათზე, ისე იმ ნიშნით განსახლებაზე, რაზედაც ზემოთ გვეყონდა საუბარი. დუშეთის რაიონში სულ 326 სოფელია, აქედან მონოგამიური დასახლებისაა 83. დანარჩენი სოფლის სახელები უკავშირდება მდინარეებს, მცენარეულ საფარს, საძოვარს და ცხოველებს.

როგორც ცნობილია, აღმოსავლეთ საქართველოს მთის მოსახლეობა შერწყმულ მეურნეობას მისდევდა, სადაც მესაქონლეობა წინა პლანზე იყო წამოწეული. მეურნეობის ამ დარგმა გარკვეული ზეგავლენა მოახდინა როგორც სოფლების განსახლებაზე, ისე საცხოვრებელი და სამეურნეო ნაგებობების დაგეგმარებასა და კონსტრუქციებზე.

შიდა ქართლში ხეობების აქტიური ათვისება მეორე ათასეულის დასასრულში მიმდინარეობდა. ამავე პერიოდში და ცოტა მოგვიანებით ხეობებში ჩნდება ლოკალური კულტურის კერები (საძეგური,

¹⁷ А. С. Амальрик, А. Л. Монгайт, В поисках исчезнувших цивилизаций, 1966, с. 115.

ზღუდვური, არმაზი, დილომი, მაშავერა და სხვ.). ხეობათა მიხედვით მეურნეობის წარმოების ხასიათი მეტ-ნაკლებ განსხვავებას იძლეოდა. ერთი ხეობა მეტად იყო მეურნეობის ერთი რომელიმე დარგით წინ წამოწეული, მაგრამ შემინდვრეობა ყველა ხეობის საერთო დარგს შეადგენდა, რომელიც, როგორც მთაში, ისე მთისძირა და ბარის ზოლში, მეორე ათასეულის დასასრულს მძლავრ სამეურნეო დარგად იქცა. აღნიშნულ პერიოდში სულაც არ არის შემთხვევითი მეურნე კაცის კევრზე დასვენება-დაკრძალვის წესი (ხოვლეგორა, სამთავრო, მინგეჩაური, ახტალა). ამავე ხანაში საგულეებელია მძლავრი სახენელი იარაღის გამოყენება. აღმოსავლეთ საქართველოში, სახელდობრ შიდა ქართლში ბრინჯაოს დასავლური თოხის ფორმების მძლავრ ნაკადად გამოჩენა, ფართო სავაჭრო-ეკონომიკური ურთიერთობის მანიშნებელია, რომლის შიგნით უთუოდ დიდი ადგილი ეჭირა დასავლეთიდან არა მარტო იარაღის შემოტანას, არამედ, როგორც მუშა ძალა, დასავლეთ საქართველოდან უნდა მოდენილიყო გარე სამუშაოზე მავალთა ჯგუფები. წინა აზიის ძველ ქვეყნებში ჯერ კიდევ II ათასეულში მიწათ-მოქმედებაში ფართოდ იყო გამოყენებული დაქირავებული შრომა¹⁸. გამორიცხული არ არის რომ კოლხური მოსახლეობა თავისი სამეურნეო იარაღებით სეზონურ სამუშაოებზე ხშირი სტუმარი ყოფილიყო იბერიისა, საიდანაც შრომის საზღაურად ნატურა უნდა წაეღოთ.

შუა საუკუნეებში ამ მოვლენას გარკვეულად ასახავენ ისტორიული დოკუმენტები: თამარ მეფის შიომღვიმისადმი შეწირულობის სიგელში (1201) სხვა მხრიდან სამუშაოდ მოსული „გარეთმოს/რ/ულად“¹⁹ იწოდებოდა. XV საუკუნის საბუთებში არაერთგან საუბარია შორეულ კუთხეებში სამუშაოდ წასვლაზე და სხვ.

იმერეთიდან ქართლისაკენ გარე სამუშაოზე წასვლა გვიანი შუა-საუკუნეებისათვის ჩვეულებრივი მოვლენა იყო. XVIII საუკუნის ერთ სათავედებო წიგნი, რომელიც სარდალ აგიაშვილისადმი ბოძებული, მოთხრობილია როგორ დაიჭირეს ქართლს მიმავალი დათია და სიმონა ვარდასანიძეები²⁰. იმერეთში ეთნოგრაფიულ ყოფაში შემონახული იყო ტერმინი „ნაქართლი“, რომლის ქვეშაც იგულისხმებოდა ის კაცი, რომელიც ქართლში სამუშაოდ დაიარებოდა ხოლმე.

18 ი. დოლიძე, ძველი აღმოსავლეთის სამართალი, ეშნუნის მეფის ბილაამის კანონები, 1960, გვ. 12.

19 ი. დოლიძე, ქსძ, II, გვ. 32.

20 ი. სოსელია, მასალები კლასობრივი ბრძოლის ისტორიისათვის ფეოდალური ხანის დასავლეთ საქართველოში, 1960, გვ. 20.

აღნიშნული გარემოება მრავალმხრივ არის საინტერესო. ჩვენ მხედველობაში გვაქვს დასავლეთ საქართველოდან, როგორც მუშა ძალით დროებით შემოსვლის მნიშვნელობა, ისე სამუდამოდ ჩასახლების ტენდენცია. აქედან, ცხადია, ამ მოძრაობას თან მოსდევდა სამეურნეო იარაღების სხვადასხვა სახეობანი და სამეურნეო ყოფის ამსახველი ტრადიციები.

აღმოსავლეთ საქართველოს ტერიტორიაზე ბრინჯაოს თოხის იმ ტიპების გავრცელება, რომელიც დასავლეთ საქართველოში ფართო მონმარებაში იყო, იმაზედაც უნდა მიუთითებდეს, რომ აღმოსავლეთ საქართველოში სამიწათმოქმედო კულტურა მრავალდარგოვან მეურნეობად იშლებოდა. კოლხეთის ანალოგიურად აღმოსავლეთ საქართველოში ბრინჯაოს თოხების ნაირსახეობას აქვს ადგილი, რაც მიუთითებს მათს გამოყენებაზე როგორც მიწის პირველადი დამუშავების, ისე ნათესების კულტივაციის დროს (ხევი, თერეგვანი, გამდლიწყარო).

ქართლის ეთნოგრაფიულ ყოფაში თოხების და, საერთოდ, მიწის ხელით დასამუშავებელი იარაღებიდან მნიშვნელოვანია ბართოხი, ბარულა, ქარჩი, ბარი, თოხი და სხვ.

2. მიწის ხელით სამუშაო იარაღები. ქართლში ოდითგანვე მრავალდარგოვანი სამეურნეო საქმიანობამ სხვადასხვა სახის სამეურნეო იარაღების მოთხოვნილება დააყენა. ხელით სამუშაო მიწის გადასაბრუნებელი თუ სამარგლ-საფხვიერებელი იარაღებიდან ეთნოგრაფიულ ყოფაში დამოწმებულია ყველაზე მარტივი სამეურნეო იარაღი მარგილი, მარგილი 1 მეტრის სიგრძის წვერწამახული მაჯის სიმსხო ჯოხია, რომელსაც იყენებდნენ მარცვლეულის და ნიორის კბილების მიწაში ჩასაშვებად. მასავე იყენებდნენ ძირხვევების ამოსაჩიჩქნად. მარგილის გარდა ამავე დანიშნულებით იყენებდნენ ბრტყელპირიან ჯოხს — ჩეკს, რომელიც იგივე ზომისა იყო, რაც მარგილი, ოღონდ ჩეკს სამუშაო პირი ან სოლივით ჰქონდა ბრტყლად გათლილი, ან ლითონის საჭრელი პირი ჰქონდა დაგებული. ჩეკს ხშირი გამოყენება ჰქონდა პურის ყანაში სამარგლად, ეკლიანი ბალახების ამოსაძირკვად. ამავე საქმეზე იყენებდნენ მარგილსაც. ადვილი შესაძლებელია სიტყვა მარგვლა, რომელიც ყანის გაწმენდა-გასუფთავებას გულისხმობს, მარგილიდან იყოს ნაწარმოები. პირველი სამარგლი უნივერსალური იარაღი უბრალო ჯოხი იყო, რომელსაც შემდეგში ჯერ რქის, ხოლო უფრო მოგვიანებით ლითონის საქლეში გაუჩნდა. მარგილის შემდგომი განვითარება ჩეკის ფორმისკენ მიდის, ხოლო ჩეკი — ჩერკნი იარაღის ის სახეობაა, რომელიც მიწის პირველადი დამუშავების საქმეში აქტიურად უნდა ყოფილიყო გამოყენებული. ამის მაჩვენებელია უთუოდ სახელწოდება „ჩეკი“ საიდანაც ნაწარმოები ჩანს ჩეკი-ჩერკნი-ჩერკნა. იარაღის სა-

ხელი „ჩეკი“ გვიანი დროისათვის ერთგვარი სახეცვლილი ფორმით გვევლინება და სამუშაო პროცესის გამომხატველ „ჩერკვანა“ ცნებადაა ქცეული. ქართლში გამოყენებაში იყო აგრეთვე მცირე მოცულობის ბარი, რომელსაც ბარულას უწოდებდნენ. ბარულა ძირითადად ბოსტანის იარაღს წარმოადგენდა.

ბარულას ჩვეულებრივი ბარისაგან განსხვავებით, ზოგჯერ სატირ-უფლი არ გააჩნდა, ვიწრო იყო შვეტი. მას იყენებდნენ ძირხვენების ამოსაღებად, ან ლობიოს დაბუდნისას ბუდნის ასაქეპად.

ქართლის ბარსა და მთისძირა ზოლში დიდი გამოყენება ჰქონდა ქართულ ბარს. ქართული ბარი სამკუთხა სამუშაო პირითა და ცალი გვერდიდან მკვიდრად დაგებული სწორი ტარით ხასიათდება. ქართული ბარი მჭედლის მიერ მზადდებოდა ერთიანი რკინის გაქედვით, რომლის სიგრძე სატარე მილით 40 სმ აღწევდა. სამუშაო პირის სიგანე ფრთებთან 30 სმ-მდე, ხოლო სატარე მილის სიგრძე 10—12 სმ უდრიდა. ბარი საკმაოდ გავრცელებული სამეურნეო იარაღია. მას ფართო გამოყენება ჰქონდა და აქვს მევენახეობაში, მებოსტნეობაში, მეხილეობაში. მთის ზოლში ბარს 90° მოხრილ ტარს უკებდნენ და თოხივით ამუშავებდნენ, ამ სახის ბარს მთაში ბართოხას უწოდებენ.

მ. ქართლში გავრცელებული სახენელები.*. ა. ჩუთი — უღელი ხარის ძალით სამუშაო იარაღია. შედგებოდა: მხრის, ხმალის, ერქვანის, ქუსლას და სახნისისაგან. ქართლში მის სახელად გარდა ჩუთისა, იხმარებოდა ოში და კავი. ოში როგორც ტერმინი, გავრცელებული იყო პატარა ლიხავის ხეობის სოფლებში, კავი ქართლის დასავლეთ რაიონებში, ხოლო ჩუთს უწოდებდნენ ქართლის ყველა რაიონში. ქართლის დასავლეთ რაიონებში კავის ხმარებაში შემოტანას იმერლებს მიაწერენ, ზოგის გადმოცემით კი სოფ. შაქშაქელებს. ჩუთის საშუალო ანაზომებია: მხრის სიგრძე 260 სმ, კბილის 78 სმ, ხმალის 48 სმ, ერქვანის 75 სმ (სოფ. წვერი, ქარელის რაიონი).

ჩუთს ძირითადად იყენებდნენ ანეულის ან მძრალის ხელახლა გადასახენელად. ანეულის ხნულს დათესავდნენ და მერე აკავებდნენ. დაფარცხვა აღარ იყო საჭირო. ასევე იცოდნენ მძრალის დამუშავებაც გაზაფხულზე. ჩუთით შესრულებულ მუშაობას აოშვას, აჩუთვას ან აკავებას უწოდებდნენ. ჩუთით იცოდნენ როგორც სანაცვლო ისეთითო ხარის შებმა და მორიგეობით მუშაობა.

* ქართლში გავრცელებულ სახენელ იარაღებზე ამ ნაშრომში მცირე მასალის წარმოდგენით ვმყოფილდებით, რადგან ამ საკითხებზე არსებობს ჩვენი ვრცელი მონოგრაფიული გამოკვლევა.

ბ. ორხელა სახენელის საკმაოდ გავრცელებული სახეობაა, რომელშიც 4—5 უღელი ხარი იბმოდა. ორხელას ოქოქასაც უწოდებდნენ. შედგებოდა მხრის, ქუსლის, ორხლის, კოკოშის, სახნისის და საკვეთილისაგან²¹. ქართლის ზოგიერთ სოფელში ხელმოკლე გლეხები, ისინი ვისაც დიდი გუთნით მუშაობა არ შეეძლოთ, ორხელას მცირე ფთასაც გააკრავდნენ ხოლმე და გუთნის მსგავსად ცალფერდაზე ამუშავებდნენ. ორხელას ტიპი გავრცელებული იყო ქართლში, განსაკუთრებით მტკვრის მარცხენა მხარის სოფლებში, ქსნის, მეჭუდას და ლიახვის ხეობებსა და მის სათავეების აუზში. ასევე იგი გამოყენებული იყო მთელ სამხრეთ ოსეთში და ვრცელდებოდა რაჭაში.

ორხელას სახენელთან დაკავშირებით იქმნებოდა ორხელას მოდგამი, რომელიც 12—13. დღეს გრძელდებოდა.

გ. აჭილდა. უღელი ხარის ძალით სამუშაო სახენელი იარაღია, რომელიც სამეცნიერო ლიტერატურაში პირველად გ. ჩიტაიამ აღწერა²². 1953 წელს აჭილდა ჩვენ მიერაც იქნა დაფიქსირებული ალგეთის ხეობაში²³.

აჭილდა შედგება: მხრის (ანუ გუთნის), კბილას, ხმალას, ფრთის, მარხილის, ანუ კვალის მანქის, სახნისისა და საკვეთილისაგან.

აჭილდა სულხან-საბა ორბელიანს თავის ლექსიკონში სახენელის გაგებით არა აქვს შეტანილი. როგორც ჩანს, მის დროს (XVIII) სახენელის ეს სახეობა მოქმედებაში არა ყოფილა. გადმოცემით, ალგეთის ხეობაში აჭილდას გამოგონებას ჩამოსახლებულ მთიულებს მიაწერენ, თითქოს მათ მთიულურ კავს ფთა მიუმატეს და ჯილღისაგან განსხვავებით, აჭილდა დაარქვესო.

დ. ჯილღა — ოთხი-ხუთი უღელი ხარის ძალით სამუშაო იარაღია. გავრცელებული იყო ქვემო ქართლში და მესხეთ-ჯავახეთში. ჯილღა ზეგანის სამიწათმოქმედო იარაღია.

ჯილღა შედგება მხრის, ერქვანის, ქუსლის, ხმალას და სახნისისაგან. ჯილღას საკვეთელი არ გააჩნდა, ჯილღა სახენელზე უფრო ფართოდ საუბარია ამავე ნაშრომის მესხეთ-ჯავახეთის მემინდვრეობის საკითხებზე მსჯელობისას, ამიტომ აქ მასზე არ შევჩერდებით. ერთს კი ვიტყვი, რომ იგი ქვემო ქართლის და სამცხის მემინდვრეობაში იყო

21 ორხელა სახენელზე უფრო ვრცლად იხ. გ. ჩიტაია, ქსნური მთის გუთანი, ენიშკის მოამბე, V—VI, 1939; გ. ჯალაბაძე, აღმოს. საქ. სამიწათმოქმედო იარაღების ისტორიისათვის, გვ. 38—40.


22 გ. ჩიტაია, ეთნოგრაფიული მოგზაურობიდან აღბულაღის რაიონში, სმმ, ტ. IV, 1928, გვ. 211.

23 გ. ჯალაბაძე, აღმოსავლეთ საქართველოს სამიწათმოქმედო იარაღების ისტორიისათვის, 1960, გვ. 41.

შეგუებული, სადაც ხენის პირობაში წამყვანი ბელტის გადაწვნა კი არ იყო, არამედ ბელტის დამსხვრევა-დაფშვნა. ამ პირობას ქვემო ქართლისა და სამცხის რაიონების დღევანდელ მემინდვრეობაშიც სათანადო ანგარიშის გაწევა სჭირდება.

ბ. დიდი გუთანი. აღმოსავლეთ საქართველოს ეთნოგრაფიულ სინამდვილეში დიდი გუთანი რამდენიმე სახელით არის მოხსენებული. ხალხში მას უწოდებენ ქართულ გუთანს და შავ გუთანს. დიდი გუთნის გაუმჯობესებული ფორმები გვხვდება: მუხრანული, იმირი და გომარული გუთნის სახელებით.

დიდი გუთანი, რომელიც ქართლში იყო გავრცელებული, თავისი კონსტრუქციით არ განსხვავდება კახური და მესხური დიდი გუთნებისაგან. რელიეფის და სახნავი მიწის თვისებების შესაბამისად, ქართლის მემინდვრეობაში მოწმდება დიდი გუთნის რამდენიმე ვარიაცია



ტაბ. VIII. სახნის-საკვეთლის ძირითადი ტიპები

ქართლის მთისძირა ზოლში დიდი გუთანი 6 ულლიანი გამწევი ძალის შესაბამისი მზადდებოდა. ბარის სარწყავ მიწებში კი ძირითადად 8

ულელა გამწვევი ძალის შესაბამისი უნდა ყოფილიყო. ბარის ურწყავ რაიონებში ხშირად 10—12 ულელსაც აბამდნენ.

გამწვევი ძალის შესაბამისად მზადდებოდა გუთნის რკინის იარაღები: სახნისი და საკვეთელი. იმერული მჭედლების ვადმოცემით, ულელ ხარიან კავს ერთ კილოგრამიანი სახნისი უნდა ეტარებინა. ეს პირობა ქართლის ზოგიერთ რაიონშიც იყო დაცული, მაგ., ჩუთის სახნისი ერთი კილოგრამიდან 1,5 კგ-მდე მერყეობდა. იმერული სახენელებს სახნისები უფრო მსუბუქებიც ყოფილა, მაგ., საქართველოს სახ. მუზეუმში დაცული მცირე ზომის სახნისის წონა 250 გრ-ია, დიდი გუთნის სახნისი კი 20 კგ აღწევს.

„ს ა ლ ე ს ა ვ ი“, ასე უწოდებდნენ ქართლში გუთნით მუშაობის დროს საგანგებოდ მოწყობილ თამაშს. გუთანზე მეხრედ 10—12 წლის ბიჭებს აგზავნიდნენ. ახალბედა მეხრეს გამოცდილება აკლდა. გუთნეულის შესვენების დროს განგებ ახმაურდებოდნენ „გააჩერეთ გუთანი სახნისია გასალესი, გავლესოთ და ისე ვიმუშაოთ“. „სად არის მერე სალესავი, რომ არ წამოგვიღია, რითი გავლესოთ?“ ახალბედა მეხრეს ახლო მომუშავე გუთნეულთან გაგზავნიდნენ: „წადი სალესავი გამოართვი, სახნისი გავლესოთ“, მოტყუებულ მეხრეს შესაფერის ზომის ქვას აჰკიდებდნენ და გამოატანდნენ. ეს თამაში ახალბედა მეხრეების მოსაზრებულობის წვრთნას და შემოწმებას წარმოადგენდა.

4. ზამთრის საუნჯე. კალოდან ხორბლეული მოსავალი ძირითადად სახლებში გადაჰქონდათ. იყო შემთხვევები, როცა ხორბლეულს კალოზევე ინახავდნენ. ზემო ქართლში (დღევანდელი ქარელის, ხაშურის, და ზნაურის რაიონები) ზოგიერთ სოფელს კალოები ეკლესიის სიახლოვეს ჰქონია მოწყობილი, აქვე ჰქონიათ პურის ორმოებიც. სოფელ არადეთში (ქარელის რაიონი) პურის ორმოები კალოსპირზე ჰქონიათ მოწყობილი, გალენწილ-გამოხვევებულ ხორბალს არნადებით პირდაპირ ორმოში ყრიდნენ თურმე. ორმოების გარდა, მტკვრის მარჯვენა მხარის სოფლებში გამოყენებული ყოფილა ქვითკირით ნაშენი ხაროები. ორმოსა და ხაროს ფორმა ერთიმეორეს წააგავდა, იგი წაკვეთილი კონუსის ფორმისა იყო. სიღრმით 2 მ და ძირის დიამეტრი 1,5 მ, პირთან სივიწროვე 50 სმ შეადგენდა. იყო დიდი ზომის ორმოებიც, რომელშიც დიდი რაოდენობის ხორბალს ათავსებდნენ, ქართლშიც ორმოს თავი ბადიმებით იფარებოდა, შემდეგ ზემოდან მიწითა და ნაკელით ილესებოდა.

გარდა ორმოში და ხაროში შენახვისა; გამოყენებაში იყო ბელეები. ბელელი ფიცრულ ნაგებობას წარმოადგენდა, რომელიც ზემოთ აღწერილი კახური ბელლისაგან არაფრით განსხვავდებოდა. ბელელი ითვლებოდა იმავე დროს წმინდა ნაგებობად. საახალწლოდ ბელელს

ბელისკვერს უცხოებდნენ და მასში ინახავდნენ. ბელის ბოძზე სანთელს ანთებდნენ და ბარაქას უსურვებდნენ. ბელის კარის თავზე აღდგომის დიდხუთშაბათს ასკილის ეკლიან ჯოხს გაუდებდნენ რომ ბელელს „ავი ფუზი“ არ მიკარებოდა. ბელელში ჩაყრილ ხორბალში ნახშირის ჩაგდებაც სცოდნიათ. მორწმუნეთა აზრით, ბელელს თვალი არ ეცემოდა. ავი თვალთ შემხედვარის საწინააღმდეგოდ ბელის საჩხეში ან კარის თავზე გაჩვრეტილ ქვებს დაკიდებდნენ, ამავე დანიშნულებით კარის ზღურბლზე ნალის დაკვრაც სცოდნიათ. ზოგჯერ ბელის კარზე დიდხუთშაბათს მკედელს უმძრახად ლურსმანს გამოაჭედინებდნენ და დააკრავდნენ, ესეც ავი თვალისაგან დასაცავ საშუალებად მიაჩნდათ.

ბელელში ინახებოდა როგორც ხორბლეულო, ისე ხმელი ხილი. ბელელი იყო ცალკე ნაგებობის სახითაც საბძლური გადახურვით და იყო დიდი ყუთის ფორმისაც, რომელსაც ძირითადად მესხეთში იყენებდნენ. ამგვარ დიდი ზომის ყუთს წინიდან კარი გააჩნდა შესასვლელად, ზემოდან კი ფანჯრები ჰქონდა, საიდანაც ხორბალს ყრიდნენ. ხორბლის ჩასაყრელად საგანგებოდ ჰქონდათ ხის მილები, რომელსაც ერთი თავით ხეავს მიუმაჩვრებდნენ, ხოლო მეორე თავს ამბრის ქრილში ჩაუშვებდნენ ხოლმე. ასეთ დიდ ამბრებს მესხეთში ლაზამბარას უწოდებდნენ.

საინტერესო გვეჩვენება ე. წ. კალოს სამეურნეო ნაგებობა, რომელიც შემონახულია კარაპანის, არდგმულის და კალოს სახლის ტერმინებით.

ქსნის ხეობაში ამასთან დაკავშირებით საინტერესო მასალა იქნა დაფიქსირებული. სახელდობრ, აღნიშნულ ხეობაში ჩვენ მიერ (1968—69 წწ.) მევენახეობა-მეღვინეობის ეთნოგრაფიული შესწავლისას გამოირკვა, რომ ღვინის ქვევრები სხვადასხვა პირობებში იყო დაცული: ღია ცისქვეშ (სოფ. წირქოლი, შველიეთი, მუხრანი* და სხვ. ეს პირობა ძირითადად შემოინახა ხატის კარზე არსებულმა მარნებმა) უბრალო ფარდალალა ქოხების ქვეშ (სოფ. ქურთა), ვენახებში საწნახელებთან გამართულ კარაპნებში და მარნებში. ამ პირობების შესაბამისად ღვინის სახლის წარმოქმნა-განვითარებაც ამ გზას ემორჩილება. პირველ ხანებში ვენახი და ღვინო შესაძლებელია სათემო-სახატო იერარქიის ხელდებულ საკუთრებად იყო მიჩნეული, რომელიც დრო-

* სოფ. მუხრანში არტენის წ-ა გიორგის სახელობის ეკლესიის კარზე დღემდეა ცოცხალ სინამდვილეში დაცულია საზედაშე ქვევრები ღია ცის ქვეშ, ქვევრებს შემოდგომით რეცხვენ, მერე რამდენიმე ოჯახი მასში თავნჯარ ღვინოს ჩასხამს და შემოდგომას ე. წ. გიორგობის ზედაშეებს მოხლიან და დალუვენ.

დადრო თემის წევრთა მიერ საერთო დანიშნულებით მოიხმარებოდა, ამიტომ იყო მარანი ხატის კარზე. მორიგ ეტაპზე, როცა თემის წევრი საკუთარი ვენახის მფლობელია, ღვინის სახლს ვენახში აწყობს. ქსნის ხეობის სოფლებში ვენახებში ხშირი იყო როგორც საწნახელები, ისე საწნახელებზე დადგმული წალმით გადახურული ქოხი — ამ სამეურნეო ნაგებობას საწნახელსაც უწოდებენ, მუხრანში კი მას კარაპანი უწოდეს. საბას განმარტებით კარაპანი სომხური სიტყვა ყოფილა, ქართულად არდგმული რქმევია და კალოს სახლს ნიშნავსო. ქსნის ხეობაში ტერმინი არდგმული არ შეგვხვედრია, სამაგიეროდ ამ ხეობაში კარაპანის ორი დანიშნულებით ხმარება დამოწმდა; უფრო სწორად ორი სახის კარაპანი დავამოწმეთ. ერთ შემთხვევაში იგი ვენახში მოწყობილ საწნახელ-მარანს გამოხატავს, მეორე შემთხვევაში პურის სახლს, ანუ საბასეულ კალოს სახლს.

კარაპანი — მარანი, ღვინის სახლი უფრო ხშირად ფიცრული ნაგებობა ყოფილა. გადასახურად გამოუყენებიათ წალამი, კრამიტი, ყავარი, გარედან ზოგი მათგანი იმერულ სახლს წააგავდა ან ბელლის მსგავსად იყო ნაგები. სამეცნიერო ლიტერატურაში კარაპანის ქვეშ სახლის აივნისებური ღია გადახურვა ივარაუდება, სადაც მოთავსებული ყოფილა სამეურნეო დანიშნულების იარაღები²⁴.

კარაპანის როგორც კალოს სახლის გაგებასთან დაკავშირებით სოფ. ქსოვრისში იქნა მასალა ჩაწერილი. „კარაპანი წინათ იყო. ქვითკირით იყო აშენებული. თალიანი იყო, დუღაბით გადახურული. იმას გვერდიდან ჰქონდა პურის ჩასაყრელი. გვერდიდანვე ჰქონდა პატარა კარები. კარების სიმაღლე 90, ხოლო სიგანე 80 სმ იქნებოდა. შიგნიდან უგდულივით ჰქონდა კარი. კარი კედლის გაყოლებით გაიწეოდა და გამოიწეოდა, სიმაღლე კარაპანის იყო 2,00, სიგრძე 2,5; სიგანე 1,5 მეტრი“ (მთხრობელი დავით მიხეილის ძე მოლოდინი, სოფ. ქსოვრისი). მისივე თქმით, ასეთი კარაპნები სოფ. ბაზალეთში ჰქონიათ გამოყენებული. სამეურნეო ნაგებობის ეს ელემენტი სამეცნიერო ლიტერატურაში აღწერილი არა ყოფილა. მომავალში მის შესწავლას სათანადო ყურადღება უნდა მიექცეს, რადგან იგი გარკვეულ კავშირში უნდა იყოს სახატო ბელლის იმ ფორმებთან, რომელიც ფშავ-ხევსურეთში იყო შემორჩენილი.

ქართლში ხორბლის შესანახ საშუალებად გამოყენებული იყო აგრეთვე ნაკელით შელესილი გოდრები, ნაკელი გაზაფხულის პერიოდისა უნდა ყოფილიყო. მასში ცოტა ნაცარს ურევენენ და უფრო მა-

²⁴ თ. ჩიქოვანი, ამიერკავკასიის ხალხურ საცხოვრებელ ნაგებობათა ისტორიიდან, 1967, გვ. 76, 122, 125.

გარი გამოდიოდა, გარდა გოდრებისა, ზორბლეულის სათავსოდ იყენებდნენ ქვევრებს, კიდობნებსა და ნაქსოვ ჭვალო ტომრებს.

ქვევრების გამოყენებას მარცვლეულის სათავსო დანიშნულებით დიდი ხნის ისტორია აქვს. ურარტუს ნამოსახლარზე სახელდობრ კარმირ-ბლურში 85 ქვევრი იქნა ნახული, რომლებიც იატაკიდან მაღლა იყო ამოწეულ მდგომარეობაში. ამის გამო სავარაუდოა, რომ მათი გამოყენება ძირითადად გამიზნული იყო მარცვლეულის შენახვისათვის.²⁵

მარცვლეულის შესანახად იყენებდნენ სხვადასხვა თიხის ჭურჭელსაც. თუ საკორკოტედ ან საწანდილედ ჰქონდათ მარცვლეული გადარჩეული, მას ინახავდნენ გატეხა-დაზიანების გამო წყლისთვის ხმარებიდან გამოსულ დოქებსა და კოკებში. ქართლში ამავე დანიშნულებით ხმარებაში იყო მეტად ორიგინალური წნული სათავსო, რომელსაც კულანა ეწოდებოდა, კულანა ბრტყელძირიანი და ერთი მეტრის სიგრძის 40—50 სმ სიგანის და 30—40 სმ სიმაღლის კალათაა, ყოველი მხრიდან დაწნული. ზედაპირი ნავის ძირივით ოვალურად ჰქონდა გადაქნილი, მხოლოდ ერთ კუნჭულში ჰქონდა დატოვებული ხელის ჩასაყოფი ნაჩრეტი.

კულანას გარედან ნაკელით გოზავდნენ და ზამთრის სანოვაგეს: საკორკოტე მარცვალს, ლობიოს, მუხუდოს, კაკალს ინახავდნენ.

კულანა საბას განმარტებული არა აქვს, როგორც ჩანს, ეს ტერმინი ქართლის მხოლოდ ერთ მიკრორაიონში, სახელდობრ პატარა ლიხვის ხეობაში შემონახულა. კულანა ჩვეულებრივ ინახებოდა ან ბელის თავზე, ან ჭიხურში. კულანა ორ სამ ფუთამდე პურის მარცვალს იტევდა. იგი მაინც ძირითადად გამოყენებული იყო საზედაშე ზორბლეულის სათავსოდ.

„პურის ზედაშე“, ასე ეწოდებოდა კალოზე პირველი განალეწი ზორბლეულიდან აღებულ და საზედაშე სათავსოში საგანგებოდ შენახულ ზორბალს. საზედაშე ზორბალს, გარდა კულანისა ინახავდნენ ნაკელით გალესილ გოდორში. 1976 წელს პატარა ლიხვის ხეობაში გომართის ეკლესიის კარზე და 1982 წელს ს. ატენში ღვთისმშობლის ეკლესიის კარზე ჩვენ ვნახეთ ნაკელით გალესილი გოდრები, რომლებიც საზედაშე ქვევრებთან ერთად იყო ეკლესიის კარზე მოტანილი. სოფელ ატენში ჩაწერილი მასალის მიხედვით პურის ზედაშე ძველად ყველა ოჯახს გააჩნდა. გიორგა ნიკოს ძე ხუციშვილის (ს. გარდატენი) ჯადმოცემით დედამისი შრომიდან ყოფილა, მურჯიკნელის ქალი, მისი სალოცავი ყოფილა ამაღლება. ამაღლების სახელზე იღებდნენ კალო-

დან საზედაშე პურს, ჩაყრიდნენ გოდორში, რომელიც ნეხვით იყო გა-
ლესილი. ამალღების დღეობა რომ მოდიოდა ერთი კვირით ადრე და-
ფქვავდნენ საზედაშე პურს და იმის ნამცხვარი მიჰქონდათ დღეობა-
ში წრომში ეკლესიის კარზე. გოდორში ორი ფუთი მაინც ჩადიოდა.
შემდეგ ხუციშვილის ოჯახს პურის ზედაშე ამოუკვეთია და საზედაშე
გოდორი გარდატენში ღვთიშობლის კარზე მიუტანია და იქ დაუტოვე-
ბია. ასევე ამოუკვეთია ერბოს ზედაშე და ბოლოს ღვინისაც.

პურის ზედაშე ქართლში საყოველთაოდ გავრცელებული უნდა
ყოფილიყო. საოჯახო პურის ზედაშეს უთუოდ წინ უსწრებდა საგვა-
რო და სასოფლო პურის ზედაშე. პურის ზედაშე შესაძლებელია წი-
ნა ქრისტიანული ხანის ეპოქაში წარმართულ საკულტო ბელღების
ერთგვარ გავრცელებას წარმოადგენდეს. აღმოსავლეთ საქართველოს
მთაში ჭვარ-ხატის ბელღებში დაცული ზორბლეულიც ხომ მხოლოდ
ჭვარ-ხატის დღესასწაულების დროს უნდა დახარჯულიყო.

პურის ზედაშე ოჯახში ხელუხლებელი ფონდი იყო, რომელსაც
ოჯახი, მფარველი ღვთაების, ღვთიშობლის, იგივე ფუძის ანგელოზის
სახელთან დაკავშირებული დღესასწაულისათვის იყენებდა.

როგორც ცნობილია, ქართლში XVII—XVIII საუკუნეებში ფეხი-
მოიკიდა სიმინდის კულტურამ, რომელმაც დიდად შეავიწროვა ფეტ-
ვის კულტურა. სიმინდის კულტურამ ყველაზე ადრე და ყველაზე
ფართოდ ზემო ქართლში ჰპოვა გავრცელება. აღნიშნულ რაიონიდან
იგი მძლავრად შეიჭრა შიდა ქართლში. შიდა ქართლი სიმინდის კულ-
ტურის შემდგომი განვითარებისათვის საუკეთესო პირობებს ქმნიდა.
საქმე იმაშია, რომ აქ სარწყავი სისტემები სხვა რაიონებზე უფრო
ჭარბად იყო წარმოდგენილი, რამაც მესიმინდეობას განვითარებას დი-
დად შეუწყო ხელი.

მოწეული სიმინდი ქართლში ტაროდ ინახებოდა. შესანახ საშუა-
ლებად კი ფართო გამოყენება ჰპოვა სასიმინდემ, რომელსაც ქართლში
ზარი, ძარი და ჯინი ეწოდება. ძარის ტიპის ნაგებობას ჯიხურსაც უწო-
დებენ.

ძარი წნული ნაგებობაა, რომელიც დაგეგმარებით ბელღს წაა-
გავს. იღებდნენ ოთხ სქელ კოჭს, ორი მათგანი სიგრძით 4—6 მეტრი
უნდა ყოფილიყო, ორი, ორ-ორ მეტრიანი. ერთიმეორეზე ყელგადაჯ-
ღომით ჩაამაგრებდნენ და იკვროდა ოთხკუთხა ჩარჩო ისე, რომ გრძე-
ლი კოჭები 1,5 ან 2 მეტრზე ყოფილიყო ჩარჩოდან. გასული. ჩარჩოს
ქის ლურსმნებით კრავდნენ. შემდეგ ზედაპირიდან დაჩკრეტდნენ შა-
ლაფით, რომ მანის ჯოხები ჩაესხათ. მანის ჯოხების სიმაღლე 1,5
მეტრს აღწევდა. წინა მხრიდან დატოვებული იყო კარის ადგილი. მა-
ნებზე თხილის წნელს ჩააწნავდნენ, ჩაწვნის წესი სხვადასხვანაირი იყო.

იკოდნენ: ტყურშული, ჰაპნური, ლასტური, დაწყვილებული, დაოთხი-
ლი წნელით ჩაწვნა და სხვ. გავრცელებული იყო ტყურშული წნვის
წესი. მანების თავზე კეთდებოდა ზეწარი, რომლის ნაჩვრეტებში იყო
გასული. ზეწარზე ნივნივები და კაკები გაეწყობოდა, ხოლო შემდეგ
ყავრით გადახურავდნენ.

ძარი ოთხ ბოძზე იყო შეყენებული და მიწიდან 1,5 მეტრით იყო
დაცილებული.

ძარს შებმული ჰქონდა კარი. ძარის ძირად იყენებდნენ ან ფიც-
რებს, ან მსხვილი წნელებით დაწულ ფანჯრიან ლასტს, რომ საჭირო-
ების შემთხვევაში ძირიდან ფანჯარა გაეხსნათ და სიმინდის ტაროე-
ბი ჩამოეყარათ. ჩვენ აღვნიშნეთ, რომ ძარს ჯიხურითაც მოიხსენიე-
ბენ, ჯიხური საბას მიხედვით ხის კოშკი ყოფილა. ხის კოშკების სა-
ხელად ჯიხური საქართველოს არც ერთ კუთხეში არ გვხვდება. ქა-
რთლში მხოლოდ მეჭუდის ხეობაში შემორჩა ეს სახელწოდება დაწ-
ნული სასიმინდეს ტიპის ნაგებობის აღმნიშვნელ სახელად.

მეჭუდის ხეობაში ჯიხური წარმოადგენდა ზამთრის სალეველის
(ხმელი ხილის, ხახვის, ნიორის, კაკლის, ჩირის, ფშატის, ღოღოს გა-
ლების) შესანახს, ხოლო ზაფხულში გრილად საძინებელს. ჯიხური ძვე-
ლად ქართლში გავრცელებული სამეურნეო ნაგებობა ყოფილა. გო-
რის რაიონის პატარა ლიახვის ხეობის სოფ. ქორდის ერთ მონაკვეთს
ჯიხურები ეწოდებოდა. ტოპონიმიკაში ტერმინი ჯიხურის შემონახვა
იმით არის შესანიშნავი, რომ პატარა ლიახვის ხეობაში თვით სამეურ-
ნეო ნაგებობის სახელად ჯიხური ხმარებაში აღარ გვხვდება. იგი მხო-
ლოდ მეჭუდის ხეობაშია, ეს გარემოება, ვფიქრობ, იმაზე უნდა მიუთი-
თებდეს, რომ ჯიხური, როგორც სამეურნეო დანიშნულების ნაგებობა
და როგორც ტერმინი, ფართოდ უნდა ყოფილიყო გავრცელებული
შიდა ქართლში.

ზამთრის სალეველ ხორბალს ზაფხულშივე რეცხავდნენ, მზეზე
ზომიერად ამრობდნენ და შემდეგ სათანადო ჭურჭელში ინახავდნენ.
ხორბლის მზეზე გაშრობას დიდი მნიშვნელობა ჰქონდა. თუ ხორბალს
მზეზე ზედმეტად მოუვიდოდა ყოფნა, წებოვნება ეკარგებოდა და თო-
ნეში „წასვლა“ ჩაყვანა იცოდა. ამგვარ ხორბალზე იტყოდნენ ხოლმე:
„პურს მზის ალაო დაემართა“.

გარეცხილ-გასუფთავებულ ხორბალს ზოგჯერ ხონჩაში გამოიყ-
ვანდნენ. ხონჩით აკრეფილ ხორბალს ხონჩაზეც იმგვარად ააღებდ-
ნენ, რომ მსხვილი მარცვლები უკან მოქცეულიყო, წვრილი და სა-
რეველა წინ. ასე გარჩეულ ხორბალს წაწვერილი ეწოდებოდა,
ხოლო ხონჩიდან სარეველებთან ერთად წვრილი მარცვლის ანარჩევს
წინ წანაწვერი.

ბონჩაში გამოყვანილ ხორბალს საგანგებოდ ინახავდნენ, სადღეობოდ, სადღესასწაულო დღეებისათვის, ქორწილისა და ნიშნობისათვის, აქედანვე იღებდნენ საკორკოტედ და სახალიფაფედ, რძიშეკამანდისათვის და სხვ.

იმის გამო, რომ ზამთარში წისქვილში საფქვეავის ზიდვა ძნელდებოდა წყალიც გაყინული იყო, გლეხკაცობა შემოდგომითვე ფქვეავდამთელი ზამთრის სამყოფს. ქართლში ერთ სულზე საშუალოდ წელიწადში 25 ფუთი ხორბლეული იყო გათვალისწინებული. ამ რაოდენობაში შედიოდა აგრეთვე სასტუმრო ხარჯი, ქათმის, კატის და ძაღლის საკმელი.

რაკი ზამთარი 3—4 თვეს მაინც გრძელდებოდა, სულზე ორი კოდის (8 ფუთი) ვარაუდი მაინც უნდა დაეფქვათ, ზამთრის საზრდოს დაუნჯებას მესხეთში სამწუთროს უძახდნენ.

ქართლში, განსაკუთრებით ხეობისპირა და მთისძირა სოფლებში, ბევრი წისქვილი იყო. ბევრი წისქვილი იყო მეჯვრისხევებში, მეჭუღის ხეობაზე და პატარა ლიახვის ხეობაში. მარტო გორის რაიონის სოფელ ქორდში კოლექტივიზაციამდე 15 თვალი წისქვილი მუშაობდა. მთელ რიგ სოფლებში მოწმდება წისქვილები, რომლებიც ერთპიროვნულ საოჯახო საკუთრებას შეადგენდა და წისქვილები, რომელიც რამდენიმე ოჯახის საერთო საკუთრებაში იყო მოქცეული. საინტერესო სურათს იძლევა პატარა ლიახვის ხეობის სოფ. ქორდის მაგალითი. აქაურ ხაჩიურებს, რომლებიც დღეისათვის 30 ცალკე კომლია, საერთო წისქვილი ჰქონდათ, რომელიც მათ მებატონე გედევანიშვილისაგან ჩაუგდიათ ხელში, კოლექტივიზაციამდე ხაჩიურები 8 დიდ კომლად იყვნენ წარმოდგენილი. წისქვილს ისინი მორიგეობით იყენებდნენ, თითოეული ოჯახი თითო კვირის მანძილზე თავის საფქვეავსაც ფქვეავდა და თუ სხვისა მოვიდოდა, რომელზედაც მინდი უნდა აეღოთ, მინდის შემოსავალიც მორიგე ოჯახის სასარგებლოდ მიდიოდა. წისქვილის ინვენტარი საერთო ძალით კეთდებოდა, ქვების მოკოდვა კი, რომელ ოჯახსაც მორიგეობა უწევდა, მას ევალებოდა.

წისქვილის წვრილმან სამუშაოს მორიგე ოჯახი აწარმოებდა. გადმოცემით, ასეთ მორიგეობას ბევრი უსიამოვნებაც მოსდევდა; საერთო მეწისქვილე არა ჰყოლიათ. რამდენადაც მეტად იშლებოდა გვარი ცალკე ოჯახებად, დიდი ოჯახის განაყარი მამისეული მორიგეობის ფარგლებში უნდა ჩატეულიყო.

ანალოგიური მდგომარეობა იყო ამავე სოფლის ჯალაბაძეების წისქვილებთან ცალკე ოჯახების დამოკიდებულებაში. ქორდში ჯალაბაძეებს ოთხი წისქვილი გააჩნდათ — შიონაანთ. (ბიძაშვილობის პატრონიშული სახელი), პაპუნაანთ, გოდალაანთ და დოხაბურიაანთ. თუ

დიდი ოჯახი ნაწილდებოდა, იყო შემთხვევები, როცა ერთი რომელიმე განაყარი წისქვილზე უფლებას გაყიდდა თავისსავე ძმაზე. ასე მოიქცა ლექსო (კამფეტა) ხაჩიური, მან თავისი წილი წისქვილზე, მოგვარებებს შეასყიდა. ასევე მოიქცა გაბო ჯალაბაძე, მანაც წისქვილზე უფლება შეასყიდა სიმონა და ფილო ჯალაბაძეებს.

პაპუნაანი რამდენიმე ოჯახად დაიშალნენ, მაგრამ წისქვილი ორ ოჯახს სიმონას და ფილოს ოჯახებს შერჩათ. პაპუნაანთ წისქვილი მუშაობდა 1928 წლამდე, შემდეგში წისქვილი გაუქმდა. 1940 წლისათვის ფილოს და სიმონას ქვრივების — სოფოს და სალიკო ჯალაბაძეების ოჯახი ოთხ კომლად იყო წარმოდგენილი. სოფოს შვილების კოლა და ბაგრატის ოჯახების და სალიკოს შვილების ლადიკო და სანდრას ოჯახების სახით. აღნიშნული დროისათვის წისქვილის ნაგებობა დაშალეს და ოთხ ოჯახზე განაწილდა, წისქვილის ქვები 1943 წელს გაყიდეს ჰირნახულზე და ისიც ოთხ ოჯახზე განაწილეს, დარჩა ოთხი ოჯახის საერთო ქონებად საწისქვილო ადგილი, რომელიც ტერიტორიულად ლადიკო ჯალაბაძის ბაღს ემიჯნებოდა. საწისქვილესთან იდგა ოთხიოდე ტირიფი, რომელსაც სამ წელიწადში ერთხელ გადაჩეხავდნენ ხოლმე საერთო ძალით და ამასაც ოთხ ოჯახზე ანაწილებდნენ. აღნიშნული ტირიფები 1960-იან წლებში ძირში გადაქრეს და შეშაც გაინაწილეს. ამის შემდეგ, რადგან საწისქვილე ლადიკო ჯალაბაძეს ემიჯნებოდა და მისი ბაღის მისაველელ გზად იყო, სამმა ოჯახმა აღნიშნულ ადგილზე პრეტენზია დათმო. ეს მაგალითი მრავალმხრივ საინტერესოა. წისქვილი რთული სამეურნეო მანქანაა და ხშირად ოჯახი თუ ძლიერი არ იყო, მისი გამართვა და სამუშაო მოქმედებაში შეყვანა პატარა და სუსტ ოჯახებს უჭირდათ.

წყლის წისქვილებზე და საქართველოში მათ სიძველეზე ეთნოგრაფმა ს. ბედუკაძემ სპეციალური ვრცელი მონოგრაფიული გამოკვლევა გამოაქვეყნა²⁶. ს. ბედუკაძემ ყურადღება გაამახვილა ძველი წ. ა. I ათასწლეულში საქართველოში მომხდარ სამეურნეო ძვრებზე. ეს სამეურნეო ძვრები გამოიხატებოდა მეტალურგიის განვითარებაში, მემინდვრეობის იარაღების და ხორბლეული კულტურების სიუხვეში. რკინის ნამკლის, კევრის, თონის და რიგ სხვა დაწინაურებულ სამეურნეო იარაღების გვერდით წისქვილის არსებობაც სრულიად კანონზომიერ მოვლენად ჩათვალა²⁷.

26 ს. ბედუკაძე, წყლით მზრუნავი წისქვილები არაგვის ხეობაში, 1960.

27 იქვე, გვ. 016—017 და 018.

წისქვილი და მეწისქვილეობა მისი სოციალური და ეკონომიკური მხარეების შესწავლის თვალსაზრისით საინტერესო საკითხია. როგორც ცნობილია, XIX—XX საუკუნეებში წისქვილები ისეთ ოჯახებს გააჩნდათ, რომელნიც ან მებატონეები იყვნენ, ან საკმაოდ მოძლიერებულ გლეხთა კატეგორიას ეკუთვნოდნენ. ისიც ცნობილია, რომ ისეთი ძლიერი ოჯახები, რომელთაც თავის სოფელში წისქვილის გამართვა არ უხერხდებოდათ, სხვა სოფელში იძენდნენ და რამდენიმე თვლიან წისქვილებს ამუშავებდნენ. ამ წისქვილებში დაქირავებულ მეწისქვილეს აყენებდნენ და მინდის სახით კარგ შემოსავალსაც იღებდნენ.

მთაში მეწისქვილეობა წესად არ იყო, ხოლო მეწისქვილე სალანძღავ სიტყვად იყო ქცეული. ბარში წისქვილი და მეწისქვილეობა საპატიო ქონებასა და მოხელეობას წარმოადგენდა. ნასყიდობის ისტორიულ საბუთებში ხშირად არის ხაზგასმული საწისქვილო და საწყლოსნობები, რომელთაც ყურადღება ექცეოდა წისქვილის ასაშენებელი ადგილის გამო. მთაში ყველა სოფელს არ შეეძლო საკუთარი წისქვილის ჩადგმა. ამას ზოგჯერ გეოგრაფიული გარემო უშლიდა ხელს, ან მოსახლეობის სიმცირის გამო ეკონომიურად ვერ ძლებდნენ. ამიტომ უწისქვილო სოფლებს მეორე სოფელში მიჰქონდათ საფქვავეი. აღსანიშნავია, ისიც რომ მთის სოფლებში, სადაც ხორბლეულზე ხელმოკლედ იყვნენ, საფქვავეის მინდის ექვივალენტად ერბოს ან მატყლს აძლევდნენ.

ბარში წყალძვირობის პერიოდში მინდი მეთადამდეც კი იზრდებოდა. ჩვეულებრივ კი უფრო ნაკლებს იღებდნენ, მაგ., ფუთზე ერთ კილოგრამს. მინდის ნორმირება ე. წ. სულადის (ხორბლეულის) სახეობის მიხედვით იყო გამოზომილი. მაგ., სიმინდის დაფქვა პურზე უფრო იაფი ჯდებოდა, ზოგჯერ ორჯერ იაფიც კი, მაგ., იტყოდნენ: „სიმინდის მინდი ოცისთავი იყოო“, ე. ი. 20 კგ-ზე 1 კილოგრამი. საშუალო ზომის წისქვილის ქვა, რომელიც ქართლის ბარის რაიონებში იყო გავრცელებული, დღემდე 3—4 კოდს ე. ი. 12—16 ფუთს ფქვანდა. აქედან მეწისქვილეს საშუალოდ 1 ფუთი მინდი მოსდიოდა. თვიურად ერთი თვალი წისქვილი საშუალოდ იძლეოდა 20—25 ფუთ ხორბლეულს, რაც საშუალოდ ერთ სულს მთელი წლის მანძილზე ჰყოფნიდა. ბარში წისქვილის ერთ თვალს შეეძლო 5—8 სულანი ოჯახის მთელი წლის განმავლობაში ხორბლეულით უზრუნველყოფა, ამ შემოსავალს, მინდის სახით რომ იყო, გლეხობა დიდ ყურადღებას აქცევდა; თუ ოჯახი მრავალსულიანი იყო, ის გაუზრდოდა საფქვავეზე მინდის გაღებას. წლიურად ერთ სულ მოსახლეზე 25 ფუთი ხორბლეული იხარჯებოდა. მინდის სახით რვა სულიდან ოჯახს წელიწადში 20 ფუთზე მეტი ხორბალი უნდა გაეღო მინდისათვის.

XIII საუკუნის ერთი საბუთი, რომელიც შიომღვიმის მონასტრის მსახურთ გრიგოლ სურამელისათვის შეუდგენიათ, ხაზს უსვამს იმ გარემოებაზე, თუ რა დიდი მნიშვნელობის სამეურნეო ქონებას წარმოადგენდა წისქვილი. გარდა მინდისა, რომელსაც იმ დროს ჩვეულებრივ წისქვილის მფლობელნი იღებდნენ, გარკვეულ შემოსავალს წარმოადგენდა აგრეთვე ხრილი. გრიგოლ სურამელმა წისქვილი შესწირა შიომღვიმეს თავისი სულის საოხად, მინდის გარეშე უნდა ეფქვათ, მაგრამ, როგორც საბუთშია აღნიშნული „მეწისქვილე ეგზომისა საპატიოსა აიღებდეს, რომე ერთსა კაცსა ეყოფოდესო“²⁸. ქვემოთ ამავე საბუთში აღნიშნულია, რომ ცოტა საფქვავის მქონეს, უმინდოდ დაუფქვავდნენ, მაგრამ ხრილის ნახევარი მეწისქვილისა უნდა ყოფილიყო²⁹.

წისქვილიდან, როგორც აღვნიშნეთ, მის მფლობელს საკმაოდ დიდი შემოსავალი ჰქონდა. ამიტომ იყო, რომ სოფლად ყველა ძლიერი ოჯახი და მათ შორის თითოეული დიდი ოჯახი, ცდილობდა საკუთარი წისქვილის შექენას. ამით მინდის სახით გასავალს ინარჩუნებდა და შემოსავლის წყაროსაც იჩენდა.

ამის მაგალითები ჩვენ სოფელ ქორდის რამდენიმე წისქვილის მფლობელთა მიხედვით მოვიტანეთ, სადაც ჩანდა წისქვილით, როგორც სამეურნეო მანქანით გლეხობის დაინტერესება, გლეხობა მასში ხედავდა შემოსავლის საუკეთესო წყაროს. წისქვილი საქართველოში ტრადიციული სარეწი იყო, რომელიც კაპიტალიზმის ხანაშიც სოფლის პირობებში ნატურალურ შემოსავალს ვერ გასცდა.

ფქვილი გაუტრელი ინახებოდა როგორც ფიცრის კიდობნებში, ისე ნაკელით გაგოზილ გოდრებში და პირგანიერ ქილებში.

ქართლში პურის გამოცხობის რამდენიმე საშუალებას იყენებდნენ, მთის ზოლში გამოყენებაში იყო ფურნეები. როგორც მთაში, ისე ბარში იყენებდნენ კეცებს, კეცებში უფრო ხშიადის გამოცხობა სცოდნიათ, ხშიადი სახელდახელოდ ცხებოდა ცომის გაფუების გარეშე.

საქართველოში თონე და ფურნე ზოგჯერ პარალელურადაც გააჩნდათ. მესხეთში სოფელ ღრეღში ზოგიერთ ოჯახს თონეც ჰქონდა, და ფურნეც. ქსნის ხეობაში ფურნეებიც იყო ხმარებაში და თონეც: გვიანი დროისათვის ქსნის ხეობაში უფრო მეტად ფურნემ მოიკიდა

28 ა. დ. ო. ლ. ი. ძე, ქსმ, II, გვ. 45.

29 იქვე.

ფხვი. ქარჩოხის ხეობის სოფ. ხარბალში ადრე თონეში უცხვიათ პური, ახლა იქ მხოლოდ ფურნეა ხმარებაში³⁰.

ქსნის ხეობაში მოკიდებული, ახალგორის ზემოთ, ფურნეს იყენებენ. ამასთან მხოლოდ ამ ხეობაშია ხმარებაში კერამიკული ოთხნაჭრიანი ფურნის ძირი. ფურნის ძირი ოვალური მოყვანილობისაა, კეცივით სქელძირიანია 2—2,5 სმ სისქისა. მას ოთხ ნაჭრად ჰრიან და სხვა ქურჭელთან ერთად ღემელში გამოწვავენ ხოლმე. ფურნის ძირს ძირითადად ცხვატელი კერამიკოსები ამზადებდნენ და მეზობელ სოფლებში შექჟონდათ გასაყიდად ან ნატურაზე გასაცვლელად.

შიდა ქართლში თონეს ამზადებდნენ როგორც მექურჭლეები, ისე მეთონეები. მექურჭლეს თონის დამზადებაც შეეძლო, მეთონე კი მხოლოდ თონეს აკეთებდა, იგი ქურჭელს არ დაამზადებდა. პატარა ლიახვის ხეობაში თონეს ამზადებდნენ სოფ. ვანათში და ქორდში, დიდი ლიახვის ხეობაში — სოფ. ქემერტში. ამავე ხეობაში გადაჰქონდათ თონეები სოფ. ალიდან. ქსნის ხეობაში თონეებს აკეთებდნენ სოფ. ცხვატაში, მუხრანში, ახმაჯში და ქსანში. არაგვის ხეობაში — მცხეთასა და დღუშეთში. თონეში აცხობდნენ როგორც დანიშნულებით, ისე ფორმით განსხვავებულ პურს.

პურის ფქვილს ორგვარ საცერში ცრიდნენ. ერთი მსხვილთვლიანი იყო, მეორე წმინდა, პირველს საცერს უწოდებდნენ, მეორეს სამტკიცს. პირველიდან მიღებულ ნამცხვარს გაცირლ პურს, ხოლო მეორიდან დამზადებულს გამტკიცული პური ეწოდებოდა. გამტკიცული პურის გამოცხობა იცოდნენ სადღესასწაულოდ. ქორწილისა და სადღესასწაულო ღღეებისათვის ამჯობინებდნენ დიკის პურის გამოცხობას. დიკის პური სურნელოვანი და უფრო თეთრი გამოდიოდა იცოდნენ სოლინჯის გარეგაც, რაც პურის ნამცხვარს მეტ სურნელებას აძლევდა. სოლინჯის გარევა უმეტესად ნაზუქის გამოცხობისას იცოდნენ.

თონეში აცხობდნენ: მ რ გ ვ ა ლ პ უ რ ს, შ ო თ ს, ლ ი კ ა ნ ს, ლ ა ვ ა შ ს, უ ხ ა ს, ნ ა ზ უ ქ ს და სხვ. ლ ი კ ა ნ ი შ ო თ ი პ უ რ ის ა გ ა ნ განსხვავებით მეტად იყო წაგრძელებული და შუაში მეტად ჩაღრმავებული. ლიკანი საბას მიხედვით თონეში ჩაყუდებულ პურს რქმევია. ქორწილსა და სამწუხარო სუფრაზე მისატანად აცხობდნენ, ე. წ. შ ო თ ლ ა ვ ა შ ს. რამდენი სტუმარიც ივარაუდებოდა, თითო კაცის თავზე თითო შოთ პურს და მასზე გადახვეულ ლავაშს იღებდნენ. ამას

³⁰ დავით აღმაშენებლის ანდერძში, რომელიც შიომღვიმისადმი ბოძებული (XII ს.), მოიხსენიება „ხილი ფურნისა ხუთასისა დრამისა წონი“, ი. დოლიძე, ქსძ, II, გვ. 14.

შოთლავაში ეწოდებოდა. უხა საქორწილო ნამცხვარი იყო, რომელსაც რძითა და შაქრით ზელავდნენ, გაღვივების გარეშე, თონეზე თხელს და მრგვალი ფორმისას აკრავდნენ. ხრამუნა და სასიამოვნო საჭმელი გამოდიოდა. ქორწილში მას საქორწილო პურისმცხობლები საგანგებოდ აცხობდნენ. ქორწილის დასასრულისათვის სუფრაზე მიჰქონდათ და სტუმრებს შეასყიდებდნენ, როგორც განსაკუთრებულ ნამცხვარს.

თონეშივე ცხვებოდა საახალწლო ბედის კვერები: ბასილა, ხარის ქედი, წიწილკრუხი, ნამგალი, ცელი, გუთანა, კევრი, ჯოხი, ძროხის ძუძუები და სხვ. თონე, როგორც პურის საცხობი, გ. ჩიტაიას გამოკვლევით დაკავშირებულია წიაღიან ხორბლეულთან, იგი საქართველოში ძველიდანვე მომდინარე ჩანს³¹. თონე ძველი აღმოსავლეთის ქვეყნებში I ათასეულში ფართოდ არის გამოყენებული³². ურარტუს ნამოსახლარებზე, სახელდობრ კარმირ ბლურში აღმოჩენილი იქნა ფეტვის ნამცხვრის ნარჩენები, ამ ნარჩენების ჭრილი აშკარად მეტყველებს, რომ ფეტვის ნამცხვარს ყუა გააჩნია³³, რაც მხოლოდ თონეში გამომცხვარი პურისთვის არის დამახასიათებელი. თონის პარალელურად, როგორც ზემოთაც ითქვა, გამოყენებაში იყო ფურნე, შიომღვიმის ერთ-ერთ საბუთში, რომელიც XII საუკუნით არის დათარიღებული, მონასტრის ყმა გლეხთა ვალდებულებაში მოხსენიებული „სამი სქელი პური“³⁴ თონის პურს არ უნდა გულისხმობდეს. „სქელი პური“ ფურნის პურის გამოსახატავად უნდა იყოს ნახმარი.

ახლად მოწეული ხორბლის პური პირველად ოჯახის წევრებს უნდა ეჭამა. ახალ მოსავალს საგანგებოდ რეცხავდნენ, აშრობდნენ, ფქვავენ და ფქვილს სამტყიციში ატარებდნენ. თონიდან ამოყრილი პირველი ორი პური თაროზე უნდა შემოედოთ „ანგელოზებს მივაგებოთო“. ძველ სახლებში საამისოდ საგანგებო თახჩებიც კი იყო გამოყოფილი, რომელსაც ანგელოზების თარო ეწოდებოდა. ასეთ თაროზე სხვა ნივთების შედგმა არ შეიძლებოდა გარდა ახლად გამომცხვარი პურისა, და ოჯახის ანგელოზების სახელზე დაკლული ქათმის რამდენიმე ნაჭრისა. თაროს პურს მხოლოდ მაშინ შეჭამდნენ, როცა გამომცხვარი გამოელეოდათ.

თონეში როცა პურის ჩაკვრას მორჩებოდნენ, ცეცხლში ცოტა ფქვილს მოაბნევდნენ (ფქვილი ნაკვერჩხლებზე აბოლდებოდა) და იტყოდნენ „ჩვენ მკვდრებს მივაგებოთ“.

31 გ. ჩიტაია, ქართული თონე, მიმოხილველი, II, 1951, გვ. 383.

32 იქვე.

33 Б. Б. Пиотровский, Кармир-Блур, 1960, с. 29, სურათი 9.

34 ი. დოლიძე, ქსდ, II, გვ. 45.

როგორც ხორბლეულის, ისე გამომცხვარი პურის გასესხება წესად იყო. გასესხების დროს კილობნიდან ამოღებისას, პურს კიდეზე მოაციცქნიდნენ და კილობანშივე ყრიდნენ „ბარაქა ადგილზე დარჩეს, მეზობელს არ გადაყვესო“.

ნამცხვრის ბარაქიანობის შენარჩუნების მიზნით, მორწმუნე ქართლები პურის კილობანში საახალწლო ბასილას ნამცხვარს, ხოლო ხორბლის ბელელში ბასილას ზურგზე ამოჭრილ ჭვარს მოათავსებდნენ ხოლმე. ოჯახისათვის დიდ სირცხვილად ითვლებოდა ჭირნახულის დაკლება. წლის სარჩოზე ზრუნვა ხენა-თესვიდანვე იწყებოდა. თუ ოჯახს სარჩო შემოაკლდებოდა, იგი მეზობლებს მოესესხებოდა. სესხში ახალი მოსავალი უნდა მიეცა. სარჩომემოკლებულ ოჯახზე იტყოდნენ: „ასკილის ყვავილობა დაუდგათო“. ასკილი მაისში ყვავის, იმ დროისათვის, წლის სარჩო ბევრს არ ყოფნიდა, ძველი მოსავალი გამოლეული იყო, ახალი კი ჭერ არ იყო შემოსული, ამ დროსვე არ იყო არც ბოსტნეული, გამოლეული იყო ზამთრის სხვა სალეველიც და მეტი წილი გლეხობისა შიმშილობდა. წლის ეს დრო ითვლებოდა გლეხებისათვის ყველაზე მძიმე პერიოდად.

ხორბლის დაუნჯებასა და მის გამოყენებასთან დაკავშირებული მაგიური ხასიათის ქმედებანი, მდიდარი საწესო ჩვეულებანი ქართლში მემინდვრეობის ღრმა ტრადიციებზე მეტყველებს, რომელიც საქართველოს დანარჩენ კუთხეებთან ერთ დიდ მთლიანობაშია მოქცეული; ქართული მემინდვრეობა ამ მთლიანობის დიდი ქვაკუთხეა, სადაც სამეურნეო ტრადიციებმა დაწყებული ენეოლითის ხანიდან დღემდე ხანგრძლივი ისტორიის გზა გაიარა.

5. ცოტა რამ მორწყვის თაობაზე. მორწყვა განვითარებული მემინდვრეობის კულტურის თანმყოლი საშუალებაა. განვითარებული მიწათმოქმედება მორწყვის გარეშე ძნელი წარმოსადგენია. შიდა და ქვემო ქართლში მორწყვის კულტურას დიდი ხნის ისტორია აქვს. უძველეს ხანაში, როცა მდინარისპირულ მკვიდრ დასახლებას ჩაეყარა საფუძველი, მარტივი სახის რწყვა ხევისწყლებით უნდა განხორციელებულიყო. ენეოლითის ხანის ნამოსახლარი ადგილები ძალზე მკრთალ სურათს იძლევა ამის შესახებ, მაგრამ თავისთავად ფაქტი მდინარის სიახლოვეს განსახლებისა, იმაზე უნდა მიუთითებდეს, რომ მკვიდრ მოსახლეობას სარწყავ წყლებზედაც უნდა ეზრუნა. მართალია, შიდა ქართლში უუაბრინჯაოს ხანაში მოსახლეობა ათხელებულა²⁵, მაგრამ ცოტა უფრო მოგვიანებით შიდა ქართლის მოსახლეობა

ზარში საფუძვლიანად ემკვიდრება და მძლავრ სამეურნეო საქმიანობას აჩაღებს. ამავ პერიოდში როგორც მთიდან ბარისაკენ, ისე სამოსახლო გორებიდან მოსახლეობა დაბლა ეშვება³⁶. ბრინჯაოს შუა პერიოდში ბარის კვლავ ათვისება გამოიწვია სამეურნეო ეკონომიკაში მომხდარმა ცვლილებებმა. მთიელთა მესაქონლეობის ფართო მასშტაბებს ბარიც სჭირდებოდა, ხოლო ბარში მოსახლეთა ყოფაშიც ხდებოდა სამეურნეო გადატრიალება გამოწვეული მემინდვრეობის შემდგომი განვითარებით³⁷.

მორწყვას ყველაზე მეტად სამხრეთის ქვეყნებში ჰქონდა მნიშვნელობა. საქართველოს მთისა და ზეგანის ზონების მემინდვრეობის კულტურების მოყვანა მორწყვის გარეშეც შეიძლება. შიდა ქართლის ზოგიერთ მიკრორაიონში გვიანდლამდე ურწყავ მინდორში ხორბლის საკმაოდ კარგი მოსავალი მოჰყავდათ.

ასე მაგ., ვანათის სარწყავი არხი 1953 წელს შევიდა ექსპლოატაციაში³⁸. მანამდე სოფლების: ვანათის, არბოს, წვრიმალას, ერედვის, კოხათის, არგვიცის და ნაწილობრივ დიციის და ერგნეთის სახნავ-სათესი მინდვრები ურწყავი იყო. მაგრამ ერედვის მინდორზე მოწეული პური დიდი და პატარა ლიახვის ხეობაში დიდი პატივით სარგებლობდა. ურწყაობა აქ დაძლეული იყო ზენა-თესვის ვადების და ამინდის შესაბამისად მეურნეთა აქტიური მოქმედების წყალობით. დასაზღვრებული სოფლების მინდორზე, გარდა ხორბლეულისა, მოჰყავდათ აგრეთვე შესანიშნავი სიმინდი, რომლის თესვის ვადებს საგანგებოდ იცავდნენ და თოხნის განსაკუთრებულ მეთოდს იყენებდნენ. სახელდობრ სიმინდის მეორე თოხნისას სიმინდის ძირს საკმაოდ დიდად შემოუკოკოლავებდნენ, რომ ფესვთან მეტი სინესტე შემოენახათ. ანალოგიური სურათი იყო დიდი ლიახვის. მარჯვენა მხარისა და ტირიფონის ველის ურწყავი სოფლის მინდვრებზე.

მაგრამ ინტენსიური მიწათმოქმედება სარწყავ რაიონებში მხოლოდ მორწყვის შედეგად შეიძლებოდა განვითარებულიყო. ჩვენ მიერ ჩამოთვლილი სოფლებიდან ერედვს, არგვიცს და წვრიმალას არც ერთს თავისი სოფლის მიდამოში ვენახისა და ხალის ბაღები არა ჰქონია. მათი სამეურნეო წარმოება მხოლოდ მემინდვრეობით ამოიწურებოდა. მცირე რაოდენობით გამწვევ ძალას და მეწველ პირუტყვს ინახავდნენ. ბაღები და ვენახები ძალზე მცირე რაოდენობით მხოლოდ

36 ნ. ბერძენიშვილი, ერთი ფურცელი ისტორიულ-გეოგრაფიული კრებულიდან, მიგკ. 1—1960, გვ. 155.

37 ი. კიკვიძე, დასახ. ნაშრომი, გვ. 22.

38 რ. კვერე ნიხილაძე, სამხრეთ ოსეთი, 1968, გვ. 96.

რამდენიმე ოჯახს სარწყავ სოფლებში ჰქონდა. ეს ბალ-ვენახები შე-
ძენილი იყო. მაგ., სოფელ ქორდში (გორის რაიონი) ვენახი ჰქონდათ
მთის სოფელ ვანათელ მახნიაშვილებს. ამ ვენახის ფართობი 0,5 ჰას
შედგენდა, ამავე სოფელში ვენახი ჰქონდათ მთის სოფელ სარაბუ-
კელებს (0,5 ჰა). ერედველ მაისურაძეებს ხილის ბაღი (0,5 ჰა), ქორ-
დის სარწყავ მინდორზე იყო აგრეთვე 1 ჰა ხილის ბაღი და ვენახი
ერედველებისა. ურწყავი იყო სამგორ-ვაზიანის მინდორი, მაგრამ
საუკეთესო ხორბლეული მოჰყავდათ. ასევე ურწყავი მინდვრები გა-
ჩნდათ ხაშმელებს, გიორგიწმინდელებსა და საგარეჯოელებს, მაგრამ
თბილისის მოსახლეობა განსაკუთრებულ მნიშვნელობას ანიჭებდა ხაშ-
მელების მოყვანილ ხორბლეულს და მის შეძენას ცდილობდა. ასევე
ქალაქ გორის მცხოვრებნი დიდ უპირატესობას ანიჭებდნენ ნადარბა-
ზევის ურწყავი მინდვრის მახობლიან ხორბლეულს.

ჩამოთვლილი მაგალითები იმაზე მიუთითებს, რომ საქართველო-
ში როგორც ურწყავი, ისე სარწყავი მემინდვრეობა განვითარების მა-
ღალ დონეზე იდგა, რომ ქართლში მინდვრის კულტურები ურწყავო-
ბას იტანს და ეგუება, მიწათმოქმედების სხვა დარგები კი არა, მაგრამ
აქ, რასაკვირველია, კორექტივი ის იქნება, რომ მიწათმოქმედების
სხვა დარგები დასავლეთ საქართველოში მორწყვის გარეშე კარგად
ვითარდება. აღმოსავლეთ საქართველოში მრავლად იყო ურწყავი მიკ-
რორაიონები, სადაც ვენახიც გვარობდა და ხილიც, მაგრამ როგორც
ვახუშტი ბატონიშვილი შენიშნავდა „მოსავლიანი და უწყლობით არა
მრავალნაყოფიერნი“³⁹. მორწყვის სიკეთე ქართველი ხალხის სამეურ-
ნეო ყოფაში ძველი დროიდანვე მძლავრად ასახულა. უკანასკნელი
დროის არქეოლოგიურმა და ისტორიულ-ეთნოგრაფიულმა ძიებამ⁴⁰
საქართველოში მორწყვის კულტურის სიძველე და მაღალი სამეურნეო
დონე წარმოაჩინა.

საქართველოში მთლიანად 1914 წლისათვის 112400 ჰა ირწყოდა,
1966 წლისათვის კი 663000 ჰა⁴¹. ძველი სარწყავი სისტემების ძირი-
თადი წილი ქართლის მემინდვრეობაზე მოდის, სადაც განსაკუთრე-
ბით შიდა ქართლი გამოირჩევა. როგორც ისტორიული და არქეოლო-
გიური მონაცემები ცხადყოფენ, აღმოსავლეთ საქართველოს ტერი-

39 ვახუშტი ბატონიშვილი, აღწერა სამეფოსა საქართველოსა,
გვ. 65.

40 ნ. ბერძენიშვილი, ერთი ფურცელი ისტორიულ-ეთნოგრაფიულ
კრებულიდან, გვ. 1, 1960; ი. კიკვიძე, მორწყვა ძველ საქართველოში, 1963;
მ. გეგეშიძე, სარწყავი მიწათმოქმედება საქართველოში, 1961.

41 ნ. იაშვილი, მელიორაცია სოფლის მეურნეობაში, I, 1970, გვ. 152.

ტორიაზე ძველი წ. ა. V—IV ათასეულში უკვე არსებობდა მარტივო სარწყავი რუები⁴². გვიან ბრინჯაოს ხანაში ამიერკავკასიაში მარტივო სარწყავი სისტემები ფართო მასშტაბს ღებულობს⁴³.

სარწყავი სისტემების შემდგომი განვითარება ზეგანიდან და ხევე-ბიდან ბარისაკენ ინაცვლებს. სარწყავ სისტემათა გადაადგილებას მოსახლეობის გადაადგილება მოჰყვა⁴⁴. ი. კიკვიძის მოსაზრებით „საქართველოს ძველ რუთა უმრავლესობა გატანილი უნდა ყოფილიყო ჯერ კიდევ გვაროვნული საზოგადოების მიერ, ხოლო ანტიკურ ხანაში ძირითადად ისახება საქართველოს სარწყავი სისტემების სქემა“⁴⁵. შიდა ქართლის XIX საუკუნეში მოქმედი სარწყავი რუების უმრავლესობა ძირითადად ისეთივე სქემით უნდა ვივარაუდოთ, როგორც მიიღო ფეოდალურმა საზოგადოებამ.

სარწყავი ან სასმელი წყლის არხების გაყვანას მრავალი ადამიანის შეერთებული ძალა ესაჭიროებოდა. ეს კოლექტიური შრომა შეპირობებული იყო ბინადარი მოსახლეობის მეურნეობისათვის სარწყავი სისტემის შექმნის აუცილებლობით. სარწყავი სისტემის შექმნასთან დაკავშირებული კოოპერაციული შრომა ადამიანთა საზოგადოების განვითარების სხვადასხვა ფორმაციაში თავისებურად იყო წარმოდგენილი. ამ არხების მშენებლობაზე, რომელიც ურარტუს ხანაში იყო შექმნილი, ცხადია, მონათა შრომა უნდა ყოფილიყო გამოყენებული. ბატონყმობის ხანაში კი საარხო სისტემების შემქმნელ ძალას ყმები წარმოადგენდნენ.

ფეოდალურ საქართველოში სარწყავი სისტემების მნიშვნელობა კარგად ესმოდათ, მაგრამ საქართველოს ცენტრალიზებულმა სამეფომ მხოლოდ თამარის ეპოქაში შესძლო რამდენიმე არხის გაყვანა.

მას შემდეგ, რაც საქართველო სამეფოებად დაქუცმაცდა, ცალკეულ სამეფოებში მუდმივი თავდასხმების და ეკონომიკური სიძნელეების გამო, სარწყავი არხების გაყვანა-მოწესრიგების საქმეც ერთგვარად შესუსტდა, რაც ხელახლა აღორძინდა ვახტანგ VI დროს. ვახტანგ ქართლის მეფეს სარწყავი არხების საკითხი ქვეყნის ეკონომიკური ძლიერების წყაროდ მიაჩნდა. მისი აზრით, „წყალი ასრე არის რომე,

42 Т. Чубинашвили, Л. Небиеридзе, К. Квижинадзе, Памятники V—IV тысячелетия до н. э. в Южной Грузии, Тезисы докладов, секции археологии Кавказа, пленум инст. археологии АН СССР, 1966, с. 32.

43 Б. Пиотровский, Археология Закавказья, с. 72.

44 ი. კიკვიძე, მორწყვა ძველ საქართველოში, გვ. 30—31.

45 იქვე, გვ. 9.

როცა ხელმწიფე რუს გატანას მოინდომებს, ქვეყნის შენობისა და პურის მოსავლისათვის იქმს, რომე კოდის პური არ დააკლდესო⁴⁶.

ვახტანგ VI გარიგების წიგნის მიხედვით, წყლის ერთადერთი მფლობელი ხელმწიფეა, მაგრამ წყლით სარგებლობა ყველას შეეძლო, თუ იგი ბუნებრივი მდინარის სახით იყო წარმოდგენილი. ხოლო იქ, სადაც რუს გატანა ხდებოდა, მეფე თვითონ არიგებდა ამ ახალი არხიდან როგორც წყლით სარგებლობის, ისე არხის მოვლა-დაცვის საქმეს.

მართალია ვახტანგ VI სარწყავი არხის მშენებლობა სახელმწიფოებრივი მნიშვნელობის საქმედ მიაჩნდა, მაგრამ საარხო მშენებლობა სახალხო მშენებლობად ვერ აქცია. მაშინ საარხო სამუშაოებზე მხოლოდ ის სოფლები გამოდიოდნენ, ვისაც ამ არხით სარგებლობა უწევდა. ასე, მაგ., ურბნისის არხის მშენებლობის შესახებ ვახტანგ VI გარიგების წიგნში ვკითხულობთ: „ურბნისის რუ საქაშეთამდი შინდელთ გამოიღონ, იქიდან საქაშნელთ და თუალათუბნელთ, სასირელთ და არაშენდელთ რუისის თავამდინ გამოიღონ და სხვ.“⁴⁷.

ჩვენამდე რაიმე ცნობებს არ მოუღწევია იმის შესახებ, თუ ძველად „რუს გამოღებაზე“ რა სამუშაო იარაღები იყო გამოყენებული. ერთი კი ცხადია, რომ ამ საქმეზე საბარ-სახნავი იარაღები წამყვანი როლის შემსრულებელი უნდა ყოფილიყო. ამას ნაწილობრივ ადასტურებს სხალტბის წყალშესაკრებელი არხის შახტში ნაპოვნი ლითონის ნიჩაბი (აღნიშნული არხი 1202 წელს იქნა გაყვანილი შიო მღვიმის მონასტრისათვის). აქვე ნაპოვნი იყო 20 სმ სიგრძის ოთხკუთხა „ლურსმანი“; სავარაუდოა, რომ ამ ლურსმნით კლდეს ანგრევენ⁴⁸.

ერთი ქართული თქმულებით, იკორთის მონასტრის ბერმა ლეკებისაგან ატილებული სოფელი ქვეშის დასახლება გადაწყვიტა. ამ მიზნით მას დიდ გუთანში 9 უღელი ხარი და კამეჩი შეუბამს, კამეჩებისათვის თითო თუნგი ღვინო დაუღვეინებია, არბოში გუთანი მოუკიდებია ლიახვის პირს და ამ გუთნის ნაკვალევით ქვეშში წყალი ჩამოუყვანია. მხოლოდ ამის შემდეგ ატილებულ სოფელ ქვეშში სამი კომლი დაუსახლებია და სოფელი აღუდგენია. გუთნით სარუე არხის გაჭრის მაგალითზე სხვა თქმულებებიც მიუთითებენ. მაგ., ყაიბულას რუ ვინმე ყაიბულას ლიახვიდან ბრეთამდე გუთნით გაუტანია.

46 ვ ა ხ ტ ა ნ გ VI, დასტურლამალი, მუხლი 170.

47 ი ქ ვ ე, გვ. 67.

48 შ. ხ ი დ ა შ ე ლ ი, სხალტბა-შიომღვიმის მონასტრის 1202 წ. წყალსადენი, შოთა რუსთაველის დროინდელი მატერიალური კულტურა, 1938, გვ. 263.

ცხადია, გუთნით გავლებული კვალი არ კმაროდა იმისათვის, რომ წყალი თავისუფლად წასულიყო. გუთნით გავლებულ კვალს გასუფთავება ესაჭიროებოდა. ამას გარდა გუთნს ხომ ყველგან არ შეეძლო კვალის გატანა.

არანაკლებ სამუშაოებს მოითხოვდა არხების სათავე ნაგებობების შესწორება. სათავე ნაგებობის გასამართავად ძველად სოფელი ბარნიჩაბით და ურმებით შეიყრებოდნენ ხოლმე; სათავეს გასამაგრებლად ქვას მიზიდავდნენ, მარგილებს დაასობდნენ, ზედ ფიჩხის გოდორყურებს დაწნავდნენ, გოდორყურებში ქვებს ჩაყრიდნენ ან ქვის ყორეს ბელტს მიუგდებდნენ და ამ დროებით სიმაგრეს სჯერდებოდნენ. წყალდიდობისას ასეთ „სიმაგრეებს“ მდინარე ანგრევდა, რასაც მოსდევდა სოფლის ხელახალი შეყრა და წყლის „გამოსაგდებად“ წასვლა. ახალ გატანილ რუებს ხშირად ბევრების გადაკვეთა უხდებოდა. აქ გამოყენებული იყო ბოძებზე შედგმული ხის ღარი, რომელსაც „რუსხბულას“ უწოდებდნენ.

ის პირები, რომლებიც საარხო საქმიანობაში იყვნენ დახელოვნებულნი, წყლის „მკაზმავებად“, ანუ „ქუქანებად“ იწოდებოდნენ. ქუქანკობა საკმაო ცოდნას მოითხოვდა, ამიტომ დახელოვნებულ ქუქანებს ახალგაზრდა ქუქანების აღზრდას ავალებდნენ, რის სპეციალურად ისინი სახელმწიფო ბეგარისაგან თავისუფლდებოდნენ⁴⁹.

საყურადღებოა, რომ მამულების ნასყიდობის ძველ საბუთებში გაყიდულ სახნავ-სათეს თუ ბაღ-ვენახთან ერთად, იხსენიება „წყალი“ და „საწყლისპირო“. ამ საბუთებში იმ წყალზე და იმ საწყლისპიროზე უნდა იყოს მითითებული, რომელიც უშუალოდ იმ მიწებს რწყავდა, რაც ნასყიდობის წიგნში იყო შეტანილი⁵⁰. მაგრამ ხშირად მამულის გაყიდვისას წყლის მოხმარება მტკიცედ იყო რეგლამენტირებული ან ხაზი ჰქონდა გასმული იმ გარემოებას, მისდევდა თუ არა მამულს წყლით სარგებლობის უფლება. ერთ დოკუმენტში, რომელიც 1467 წელს არის შედგენილი და ბაგრატ მეფეს მიუცია ელიოზიშვილებისადმი, აღნიშნულია: „ესე არხი ამგვარად არის ნასყიდი, რომ წვერიანმა კაცმა მისგან წყლის დაღვევის შემდეგ წვერი შიგვე უნდა ჩაიბერტყოსო“⁵¹.

ამ ისტორიულ დოკუმენტში წვერის ჩაბერტყვის ლეგენდა, რომელიც ნიჩბის, სასხორის სარწყავ რუსთან არის დაკავშირებული, სხვა

49 ა. ლოსაბერიძე, ძველი წყალსადენებისა და არხების ნაშთები, შრდმკ, 1938, გვ. 210.

50 საქართველოს სიძველენი, ტ. II, 1909; გვ. 160, 246; დოკ. საქ. სოც. ისტორიიდან, ტ. I, 1940, გვ. 41, 57, 58, 88, 145, 148 და სხვ.

51 თ. უორდანიძე, ქრონიკები, II, 288.

არხებთან დაკავშირებითაც იყო ხალხის ყოფაში შემონახული. გორის რაიონის სოფლები: არბო, ქორდი, დიცი, ერგნეთი, თერგვისი და ტირძნისის მინდვრები და ბალ-ვენახები ირწყოდა დიცურის არხით, რომელიც პატარა ლიახვიდან იყო გამოყვანილი. ამ არხის მოვლა-შენარჩუნებაზე დასახლებული სოფლები ზრუნავდნენ. არხს ემიჯნებოდა მარჯვენა მხრიდან სოფ. ერედვის ურწყავი მინდვრები, ერედველები არხით სარგებლობდნენ მხოლოდ მინდვრად მუშაობის დროს და მინდორში პირუტყვის ძოვებისას პირუტყვი მიუღიოდათ წყალზე. დიცურის მერუეთა გადმოცემით, ერედველებს წყლის დაღვევის შემდეგ წვერი უნდა დაებერტყათ, რომ არხს წყალი ბევრი არ მოკლებოდა, ანალოგიური თქმულებაა დაკავშირებული ყაიბულას რუსთან. ბრეთელების გადმოცემით: „ყაიბულას რუზე ფხვენელ კაცს რომ წყალი დაელია, ისეთი ხელშეკრულება გეჰქონდა, რომ წვერი უნდა დაებერტყა, — წყალი არ გაჰყვეს თანაო“. ანალოგიური თქმულებაა დაკავშირებული ბერშოულას რუსთანაც. ამ ლეგენდებიდან საყურადღებოა ის გარემოება, რომ წყლის ხელოვნური რუების გატანა ძალიან დიდი მნიშვნელობის პრობლემად იყო მიჩნეული, ხოლო ამ რუების დაზიანება, მოშლა და ხელყოფა ქვეყნის მოშლას უდრიდა.

მამულის გაყიდვისას წყლის გაყიდვას ერიდებოდნენ. 1727 წელს ჭავჭავიძეებს ბიძაშვილისათვის თავისი ყმის ვენახი მიუყიდიათ, მაგრამ ძმები ქაიხოსრო და გიორგი ჭავჭავიძეები საბუთში აღნიშნავენ, რომ „უწყლოდ მოგყიდეთ შენის წყლით უნდა მორწყვიდეთ“⁵².

სარწყავ წყალს, სადაც იგი მცირე რაოდენობით გააჩნდათ, პირველ რიგში ბალ-ვენახებისათვის იყენებდნენ, ხოლო შემდეგ სახნავ-სათესი მიწისათვის. ასეთ განჩინებას თვით ქართლის მეფე აწერდა ხელს და მტკიცედ უნდა ყოფილიყო დაცული⁵³.

როგორც ქალაქად, ისე სოფლად რწყვა მორიგეობით მიმდინარეობდა, მაგრამ ვახტანგ VI გარბების საფუძველზე, რაც არ უნდა წყალცოტაობა ყოფილიყო, ბატონის ბაღს თბილისში წყალი არ უნდა მოკლებოდა. ვინც ამ ბრძანებას გადავიდოდა და წყალს უჭერად აღენდა, 12 მინალთუნით ჯარიმდებოდა⁵⁴.

უფრო მძიმე სასჯელი იყო დაწესებული სოფლად; წყლის უჭეროდ წაყვანისათვის „გლები, რომელიც წყალს მოიპარავს, უნდა დაარ-

52 საქართველოს სიძველენი, II, გვ. 339.

53 იქვე, გვ. 308.

54 დასტურლამალი, გვ. 15.

ზიონ და აიკლონ“ იყო ნათქვამი XVI II საუკუნის ერთ-ერთ ბრძანებაში⁵⁵.

წყლის მოპარვისათვის დარბევა და აკლება გორის რაიონის მცირეწყლიან სოფლებში გვიანდლამდე მოქმედებდა, დამნაშავე გლეხს 5—6 კაცი სახლში მიეჭრებოდა, ხარს დაუკლავდა, ქვევრს მოუხდიდა და მის სახლშივე ღრეობდა.

რამდენადაც შორიდან მოჰყავდათ წყალი, მით უფრო ძნელი მოსაყვანი იყო ადგილამდე. სოფელ ქვეშში მცხოვრებ 95 წლის მოხუცი იოსებ გამდლიშვილის თქმით (1953 წ.) „ვანათის ბოლოდან ქვეშამდე აქაურ ხალხსა სისხლით მოჰყავდათ წყალი. ზოგჯერ სამი კვირა ვღვედით და სიმიზის თავში წყალს ვერ მივიყვანდით ხოლმეო“.

იმისათვის, რომ გატანილ რუბში წყალს სისტემატურად ედინა, რუების მეთვალყურედ სოფელი ორ კაცს გამოყოფდა. ესენი „მერუეებად“ იწოდებოდნენ. მერუე ვალდებული იყო სოფლისათვის წყალის მიწოდებაზე ეზრუნა და მოსარწყავეთათვის წყალი გაერიგებინა. მერუეს დღე და ღამე წყლისათვის უნდა ეგდო ყური. განსაკუთრებით როცა რწყვის სეზონი ღვებოდა.

ჩვენ ზემოთ სათანადო დოკუმენტების მოშველიებით აღვნიშნეთ, რომ საარხო სისტემების მეთვალყურეებად და მზრუნველებად, განსაკუთრებით მიღგაყვანილობათა მეთვალყურეებად, ამ საქმის მცოდნე პირებს ნიშნავდნენ, რომელთაც საბუთების მიხედვით ქუქანკები ეწოდებოდათ. გარდა ქუქანკებისა, წყლის არხების მეთვალყურეობა დავალებული ჰქონდათ საგანგებო პირებს, რომელთაც მეორშაბათეების სახელით მოიხსენიებს შიომღვიმის 1202 წლის სიგელი⁵⁶. საინტერესოა თვით ტერმინი „მეორშაბათე გლეხი“, ეთნოგრაფიული მასალების მიხედვით, საქართველოს სხვადასხვა კუთხეში, გარდა კვირა დღისა იცავდნენ „ქარ-სეტყვის“ უქმე ღლეებს, რაც შაბათზე ან უფრო ხშირად ორშაბათზე მოდიოდა. ამ ღლეებში მუშაობა აკრძალული იყო. ამ გადაწყვეტილების დამრღვევი ისჯებოდა ქვევრის მოხდით, ხარის დაკვლით, ოჯახის დარბევით და სხვ. უქმე ღლეების დაცვას თვალყურს ადევნებდნენ ე. წ. „მეუქმეები“. ჩვენ ვფიქრობთ, რომ მეორშაბათე გლეხი მეუქმეთა კატეგორიის კაცი უნდა იყოს, რომელსაც შესაძლებელია მერუეობა შეთავსებით ეკისრებოდა ხოლმე. მერუეობა სარწყავი სოფლების დამახასიათებელი ინსტიტუტია. სოფლე-

⁵⁵ იხ. კრებული, ივ. ჯავახიშვილის რედაქციით, 1915, გვ. 145; სანქტ.-პეტერბურგი.

⁵⁶ თ. ეორდანიია, ქრონიკები, II, გვ. 80.

ბი, როგორც მიწები მხოლოდ ნაწილობრივ ირწყოდა, მერუეობას და მეველეობას ერთ კაცს ავალებდნენ ხოლმე.

სოფელშიც, როგორც ზემოთაც აღვნიშნეთ, რწყვის მოწესრიგებისათვის რიგები იქმნებოდა. ვისაც რიგი მოუწევდა, იმას შეეძლო ერთი დღე-ღამის განმავლობაში მამულის ერთი წილის მოსარწყავად წყალი ედინა. ხშირი იყო რიგებით ვაჭრობაც; მაგ., გორის რაიონის სოფ. დიცში მოხუცების გადმოცემით, გაჭირვებულნი, ჰირნახულით ხელმოკლე კაცი რიგს გაყიდდა ხოლმე. ასეთი რიგი მათივე თქმით ზოგჯერ 3 ჩანახ სიმინდად გაყიდულა (ჩანახში 8 კილო მარცვლი ჩადის).

მერუეს სოფელი გარკვეულ გადასახადს უხდიდა, რომელსაც „სამერუეოს“ უწოდებდნენ. სამერუეო დღიურზე ერთი ჩანახით განისაზღვრებოდა. ჩვეულებრივ სარწყავიან სოფელს ორი მერუე ჰყავდა. გვალვიანობისას სოფელი დამატებით კიდევ ორ კაცს გამოჰყოფდა, რომელნიც მერუეთა თანაშემწეებად ითვლებოდნენ. ნახევრად სარწყავ სოფლებში, სადაც წყალის სარწყავ მნიშვნელობას ბაღბოსტანი განსაზღვრავდა, მერუეს არ ირჩევდნენ და მისი მოვალეობის შესრულებას მეველეს აკისრებდნენ.

გორის რაიონის ძველი სარწყავი არხები გაყვანილი იყო მდინარე დიდი და პატარა ლიახვიდან. დიდი ლიახვიდან გაყვანილი ძველი არხებიდან აღსანიშნავია ურბნისისა და სალთვისის არხები. ვახუშტი ბატონიშვილი, ორივე ამ არხს თამარ მეფეს დროს გაყვანილად მიიჩნევს, შემდეგში ერთი მათგანი, სახელდობრ სალთვისის რუ. ვახტანგ VI განუახლებია⁵⁷. ვახტანგ VI ურბნისის რუს შესახებ გარკვეული დადგენილებაც განუწესებია და დაუდგენია თუ რომელმა სოფელმა სადამდე უნდა გამოიღოს სარუე არხი⁵⁸. ასევე სავარაუდებელია ზოგიერთი მოკლე არხების არსებობა პატარა ლიახვის ბაზაზე.

უფრო გვიან გორის რაიონის ვაკეზე მრავალი სარწყავი რუ ჩნდება; მაგრამ ისეთი დიდი ველი, როგორც ტირიფონის ველია და სალთვისის მინდორი, კვლავ ურწყავად რჩებოდა. რუების ეს ქსელი არ იყო სრულყოფილი. წყალზე სოფელი სოფელს ეცილებოდა, ქვემოთ მდებარე სოფელნი ზემოთ სოფლელებს რუს სათავე ნაგებობებს უნგრევდნენ. ასეთი მოუწესრიგებლობა ხშირად სისხლისღვრით მთავრდებოდა.

⁵⁷ ვახუშტი ბატონიშვილი, გეოგრაფიული აღწერა საქართველოსა, ბროსეს გადმოცემა, გვ. 260.

⁵⁸ დასტურლამალი, გვ. 67.

ძველი პრიმიტიული სარწყავი არხის განშტოებებით გაფუჭებული იყო გზები. თვით გაყვანილი არხი ზოგჯერ იმდენად გაუმართავი ყოფილა, რომ საქონლისაგან ადვილად ზიანდებოდა. ამასთან დაკავშირებით, შეიძლება დასახელებულ იქნას საინტერესო ცნობა, რომელიც ერეკლე II ხანას ეხება. ერეკლე II თაოსნობით, მარაბლაში, 1769 წელს რუ „გაუტანიათ“. მაგრამ ერთი წლის შემდეგ მარაბდლებს მეფისათვის არზა მიუერთმევიათ, რომ რუს „ხელი ვერ დაუშთავრეთ, ისეც თარაქამის საქონელმა წაგვიხდინაო“⁵⁹. ზოგჯერ ამ ძველი არხებიდან წყალი დიდი რაოდენობით იხარჯებოდა, სარგებლიანობა კი ნაკლები იყო. „ნაწილი მოსარწყავებისა ხარბობდა, ნათესებში წყლის დიდ რაოდენობას მიუგდებდა და მამულს არეცხინებდა“. გარდა ამისა, ვისაც რიგი მოუწევდა, რწყვისათვის რაც არ უნდა არახელსაყრელი პირობები ყოფილიყო (ქარი, სიცხე), რიგის დაკარგვის შიშით, რწყვას არ გადადებდა. ამგვარ უდროო რწყვას თან სდევდა ნათესი კულტურების დაზიანება — მიწაზე „დაგება“, ან „ჩახარშვა“.

პურეული ნათესების მორწყვას დათესვისთანავე იწყებდნენ. მესხეთში ამას შელეკვას უწოდებდნენ. დიდი ლიახვის ვაკობზე შიდა ქართლის სხვა რაიონებთან შედარებით საანეულო თესვას ორი სამი კვირით ადრე იწყებდნენ. ამ ზონაში მიწა ლამიანია და გრილი. გვიან რომ დათესოს იაროვიზაციის პერიოდი უხანგრძლივდება და მარცვალი ღებება. პატარა ლიახვისა და დიდი ლიახვის შორისი მინდვრის ზოლი რუხი, შავმიწა და თირი-ლოტი⁶⁰ მიწებისაგან შედგება. ეს ზოლი ზღვის დონიდან 600—800 მეტრზე მდებარეობს და აქაც გრილი ადგილია. ამიტომ ამ ზოლშიც (განსაკუთრებით ქორდი, არბო, ერედვების მინდორში) საანეულო თესვას აშურებდნენ.

პურის ნათესს მხოლოდ ორჯერ რწყავდნენ, პირველად დათესვის შემდეგ, მეორედ კი პურის დაორსულების დროს. თუ გაზაფხული წვიმებიანი შეესწრებოდა, მაშინ პურის ნათესს მორწყვა არ უნდოდა.

ძველი ცივილიზაციის შვიდივე კერა (წინა აზია, ეგვიპტე, ჩინეთი, ინდოეთი, და სხვ.) და იქ აღმოცენებული მემინდვრობა, ძირითადად სარწყავ მიწათმოქმედებასთან იყო დაკავშირებული. სარწყავი მიწათმოქმედება ერთიორად პროდუქტიულია. მორწყვაზე გაწეული ხარჯების ყოველთვის მოგებით ანაზღაურება ხდება. მორწყვა იზიდავს მოსახლეობას, იძლევა მაღალ ეკონომიკურ მაჩვენებლებს და

⁵⁹ დოკუმენტები საქართველოს სოციალური ისტორიიდან, II, 1953, გვ. 74.

⁶⁰ ქ. დ. ო. დ. უ. ა. რჩეული ნაშრომები, I, გვ. 373.

ცხოვრების ბაზისის გაუმჯობესება-გარდაქმნის შესაძლებლობას, ამ ნიადაგზე ვითარდება სარწყავი ბაზა, საფუძველი ეყრება საქონელბრუნვას, იცვლება საწარმოო ურთიერთობანი და ზედნაშენური მოვლენები, ადამიანთა საზოგადოება ქმნის რა გაუმჯობესებულ სამეურნეო სისტემას, ეს სისტემა უკუქმედების გზით გარდაქმნის ადამიანთა შეგნებისა და განათლების დონეს.

მორწყვა ადამიანთა სამეურნეო ცხოვრების მაღალი დონის გამოხატულებაა, ურომლისოდაც კაცობრიობის ცივილიზაცია წარმოუდგენელია.

დასკვნა

საქართველო ამიერკავკასიის უძველეს ცივილიზაციაში ორი დიდი ავტონომიური კერით იყო წარმოდგენილი. დასავლეთ საქართველო, რომელიც დღეს კოლხური კულტურის სახელით არის სამეცნიერო ლიტერატურაში შესული და აღმოსავლეთ საქართველო მტკვარ-არაქსის კულტურის სახელით. ამ ავტონომიურ კერებში მოწინაურებულ იქნა გარეული ხორბლის ჯიშები. გარეული ხორბლის ჯიშებიდან კულტივირებული ხორბალი ქართველი ხალხის სამეურნეო ყოფაში ენდემების სახით გვიანდლამდე შემონახა.

ენდემურ ხორბალთან დაკავშირებულმა რთულმა სამეურნეო საქმიანობამ კლიმატურ-გეოგრაფიული და ისტორიულ ვითარებასთან ერთად საქართველოში მიკრო-ლოკალური ავტონომიური ერთეულების წარმოქმნას შეუწყო ხელი.

მიკრო-ლოკალური ავტონომიური ერთეულების დამახასიათებელია: საუკუნეების მანძილზე შეგუებული ხორბლის ჯიშების მოვლამოყვანა, სამინდერო საქმიანობის დადგენილი რთული სამეურნეო ციკლი, ამ სამეურნეო საქმიანობის საწარმოებლად მორგებული სამუშაო იარაღები და რწმენა-წარმოდგენების უძველესი ფორმები.

დასავლეთ საქართველოდან ამ თვალსაზრისით სამი მიკროერთეული გამოიყოფა: აჭარა, სვანეთი და რაჭა-ლეჩხუმი, აღმოსავლეთ საქართველოდან თუშ-ფშავ-ხევსურეთი, მესხეთ-ჯავახეთი და შიდა ქართლი.

საქართველოს პირობებში მიწათმოქმედება სამ გარკვეულ სარტყელში იყო წარმოდგენილი. ბარში, ზეგანზე და მთაში. სამივე განზომილებაში მემინდვრეობა სამეურნეო საქმიანობის ძირითადი ზრუნვისა და გლეხის შემოსავლის აუცილებელ პირობას შეადგენდა. მთის ზოგიერთ კუთხეში მემინდვრეობის ეკონომიკური დონე მესაქონლეობის დონეს ჩამოუვარდებოდა. მაგრამ გლეხური ერთეულის, ოჯახის ადგილზე დაფუძნება-დამყარების განმსაზღვრელს მიწა წარმოადგენდა.

ზეგანისა და მთის მიწათმოქმედება ზღვის დონიდან 1000 მეტრზე ზემოთ მოდის. საქართველოში ამ ზონის საერთო ფართობს მთე-

ლი ტერიტორიის ნახევარზე მეტი (51,8 %) უჭირავს. უკანასკნელი სამი საუკუნის მანძილზე მთის სამეურნეო ეკონომიკის ძირითადი წყარო მეცხოველეობა გახდა.

აღრეულ საუკუნეებში გვიანდელთან შედარებით მთის მემინდვრეობა მძლავრობდა, საქართველოს მთის ზოგიერთ რაიონში მემინდვრეობა თავისი ეკონომიკური მაჩვენებლებით მეცხოველეობას კიდევაც აღემატება. მაგრამ მთის მემინდვრეობა მიწის სიმცირის გამო ლიმიტირებულ მდგომარეობას ინარჩუნებდა, ამავე ნიადაგზე ლიმიტირებული იყო მთის მოსახლეობაც.

საქართველოში ფეოდალური საზოგადოების გამარჯვებას მოჰყვა თემური საზოგადოების საფეხურზე მდგომი მთის თანდათანობითი დამორჩილება; ეს ბრძოლა IV საუკუნიდან დაიწყო და XIII საუკუნის დასაწყისში ფეოდალური საზოგადოების გამარჯვებით დაგვირგვინდა.

საქართველოს ცალკეული კუთხეების მიხედვით საინტერესო სურათს იძლევა მიწით სარგებლობის ფორმები.

მიწის მფლობელად გამოდიოდა მეფე — სახელმწიფო, ეკლესია ხატ-სალოცავი, და ბატონი — ფეოდალი.

სახელმწიფო მიწათმფლობელობის ქვეშ ხორციელდებოდა სათემო მიწათსარგებლობა. მიწით სარგებლობის უფრო ძველმა ფორმებმა მთის სახატო მიწათსარგებლობის და მიწათმფლობელობის წესებში შემოინახა თავი. ხევსურეთის მაგალითის მიხედვით სათემო მიწა ძველ მამებზე ყოფილა ოდითგანვე განაწილებული. ძველი მამები საოჯახო თემის დაშლის შედეგად წარმოქმნილი სოციალური ერთეულია, რომელიც პატრონიმიული დიდი ოჯახის ნაყოფს წარმოადგენდა.

სათემო მიწების ხელყოფის ისტორია დიდი ხნის წინათ დაიწყო, რომელიც საუკუნეების მანძილზე გრძელდებოდა. თემი და პიროვნება ამ ბრძოლას სხვადასხვა ფორმით აწარმოებდნენ.

სათემო მიწების პერიოდული თუ ყოველწლიური განაწილების წესებში, რომელიც ეთნოგრაფიული მასალების მიხედვით იქნა რეკონსტრუირებული, ჩანს რომ მიწა ჯერ პატრონომიულ მამებზე ნაწილდებოდა, ხოლო შემდეგ საძმობზე.

ძველი მონოგენური სოფლის მამებად და პატრონომიულ ოჯახებად დანაწილებამ მიწათმოქმედების განვითარებასთან ერთად ძველი სოფლის კარული დასახლება მოშალა და დაანგრია. კარული დასახლების ადგილზე ან მის გვერდით გაჩნდა პოლიგენური დასახლებანი, რომელთაც კარი აღარ ეწოდებოდა, ის უკვე სოფელი ან დაბა იყო. სასოფლო დასახლებანი უფრო ბარის ან ზეგანის რაიონების ფარგლებში იყო მოქცეული.

მონოგენური სოფლის შლას ხელს უწყობდა მოსახლეობის ნა-
მატი, რომელიც, განსაკუთრებით მთის პირობებში, მოსახლეობას უმ-
ჯობესი ადგილების ძიებისაკენ უბიძგებდა. თემის წევრის აღზევების
წყაროს მთაში მესაქონლეობა წარმოადგენდა, ბარში კი მიწათმოქმე-
დება. ბარელთათვის აღზევების ძირითად ობიექტს ვენახი შეად-
გენდა.

თემს საერთო-სათემო მიწების გვერდით, რომელიც სახნავ-სათე-
სად იყო გადადებული, გააჩნდა სათიბ-საძოვრები, ტყეები და უვარ-
გისი ადგილები. მეთემე უვარგისი მიწის ან ტყის გატეხვის საშუალე-
ბით მოპოვებული მიწის ნამატით, რომელსაც „სამამულე მიწის და-
ჩემება“ ეწოდებოდა, თემს უპირისპირდებოდა. სამამულედ მოპოვე-
ბული მიწის ხელყოფა თემს არ შეეძლო, თუმცა მთაში ამ გზით მო-
პოვებული მიწა მიწების გადანაწილებაში ექცეოდა ხოლმე. მიწის
ნაკვეთის მოპოვებელს კი განსხვავებული მოცულობის ნაკვეთს გა-
მოუყოფდნენ, რასაც „საამაგო“ ეწოდებოდა.

მამეული ან მამული, რომელსაც პაპეულის სახელითაც იხსენებდ-
ნენ, მიწის თემური სარგებლობის პარალელურად აღმოცენებული კერ-
ძო და საპატიო საკუთრება იყო.

ქართლ-კახეთში და იმერეთში სიტყვა მამული მხოლოდ ვენახს
გამოხატავდა, ვენახის მფლობელი კი ვახტანგ VI კანონის მიხედვით
ბოგანოდ არ ჩაითვლებოდა.

შუა საუკუნეებში სახელმწიფო გარკვეულ კონტროლს უწევდა
და გლახობას უკრძალავდა სახელმწიფო მიწების სავენახე მიწებად
გადაქცევას.

მიწაზე კერძო საკუთრების განვითარების საქმეში, როგორც ჩანს,
მევენახეობა ყველა სხვა ფაქტორზე ძლიერი უნდა ყოფილიყო.

ეთნოგრაფიულ ყოფაში მოწმდება „დედული“ მიწის კატეგორი-
აც, რომელიც ქალის მზითვის ქონებით იყო შექმნილი. მამული თუ
ოჯახის საერთო საკუთრებას შეადგენდა, დედული ოჯახის წყვილის,
ე. ი. ცოლქმრის და მათი შვილების ქონებად ითვლებოდა. დედული
ქონება მიწის სახით იქნებოდა ის თუ სხვა, ოჯახის გაყრის დროს სა-
ერთო განაწილებაში არ შედიოდა.

ასე, რომ მამულით თუ თემის წევრი ოჯახის სახით თემს უპირის-
პირდებოდა, დედულით ოჯახის წევრი დიდ ოჯახს უპირისპირდებოდა.

ეთნოგრაფიულმა მასალებმა გამოავლინა მარცვლელი კულტუ-
რების მოვლა-მოყვანის ხალხური მდიდარი ემპირიული ცოდნა-გამოც-
დილებანი. საქართველოს პირობებში საუკუნეების მანძილზე მიმდი-
ნარეობდა ხორბლეული ჯიშების აქტიური კულტივაცია, მიკვლელი

იქნა დღემდე სამეცნიერო ლიტერატურაში უცნობი ტერმინები, რომელიც ხორბლის ჭიშებს გამოხატავდა, ესენია მახნია და ფასენი. ზორბლეულის ორივე სახელი მესხეთ-ჯავახეთში იქნა დამოწმებული, რაც ხაზს უსვამს ამ კუთხის ორიგინალობას მესორბლეობის დარგში.

მინდვრის მუშაობა — მემინდვრეობა საქართველოს როგორც ბარის, ისე შთის ეკონომიკური სიძლიერის პირველ წყაროს წარმოადგენდა. მემინდვრეობის კულტურის დაცემა-დაკნინება ქვეყნის დაუძლეურებას მოასწავებდა. სოფლის მუშაკთა კეთილდღეობაზე ზრუნვა უშუალოდ საუკუნეების ქართველ სახელმწიფო მოღვაწეთ კარგად ჰქონდათ შეგნებული. XIII საუკუნის ერთ სიგელში კახა თორელი მიუთითებდა და სხვებსაც აფრთხილებდა: „ვინც წინამძღუარი იყოთ, მუშაობასა ზედა მოიჭირებდით და გლეხთათვის კარგნი იყუნით, არათუ თქვენ რაიმე გაკლდა პატრონთა გარდასრულთა ჩუენთა“. „გლეხთათვის კარგნი იყუნით“ ეს იყო ერთგვარი. ლოზუნგი XIII საუკუნეში, როცა კახა თორელისავე სიტყვით „ქვეყანანი დაისყიდნეს ხარკობისაგან, ოქროი ძვირად იყვის და სოფელი იეფადო“. ქართველთათვის მიწას, მიწის საუნჯეს, მის დოვლათს, ყველა ეპოქაში დიდი მნიშვნელობა ენიჭებოდა. ვახტანგ VI დასტურლამალში მიწის დამუშავებასა და მისგან შემოსავლის გარკვეული ნორმები დააწესა. მიწის დამუშავებისა და მისი მოვლის ხალხური ემპირიული ცოდნა-გამოცდილებანი საქართველოს ცალკეული კუთხეების მიხედვით მრავალფეროვნად გამოიყურება. ნაშრომში ეს საკითხი განხილულია ამა თუ იმ კუთხის გეოგრაფიული და სოციალ-ეკონომიკური მდგომარეობის გათვალისწინებით.

ცალკეული კუთხეების მიხედვით დადგინდა მიწის დასამუშავებელი იარაღების ნაირსახეობა, გამოვლენილ იქნა სამეურნეო იარაღებთან დაკავშირებული შრომის ორგანიზაციის უძველესი ფორმები, რომელთაგან აღსანიშნავია მოსავლის აღებასთან დაკავშირებული მომკალთა შემოკრება, რომელსაც „მუყა“ ეწოდებოდა. მუყა ქართველთა ტომებად დანაწილებამდელი ტერმინი ჩანს.

ნაშრომში გარკვეული ადგილი დაეთმო მემინდვრეობასთან დაკავშირებულ რელიგიურ რწმენა-წარმოდგენების ანალიზს.

სამეცნიერო ლიტერატურაში გამოთქმულია მოსაზრება, რომ რამდენადაც ამა თუ იმ ქვეყანაში ამა თუ იმ ხორბლეულის კულტურა დიდი ხნისაა, მას მით უფრო მეტი მავნე ფაუნა ახლავს. რაც უფრო ძველია მემინდვრეობის კულტურა, მით უფრო მეტი და მრავალფეროვანი მაგიური მოქმედებებია მასთან დაკავშირებული.

მაგიურ ქმედებათა ყველაზე ძველი ფორმები დგინდება როგორც აღმოსავლეთ საქართველოს ბარში, ისე მთაში.

მაგიურ კმედებათა ერთი ნაწილი წვიმის გამოწვევის წესებში :მდგომარეობს, რომელთა უძველესი ფორმები შემონახული იქნა ქვე-
მო ქართლის და მესხეთ-ჯავახეთის რაიონებში. აღნიშნული გარემოე-
ბა იმაზედაც მიუთითებს, რომ ამ რაიონებში მემინდვრეობის კულ-
ტურა უძველესი ხანიდან მომდინარე დაარგია.

ეთნოგრაფიულ მასალას კარგად ეხმარება ბოლო დროის არქეო-
ლოგიური მონაპოვრები (შულავერი, ხოვლეგორა, ურბნისი, ამირანის
გორა და სხვ.). ენეოლითური ხანის ნამოსახლარებზე საქართველოს
ტერიტორიაზე მემინდვრეობის მიმდევარი ტომები ცხოვრობდნენ.
ენეოლითის ხანიდან მოყოლებული, მემინდვრეობის კულტურა თან-
დათან ახალ ფაზაში შედიოდა. ბრინჯაოს ხანაში მემინდვრეობის გან-
ვითარების მაღალი დონით გამოირჩევა კოლხეთი. I ათასეულის მეო-
რე ნახევარში აღმოსავლეთ საქართველოს ხეობების ბაზაზე სარწყავი
მიწათმოქმედება ვითარდებოდა. სარწყავი მიწათმოქმედების განვი-
თარებამ დაშალა ერთგვარიანი და კარული დასახლებები. შეიქმნა
ახალსოფლები და ქვენა სოფლები. სარწყავი მიწათმოქმედების გან-
ვითარება ამავე დროს აყენებდა მოთხოვნილებას მძლავრ სამიწათ-
მოქმედო იარაღზე. თუ საახოო სისტემის სტადიაზე ურწყავი მიწების
დამუშავება ხელის სამუშაო იარაღებითა და აჩაჩის ტიპის უსაკვეთ-
ლო სახვნელით შეიძლებოდა, სარწყავი და ყამირად დაგდებული მი-
წების დამუშავება თხოულობდა საკვეთლიან-ფრთიანი მძლავრი ია-
რაღების გამოყენებას.

საქართველოს როგორც მთაში, ისე ბარში ფართოდ მისდევდნენ
საახოო და სახოდაბუნო მიწათმოქმედებას. მემინდვრეობის კულტურის
მრავალფეროვნებაზე და სიძველეზე მეტყველებს საქართველო-
ში შემონახული ენდემური ხორბლის ჯიშები (მახა, ზანდური).

მესხეთ-ჯავახეთსა და ქვემო ქართლში მემინდვრეობას მრავალი
თავისებურება ახასიათებდა. აქ გამოვლინდა დღემდე სამეცნიერო ლი-
ტერატურაში უცნობი ხორბლეულის გარკვეული ჯიშების გამოხატვე-
ლი ტერმინები: მახნია და ფასენი, ამავე რაიონებში მოქმედი ჯილდა
სახვნელის ისტორია შუა საუკუნეებს სცილდება. X საუკუნის ნაჭივ-
ჭავების საფლავის ქვაზე, მისი გამოსახულების წარმოდგენა ჯილდა
სახვნელის საყოველთაო გავრცელებაზე მიუთითებს. ამდენად, მიუ-
ღებელია მოსაზრება საქართველოში ჯილდას ტიპის სახვნელის XIX
საუკუნიდან შემოსულობაზე.

მესხეთშივე მოპოვებულია ეთნოგრაფიული მასალა წვიმის გამოწ-
ვევის ორიგინალური კობარული წესის შესახებ, რომელიც სამი მო-
ხუცი ქალის ვედრებაში გამოიხატება.

წვიმის გამოწვევის ლაზარეს ძველი რიტუალი ცეკვის ელემენტებსაც შეიცავდა, ლაზარობის ჭობარულ წესში ცეკვა სამაიას იღეთები იყო წარმოდგენილი, რაც იმაზე მიუთითებს, რომ ცეკვა სამაია მოსავლიანობის საკულტო ცეკვა უნდა ყოფილიყო.

ქართველ მემინდვრეთა მაღალ სამეურნეო დონეზე მეტყველებს ამინდის წინასწარი გამოცნობა-განსაზღვრა, რასაც გებულობდნენ ცის სხეულთა მოძრაობაზე, ფრინველზე, ნადირზე, მწერებსა და ცხოველებზე დაკვირვებით.

ეთნოგრაფიული მასალების მიხედვით მთის სამიწათმოქმედო დანიშნულებით ათვისება ბარულ მონადირეთ მიეწერებათ. ამავე ლენდის მიხედვით, მთაში ბარიდან მონადირეებს მიაქვთ ხორბლეული.

საქართველოს ყველა კუთხეში მემინდვრეობა ინტენსიური ხასიათის მატარებელია, მაგრამ ეთნოგრაფიული მასალები განსაკუთრებით წარმოაჩენს შიდა ქართლს, მესხეთ-ჯავახეთს და კახეთს. აქედან შიდა ქართლი სხვა დანარჩენი კუთხეებისაგან გამოიყოფა მდინარეებისა და ხეობების სიუხვით. ეს გარემოება ხელს უწყობდა სარწყავი მიწათმოქმედების აღრიდანვე განვითარებასა და გამრავალფეროვნებას.

ყოველივე ამან ხელი შეუწყო ქართლის სამეურნეო წინსვლას, მის ეკონომიურად მოძლიერებას, რაც აგრეთვე გახდა მისი პოლიტიკური დაწინაურების პირობა.

ПОЛЕВОДЧЕСКАЯ КУЛЬТУРА ВОСТОЧНОЙ ГРУЗИИ

(историко-этнографическое исследование)

Резюме

Земля, писал К. Маркс, вот великая лаборатория, арсенал, доставляющий и средства труда, и материал труда, и место для поселения, базис коллектива¹. Эта лаборатория грузинского народа весьма своеобразна, разнообразие ее климатическо-географических условий дает возможность человеку вести многоотраслевое хозяйство.

На территории Грузии с древнейших времен сложились два очага автономной земледельческой культуры — западно-грузинский и восточно-грузинский.

В условиях Грузии земледелие характеризуется вертикальной зональностью, развито в трех зонах: на равнине, плоскогорье и в горах. Во всех этих поясах, за исключением некоторых высокогорных районов, земледелию уделялось главное внимание в хозяйственной деятельности, оно составляло важнейший источник дохода населения. Полеводство в отдельных горных районах по своему экономическому значению уступало скотоводству, но определяющим фактором экономической жизни семьи повсюду являлась земля.

Плоскогорье и горы (свыше 1000 м над уровнем моря) занимают больше половины (51%) общей площади Грузии. Основным источником экономического благополучия горного населения в последние три века было скотоводство. В более раннее время полеводство в некоторых районах Грузии по своим экономическим показателям преобладало над скотоводством. Но горное полеводство ввиду малоземелья было лимитировано. Тем самым была лимитирована также численность населения в горах.

И в восточном, и в западном земледельческом районах культивировались благородные сорта дикой пшеницы; на

¹ К. Маркс, *Формы, предшествующие капиталистическому производству*, 1940, с. 6.

высоком уровне стояла техника изготовления орудий полеводства. Климатические, географические особенности и разнообразие полевых культур способствовали возникновению и формированию микролокальных автономных единиц. Особенности их являются: разведение и уход за выведенными в течение веков сортами пшеницы, установление сложного хозяйственного цикла полевой деятельности, подбор рабочих орудий для выполнения этого цикла и древние формы верований.

С этой точки зрения в Западной Грузии выделяются три земледельческих региона: Аджара, Сванети и Рача-Лечхуми. В Восточной Грузии — Тушети, Пшав-Хевсурети, Месхет-Джавახети и Шида Картли.

Многообразны по отдельным районам Грузии и формы землевладения.

Землевладельцами выступали государство, царь, феодалы, церковь и святилища-хати.

Под видом государственного землевладения продолжало пережиточно бытовать общинное землепользование. Более древняя форма землевладения сохранилась в сфере святилищного землепользования и землевладения. В Хевсурети, например, общинная земля была издревне распределена между «старыми отцами». «Старые отцы» — социальная единица, возникшая в результате разложения семейной общины. Она представляла одну из форм патрономической организации.

Посягательство на общинные земли началось с I тысячелетия и продолжалось в течение века. Борьба между общиной и личностью носила различные формы. Реконструированная по этнографическим материалам система периодических переделов общинных земель показывает, что земля распределялась сначала между патронимиями, а затем между братствами.

Развитие древних моногенных селений, распад патрономических организаций, внутренние миграции и возникновение чересполосицы разрушили традиционную структуру села, в частности подворные (карули) или моногенные поселения. На месте моногенного поселения или рядом с ним возникло полигенное поселение, которое больше не называли двор (кари), оно стало деревней или местечком. Среди сельского населения усилилась тяга в сторону равнинных и плоскогорных районов.

Разложению моногенного села способствовало уплотнение населения, которое шло как за счет естественного роста населения данного села, так и за счет пришлого элемента. Это создавало полигенность населения и толкало его к поискам лучших мест, особенно в горных условиях.

Община наряду с пахотными землями владела сенокосами, пастбищами, лесными участками и непригодными для земледелия местами.

Члены общины, увеличивая находившиеся в их владениях земельные угодья за счет подсечных земель и вырубки лесов, что считалось «насильственным присвоением общинных земель», противоставляли себя общине. Община не могла воспрепятствовать развитию подсечного земледелия и увеличения земельных угодий, однако земля, приобретенная таким путем, обычно через некоторое время включалась в общий земельный фонд и подвергалась переделу. Хозяину за проведенную работу уступали участок земли различного объема, именуемый «саамаго», в виде вознаграждения за труд, затраченный на данный подсечный участок.

Мамеули или мамули (вотчина) — участок, который упоминается и под названием папеули (дедовский), находился в частной собственности; в Картли-Кахети и Имерети словом «мамули» (вотчина) именовали только виноградник. Владелец виноградника по законам Вахтанга VI не считался бобылем «богано».

Как видно, виноградарство в процессе развития частной собственности на землю играло существенную роль.

По этнографическим материалам подтверждается наличие и категории земель, именуемых дедули (материнская), которые составляли часть приданого матери. Имение — мамули — представляло собой общее имущество семьи, считалось собственностью супругов и их детей. Материнское имущество — дедули — в виде земли при сегментации семьи и разделе общесемейного имущества не входило в общее распределение. Таким образом, член общины, владея вотчиной — «мамули» — противостоял общине, а член семьи — владелец дедули (материнской земли) противостоял большой семье.

Этнографические материалы выявили богатые эмпирические знания и опыт народа, накопленные в процессе разведения и ухода за зерновыми культурами. В Грузии в течение веков происходило активное выведение новых сортов пшеницы. Автором установлены неизвестные до настоящего времени в научной литературе термины, обозначающие сорта пшеницы — махния и пасени. Оба названия засвидетельствованы в Месхет-Джавахети, что подчеркивает роль этого района в деле развития земледельческой культуры Грузии.

Полеводство было основным источником экономического могущества Грузии — как равнины, так и гор. Упадок полеводческой культуры и сокращение посевных площадей указывало на ослабление страны. Значение благосостояния сельских рабочих для экономической жизни страны было осознано жителями средневековой Грузии. В одной из грамот

XIII в. Каха Торели предостерегал — «Кто будет настоятелем (монастыря), будьте добрыми с крестьянами, ибо наши предки ничего худого от них не видели. «Будьте добрыми для крестьян» — это было своеобразным лозунгом в XIII в., когда по словам Каха Торели, «страна страдала от налогов, золото дорого ценилось, а селения — дешево».

В «Дастурламале» Вахтанга VI (XVIII в.) были установлены определенные нормы на обработку земли и получение с нее доходов. Народные эмпирические знания и опыт обработки земли и ухода за ней были разнообразны по отдельным районам Грузии.

В труде определенное место отведено анализу религиозных верований, связанных с полеводством.

Самые древние формы магических действий бытовали во всех районах Восточной Грузии. Часть из них была представлена в виде обряда вызывания дождя. Древние формы этого обряда наиболее широко практиковались в районах Квемо-Картли и Месхет-Джавахети. Это обстоятельство указывает на то, что полеводческая культура в этих районах является древнейшей ведущей отраслью хозяйства.

На древнейших селищах энеолитической эпохи на территории Грузии жили племена, занимавшиеся полеводством. С этой эпохи культура полеводства постепенно входила в новую фазу. В конце II тысячелетия до н. э. полеводство выдвигается в Восточной Грузии. В эпоху бронзы высокой степенью развития выделялась Колхида. Во второй половине I тысячелетия до н. э. в равнинах Восточной Грузии развивается орошаемое земледелие. В результате развития последнего происходило разложение моногенных поселений. Значительные сдвиги наметились в структуре села. Развитие орошаемого земледелия вызвало вместе с тем потребность в более мощных земледельческих орудиях. Если в условиях подсечного земледелия обработку неорошаемых земель производили ручными орудиями и сохой «ачача» (пахотное орудие без резака), то обработка орошаемых и целинных земель требовала использования мощных орудий с резакком и отвалом. В Грузии как на равнине, так и в горах в широком масштабе занимались земледелием на расчищенных лесных участках и приусадебным земледелием. О многосторонности и древности культур полеводства говорит наличие таких эндемичных сортов пшеницы, как маха и зандури.

В работе особое место уделено и формам организации труда в земледелии. Во второй половине XIX века как в горах, так и в низменных частях Грузии наряду со старыми формами организации труда возникают новые трудовые отношения, или же старые формы организации труда претерпевают определенную трансформацию. Такими являются «мамитади»,

участники которой работали безвозмездно ради хорошего угощения. Такие трудовые отношения В. И. Ленин называл «отработочной системой», когда крестьяне работали «даром за одно угощение, чтобы не лишиться других заработков»². Одновременно, особенно зажиточные крестьяне, в сельскохозяйственных работах активно применяли наемный труд, что Ленин считал «главным признаком и показателем капитализма в земледелии»³.

Плеводство в Месхет-Джавахети и в Нижней Картли отличается многими характерными особенностями. Здесь выявлены неизвестные в научной литературе термины, касающиеся полеводства и сортов пшеницы. В этих же районах был зафиксирован специализированный тип пахотного орудия джилга, используемого на плоскогорье. История этого пахотного орудия выходит за рамки средневековья. На могильном камне X в. селище Чивчава имеются изображения, указывающие на глубокую древность и широкое распространение джилга. Поэтому мы не можем согласиться с высказанным в литературе мнением, якобы пахотное орудие джилга было завезено в Грузию в XIX веке.

В Месхете был собран этнографический материал об оригинальном обряде — вызывании дождя, который выражался в молитве трех старух. Древний ритуал вызывания дождя «Лазаре» включал и элементы танца Самая, что указывает на связь этого танца с культом плодородия.

Свидетельством высокой земледельческой культуры Грузии являются накопленные народом в течение тысячелетних наблюдений астрономические знания, позволяющие земледельцам по положению звезд определять сроки начала и конца сельскохозяйственных работ; они также умели предсказывать погоду по небесному своду, по поведению животных, птиц и насекомых.

Этнографические материалы свидетельствуют, что движение за освоение территории с целью развития земледелия было направлено снизу вверх, с равнины в горы. Согласно легендам, зерновые культуры в горы занесли охотники.

Культура полеводства на территории Грузии, начиная с палеолита, развивалась на основе внутреннего развития. Самобытность полеводческой культуры Грузии подтверждается археологическими материалами и историческими данными.

² В. И. Ленин, Сочинения, 4-е изд., т. III, с. 164; А. Робакидзе. Модгами, как одна из форм эксплуатации труда в дореволюц. Грузии, „Мимхилвели“, т. II, 1951, с. 419.

³ В. И. Ленин. Соч., 4-е изд., т. 22, с. 88.

Во всех районах Грузии полеводство развивалось довольно интенсивно, но этнографические материалы на первое место выдвигают Картли, Месхет-Джавахети и Кахети. Из названных районов Картли выделяется обилием рек и речек, что способствовало раннему развитию поливного земледелия.

Все это способствовало экономическому укреплению и политическому прогрессу Картли.

შ ი ნ ა ა რ ს ი

შესავალი	3
თავი I. მემინდვრეობა თუშეთში	12
თავი II. მემინდვრეობა ფშავში	55
თავი III. მემინდვრეობა ხევსურეთში	101
თავი IV. მემინდვრეობა თერგის ხეობაში	144
თავი V. მემინდვრეობა მესხეთ-ჭავჭავთვში	189
თავი VI. მემინდვრეობა კახეთში	217
თავი VII. მემინდვრეობა ქართლში	265
დასკვნა	303
Полеводческая культура Восточной Грузии (резюме)	309